

У. К. НАЗАРОВ, Х. З. ИКРОМОВА,
К. А. ТУРСУНМЕТОВ

УМУМИЙ ФИЗИКА КУРСИ

МЕХАНИКА ВА МОЛЕКУЛЯР ФИЗИКА

*Олий техник ўқув юртларида
сиртдан ва кечки бўлимларда ўқувчи
талабалар учун ўқув қўлланмаси*

ТОШКЕНТ
«УЗБЕКИСТОН»
1992

22.3
Н 18

Тақризчилар: Узбекистонда хизмат кўсатган фан арбоби, профессор М. Х. Холматов; ТошДТД доценти А. Б. Косимов; Тошкент енгил саноат институти физика кафедрасининг доценти К. Эгамбердиев.

Назаров Ү. Қ., ва бошқ.

Н 18 Умумий физика курси: Механика ва молекуляр физика: Олий техник ўқув юрт. кечки ва сиртдан ўқувчи талабалари учун ўқув қўлл. — Назаров Ү. Қ., Икромова Ҳ. З., Турсунметов К. — Т.: Узбекистон, 1992.—279 б.: расм.

Ушбу қўлланма 1988 йилда тасдиқланган физика курсининг янги программасига асосан ёзилган. Қўлланмада «Умумий физика курси» нинг механика ва молекуляр физика бўлимлари баён этилган.

Қўлланма Олий техника ўқув юртларининг сиртдан ва кечки бўлимларида инженер-техник ихтисоси бўйича ўқувчи талабалари учун мўлжалланган.

1.1.2 Автордош.

Назаров Ү. Қ. и др. Общий курс физики: Механика и молекулярная физика: Учеб. пособие для вет. и заоч.-отд.-ний ВТУЗов.

ББК 22.3я73+22.2я73+22.36я73

№ 381—92
Навоий номли УзР
Давлат кутубхонаси.

Н 1603020000—61 15—92
351 (04)—92

ISBN 5-640-0127-6

© «УЗБЕКИСТОН» нашриёти, Т., 1992 й.

СҮЗ БОШИ

ХХ аср илмий техниканинг кенг кўламли ривожланиши билан характерли. Жумладан, физика фани соҳасида квант ва нисбийлик назарияларининг яратилиши шу асрга мансубдир. Атом ва ядро физикасидаги ютуқлар техникани илдам қадамлар билан ривожланишига асос бўлибгина қолмай, инсониятнинг энергияга бўлган эҳтиёжини узил кесил ҳал этмоқда. Равшанки, фан ва техника ютуқларининг мазмунини түғри таҳлил қилиш талабаларимиздан физика фанига оид билимлар даражасининг юксак савиядада бўлишини тақозо этади. Шу боисдан, физикадан олинган билимларни мустаҳкамлаш мақсадида, инженерлар тайёрловчи олий ўқув юртларида, икки ва уч ўқув семестрларига мўлжалланган умумий физика курси киритилган. Бу курс асосида ўрта мактабда ёритилган табнат ҳодисаларини ётади.

Олий техник ўқув юртларига мўлжалланган физика курси ўрта мактаб программасидан фарқли равишда физик ҳодисаларнинг тавсифи кенгроқ ва чуқурроқ ҳолда ҳозирги замон физика масалалари ва олий математика элементлари билан бойитилган. Курснинг бу даражада кенгайтирилиши мутахассислик бўйича ўқитиладиган предметларни, замонавий техника асосларини ўзлаштиришда, инженерлик муаммоларини асослашда замин яратибгина қолмай, талабаларнинг илмий дунёқарашининг шаклланишида асосий омил бўлиб хизмат қиласди.

Давримизга хос бўлган яна бир хусусият — ахборот кўламининг кенглиги ва вақт танқислигидир. Бинобарин, олий-ўқув юртларининг талабаларига катта ҳажмдаги ўқув қўлланмаларини нашр этиш мақсадга мувофиқ бўлмаса керак. Чунки, талабалар бу китобларни ўзлаштиришга, керакли ахборотларни олишга кўп вақт сарфлайдилар. Айниқса, ҳодисалар керагидан

кўп изоҳланган бўлса, улар ўқувчида ушбу ҳодиса бўйича фикрлаш қобилиятини чеклайди, адабиёт билан ишлашга бўлган қизиқшини сусайтиради.

Олий таълимни қайта қуриш дастурида талаба ёшлиарнинг мустақил ўқишига катта эътибор берилган. Мустақил ўқишининг сифати кўп жиҳатдан замонавий ва ўзига хос методик усуллар билан ёзилган ўқув қўлланмаларининг сифатига боғлиқ. Агар турли муаллифлар томонидан ёзилган ёки таржима қилинган физика курси дарслклари мавжуд бўлса, талабалар ўз дидига мос ўқув қўлланмасини танлаб, физикага оид билим даражасини мустақил равишда оширишлари мумкин. Шу мақсадда ва бўлажак инженерларда вақт танқислигини назарга олиб, ушбу қўлланмани ёзиш фикри туғилди. Қўлланмани тайёрлашда физика курсидаги ҳодисалар ўзаро узвий боғланганинг алоҳида эътибор берилган ва кези келганда уларни табииёт ва техника ҳодисалари билан боғлиқлиги кўрсатиб ўтилган. Қўлланмада физик ҳодисалар уларнинг мазмунини сақлаган ҳолда соддароқ тилда ёритилди. Ҳодисаларни математик устқурмаси нисбатан содда ва асосли қилиб исботланган. Математик ифодаларни ўзлаштиришда китобхоннинг ўрта мактабда ва олий ўқув юртининг биринчи ўқув семестрида олган билим савиялари етарлидир.

Муаллифлар қўлланманинг мазмунини яхшилашга қаратилган ҳамма физика кафедраларининг ва хусусий шахсларнинг фикр-мулоҳазаларини чуқур миннатдорчилик билан қабул қиласидилар.

Муаллифлар.

КИРИШ

Физика фани ҳақида

Қишилик жамиятининг тараққиёти кўп жиҳатдан табиий фанларнинг, хусусан, физика фанининг ривожланиши билан боғлиқ. Зотан, физика табиат ҳодисаларини ўрганувчи асосий фанлардан биридир. Инсоният жамияти пайдо бўлибдики, у табиат ҳодисаларининг сирларини англашга интилган. Чунки табиат ҳодисаларини тафаккур этиш, билишга қизиқиш инсонга хос хусусият бўлиб, унинг тараққиёт даражасини белгилайди.

Ҳодисалар сабабини тафаккур этиш уларни кузатишдан бошланади. Кузатишлар давомида шу ҳодисага оид маълумотлар тўпланиб боради, ундаги боғланышлар системага келтирилади. Аммо табиий фанлар ва жумладан физиканинг ривожланиши кузатишларга, тажрибаларга, ҳодисаларнинг сабабини билишдаги изланишларга материалистик ёки идеалистик нуқтаи назардан ёндашишга кўп жиҳатдан боғлиқ.

Диалектик материализм асосида борлиқ дунё бирламчи, тафаккур борлиқ дунёнинг энг олий иккиламчи ҳосиласи деган муҳим фалсафий ғоя ётади. Бу дунёқараш, инсон ўз ақл идроки билан табиат ҳодисаларининг сирларини билиш, ўрганиш қобилиятига эга деб, инсонни табиат ҳодисаларини идрок этишга чорлайди. Аксинча, идеалистик ғоя ҳамма нарсаларни илоҳий руҳ билан боғлаб, инсонни табиат ҳодисалари ни ўрганишдаги қизиқишини сўндиради, таъқиб этади.

Илк бор, моддий дунёни тафаккур этишдаги материалистик дунёқарашнинг биринчи элементлари антик дунё файласуфлари Аристотель, Евклид, Лукреций, Платон, Демокрит ва бошқа мутафаккирларнинг асарларида ўз аксини топди. Кейинчалик антик даврнинг илфор фикрлари, араб олимлари ва Ўрта Осиёлик буюк алломалар — Абу Али ибн Сино, Абу Райхон

Беруний, Мирзо Улуғбек ва бошқа олимлар томонидан тўлдирилди, ривожлантирилди. Ҳусусан, Абу Райхон Беруний Ер шар шаклида эканлигини эътироф этган ва биринчи бўлиб Ернинг радиуси тўғрисида маълумот берган олимдир.

Аммо бу даврда моддий дунёning тузилиши, моддаларнинг таркиби тўғрисида аниқ бир назарияни илгари сурис мумкин эмас эди. Шу боисдан, антик дунёning файласуфлари, араб ва ўрта Осиё алломалари табиий ҳодисаларни кузатишда олган далилларини ўз асарларида илмий фараз ёки гипотеза тарзida акс эттириб қолдирганлар.

Фақат кузатишларга асосланган ва математик усткурмаси бўлмаган илмий фараз гипотеза дейилади. Дунёни билиш тўғрисидаги маълумотларнинг ортиб бориши, ўлчаш техникасининг аниқлик даражаси ошиши, математик ҳисоблаш методларининг юксалиши мавжуд бўлган гипотезаларни илмий назария даражасигача кўтариши ёки инкор этиши мумкин. Масалан, XVI асрнинг бошларида Н. Коперник Қуёш атрофидаги планеталарнинг ҳаракатини чуқур ўрганиш асосида, ўша давргача ҳукмронлик қилиб келган идеалистик назария бўлмиш — геоцентрик назариянинг асосиз эканлигини исботлаб, гелиоцентрик назарияни асослади. Қўп ўтмай, И. Кеплер планеталарнинг Қуёш атрофидаги ҳаракатига онд учта қонунни кашф этиб, гелиоцентрик назариянинг тўлиқ математик исботини берди. Астрономия ва математиканинг бу ютуғи И. Ньютон томонидан «Бутун олам тортишиш қонуни» нинг очилишига шароит туғдирди. Бу улкан кашфиёт коинотдаги жисмларнинг ҳаракатланиш қонуниятлари ва сабабларини кўрсатиш билан бир қаторда, кун билан туннинг, фаслларнинг алмасиб келиш сабабларини ойдинлаштириди. Бинобарин, материалистик дунё-қарашнинг шакл ва мазмуни кенгайди.

Математик қонуниятга эга бўлган табиат ҳодисалари, одатда физика фанининг қонунлари сифатида гавдаланади. Илмий назария эса битта ёки бир неча қонунларни ўз ичига олган ҳолда, ҳодисанинг мазмунини чуқур таҳлил этади, унинг бошқа ҳодисалар билан боғлиқлигини синтез қилиб табиатнинг бошқа қонунларининг очилишига замин яратади, турли табиий фанларнинг ривожланишига таъсир кўрсатади. Масалан, физиканинг электр қисмидаги Кулон қонуни кашф

этилгунча физика фани асосан Ньютоннинг механика-га оид қонунларини ўз ичига олган механика курсидан иборат эди. Кулон қонуни кашф этилгандан сўнг физиканинг электростатика, ўзгармас ток, электромагнетизм бўлимларига замин яратилади. Молекулалар ҳаракатига оид маълумотларнинг тўпланиши молекуляр физика, статистик физика, термодинамика бўлимларининг ривожланишига шароит туғдирди.

Шуни алоҳида эътироф этиш керакки, физикада очилган ҳар бир табиат қонуни назарий аҳамиятга эга бўлиш билан бир қаторда катта амалий аҳамиятга эга, техниканинг тараққиёт жараёнига ва бошқа фанларнинг ривожланишига ёхуд бошқа фанларнинг кашф этилишига катта ҳисса қўшади. «Бутун олам тортишиш қонуни» кашф этилганидан кейин, Қўёш системасидаги планеталар ва улар йўлдошларининг ҳаракатини ўрганишга қизиқиш кучайди. Шу муносабат билан оптик асбобларни қуриш технологияси жадаллик билан ривожлана бошлади. Бу ривожланиш физиканинг оптика қисмига асос солибгина қолмай, астрономияда катта кашфиётлар яратиш имкониятларини очиб берди. Фарадей томонидан электромагнит индукция ҳодисасининг очилиши электротехника фанига асос бўлган бўлса, Герц томонидан электромагнит тўлқинларининг кашф этилиши радиотехниканинг ривожланишига замин яратди. Физика фанининг маълум бўлимларини бошқа табиий фанларга татбиқ қилиш асосида биофизика, геофизика, химиявий физика, физик химия, астрофизика каби қатор янги фанлар юзага келди.

Демак, физика фани ривожланиб доимо миқдорий ва сифат ўзгаришлар билан бойиб боради. Чунки моддий дунёни тафаккур этишнинг чеки йўқ. Агар XIX аср охирларида модда тузилишининг 10^{-8} м билан чекланган объектларидан маълумотлар олинган бўлса, XX асрнинг бошларида атомнинг ядервий модели кашф этилиши муносабати билан тафаккур этиш даражаси 10^{-12} м бўлган объектларга кўчирилди. Ҳозирги пайтда тафаккур этишнинг бу ўлчами янада чуқурлашиб, 10^{-15} м ўлчамга эга бўлган моддий объектлардан маълумотлар олинмоқда. Айни шу вақтда, радиоастрономия методларини татбиқ қилиш орқали биздан 10^{22} м узоқликда жойлашган космик объектлардан маълумотлар олиниб, уларнинг тузилиши тўғрисидаги тажриба маълумотлари тўпланиб бормоқда. Асrimизнинг

охирларигача тафаккур этиш даражасининг чегараси яна бир неча ўн карра юксалиши мумкин.

Моддий дунёни тадқиқ этишдаги бу ютуқлар, сўзсиз физика фанининг ривожланишида катта роль ўйнагани ҳолда, моддий дунёни тафаккур этишдаги бизнинг билимлар даражасини янада юксакроқ даражага кўтаради. Шу билан бир қаторда, физика фанидаги ютуқларни ҳаётга тезкорлик билан татбиқ қилиш масалаларини тезлаштиради. Масалан, ядронинг парчаланишига оид лаборатория тажрибалари 40-йилларда кузатилган эди. 50-йилларнинг охирида ядроий парчаланиш энергияси билан ишлайдиган атом электростанциялари ишга туширилди. Қаттиқ жисмлар физикасидаги ютуқлар кибернетикага асос бўлиб-гина қолмай, электрон ҳисоблаш машиналарининг бир неча авлодларини вужудга келтиришда ижобий роль ўйнади. Ушбу ютуқлар эса, ўз навбатида, физика фанининг назарий ҳисобларини тезлаштириди, тажриба натижаларининг аниқлигини оширди, уларни система га келтиришни тезлаштириди. Бу эса физика фанида янгидан-янги кашфиётлар қилиш имкониятларини кенгайтиради, уларни амалиётга татбиқ қилиш вақтини қисқартиради.

Келтирилган мулоҳазалардан равшанки, ҳозирги ва келгусидаги фан ва техника тараққиётини физика фанисиз тасаввур қилиш қийин. Бинобарин, физика фанининг жамият тараққиётидаги роли ниҳоятда каттадир.

МЕХАНИКА

Бизни ўраб турган дунё моддий бўлиб, у абадий мавжуд бўлган узлуксиз ҳаракатланувчи материядан ташкил топган. Дарҳақиқат, юлдуз ва планеталардан тортиб, атом таркибидағи кичик зарралар ва тирик организмларнинг ҳужайраларигача — барчаси доимий ҳаракатдадир. Улардаги сифат ва миқдорий ўзгаришлар химиявий, биологик, физик ҳаракатлар туфайли юзага келади. Физик ҳаракат механик, иссиқлик, электромагнит ва бошқа турдаги ҳаракатларни бириктиради. Механик ҳаракат бошқа турдаги ҳаракатлар орасидаги энг оддисидир. У жисмларнинг ёки жисм қисмларининг фазода бир-бирига нисбатан вақт давомида взягининг ўзгаришини ўрганади.

Механик ҳаракатга мисол тариқасида космик объектларнинг ҳаракатини, инсон ақл идроки билан бунёд этилган ҳар хил машина ва механизmlарнинг ҳаракатини кўрсатиш мумкин.

Ҳар бир жисм ўз шаклига эга ва у фазода маълум ҳажмни эгаллади. Бошқа жисмларнинг таъсирида бўлмаган жисмга яккаланган жисм деб, бир неча ўзаро таъсирилашувчи жисмларнинг тўпламига эса жисмлар системаси ёки механик система дейилади. Системанинг механик ҳаракати, яккаланган жисмнинг ҳаракатига нисбатан анча мураккабдир. Лекин ҳар қандай мураккаб ҳаракатни соддароқ шаклга келтириш мумкин. Масалан, автомобиль илгариланма ҳаракат қилганда унинг ихтиёрий икки нуқтасини бирлаштирувчи тўғри чизиқ, ўзига параллел равишда кўчиб боради. Аммо унинг айрим қисмлари маркази бир тўғри чизиқда ётган айланаларни чизса (масалан, фиддирак учун), бошқа қисмлари қандайдир кесма ташқарисига чиқмай ўз ҳаракатини даврий равишда такрорлаб туради (масалан, поршень ҳаракати). Агар автомобилнинг илгариланма ҳаракатини текширишда ҳар бир қисм-

ларининг ҳаракатлари эътиборга олинса, унинг ҳаракатини ўрганиш жуда мураккаблашиб кетади. Демак, ҳар қандай жисм механик ҳаракатининг модули сифатида шундай жисмни олиш керакки, унинг механик ҳаракатида жисм қисмларининг орасидаги масофа ўзгармасин. Бундай жисм абсолют қаттиқ жисм деб аталади. Агар жисмнинг ўлчами, у ҳаракат қилаётган фазо ўлчамига нисбатан жуда кичик бўлса, бундай жисм моддий нуқта деб аталади. Физиканинг механика бўлими қаттиқ жисмларнинг илгариланма ва айланма ҳаракатларини, шунингдек оқувчан моддалар ҳаракатини, тебранма ва тўлқин ҳаракатларни моддий нуқта ҳаракати мисолларида ўрганади.

Шунинг учун биз механик ҳаракатнинг қонуниятларини, моддий нуқтанинг ҳаракати мисолида ўрганишдан бошлаймиз.

I б о б. КИНЕМАТИКА

1.1- §. Моддий нуқта кинематикаси

Биз кундалик турмушимизда жисмларнинг ҳаракати билан боғлиқ ҳодисаларни кўплаб учратамиз. Агар шу ҳаракатларга диққат билан назар ташласак, жисмнинг механик ҳаракати фазонинг ёки текисликнинг бирор қисмида ва вақт оралиғида содир бўлганини аниқлаймиз. Фазонинг ёки текисликнинг бир нуқтасидан иккинчи нуқтасига жисмнинг бирор вақт оралиғида кўчиши механик ҳаракат дейилади. Бошқача айтганда, жисмнинг бошқа жисмларга нисбатан вазиятининг вақт давомида ўзгаришига механик ҳаракат дейилади.

Кузатишлардан маълумки, жисмнинг ҳаракати ўзидан юзага келмайди. У бирор таъсир туфайли фазодаги ўрнини ўзгартириши мумкин. Лекин жисм ҳаракатининг кинематикасини ўрганишда, ҳаракатни юзага келтирувчи сабабларни инобатга олиш шарт эмас. *Механиканинг моддий нуқта ҳаракат қонуниятларини шу ҳаракатни юзага келтирувчи сабабларсиз ўрганадиган қисми кинематика дейилади.* Қинематика моддий нуқта ҳаракатини кўпинча геометрик нуқтаи назаридан текширади, холос.


Жисмларнинг фазодаги ўрнини билмасдан туриб, унинг механик ҳаракати тўғрисида фикр юритиш мумкин эмас. Масалан, кема ҳалокатга учраганда кема-

нинг радисти *SOS* сигналини бериб, атрофдаги кемаларни ёрдамга чақиради. Радист бу сигнални беришда кеманинг ўрнини аниқловчи координаталар тўғрисида маълумот бермаса, ёрдамга отланишга шай бўлган кемаларнинг капитанлари фалокатга учраган кемани қаерда излашни билмайдилар. Бинобарин, *SOS* сигналини берувчи радиист ўз ахборотида кеманинг ўрнини аниқловчи координаталарни ва фалокат юз берган вақтни, албатта, кўрсатиши шарт.

Жисмнинг ўрнини эркин фазога нисбатан аниқлаб бўлмайди. Ҳар қандай жисмнинг вазияти бошқа бир обьектга (ёки жисмга) нисбатан кўрсатилиши лозим. Масалан, «чапга», «юқорига», «пастга» деган сўзларини бирор ориентирга нисбатан ишлатганимиздагина, жисмнинг ҳаракат йўналиши ёки унинг ўрни тўғрисида маълумот ола оламиз. Акс ҳолда, бу атамалар ҳеч қандай маънога эга бўлмайди.

Жисмнинг ҳаракати ёки унинг ўрни тўғрисида маълумот олиш мақсадида *саноқ системаси* деган тушунча киритилган. Саноқ системасини ҳосил қилиш учун саноқ боши танлаб олинади. Саноқ боши сифатида нисбий тинч ёки тўғри чизиқли текис ҳаракат қилаётган ихтиёрий жисм олинади. Бу жисм *саноқ жисми* деб аталади. Саноқ жисми билан боғланган координаталар системаси ва вақтни қайд этувчи соат саноғи биргаликда саноқ системаси дейилади. Одатда, саноқ жисми билан боғланган координаталар сифатида Декарт координаталар системаси олинади. Саноқ системаси белгилангандан кейин шу системада жойлашган жисмнинг ўрнини бошқа жисмлар ўрнига нисбатан фарқ қилиш лозим. Бу масалани ҳал этишда текширилаётган жисмни саноқ боши билан 1.1-расмда кўрсатилган тўғри чизиқ орқали боғлаймиз. Саноқ бошини кузатилаётган жисм билан боғловчи йўналишли чизиқ *радиус-вектор* деб аталади. Бу векторнинг координата ўқларига бўлган проекциялари берилган моддий нуқтанинг фазодаги ўрнини аниқловчи координаталарнинг қиймати унинг координаталари бўлади ва нуқтанинг вазияти қуидагича белгиланади, яъни $M(x, y, z)$.

Саноқ системаси деган тушунча киритиш муносабати билан механик ҳаракатни яна бундай таърифлаш мумкин. Механик ҳаракат модда кўринишидаги материининг вақт ўтиши билан белгиланган саноқ системадаги вазиятининг ўзгаришидир. Кўпинча классик ме-



1.1-расм.

ханикада түғри чизиқли текис ҳаракат қилаётган ёки нисбий тинч ҳолат-даги жисмлар билан боғлиқ саноқ системаларыда содир бўлаётган механик ҳодисалар вақтга боғлиқ равишда текширилади. Маълумки, ҳар бир саноқ системаси Евклид фазоси деб аталувчи уч ўлчовли фазода жойлашган жисмлар билан боғланган (1.1-расмга қаранг). Бу фазога хос хусусият шуки, икки нуқта орасидаги энг қисқа ма-софа түғри чизиқ бўлади.


Фазо ва вақт тушунчалари түғрисидаги биринчи илмий назария Ньютон томонидан таклиф этилган. Бу назарияга кўра фазо ва вақт бир-бирига боғлиқ бўлмаган мутлақ ёки абсолют тушунчалардир. Албатта, бу назария саноқ системаси кичик тезликларда түғри чизиқли текис ҳаракат қилганда ёки у кучли майдонлар таъсиридан холи олингандагина ўз кучини сақлайди. Масофа узунлиги ва вақт оралигини тезликка ёхуд кучли майдонлар таъсирига боғлиқ бўлиши масалалари билан физиканинг релятивистик механика қисми шуғулланади. Бу механиканинг айрим элементлари VII бобда ёритилган. Ҳозир эса биз ўз мулоҳазаларимизни тезлиги v ёруғлик тезлиги $c = 3 \cdot 10^8$ м/с дан жуда кичик бўлган жисмларнинг ҳаракатини тавсиф этишга қаратамиз.

Классик тасаввурга биноан фазо бир жинсли, изотропик хоссаларга эга. Бир жинсли фазо деганда унинг нуқталари ичida имтиёзлиги йўқ эканлигини тушунмоқ лозим. Бунинг маъноси шуки, айнан бир хил механик ҳодиса, фазонинг қайси нуқтасида кузатилишидан қатъи назар, бирдай содир бўлади. Фазонинг изотроплиги унинг йўналишлари орасида имтиёзлиги йўқ эканлигини белгилайди. Масалан, координата ўқларини фазода ихтиёрий равишда йўналтирганимиз билан масштаб эталони ўз катталигини ўзгармас сақлайди.

Вақт ҳам фазо каби классик механикада ($v \ll c$ бўлганда) бир жинсли хоссага эга, яъни соатни фазонинг қайси нуқталарига жойлаштирийлик, у вақт ўтишини бирдай тезлик билан кўрсатаверади. Шундай қилиб, қайси саноқ системасини олмайлик, бу системада узунлик ва вақт ўлчовлари ўзгармайди. Бу масалаларга биз 6.4- § да батафсилроқ тўхталашибиз.

Саноқ системасини танлаб олгандан кейин бу саноқ системасида жойлашган жисмнинг механик ҳаракатини таҳлил қилишга ўтайлик. Курсимизнинг бошида механик ҳаракатни соддалаштириш мақсадида *моддий нуқта* тушунчаси киритилиши лозим эканлигини асослаган эдик. Моддий нуқта тушунчаси идеал газ, идеал суюқлик каби абстракт ёки илмий тушунчадир. Бу тушунчага асосан жисм таркибидаги ўзгаришлар, ички ҳаракатлар унинг механик ҳаракатига таъсир этмайди деб, ҳаракатланаётган жисмни идеаллаштирамиз. Шунингдек, жисмнинг ўлчамлиги кўрилаётган механик масаланинг ечимиға таъсир қилмаслиги керак. Шундай қилиб, *моддий нуқта деганда жисмнинг ўлчови, геометрик шакли ва ички тузилиши кўрилаётган механик ҳаракатда аҳамиятга эга бўлмаган ва ўзида бирор модда миқдорини мужассамлаштирган жисм тушунилади*. Бунда унинг *массаси* бир нуқтага тўпланган, деб фараз қиласиз. Масалан, Ернинг Қуёш атрофидаги ҳаракатини текширишда уни тақрибан моддий нуқта деб олса бўлади. Чунки, Ер қаърида содир бўладиган тектоник (нотекис) ўзгаришлар, циклонлар ва океанларнинг ҳаракати Ернинг Қуёш атрофидаги ҳаракатига деярли таъсир этмайди, ҳамда Ернинг радиуси ($R=6370$ км) Ер билан Қуёш орасидаги масофа ($L=1,5 \cdot 10^8$ км) га нисбатан инобатга олмас даражада кичик. Аммо Ердаги жисмларнинг ҳаракатини кузатишда Ерни моддий нуқта, деб қараш мумкин эмас.


Агар жисм фазода ҳаракатланса, унинг саноқ системасидаги вазиятини аниқловчи радиус-вектор координаталари вақтга боғлиқ равища ўзгариб боради ва бу вектор вақтнинг функцияси бўлади, яъни $r(t)$. У ўз ҳаракати давомида фазонинг чексиз кўп нуқталаридан ўтади. Шу нуқталарнинг геометрик ўрнига ёки ҳаракатланаётган жисмнинг берилган саноқ системасида чизиб қолдирганди изига унинг ҳаракат траекторияси деб аталади. Масалан, атмосфера қатламининг юқори қисмларида ўта тўйинган буғлар бўлиб, реактив само-



1.2- расм.

лёт двигателидан чиқкан ёниш маҳсулотларининг заралари буф ҳосил қилиш марказларига айланади ва самолётнинг кетидан буф (ёки тутун) шаклидаги из қолдиради. Бу самолётнинг учиш траекториясидир. Траекториянинг шакли танлаб олинган саноқ системасига боғлиқ. Масалан, фазода учётган самолёт билан боғлиқ саноқ системасига самолёт парракларининг ҳаракат траекторияси айланадан, Ер билан боғлиқ саноқ системасига винт чизиги (спирал) шаклида бўлади. Демак, траекториянинг шакли нисбий тушунча бўлиб, фақат берилган саноқ системасига нисбатан олинган траектория ҳақида фикр юритиш мумкин. Бирор саноқ системасига ҳаракатланаётган моддий нуқтанинг ёки жисмнинг маълум вақт оралиғидаги ҳаракат траекториясининг узунлиги йўл деб аталади. Уни s билан белгилаймиз. Йўл — скаляр катталик. Самолёт 3000 км йўлни ўтди деганда, у қандай йўналишда ҳаракат қилганилиги тўғрисида маълумот олинмайди. Лекин шу самолёт Тошкентдан Москвагача 3000 км йўлни ўтди десак, унинг учиш йўналиши маълум бўлади.

Ҳаракатнинг йўналишини белгилаш мақсадида \vec{r}_1 радиус-вектор билан, вақтнинг t_1 моментидаги унинг вазиятини эса \vec{r}_2 радиус-вектор билан белгилайлик. Бу икки векторларни бирлаштирувчи $\vec{\Delta r} = \vec{r}_2 - \vec{r}_1$ йўналишили кесма $t_2 - t_1 = \Delta t$ вақт оралиғида содир бўлган кўчишни кўрсатади. Энди 1.2-расмда келтирилган кўчишга ва шу кўчиш билан чегараланган траекториянинг Δs бўлагига назар ташлайлик. Бунда траектория бўлаги жисм ҳаракати тўғрисида кўпроқ маълумот бериши мумкинлигини аниқлаймиз. Дарҳақиқат, траекторияда олинган нуқталар вақтнинг ҳар бир дақиқасига жисм фазонинг қайси нуқтасига бўлганлиги ҳақида маълумот беради. 1.3-расмда моддий нуқтанинг ҳаракат траекториясида олинган кўчишлар кўрсатилган. Уларни таққослаш орқали кўчиш траекториянинг қайси қисмида ва қандай вақт



1.3- расм.

оралиғида олинганилигига қараб унинг йўналиши ўзгариб боришини кўрамиз. Демак, кўчиш ҳаракат йўналишини аниқ кўрсатиши учун кўрилаётган вақт оралиғини иложи борича кичикроқ қилиб олиш лозим. Жисмнинг ҳаракат траекториясида бир- бирiga яқин жойлашган икки вазиятини белгиловчи радиус-векторларини бирлаштирувчи ва ҳаракат йўналишини кўрсатувчи йўналишили кесма кўчиши дейилади. Чексиз кичик ғақт оралиғида кузатиладиган кўчиш, одатда \vec{dr} билан белгиланади. Вақт интервали катта бўлганда, 1.2-расмдан равшанки, кўчишнинг модули босиб ўтилган йўлга teng бўлмайди ($|\vec{\Delta r}| \neq \Delta s$). Фақат икки ҳолда, яъни ҳаракат тўғри чизиқли бўлганда ($|\vec{\Delta r}| = \Delta s$) ёки вақт интервали чексиз кичик қилиб олинганда кўчишнинг модули босиб ўтилган йўл элементига teng ($|\vec{dr}| = ds$) дейиш мумкин.

Ҳаракатланаётган жисмнинг радиус-вектори $\vec{r}(t)$ вақтга боғлиқ равишда ўзгариб бориши мумкинлигини юқорида кўрсатиб ўтдик. Бинобарин, бу векторнинг нақадар юқори тезлик билан интенсив ўзгариб боришини баҳолаш зарур. Шу мақсадда ҳаракат тезлиги деган тушунча киритилган. Тезлик v вектор катталик. Бу тушунчанинг физик моҳиятини очиш мақсадида,

аввал, тезлик вектори деган катталик билан танишайлик. Бирлик вақт оралығыда күчиш векторининг ўзгаришини күрсатадиган катталик тезлик вектори дейилади. Бу таърифга биноан 1.2-расмда берилган күчишнинг ўзгариш тезлигининг қиймати қыйидагига тенг:

$$\vec{v} = \frac{\Delta \vec{r}}{\Delta t}. \quad (1.1)$$


Амалий мақсадларда босиб ўтилган йўл Δs ни шу йўлни ўтиш учун кетган вақт оралығи Δt га нисбати $\langle v \rangle = \frac{\Delta s}{\Delta t}$ ўртача тезлик деб олинади. Бундай усул билан аниқланган катталик тезликни миқдор жиҳатдан баҳолайди. Эгри чизиқли ҳаракатда күчиш модули босиб ўтилган йўлга тенг эмаслигини инобатга олсак, (1.1) ифода билан аниқланган тезлик векторининг модули тезликтининг миқдорий қийматини аниқ ифодаламаслигини кўрамиз. Бу нисбат тезликтининг миқдорини ва йўналишини аниқ кўрсатиши учун кузатилаётган вақт оралыгини камайтириб, (1.1) дан лимит оламиз, яъни кичик вақт интервалида ($\Delta t \rightarrow 0$) радиус-вектор ўзгаришини шу вақт интервалига нисбатининг лимитини оламиз.

$$\vec{v} = \lim_{\Delta t \rightarrow 0} \frac{\Delta \vec{r}}{\Delta t} = \frac{d \vec{r}}{dt}. \quad (1.2)$$

Ушбу катталик оний тезлик вектори дейилади. Оний тезлик вектори радиус-вектордан вақт бўйича олинган биринчи тартибли ҳосилага тенг. Физик нуқтаи назардан, оний тазлик вектори етарли дараражада кичик вақт оралығыда радиус-векторнинг ўзгариши тезлигини ёки моддий нуқта траекториясининг ихтиёрий нуқтасидаги тезлигини кўрсатади. Оний тезлик векторининг координата ўқларига бўлган проекциялари

$$v_x = \frac{dx}{dt}, \quad v_y = \frac{dy}{dt}, \quad v_z = \frac{dz}{dt}$$

\vec{r} радиус-вектор ўзгаришининг координата ўқларига бўлган проекцияларидан вақт бўйича олинган ҳосилалар орқали ҳисобланади. Бу тезликлар тезлик векторининг координата ўқлари бўйича ташкил этувчилардир. 1.4-расмда траекториясининг ҳар хил нуқталарида моддий нуқта эришган оний тезлик векторлари кўрсатилган. Ҳамма ҳолда ҳам бу тезлик векторлари кузатилаётган нуқталарда эгри чизиқнинг шу нуқталарига ўтказилган уринма бўйлаб йўналган.



1.4- расм.

Юқорида қайд этганимиздек, түфри чизиқли ҳаракатда күчишнинг йўналиши ўзгармас, унинг модули босиб ўтилган йўлга тенг, яъни $|dr| = ds$. Бинобарин, түфри чизиқли ҳаракатда тезлик векторининг миқдорий катталиги (модули), (1.2) га биноан, қўйидагича аниқланади:

$$v = \frac{ds}{dt}. \quad (1.3)$$

Түфри чизиқли ҳаракатда оний тезлик босиб ўтилган йўл — кўчишидан вақт бўйича олинган биринчи тартибли ҳосилага тенг. Йўлнинг вақтга боғлиқ ифодаси берилган бўлса, ундан вақт бўйича ҳосила олиш орқали оний тезликни топамиз. Ҳаракат давомида тезликнинг йўналиши ва миқдори ўзгармас ($v = \text{const}$) қолса, бундай ҳаракат түфри чизиқли текис ҳаракат дейилади. Бу турдаги ҳаракатнинг ҳаракат тенгламасини (1.3) ифодадан осонгина топамиз. Уни қўйидагича ўзгартириб $ds = v \cdot dt$ ва тезлик ўзгармас деб бу ифодани ҳаракатнинг берилган вақт чегараларида (0 дан t гача) интеграллаймиз:

$$s = \int_0^t v \cdot dt = v \cdot t. \quad (1.4)$$

Тезлик вектори вақтга боғлиқ $\vec{v}(t)$ равишда ўзгарадиган ҳаракат ўзгарувчан ҳаракат дейилади. 1.4-расмда келтирилган моддий нуқта ҳаракатининг траекторияси ўзгарувчан ҳаракатга мисол бўлиши мумкин. Чунки, траекторияда кўрсатилган нуқталардаги моддий нуқтанинг тезлик векторлари бир-биридан катталик-

лари (миқдорлари) ва йўналишлари бўйича фарқла-
нади. Ўзгарувчан ҳаракатда тезлик векторлари ораси-
даги бу фарқ кўрилаётган вақт оралиғига боғлиқ.
Ушбу боғланишни аниқлаш мақсадида тезланиш
деган кинематик катталиқ киритилган. Тезланиш ҳам
тезлик каби — вектор катталиқдир. Бирлик вақт ора-
лиғига тезлик векторининг ўзгаришини белгилайдиган
катталиқ тезланиш дейилади. Агар 1.4-расмда кел-
тирилган A ва B нуқталардаги тезлик векторларининг
 $\vec{\Delta v} = \vec{v}_2 - \vec{v}_1$ ўзгариши $\vec{\Delta t}$ вақт оралиғига рўй берди де-
сак, таърифга биноан, тезланиш вектори

$$\vec{a} = \frac{\vec{\Delta v}}{\vec{\Delta t}} \quad (1.5)$$

га тенг бўлади. Тезланиш векторининг оний қийматини
ҳисоблаш мақсадида кичик вақт оралиғи учун, (1.5)
ифодадан лимит оламиз:

$$\vec{a} = \lim_{\Delta t \rightarrow 0} \frac{\vec{\Delta v}}{\vec{\Delta t}} = \frac{d \vec{v}}{dt} = \frac{d}{dt} \left(\frac{d \vec{r}}{dt} \right) = \frac{d^2 \vec{r}}{dt^2}. \quad (1.6)$$

Бу оний тезланиш вектори бўлиб, у тезлик векторидан
вақт бўйича олинган биринчи тартибли ҳосилага ёки
радиус-векторидан вақт бўйича олинган иккинчи тар-
тибли ҳосилага тенг. Ўнинг координата ўқларига бўл-
ган проекциялари, яъни координата ўқлари бўйича
ташкил әтuvчилари қўйидагича:

$$a = \frac{d^2 x}{dt^2}, \quad a_y = \frac{d^2 y}{dt^2}, \quad a_z = \frac{d^2 z}{dt^2}.$$

Ўзгарувчан ҳаракатда тезлик векторининг орттир-
маси «0»дан қатта бўлса ($\vec{\Delta v} > 0$), ҳаракат тезланув-
чан ва аксинча, $\vec{\Delta v} < 0$ шарти бажарилганда ҳаракат
секинланувчан бўлади. Ёхуд тезланиш векторининг
йўналиши тезлик векторининг йўналиши билан бир хил
бўлса, ҳаракат тезланувчан, қарама-қарши йўналиш-
ларда эса секинланувчан бўлади.

Тўғри чизиқли ўзгарувчан ҳаракатда тезлик векто-
рининг йўналиши ўзгармас, миқдори ўзгарувчан бў-
лади. У ҳолда (1.6) тенгламани $d\vec{v} = a dt$ шаклда ўз-
гартириб, уни ҳаракатнинг берилган вақт чегарасида
интеграллаймиз:

$$\int_{v_0}^v dv = \int_0^t a(t) dt \quad \text{еки} \quad v - v_0 = \int_0^t a(t) dt. \quad (1.7)$$

Умуман олганда тезланиш вақтга боғлиқ равишида ўзгарниши мүмкін. Хусусий ҳолда, ҳаракат тұғри чизиқли текис ўзгарувчан бўлса, тезланиш векторининг йўналиши ва миқдори вақт бўйича ўзгармас ($\vec{a}=\text{const}$) қолади. У ҳолда (1.7) ни интеграллаб $v=v_0+at$ шаклдаги тенгламани ҳосил қиласиз. Бунда v_0 моддий нуқтанинг бошланғич тезлиги; тенглама $a>0$ да текис тезланувчан, $a<0$ да текис секинланувчан ҳаракатни ифодалайди. Олинган ифодани (1.4) билан белгиланган ифодага кўяйлик:

$$s = \int_0^t (v_0 + at) dt.$$


Бу интеграл остидаги v_0 ва a катталиклар ўзгармас бўлганда, ифодани интеграллаш орқали тўғри чизиқли текис ўзгарувчан ҳаракатда босиб ўтилган йўл тенгламасини топамиз:

1.2- §. Эгри чизикли ҳаракатдаги тезланишлар

Эгри чизиқли ҳаракатда тезлик векторининг оний қиймати ва йўналиши вақт бўйича ҳаракат давомида ўзгариши мумкин. Фараз қилайлик, жисм 1.5-расмда кўрсатилгандек эгри чизиқли ҳаракатда бўлсин. A ва B нуқталардаги тезлик векторларининг айирмасини топиш мақсадида, A нуқтадаги тезлик вектори \vec{v}_1 нинг бошини шу векторнинг ўзига параллел қилиб B нуқтага кўчирамиз. У ҳолда A ва B нуқталардаги тезлик векторларининг айирмаси $\Delta \vec{v} = \vec{v} - \vec{v}_1$ га тенг. Бу векторни икки $\Delta \vec{v}_n$ ва $\Delta \vec{v}_t$ ташкил этувчи ларга ажратамиз. Бунинг учун \vec{v} тезлика \vec{v}_1 тезликка тенг кесмани оламиз. Шаклдан тезлик векторининг ортитирмаси

$$\Delta \vec{v} = \Delta \vec{v}_t + \Delta \vec{v}_n \quad (1.8)$$

икки ташкил этувчи факторлар йиғинди орқали аниқланади. Бунда $\Delta \vec{v}_t$ тезлик орттираси оний тезликкнинг миқдорий ўзгаришини баҳолайди ва у B нүктага уринмаравишда



1.5- расм.

йўналган. $\Delta \vec{v}_n$ тезлик орттирилгаси оний тезликнинг йўналиши бўйича ўзгаришини кўрсатади. Ифода (1.8) ни Δt га бўлиб, $\Delta t \rightarrow 0$ интилтириб ундан лимит оламиз:

$$\lim_{\Delta t \rightarrow 0} \frac{\Delta \vec{v}}{\Delta t} = \lim_{\Delta t \rightarrow 0} \frac{\Delta \vec{v}_t}{\Delta t} + \lim_{\Delta t \rightarrow 0} \frac{\Delta \vec{v}_n}{\Delta t}.$$


$\Delta t \rightarrow 0$ да A нуқта B га жуда яқин жойлашган ва уларнинг оний тезликлари деярли устма-уст тушадиган даражада бўлади. Бу ҳол учун (1.6) га асосан юқоридаги тенглама

$$\vec{a} = \frac{d \vec{v}}{dt} = \frac{d \vec{v}_t}{dt} + \frac{d \vec{v}_n}{dt} = \vec{a}_t + \vec{a}_n \quad (1.9)$$


кўринишга ўтади. Бу ифодадаги \vec{a}_t тангенциал ёки уринма тезланиши, \vec{a}_n нормал ёки марказга интилма тезланиши деб аталади. Демак, эгри чизиқли ҳаракатнинг берилган нуқтасидаги тезланиш векторининг оний қиймати, тангенциал ва нормал тезланишларнинг вектор йифиндисига тенг экан. \vec{a}_t — тангенциал тезланиш вақт бирлиги ичда оний тезликнинг миқдорий ўзгаришини кўрсатади ва у тезликдан вақт бўйича олинган биринчи тартибли ҳосилага тенг:

$$a_t = \frac{dv}{dt}. \quad (1.10)$$

Энди нормал тезланишнинг физик маъносини кўрайлик. 1.6- расмда B нуқта маркази O нуқтада бўлган R радиусли айланада ётган бўлсин. Радиуснинг тескари қиймати $C =$



1.6- расм.



1.7- расм.

$= \frac{1}{R}$ эса траекторияда олинган ушбу нүктанинг әгрилиги дейилади. Табиийки, шу расмда келтирилган A нүктанинг әгрилиги ўзгачадир. \vec{v} тезликда \vec{v}_1 га тенг қисмини A нүктага күчирсак, 1.6-расмда бир-бирига ўхшашиб $\Delta Av_1 C$ ва ΔAOB иккى учбұрчак ҳосил бўлади.

Юқорида қайд қилғанимиздек, $\Delta t \rightarrow 0$ интилганда AB ватарнинг узунлиги Δs ёйга, A нүктанинг әгрилиги B нүктанинг әгрилигига, $\vec{v}_1 \rightarrow \vec{v}$ га, тезликнинг $\Delta \vec{v}_n$ орттирипаси эса $d \vec{v}_n$ га интилади. Бу орттирма B нүктага ўтказилган радиус R бўйлаб марказга томон йўналган. Учбұрчакларнинг ўхашлигидан қўйидаги нисбатни ҳосил қиласми:

$$\frac{\Delta s}{R} = \frac{\Delta v_n}{v} \text{ ёки } \Delta v_n = \frac{v \cdot \Delta s}{R}$$

Нормал ёки марказга интилма тезланиш қўйидаги математик ифодага эга:

$$a_n = \lim_{\Delta t \rightarrow 0} \frac{\Delta v_n}{\Delta t} = \frac{v}{R} \lim_{\Delta t \rightarrow 0} \frac{\Delta s}{\Delta t} = \frac{v^2}{R} \quad (1.11)$$

Нормал ва тангенциал тезланишлар ўзаро перпендикуляр. 1.7-расмдан натижавий тезланиш

$$a = \sqrt{a_t^2 + a_n^2} = \sqrt{\left(\frac{dv}{dt}\right)^2 + \left(\frac{v^2}{R}\right)^2} \quad (1.12)$$

га тенг бўлади. Агар бу тезланишлардан бири, масалан, $a_n = 0$ бўлса, (1.11) ифодадан $R \rightarrow \infty$ интилиб ҳа-

ракат түғри чизиқли ҳаракат, агар $a_t = 0$ бўлса, тезликнинг фақат йўналиши ўзгариб, ҳаракат айланади бўйлаб текис ҳаракат бўлади.

Демак, түғри чизиқли ва айланма ҳаракатлар эгри чизиқли ҳаракатнинг хусусий ҳоллари экан.

II б о б. ДИНАМИКА

Аввалги бобда биз жисм ҳаракатини юзага келтирувчи сабабларни четда қолдириб, унинг кинематик катталиклари билан танишдик. Кинематик катталиклардан бири тезланишdir. Моддий нуқтанинг тезланиши маълум бўлса, ўтган бобда келтирилган ҳаракат тенгламалари ёрдамида вақтнинг ихтиёрий дақиқаси учун жисмнинг текисликдаги ёки фазодаги ўрнини аниқлаш оддий механик масалага айланади. Жисмнинг ҳаракати түғрисида тўлиқ маълумот олишда унинг олган тезланишини билиш жуда катта аҳамиятга эга. *Жисм тезланишини юзага келтирувчи сабабларни ва унинг ҳаракатини шу сабаблар билан боғланишини ўрганувчи механиканинг бўлими динамика дейлади.*

Жисмлар қандай қилиб ва нима сабабдан ҳаракат қилиши инсонларни қадимдан қизиқтириб келган. Масалан, антик дунёning буюк мутафаккири Аристотель жисмларга куч таъсир қилгандагина улар ҳаракатланиди деган бўлса, осмон жисмларининг ҳаракатини ўрганган ва гелиоцентрик системани кашф этган Коперник бу жисмларнинг ҳаракатланиш сабабларини аниқлашга уринган. Юқоридан ва қия новдан тушаётган жисмнинг ҳаракатини текширган Г. Галилей, жисмнинг новдан кейинги ҳаракати унинг инерцияси туфайли содир бўлади, деган буюк фикрни илгари сурди.

И Ньютон ўзидан олдин ўтган олимларнинг фикр-мулоҳазаларини умумлаштириб, жисмлар ҳаракатининг классик механикасига асос солди. Ушбу механиканинг статика қисмини яратишда француз олими Ж. Даламбер, Ньютон қонунларини қаттиқ жисм айланма ҳаракатига татбиқ этишда Л. Эйлер, механик масалаларнинг умумлашган методларини яратишда Ж. Л. Лагранж ва бошқа олимларнинг қўшган ҳиссалари каттадир.

Ушбу бобнинг мазмуни моддий нуқта ва жисмлар системаси учун Ньютоннинг қонунларини таҳлил қилишга бағишенгандан.

2.1- §. Ньютоннинг биринчи қонуни

Юқорида қайд этганимиздек, бирор жисмнинг фазодаги вазияти ёки ҳаракати танлаб олинган саноқ системасига нисбатан кузатилади. Фараз қиласайлик, шундай саноқ системаларидан бирида яккаланган жисм жойлаштирилган бўлсин. Саноқ системасига асос қилиб олинган моддий объект билан биз кузатаётган жисм орасида таъсирлашув йўқ даражада дейлик. У ҳолда бу жисм учун Ньютоннинг биринчи қонуни қуйидагича таърифланади. Ҳар қандай жисм тинч ёки тўғри чизиқли текис ҳаракатини бошқа жисмлар унга таъсир этмагунча, ёки таъсирларнинг ўзаро компенсацияси бузилмагунча сақлайди. Жисм нисбий тинч ёки тўғри чизиқли текис ҳаракатини сақлаш хоссасига инерция дейилади. Шу боисдан Ньютоннинг биринчи қонуни инерция қонуни деб ҳам юритилади. Бу қонун бажариладиган саноқ системаси эса инерциал саноқ системаси дейилади. Инерциал саноқ системаси тушунчаси, моддий нуқта тушунчаси каби абстракт ёки илмий тушунчадир. Чунки ҳар қандай саноқ системаси бирор жисм билан боғланган бўлиб, табиатдаги ҳамма жисмлар маълум даражада таъсирлашади. Шунинг учун Ньютоннинг биринчи қонуни идеал бажариладиган саноқ системасини кўрсатишнинг ўзи амри маҳол. Инерциал саноқ системаси текширилаётган механик ҳодисасининг табиатига, аниқлик даражасига қараб танлаб олинади. Инерция қонуни юқори аниқликда бажариладиган гелиоцентрик саноқ системасининг маркази Қуёшда бўлиб, координата ўқлари маҳсус танлаб олинган юлдузларга йўналтирилади. Космик кемаларнинг ҳаракати шу саноқ системасига нисбатан кузатилади.

Тажриба шуни кўрсатдики, Ернинг ўз ўқи ва Қуёш атрофидаги ҳаракати Ер сиртидаги транспортларнинг, жисмларнинг ҳаракатига деярли таъсир этмайди. Бинобарин, Ер билан боғлиқ геоцентрик саноқ системасини ҳам тақрибан инерциал, деб кўрса бўлади. У ҳолда Ерга нисбатан тинч ёки тўғри чизиқли текис


ҳаракат қилаётган жисм асосида ҳосил қилинган координаталар системасини инерциал саноқ системаси деб қабул қиласиз. Масалан, түғри чизиқли текис ҳаракат қилаётган вагонни инерциал саноқ системаси деб қарайлик. Вагон тұсатдан тормозланса, ундаги йўловчиларнинг олдинга «талпинишни» яхши биласиз. Бу ҳодиса Ньютон I қонунининг тасдиғидир: Ер атрофига орбита бўйлаб ҳаракатланаётган космик кема орбитадан 4 км/с тезлик билан ажралиб Ой томон түғри чизиқли текис ҳаракатланса, у ушбу тезлигини Ойнинг таъсир доирасига киргунча сақлайди. Шунга ўхшаш, Ньютон биринчи қонунининг ўринли эканлигини тасдиқловчи ҳодисаларни кўплаб келтириш мумкин.

Инерциал саноқ системаси тушунчасига биноан Ньютоннинг биринчи қонунин яна бундай ҳам таърифласа бўлади. *Инерциал саноқ системасида жойлашган жисмга бошқа жисмлар таъсир қилмаса, у ўзининг тинч ёки түғри чизиқли текис ҳаракат ҳолатини сақлайди.* Шуни эслатиш керакки, табиатда абсолют тинч ҳолат йўқ. Жисмнинг тинчлиги нисбий тушунчадир. Айнан бир жисм бир инерциал саноқ системага нисбатан тинч ҳолатда бўлса, иккинчи инерциал саноқ системага нисбатан түғри чизиқли текис ҳаракат ҳолатида бўлиши мумкин. Масалан, икки автомобиль бир хил тезлик билан түғри чизиқли текис ҳаракат қилсин. Бу автомобиллар, улар билан боғлиқ саноқ системаларига нисбатан тинч, йўл ёқасидаги жисмлар билан боғлиқ саноқ системаларига нисбатан ҳаракат ҳолатида бўлади. Шу нуқтаи назардан, нисбий тинч ёки түғри чизиқли текис ҳаракат ҳолатлари инерциал саноқ системалари нуқтан назаридан нисбий эквивалент тушунчалардир.

2.2- §. Ньютоннинг иккинчи қонуни

Ньютон I қонунининг мазмунидан ва кузатишлардан маълумки, табиатдаги жисмлар ўзаро таъсирашади. Демак, бу таъсирашувнинг катта-кичиклигини ва йўналишини аниқловчи физик катталик киритилиши керак. *Жисмлар ёки уларнинг зарралари орасидаги таъсирашувларнинг катталигини ва йўналишини баҳоловчи вектор катталикка куч дейилади.* Куч фи-

зиканинг асосий катталикларидан бири бўлиб, у қўйилиши нуқтаси, катталиги ва йўналиши билан белгиланади. Таъсирашувларнинг табиятига қараб кучнинг катталиги ва йўналиши ҳар хил қонунлар орқали аниқланади. Масалан, жисмлар таъсирашуви




2.1- расм.

бу тутун олам тортилиш қонуни, зарядлар таъсирашуви Кулон қонуни ва бошқа шаклдаги таъсирашувлар ўз табиятини акс эттирувчи қонунлар орқали баҳоланади. Лекин кучлар қандай табияти бўлишидан қатъи назар, уларнинг ҳаммаси жисм ҳаракатини ўзгартириш, яъни унга тезланиш бериш қобилиятига эга. Кўп ҳолларда куч ўзининг мавжудлигини шу хусусият орқали намойиш этади. Айрим ҳолларда, моддий нуқта табияти ҳар хил бўлган кучлар таъсирида ўз ҳаракатини ўзгартириши мумкин (21-расм). Ҳар бир куч жисм ҳаракатининг ўзгаришига мустақил таъсири этади. Лекин жисм олган тезланиш шу кучлар асосида топилган битта натижавий куч орқали белгиланади. Кучларнинг тенг таъсири этувчисини ҳисоблаш *кучлар суперпозицияси* (жамланиши) дейилади. Натижавий куч таъсири этаётган кучларнинг вектор йигиндисига тенг:

$$\vec{F} = \vec{F}_1 + \vec{F}_2 + \vec{F}_3 + \dots + \vec{F}_n = \sum_{i=1}^n \vec{F}_i \quad (1.1)$$

Куч тушунчаси киритилиши муносабати билан Ньютоннинг биринчи қонуни ўзгача мазмунга эга бўлади. *Инерциал саноқ системада жисмга таъсири этаётган кучларнинг вектор йигиндиси* ($\sum_{i=1}^n \vec{F}_i = 0$) нолга тенг бўлганда жисм тинч ёки тўғри чизиқли текис ҳаракат ҳолатларини сақлади. Демак, жисмга таъсири этаётган натижавий кучнинг катталиги нолдан фарқли ($\vec{F} \neq 0$) бўлганда унинг ҳаракати ўзгариши, яъни тезланишга эга бўлади.

Тажрибалардан маълумки, жисм ҳаракатининг ўзгариши кучга боғлиқ бўлиш билан бир қаторда, шу жисмдаги модда миқдорига ҳам боғлиқ. Ушбу фикрни



2.2- расм.

исботлаш мақсадида 2.2-расмда келтирилган тажриба моделига мурожаат этамиз. Бир жинсли модда, масалан пўлатдан тайёрланган ҳар хил радиусли шарларга бир хил катталидаги куч билан таъсир этамиз. Бунинг учун 2.2-расмда кўрсатилган ва эластик пружина билан боғланган AB пластинкани

мувозанат ҳолатидан чиқариб қўйиб юборамиз. Тажрибадан радиуси энг кичик бўлган шар энг катта тезланиш олганини пайқаймиз. Чунки у тенг вақтлар оралиғида бошқа шарларга нисбатан каттароқ йўлни босиб ўтади. Жисм ўз ҳаракат ҳолатини ўзгартирмасликка интилиши ёки унинг ўз ҳолатини сақлаш хоссаси унинг инертигини белгилайди. Инертлик ўлчови сифатида масса олинади. Инертлик массанинг пассив хусусиятидир. Лекин массанинг актив хоссаси ҳам бор. Яъни *у гравитацион майдон манбаи бўлиб, бу майдон орқали бошқа жисмларга таъсир кўрсата олиш қобилиятига эга*. Шу боисдан, *масса модданинг инертлик ва гравитацион ўлчови дейши мумкин*. Массанинг гравитацион хоссаси билан боғлиқ бўлган ҳодисаларни кейинги бобда батафсилоқ таҳлил этамиз. Ҳозир эса масса бирор ҳажмдаги модданинг ўлчови сифатида ишлатилишини кўриб чиқайлик. Тажрибалардан маълумки, масса бирор ҳажмдаги модда миқдорига пропорционал, яъни $\Delta m = \rho \Delta V$. Бунда ρ берилган модданинг турига боғлиқ бўлган катталик ва *у модданинг зичлиги дейнлади. Модданинг зичлиги бир бирлик ҳажмдаги модданинг қийматини баҳолайди*. Модда бир жинсли бўлса, унинг зичлиги

$$\rho = \frac{m}{V}, \quad (2.2)$$

массанинг ҳажмга бўлган нисбати орқали аниқланади. Бир жинсли бўлмаган моддаларнинг зичлигини ҳисоблашда модданинг чексиз кичик ҳажмини ажратиб, шу ҳажмда унинг зичлиги ўзгармас деб оламиз, яъни.

$$\rho = \lim_{\Delta V \rightarrow 0} \frac{\Delta m}{\Delta V} = \frac{dm}{dV}. \quad (2.3)$$

Бундан модданинг массаси қўйидагига тенг:

$$m = \int_V \rho dV. \quad (2.4)$$

Келтирилган мулоҳазалардан аёнки, масса бирор ҳажмдаги модданинг ўлчови сифатида ҳам олинар экан.

Масса ва куч каби асосий тушунчаларни киритгандан сўнг Ньютоннинг иккинчи қонунини таърифлашга ўтамиз. 2.2-расмда келтирилган тажриба моделидан маълумки, инертлиги ёки массаси энг катта бўлган шарнинг олган тезланиши энг кичик. Демак, куч таъсирида жисмнинг олган тезланиши унинг массасига тескари пропорционал экан. Агар таъсири этувчи кучни ошира борсак, шарларнинг шу куч таъсирида олган тезланиши ҳам ортиб боради. Демак, жисмнинг бирор куч таъсирида олган тезланиши шу таъсири этувчи кучга тўғри пропорционал. Шундай қилиб, инерциал саноқ системада жойлашган жисмга куч таъсири этса, унинг олган тезланиши

$$\vec{a} = \frac{\vec{F}}{m} \quad (2.5)$$

тенгламадан топилиши тажрибада исботланган. *Ушибу ифода Ньютоннинг иккинчи қонунини ифодалайди. Инерциал саноқ системада жойлашган жисмнинг олган тезланиши жисмга таъсири этаётган кучга тўғри, унинг массасига тескари пропорционал бўлиб, шу куч йўналишида бўлади.* Агар жисмга бир неча куч таъсири этса, унинг олган тезланиши шу кучларнинг тенг таъсири этувчисининг катталиги ва йўналиши билан аниқланади, яъни

$$\vec{a} = \frac{\sum \vec{F}_i}{m} = \frac{\vec{F}}{m}. \quad i \quad (2.6)$$

Бу қонунга биноан инертлик ўлчови сифатида $m = \frac{F}{a}$ катталикни олиш лозим. Демак, жисмга таъсири этувчи кучнинг шу куч таъсирида жисм олган тезланишига нисбати билан ўлчанадиган физик катталикни жисм массаси сифатида олиш ҳам мумкин экан. Агар масса ва тезланиш аниқ бўлса, жисмга таъсири этаётган кучни

$$\vec{F} = m\vec{a} \quad (2.7)$$

ифодадан осонгина ҳисоблаймиз. Одатда, бу ифода моддий нүқта илгариланма ҳаракат динамикасининг асосий тенгламаси дейилади.

2.3- §. Жисмнинг импульси

Классик механикада жисмнинг массаси ($m = \frac{F}{a} = \text{const}$)

ўзгармас, деб олинади. Бу ўзгармаслик жисмнинг тезлиги ёруғлик тезлиги $c = 3 \cdot 10^8$ м/с дан анча кичик ($v \ll c$) бўлгандагина ўринлидир. Ер фазосида ҳаракатланаётган жисмларнинг тезлиги ушбу талабга мос келади. Масалан, биринчи космик тезлик $v_1 \approx 8 \cdot 10^3$ м/с билан ҳаракатланувчи космик станциянинг тезлиги ёруғлик тезлигидан тахминан $4 \cdot 10^4$ марта кичик. Айрим ҳолларда куч таъсирида ҳаракатланаётган жисмлар системасининг массаси вақт давомида ўзгариши ҳам мумкин. Масалан, ҳаракатланаётган ракетанинг массаси ёқилғининг ёниши ҳисобига камайиб боради. Ҳаракат давомида унинг айрим қисмларини ташлаб юбориш ҳисобига, ракетанинг тезлиги I-космик тезликнинг қийматигача оширилади. Олдинги бобда келтирилган (1.6) ифодага кўра, Ньютоннинг II қонунини қўйидагида ўзgartирайлик:

$$\vec{F} = m \frac{d\vec{v}}{dt} = \frac{d(m\vec{v})}{dt}. \quad (2.8)$$

Масса скаляр катталиқ. Қиймати ўзгармас ёки ўзгарувчи массани ҳосила белгиси остига киритиш мумкин.

Ҳаракатланаётган жисм массасининг тезлик векторига кўпайтмаси жисмнинг импульси дейилади. Скалярнинг векторга кўпайтмаса векторни беради. Бинобарин импульс — вектор катталиқ. Таърифга биноан берилган моддий нүқтанинг импульси

$$\vec{P} = m\vec{v} \quad (2.9)$$

тезлик векторига пропорционал. Импульс ҳам физиканинг асосий тушунчаларидан бири. У физик нүқтаи назардан, жисм кўрсатиши мумкин бўлган таъсирини белгилайди. Демак, импульснинг вақт давомида ҳар қандай ўзгариши жисмга куч таъсир этажанидан далолат беради. Дарҳақиқат. (2.9) ифодани юқоридаги тенгламага қўйсан, Ньютоннинг II қонуни яна бундай кўринишни олади:

$$\vec{F} = \frac{d\vec{P}}{dt}. \quad (2.10)$$

Бу Ньютон II қонунининг умумий кўринишидир. Жисм импульс векторидан вақт бўйича олинган ҳосила үнга таъсир этаётган куч векторга тенг ёки жисмга таъсир этаётган куч жисм импульсининг ўзгариши тезлигига тенг. Хусусий ҳолда, жисмга таъсир этувчи куч нолга тенг ($\vec{F}=0$), бўлса, инерциал саноқ системасидаги жисмнинг импульси ўзгармас қолади. Бу Ньютон I қонунининг ўзга кўринишидаги таърифидир.

Шуни эътироф этиш керакки, (2.9) шаклда ёзилган импульс $v \ll c$ шартни қаноатлантирувчи жисмлар ҳаракати учун ўринли. Агар зарра ёруғлик тезлигига яқин тезлик билан ҳаракатланса, унинг импульсини ҳисоблашда массанинг тезликка боғлиқлигини ($m = \frac{m_0}{\sqrt{1-v^2/c^2}}$) иnobатта олиш лозим.


Бу ҳодисанинг тавсифи 7.6- § берилган.

2.4- §. Ньютоннинг учинчи қонуни

Жисмларнинг ўзаро таъсирашуви бир томонлама бўлмайди. Бир жисмнинг иккинчи жисмга кўрсатган таъсири, албатта, иккинчи жисмнинг биринчи жисмга акс таъсирини юзага келтиради. Улар орасидаги миқдорий муносабат Ньютоннинг учинчи қонуни орқали топилади. Инерциал саноқ системасида ўзаро таъсирашаётган икки жисмнинг таъсири ва акс таъсири кучлари миқдор жиҳатидан тенг ва таъсирашиши нуқтадарини бирлаширувчи тўғри чизик бўйлаб қарама-қарши йўналган.

$$\vec{F}_{12} = -\vec{F}_{21}. \quad (2.11)$$

2.3- расмда келтирилган биринчи жисмнинг таъсири иккинчисига, иккинчисиники — биринчисига қўйилган бўлганидан, ўзаро таъсирашаётган жисмлар мувозанатда бўлмайди. (2.11) тенгликка Ньютоннинг II қонунин татбиқ этиш асосида таъсирашаётган жисмларнинг тезланишини аниқлаймиз:



2.3- расм.

$$m_1 \vec{a}_1 = -m_2 \vec{a}_2, \text{ бундан } \vec{a}_1 = -\frac{m_2}{m_1} \vec{a}_2. \quad (2.12)$$

Демак, ўзаро таъсирлашган жисмларнинг олган тезланишлари уларнинг массаларига тескари пропорционал бўлиб қарама-қарши йўналгандир.

2.5- §. Моддий нуқталар системасининг динамикаси. Система импульсининг сақланиш қонуни

Ньютоннинг (2.6) шаклдаги қонуни инерциал саноқ системасида жойлашган якка жисм учун ўринли. Ньютоннинг учинчи қонунидан маълум бўлдики, инерциал системадаги жисмлар сонини иккига етказилса, улар (2.11) билан аниқланган кучлар билан таъсирлашиш имкониятига эга бўлади. Уларнинг олган тезланишлари (2.12) ифодадан ҳисобланади. Шу тенгламага назар ташлайлик. Бунда уларнинг тезланишлари қарама-қарши йўналганигини кўрамиз. Хўш, биргаликда олинган бу икки жисмга бирор йўналишда тезланиш бериш учун нима қилиш керак, деган савол туғилиши табиийдир. Бу муаммони ҳал этишдан олдин «система нима?»— деган саволга жавоб берайлик. *Икки ва ундан ортиқ ўзаро таъсирлашувчи жисмлар тўплами, одатда, жисмлар системаси дейилади.* Жисмлар системасига хос асосий хусусият шуки, уни ташкил қилувчи жисмлар ўзаро таъсирлашадилар. Бу таъсирлашувларнинг катталигини ва йўналишини баҳоловчи кучлар ички кучлар деб аталади. Бу кучларни, ташқи кучлардан фарқлаш мақсадида, кичик f (эф) ҳарфи билан белгилаймиз. *Фақат ички кучлар билан боғланган жисмлар тўплами ёпиқ система дейилади.* Аксинча, жисмларнинг бир қисмига ёки ҳаммасига ташқи кучлар таъсир этса, система очиқ бўлади. Ташқи куч сифатида ҳаракатлантирувчи кучлар, ҳаракат туфайли юзага келадиган ишқаланиш, қаршилик кучлари, шунингдек турли механизмларнинг тортиш ва итариш кучларини тушумоқ лозим. Шу маънода ёпиқ система тушунчаси идеал тушунчадир. Фақат коинотдаги обьектларга нисбатан ёпиқ система тушунчаси катта аниқликда қўлланилади дейиш мумкин.

2.3-расмда келтирилган иккита жисм инерциал саноқ системасида жойлашган дейлик. Уларнинг импульсларини мос равишида \vec{P}_1 ва \vec{P}_2 деб белгилаймиз. Фақат ички кучлар

таъсирида бўлган бу жисмлар учун Ньютоннинг III қонунини

$$\vec{f}_{12} + \vec{f}_{21} = 0 \quad (2.13)$$


кўринишда ёзамиш. Бунда \vec{f}_{12} биринчи жисмга иккинчи жисмнинг кўрсатган таъсир кучи бўлса, \vec{f}_{21} иккинчи жисмга биринчи жисмнинг кўрсатган таъсир кучидир. Ньютон II қонунининг (2.10) шаклдаги ифодасини юқоридаги тенгламага татбиқ этайлик. У ҳолда қўйидаги тенглама ҳосил бўлади:

$$\frac{d\vec{P}_1}{dt} + \frac{d\vec{P}_2}{dt} = \frac{d}{dt} (\vec{P}_1 + \vec{P}_2) = 0.$$

Бунда $\vec{P}_1 + \vec{P}_2$ икки жисмдан ташкил топган ёпиқ системанинг импульси. Маълумки, ўзгармас катталиқдан олинган ҳосила нолга teng. Шу боисдан юқоридаги ифодани бундай ёзамиш:

$$\vec{P}_1 + \vec{P}_2 = \text{const.} \quad (2.14)$$

Демак, системадаги жисмларга ташқи кучлар таъсир этмаса, шу системани ташкил қилган жисмлар импульсларининг вектор йиғиндиси ўзгармай қолар экан. Бунинг маъноси шуки, ўзаро таъсирилаётган жисмларнинг импульслари улар орасида ихтиёрий катталикларда тақсимланиши мумкин. Масалан, таъсирилашув туфайли бир жисмнинг импульси ошса, иккинчисини албатта камаяди. Аммо ёпиқ системанинг импульси ўзгармас қолаверади. Демак, ички кучлар инерциал саноқ системасида жойлашган системанинг импульсини ўзgartириш ёки унга тезланиш бериш қобилиятига эга эмас. Энди мулоҳазаларимизни учта жисмдан ташкил топган ва инерциал саноқ системасида жойлашган система учун умумлаштирайлик. Улар ҳам биргаликда ёпиқ системани ташкил қилсин. 2.4-расмда кўрсатилган белгилашларга биноан ҳар бир жисм учун (2.10) шаклдаги Ньютоннинг II қонуни қўйидаги кўринишларда ёзилади:



2.4· расм.

$$\frac{d\vec{P}_1}{dt} = \vec{f}_{12} + \vec{f}_{13},$$

$$\frac{d\vec{P}_2}{dt} = \vec{f}_{21} + \vec{f}_{23},$$

$$\frac{d\vec{P}_3}{dt} = \vec{f}_{31} + \vec{f}_{32}.$$

Бунда $\vec{P}_1, \vec{P}_2, \vec{P}_3$ мос равища биринчи, иккинчи ва учинчи жисмларнинг импульслари. Келтирилган тенгламаларни жамлайлик:

$$\frac{d}{dt} (\vec{P}_1 + \vec{P}_2 + \vec{P}_3) = (\vec{f}_{12} + \vec{f}_{21}) + (\vec{f}_{23} + \vec{f}_{32}) + (\vec{f}_{13} + \vec{f}_{31}) = 0.$$

Ньютооннинг учинчи қонунига кўра, қавс ичидаги кучларнинг вектор йиғиндиси нолга тенг. Шунга биноан

$$\vec{P}_1 + \vec{P}_2 + \vec{P}_3 = \text{const} \quad (2.15)$$

эканлигини ва бу ҳолда ҳам ёпиқ системанинг импульси ўзгармас бўлишини аниқлаймиз. Шу ўринда ички кучлар билан боғланган ёпиқ системадаги жисмлар импульсининг вектор йиғиндисини битта натижавий импульс билан алмаштириш мумкин эмасми, деган савол туғилиши мумкин. Ҳа, шундай қилиш мумкин. Лекин импульс — вектор катталик. Шунинг учун натижавий импульс системанинг қайси нуқтасига қўйилишини билиш керак. Бу нуқтани белгилашдан аввал (2.15) ифодани n та жисмдан ташкил топган система учун татбиқ этамиз.

Юқорида келтирилган мулоҳазаларга кўра, системанинг импульсини ўзгартириш ёки унга тезланиш бериш учун ёпиқ системани очиқ ҳолатга келтириш, яъни системага кирган жисмларнинг ҳаммасига ёки бир қисмiga ташқи кучлар билан таъсир қилмоқ зарур. Масалан, n та жисмни бириктирган жисмлар тўпламини инерциал саноқ системада жойлаштирайлик. Уларнинг ҳар бирига таъсир этадиган ташқи кучларни мос равища $\vec{F}_1, \vec{F}_2, \vec{F}_3, \dots, \vec{F}_n$ деб белгилайлик. Ҳар бир жисмга системада ($n - 1$) та жисм ички кучлар билан таъсир қиласди. Үнда биринчи жисмга таъсир қилаётган ички кучларнинг вектор йиғиндиси $\sum_{i=1}^{n-1} \vec{f}_{li}$, иккин-


чи жисмга таъсир қилаётган ички кучларнинг вектор йиғиндиси $\sum_{i=1}^{n-1} \vec{f}_{2i}$ ва ҳоказо, n - жисмга таъсир қилаётган ички кучларнинг вектор йиғиндиси $\sum_{i=1}^{n-1} \vec{f}_{ni}$ шаклларда олина-ди. Ҳар бир жисмнинг импульсидан вақт бўйича олинган ҳосила жисмга таъсир этажтан ички ва ташки кучларнинг вектор йиғиндисига teng бўлади, яъни:

$$\begin{aligned}\frac{d\vec{P}_1}{dt} &= \sum_{i=1}^{n-1} \vec{f}_{1i} + \vec{F}_1 \\ \frac{d\vec{P}_2}{dt} &= \sum_{i=1}^{n-1} \vec{f}_{2i} + \vec{F}_2 \\ &\dots \\ &\dots \\ &\dots \\ \frac{d\vec{P}_n}{dt} &= \sum_{i=1}^{n-1} \vec{f}_{ni} + \vec{F}_n\end{aligned}\quad (2.16)$$

Бу нфодаларни ҳадма-ҳад қўшамиз ва (2.13) га биноан ички кучларнинг вектор ийғиндиси нолга тенглигини инобатга оламиз. Бу амал бажарилгандан кейин юқоридаги тенгламалар системаси содда кўринишга ўтади:

$$\sum_{i=1}^n \vec{F}_i = \frac{d}{dt} \sum_{i=1}^n \vec{P}_i = \frac{d}{dt} \sum_{i=1}^n m_i \vec{v}_i . \quad (2.17)$$

Ушбу ифода ёпиқ бўлмаган система учун Ньютоннинг иккинчи қонунидир. Бунда ташқи кучларнинг вектор йиғиндинисини битта натижавий куч билан алмаштириш мумкин эмас. Чунки ташқи кучлар ҳар хил жисмларга қўйилган. Аммо импульсларнинг вектор йиғиндинисини натижавий импульс билан алмаштириш мумкин. Бу масалани ҳал этишга ўтайлик. 2.5-расмда n та жисмли ёпиқ система инерциал саноқ системасида жойлаштирилган. Равшанки, моддий нуқ-



2.5- расм.

таларнинг саноқ системасидаги ўрни ҳар хил радиус-векторлар ёрдамида аниқланади. Масалан, ихтиёрий i моддий нуқтанинг ўрни \vec{r}_i радиус-вектор билан аниқлансин. (1.2) ифодага биноан бу моддий нуқтанинг тезлиги $\vec{v} = \frac{d\vec{r}_i}{dt}$ га тенг бўлиб, уни (2.17) га татбиқ этиш орқали импульсларнинг вектор йигиндисини

$$\sum_{i=1}^n \vec{P}_i = \sum_{i=1}^n m_i \vec{v}_i = \sum_{i=1}^n m_i \frac{d\vec{r}_i}{dt} = \frac{d}{dt} \sum_{i=1}^n m_i \vec{r}_i \quad (2.18)$$

кўринишга келтирамиз. Бунда m_i — i -моддий нуқтанинг массаси. Тажрибалар шуни қўрсатадики, ички кучлар билан боғланган системани массаси бир нуқтада тўпланган моддий нуқтага ўхшатиш мумкин. Бу нуқта системанинг *инерция ёхуд масса маркази* деб аталади. Инерция марказини аниқловчи радиус-вектор

$$\vec{r}_{\text{им}} = \frac{\sum_{i=1}^n m_i \vec{r}_i}{M} \quad (2.19)$$

ифода орқали ҳисобланади. Бу ерда $M = \sum_{i=1}^n m_i$ системанинг массаси. Бу тушунчага биноан системани ташкил қилган жисмлар импульсларининг вектор йигиндисини система инерция марказининг импульси билан алмаштирамиз. (2.19) тенгламадан $\sum_{i=1}^n m_i \vec{r}_i$ нинг катталигини топиб, уни (2.18) ифодага қўйисак, натижавий импульс қўйидагича ёзилади:

$$\sum_{i=1}^n \vec{P}_i = \vec{P}_{\text{им}} = \frac{d(M \vec{r}_{\text{им}})}{dt} = M \frac{d\vec{r}_{\text{им}}}{dt} = M \vec{v}_{\text{им}}. \quad (2.20)$$

Чунки, $v \ll c$ шартини қаноатлантирувчи тезликларда система инерция массаси ($M = \text{const}$) ўзгармас деб олинади. Демак

мак, система инерция марказининг импульс вектори $\vec{P}_{\text{им}}$ система массаси билан инерция маркази тезлик векторининг кўпайтмасига teng. Инерциал саноқ системасида ёпиқ система тўғри чизикли текис ҳаракат қиласа, унинг ҳамма қисмларининг тезлиги инерция марказининг тезлигига teng. Агар система очиқ бўлса, (2.20) ифодани (2.17) га қўйиш орқали система учун Ньютоннинг II қонунини ҳосил қиласиз:

$$\sum_{i=1}^n \vec{F}_i = \frac{d\vec{P}_{\text{им}}}{dt}. \quad (2.21)$$

Системага таъсир этаётган ташқи кучларнинг вектор ийфиндиси система инерция маркази импульсининг ўзгариши тезлигига teng. Ташқи кучларнинг вектор йифиндиси нолга teng бўлиб қолса $\left(\sum_{i=1}^n \vec{F}_i = 0 \right)$, система инерция марказининг импульси ўзгармас бўлади, яъни

$$\vec{P}_{\text{им}} = \text{const.} \quad (2.22)$$

Ушбу ифода ёпиқ система учун импульснинг сақланиш қонуни бўлиб, у қуйидаги мазмунга эга. *Инерциал саноқ системасида олинган ёпиқ системанинг импульси ўзгармасдири.* Масалан, Ер билан боғлиқ инерциал саноқ системасида йўловчилар томонидан эгалланган вагон тинч ҳолатда турган бўлсин. Йўловчилар билан вагон ёпиқ системани ҳосил қиласи. Бинобарин, вагондаги йўловчилар мускул кучларини қанчалик ишга солмасинлар, бу ички кучлар вагонга тезланиш бера олмайди. Ёки гелиоцентрик инерциал саноқ системасида космик станция 4 км/с тезлик билан Ердан узоқлашаётган бўлсин. Станциянинг ҳаракати тўғри чизикли текис ҳаракат бўлиб, бу ҳаракатни станциядаги космонавтлар ўз мускул кучлари билан ўзгартира олмайди. Бу келтирилган мисоллардан айтиш мумкинки, (2.22) кўринишда ёзилган импульснинг сақланиш қонуни табиатнинг асосий қонунларидан бири. Бу қонун ҳар қандай инерциал саноқ системасида ўз кучини сақлайди. Бундан бўшлиқ фазонинг ҳамма нуқталари teng қийматли, фазо бир жинсли эканлиги келиб чиқади.

Юқоридаги (2.21) ифода моддий нуқта деб қарааш мүмкін бўлмаган улкан яхлит жисмлар учун ҳам ўринли. Фақат бунда ташқи кучларнинг вектор йиғиндинсини битта натижавий куч билан алмаштира оламиз. Тезланиш сифатида инерция марказининг тезланишини оламиз:

$$\vec{F} = \frac{d(\vec{Mv}_{\text{им}})}{dt} = M \frac{d\vec{v}_{\text{им}}}{dt} = M \vec{a}_{\text{им}}. \quad (2.23)$$

Шундай қилиб, динамика қонунлари нафақат моддий нуқталар учун, балки жисмлар тўплами ва моддий нуқта деб қарааш мүмкін бўлмаган яхлит космик обьектлар учун ҳам ўринли. Зотан, ҳар қандай система ёки улкан жисм массаси инерция марказига тўпланган моддий нуқтага эквивалентdir.

III б о б. ГРАВИТАЦИОН МАЙДОН ҚУЧ ТУРЛАРИ

Олдинги бобда куч табиатда мавжуд бўлган таъсирашувларнинг ўлчови эканлигини таъкидлаган эдик. Ҳозирги пайтгача табиатда тўрт хил, яъни *гравитацион тортишиш, электромагнит, кучсиз ва кучли* деб аталувчи таъсирашувлар мавжудлиги фанга маълум. Физиканинг асосий вазифаси бу таъсирашувларнинг табиатини ва улар билан боғлиқ ҳодисаларни ўрганишдан иборат. Механик ҳодисалар кўп жиҳатдан гравитацион таъсирашув билан боғланган. Шу бонсдан биз механика курсида гравитацион таъсирашув ва у билан боғлиқ ҳодисалар билан танишамиз. Таъсирашувларнинг қолган турлари курсимизнинг кейинги қисмларида келтирилади.

3.1- §. Гравитацион майдон.

Марказий кучлар

Гравитацион таъсирашув туфайли юзага келувчи кучлар одатда, тортишиш кучлари сифатида кузатилади. Ньютоннинг бутун олам тортишиш қонунига кўра, массалари m_1 ва m_2 бўлган икки моддий нуқталар ўз массаларининг кўпайтмасига тўғри, улар орасидаги r масофанинг квадратига тескари пропорционал куч билан тортишади:

$$F = \gamma \frac{m_1 \cdot m_2}{r^2}$$

ёки

$$\vec{F} = -\gamma \frac{m_1 \cdot m_2}{r^2} \frac{\vec{r}}{r}. \quad (3.1)$$

Бунда γ — гравитацион доимий бўлиб, массалари $m_1 = m_2 = 1$ кг ва улар орасидаги масофа $r = 1$ м бўлгандаги иккни жисм орасидаги тортишиш кучини характерлайди. Хозирги замон маълумотларига кўра, $\gamma = 6,67 \cdot 10^{-11} \text{ Н} \cdot \text{м}^2 \cdot \text{кг}^{-2}$ га тенг. Ифодадаги (—) ишора куч тортишиш кучи, яъни куч йўналиши радиус-вектор йўналишига тескари эканлигини инобатга олади; \vec{r}/r бирлик вектор бўлиб, таъсир йўналишини характерлаш учун қўлланилади.

Система ёки улкан жисмлар, массаси инерция марказида тўпланган моддий нуқтага эквивалент бўлганидан, (3.1) ифода ниҳоятда катта самовий жисмлар учун ҳам ўринлидир;

$$\vec{F} = -\gamma \frac{mM}{R^2} \frac{\vec{r}}{r}. \quad (3.2)$$

Мазкур ифодада R — система инерция марказлари орасидаги масофа. Қелтирилган бу ифодадан равшанки, Ер сиртидаги иҳтиёрий m массали жисм Ер маркази томон (3.2) ифода билан аниқланган куч билан тортилади. Ер сиртига яқин нуқталарда жойлашган жисмларнинг Ер маркази томон тортилиши оғирлик кучи дейилади, яъни $\vec{P} = m \vec{g}$. Ер ўз ўқи атрофида айланганлиги ва қутблари томон сиқилган бўлганидан, эркин тушиш тезланиши \vec{g} географик кенглика боғлиқ. Бинобарин, оғирлик кучи ҳам географик кенглика мос равишда ўзгаради. Аммо бу ўзгариш жуда кичик ва 0,6 % дан ошмайди. Агар бу ўзгаришни эътиборга олмасак, (3.2) ифодани оғирлик кучи билан таққослаштирамиз:

$$\vec{mg} = -\gamma \frac{m \cdot M_{\text{Ер}}}{R_{\text{Ер}}^2} \frac{\vec{r}}{r}. \quad (3.3)$$

Бундан эркин тушиш тезланиши учун

$$\vec{g} = -\gamma \frac{M_{\text{Ер}}}{R_{\text{Ер}}^2} \frac{\vec{r}}{r} \quad \text{ёки} \quad g = \gamma \frac{M_{\text{Ер}}}{R_{\text{Ер}}^2} \quad (3.4)$$

тенгламани ҳосил қиласыз. Демек, Ер сиртидан узоқлашынган сари әркін тушиш тезланиши Ер марказидан ҳисобланған масофанинг квадратига тескари пропорционал равища камайиб боради. Агар жисм Ер сиртига яқин нүкталарда жойлашынган бўлса, унинг Ер сиртидан кўтарилиш баландлиги $h \ll R_{\text{Ер}}$ шартга бўйсунади. Бундай ҳолларда жисм билан Ер маркази орасидаги масофани унинг радиусига тақрыйбан тенг деб оламиз:. Шу боисдан (3.4) ифодага $M_{\text{Ер}} = 5,97 \cdot 10^{24}$ кг ва $R_{\text{Ер}} = 6,37 \cdot 10^6$ м қийматларни қўйсак, әркін тушиш тезланиши учун $g \approx 9,8 \text{ м/с}^2$ катталикни ҳосил қиласыз. Бошқа сайёralардаги әркін тушиш тезланишини аниқлашда уларга мос бўлган масса ва радиуслар олинниши лозим.

Оғирлик ёки тортишиш кучи, ўз навбатида, бошқа кучларнинг юзага келишига омилкор. Дарҳақиқат, Ньютоннинг III қонунига биноан ҳар қандай таъсир акс таъсирига эга. Реакция кучлари оғирлик кучининг акс таъсиридир. Реакция кучлари сифатида жисмларнинг ҳаракатидан ҳосил бўлган $\vec{F}_{\text{иш}} = -\mu \vec{P}$ ишқаланиш кучи, ҳаво ва суюқликларда кичик тезликда ҳаракатланаётган жисмга кўрсатилган қаршилик кучи $\vec{F}_k = -\nu$ жисмларнинг эластик деформацияланицидан пайдо бўладиган ва Гук қонуни орқали аниқланадиган $F = -kx$ эластик кучларни келтириш мумкин. Бу кучларнинг асл манбай тортишиш ва жисмни ташкил қилиган атом ва молекулалар орасидаги электромагнит табиатга эга бўлган таъсирашувлардир.

Табиий таъсирашув кучларининг табиатини ўрганиш асосида «яқин таъсир» назарияси яратилди. Бу назарияга биноан моддалар таъсирашуви яқин ётган нүкталар орқали чекли тезлик билан тарқалувчи «моддий муҳит» майдон орқали узатилади. Ҳусусан, гравитацион майдон манбай массадир. Массаси кичик бўлган зарралардан тортиб, массаси жуда катта бўлган система ёки коинотдаги улкан жисмлар ўз атрофида гравитацион майдон ҳосил қиласи. Бу майдоннинг табиати ва таъсирашувнинг узатилиш механизми ҳали фанга етарли даражада аниқ эмас. Аммо кучсиз, электромагнит ва кучли деб аталувчи таъсирашувларнинг майдонлари заррали таркибга эга эканлиги исботланган. Бу масалаларга би^з курсимизнинг III қисмida батафсил тўхтalamиз. Ҳозир эса шуни айтмоқчимики, гравитацион майдоннинг квант гравитон деб

аталади. Бу зарра моддалар билан ўта суст таъсирашади. Шу боисдан бўлса керак, у ҳанузгача аниқ эмас. Лекин гравитонлар ҳам ёруғлик тезлигида ҳаракатланади деган тахмин бор.

Шунга қарамай, гравитацион майдоннинг айрим хоссалари билан танишайлик. Гравитацион майдоннинг энг асосий хоссаларидан бири, у куч таъсирига эга. Майдоннинг бу хоссаси «синаш» массаси деган тушунча орқали ўрганилади. «Синаш» массаси «синаш» заряди каби абстракт тушунча бўлиб, гравитацион майдоннинг хоссасини ўрганиш учун киритилган.

Майдони текширилаётган майдонга нисбатан, ўлчами текширилаётган майдон манбаига нисбатан иnobatga olinmas daражада кичик бўлган ҳар қандай жисм «синаш» массаси бўла олади. Гравитацион майдоннинг ҳар хил нуқталарига массалари бир хил бўлган «синаш» жисмларини киритсан, уларга кўрсатилган таъсир ҳар хил бўлишини кузатиш мумкин. Майдоннинг бу хусусиятини белгилаш мақсадида майдон кучланганлиги деган тушунча киритилган. *Бир бирлик массага таъсир этаётган кучга миқдори ва йўналиши жиҳатидан тенг бўлган катталик гравитацион майдон кучланганлиги дейилади.* Таърифга асосан гравитацион майдон кучланганлиги:

$$\vec{G} = \frac{\vec{F}}{m}, \quad (3.5)$$

\vec{G} — майдоннинг куч характеристикаси. (3.2) га кўра массаси M бўлган системанинг гравитацион майдон кучланганлиги:

$$\vec{G} = -\gamma \frac{M}{R^2} \frac{\vec{r}}{r} \quad (3.6)$$

га тенг бўлади.

Гравитацион майдон кучланганлигининг қиймати майдонни вужудга келтираётган жисмнинг массасига боғлиқ. Унинг қиймати масофанинг квадратига тескари пропорционал равишда камайиб боради. Майдон кучланганлиги майдон манбай томон йўналган вектор катталик бўлганидан унинг йўналиши радиус вектор йўналишига тескаридир.

Ньютоннинг II ва бутун олам тортишиш қонунларини тақосласак, масса ҳар иккала қонунда ҳам иштирок этиб, биринчисида инертлик ўлчови, иккинчисида

гравитацион майдон манбай сифатида намоён бўляпти. Массанинг бу икки хусусиятини текшириш улар орасида миқдорий фарқ йўқлигини кўрсатди, яъни жисмнинг ҳар иккала хусусиятларидан аниқланган массалари бир хил экан. Йнертлик ва майдон ҳосил қилиш массага хос хусусият бўлиб, уларни массадан ажратиш мумкин эмас.

(3.6) формула билан аниқланган гравитацион майдон кучланганлик ихтиёрий массали жисм учун ўринни. Массаси маълум бўлган, ихтиёрий жисмнинг майдон кучланганлигини шу ифода орқали ҳисоблаш мумкин. Хусусан (3.6) ифодадаги M ни, Ер массаси R ни Ер радиуси билан алмаштирасак, Ернинг гравитацион майдон кучланганлиги


$$\vec{G} = -\gamma \frac{M_{\text{Ер}}}{R_{\text{Ер}}^2} \frac{\vec{r}}{r} \quad (3.7)$$

га тенг бўлишини аниқлаймиз. Бу ифодани (3.4) билан таққосласак, $\vec{G} = \vec{g}$ деган холосага келамиз.

Демак, берилган нуқтадаги Ернинг гравитацион майдон кучланганлиги шу нуқтадаги эркин тушиш тезланишига тенг экан. Бошқа сайдерларнинг майдон кучланганлиги ҳам шу сайдерларнинг таъсири мазжуд нуқтадаги эркин тушиш тезланишига тенг.

Кучнинг таъсир чизиги майдон манбаига ёки майдон манбай марказига йўналган ва кучланганлиги масофа квадратига тескари пропорционал бўлган майдонлар марказий майдонлар дейилади. Гравитацион ва электр майдонлар шу тоифадаги майдонлардир. Бу майдонларга хос хусусият

шуки, уларнинг таъсирини узатувчи кучлар майдон манбанинг марказидан бошланиб масофанинг квадратига тескари пропорционал равишида ўзгарилиб. Бинобарин, бирор таъсир манбанинг марказидан ўтувчи ва масофага боғлиқ равишида ўзгарувчи куч марказий куч дейилади. Тортишиш кучи марказий кучлар турига киради. Бу кучларнинг графиги майдон манбай марказига қараб йўналган радиал (3.1-расм) чизиқлар билан тасвиранади.



3.1- расм.

Гравитацион майдонга киритилган жисм шу чизиқ йўналишида тортилади. Ернинг суткалик айланма ҳаракатини эътиборга олмагандан, юқоридан ташланган жисмларнинг вертикал равишда ерга тушиши гравитацион майдоннинг шу хусусияти билан боғлиқ.

Марказий кучларнинг ишораси ва траекториянинг бошланғич шартларига қараб, бу кучлар таъсирида ҳаракат қиласаётган жисмларнинг траекториялари гипербола, эллипс (хусусий ҳолда айлана) шаклларида бўлиши мумкин. Қуёш билан планеталар орасидаги таъсирилашув кучлари $\frac{1}{r^2}$ қонуният бўйича ўзгарувчи марказий кучdir, яъни тортишиш кучи марказга интилма куч. Марказдан қочирма куч планеталарга қўйилган. Бу кучлар тенг эканлиги асосида, космик обьектларнинг массаларини ва бошқа параметларини аниқлаш мумкин. Масалан, Ер ва Қуёш орасидаги бу кучларнинг тенглигидан Қуёшнинг массасини топайлик:

$$\frac{M_{\text{Ep}} v^2}{R} = \gamma \frac{M_{\text{Ep}} \cdot M_{\text{k}}}{R^3}, \text{ бундан } M_{\text{k}} = \frac{v^2 R}{\gamma}.$$

Ернинг Қуёш атрофидаги чизиқли тезлиги $v = 29,7 \cdot 10^3$ м/с, Ер билан Қуёш инерция марказлари орасидаги масофа $R \approx \approx 1,5 \cdot 10^{11}$ м. Бу катталикларни ўрнига қўйсак, Қуёшнинг массаси $M_{\text{k}} \approx 2 \cdot 10^{30}$ кг бўлишини топамиз. Шу усул билан Ер сиртидан H баландликда ҳаракатланаётган сунъий йўлдошнинг чизиқли тезлигини аниқлаш мумкин, яъни

$$\frac{mv^2}{(R_{\text{Ep}} + H)} = \gamma \frac{mM_{\text{Ep}}}{(R_{\text{Ep}} + H)^3} \text{ ва } v = \sqrt{\gamma \frac{M_{\text{Ep}}}{R_{\text{Ep}} + H}}.$$

$$H \ll R_{\text{Ep}} \text{ ҳоли учун } \frac{mv^2}{R_{\text{Ep}}} = \gamma \frac{mM_{\text{Ep}}}{R_{\text{Ep}}^2} = mg$$

бўлиб, бундан биринчи космик тезлик

$$v_1 = \sqrt{gR_{\text{Ep}}} \approx 8 \cdot 10^3 \text{ м/с.}$$


Шундай қилиб, бирор жисмни Ер гравитацион майдонининг бир нуқтасидан иккинчисига кўчириш ёки космик кемани учириш учун ҳаракатлантирувчи куч ўзгарувчан тортиш кучини енгиб, унга қарши иш баражиши керак.

3.2- §. Иш ва қувват


Тортишиш кучларининг табиатидан маълум бўлдики, атрофдаги барча жисмлар маълум кучлар воситасида ўзаро таъсирашади. Бу таъсирашув туфайли жисмлар кўчиши мумкин. Жисмга таъсири этувчи кучнинг шу \vec{F} куч таъсири йўналишида бирор s масофага кўчиши катталигига кўпайтмаси механик иш дейилади. Демак, куч жисм устидан иш бажарганда, албатта, жисмнинг кўчиши кузатилади.

Жисм ўзгарувчан куч таъсирида эгри чизиқ бўйлаб ҳаракатланётган бўлсин. Траекториянинг ҳар бир нуқтасида у тангенциал ва марказга интилма тезланишларга эга бўлади. Бу тезланишлар ўзаро перпендикуляр бўлиб, уларни ҳосил қилган кучлар мос равища \vec{F}_t — тангенциал ва \vec{F}_n — марказга интилма кучлар дейилади 3.2-расмда келтирилган шаклдан: $F_t = F \cdot \cos \alpha$. Тангенциал куч жисмни илгарилама ҳаракатлантириб иш бажарса, марказга интилма куч тезликнинг йўналишини ўзгартириб иш бажармайди. Тангенциал куч илгарилама ҳаракат давомида ўзгаради дейлик. Бунда кучнинг йўлга боғлиқлик графигини 3.3-расмда кўрсатилгандек тасвирлаймиз. Ўшбу ҳаракатда бажарилган ишни аниқлаш мақсадида йўлни шундай кичик элементар бўлакларга бўламизки, бу оралиқларда тангенциал куч ($\vec{F}_t = \text{const}$) ўзгармас қолсан. Ана шундай бўлакчалардан бирида бажарилган элементар иш 3.3-расмда штрих чизиқлар билан кўрсатилган юзлар бўлиб, унинг қиймати қўйидагига teng:

$$dA = F_t ds = F \cos \alpha \cdot ds \quad (3.8)$$



3.2- расм.



3.3- расм.

Тұлға иш эса элементар ишни босиб ўтилган йўл бўйича интеграллаш орқали топилади:

$$A = \int F_t ds = \int F \cos \alpha ds \quad (3.9)$$

Ушбу ифода 3.3-расмда кўрсатилган ва Os чизик билан чегараланган юзни беради. Ҳаракат йўналишида таъсир қилиётгандан ўзгармас куч $F = \text{const}$ учун $\cos \alpha = 1$ га тенг. У ҳилда бажарилган иш:

$$A = Fs. \quad (3.9a)$$

Агар куч ва кўчиш вектор катталик эканлигини ҳисобга олсак, юқоридаги ифодани

$$A = Fs \cdot \cos \alpha = (\vec{F} \cdot \vec{s}) \quad (3.9b)$$

кўринишда ёзишимиз мумкин. Шундай қилиб, бирор жисмни F куч таъсирида s кўчиш бўйича силжитиша бажарилган иш таъсир этувчи куч вектори билан кўчиш векторининг скаляр кўпайтмасига тенг экан.

Техникада турли хил механизмлар ёрдамида механик иш бажарилади. Агар тенг вақтлар ичиде уларнинг бажарган ишини таққосласак, улар ҳар хил бўлишини аниқлаймиз. Механизмларнинг иш бажариш қобилиятини белгилаш мақсадида қувват деган физик катталик киритилган. Вақтнинг бир бирлик оралиғида бажарилган иш билан ўлчанадиган катталик қувват дейилади. Бу таъриф машинанинг ўртача қувватини ҳисоблашдан келиб чиқсан. Дарҳақиқат, механизм ΔA механик ишни Δt вақт оралиғида бажарсии. Таърифга биноан бу машинанинг ўртача қуввати

$$\langle N \rangle = \frac{\Delta A}{\Delta t} \quad (3.10)$$

бўлади. Агар бу қувват вақт ўтиши билан ўзгарса, кўрилаётгандан вақт оралиғини нолга интилтириб юқоридаги ифодадан лимит оламиз, яъни

$$N = \lim_{\Delta t \rightarrow 0} \frac{\Delta A}{\Delta t} = \lim_{\Delta t \rightarrow 0} F_t \cdot \frac{\Delta s}{\Delta t} = F_t \cdot v. \quad (3.11)$$

Бунда v — куч қўйилган нуқтанинг кузатилаётган вақт интервалидаги тезлиги. Шунинг учун қувватнинг бу катталиги оний қувват дейилади. Оний қувват ҳаракат йўналишида таъсир этаётган кучни куч қўйилган нуқтанинг оний тезлигига кўпайтмаси билан ўлчанади.

3.3- §. Марказий кучнинг бажарган иши.

Потенциал майдон.

Консерватив ва ноконсерватив кучлар

Маълумки, марказий куч ҳам жисмни кўчириш, яъни унинг устидан иш бажариш қобилиятига эга. Аммо бу кучнинг бажарган иши бошқа тоифадаги (масалан, ишқала-ниш, қаршилик, механизмларнинг тортиш) кучларнинг бажарган ишидан фарқ қилиш-қилмаслигини аниқлаш ҳам муҳим назарий аҳамиятга эга. Инерциал саноқ системасида жойлашган жисом саноқ системасининг бир нуқтасидан иккинчи нуқтасига ихтиёрий траектория бўйлаб кўчсин (3.4-расм).

Нуқталарнинг ўринлари \vec{r}_1 ва \vec{r}_2 радиус-векторлар билан аниқланади дейлик. Жисм F ўзгарувчан куч таъсирида кўчса, кўчишдаги элементар иш $dA = F \cos \alpha \cdot ds$ кўринишда аниқланишини олдинги параграфда кўриб чиқдик. Лекин, марказий куч радиал йўналишга эга. Шунинг учун 3.4-расмдан $dr = ds \cos \alpha$ бўлишини топамиз. У ҳолда марказий куч бажарган элементар иш қўйидагича ёзилади:

$$dA = F dr. \quad (3.12)$$

Бу ифодадаги F кучни унинг қиймати (3.1) билан алмаштирамиз, у ҳолда тўлиқ иш юқоридаги ифодани интеграллаш асосида топилади, яъни

$$A = -\gamma m M \int_{r_1}^{r_2} \frac{1}{r^2} dr = \gamma m M \left(\frac{1}{r_2} - \frac{1}{r_1} \right). \quad (3.13)$$

Ушбу тенгламада $r_2 > r_1$ бўлганидан тортиш кучининг бажарган иши ($A < 0$) нолдан кичик бўлади. Аксинча, бу кучга қарши ташқи кучнинг бажарган иши мусбат:

$$A' = \gamma m M \int_{r_1}^{r_2} \frac{1}{r_2} dr = -\gamma m M \left(\frac{1}{r_2} - \frac{1}{r_1} \right). \quad (3.14)$$


Келтирилган ифодалардан аёнки, жисм марказий куч таъсирида ёпиқ контур бўйлаб ҳаракат қиласа, тўлиқ иш ($A=0$) нолга тенг бўлиб қолади. Демак, фақат марказий куч таъсирида бўлган жисмни ёпиқ контур бўйлаб кўчиришда бажарилган иш нолга тенг экан. Контурнинг биринчи ярмида марказий куч иш бажарса, унинг иккинчи ярмида ташқи куч иш бажариши лозим. Бу икки иш миқдор жиҳатидан тенг. Иккинчи то-

мондан марказий куч таъсирида бир бирлик массали жисмни ($m=1$ бирлик) кўчирайлик. Бир бирлик массага таъсир этаётган куч, (3.5) ифодага биноан, майдон кучланганилиги \vec{G} га тенг. Энди бир бирлик масса ёпиқ контурда олинган $d\vec{l}$ элементар кўчиш бўйлаб кўчирилган бўлсин. Бунда элементар иш $dA = (\vec{G} d\vec{l})$ шаклда олиниади. Юқорида келтирилган мулоҳазаларга асосан, бажарилган тўлиқ иш нолга тенг бўлгани учун

$$\oint_i (\vec{G} d\vec{l}) = 0 \quad (3.15)$$

бўлади. Мазкур ифода гравитацион майдон кучланганинг ёпиқ контур бўйлаб циркуляцияси нолга тенг эканлигини билдиради. *Майдон кучланганинг циркуляцияси ноль бўлган майдон потенциал майдон деб аталади. Гравитацион майдон потенциал майдондир.* Потенциал майдонга хос хусусият шуки, бу майдонда марказий кучнинг бажарган иши жисмнинг босиб ўтган йўлининг шаклига боғлиқ бўлмайди. (3.13) формулага биноан бу иш жисмнинг бошлангич ва охирги ҳолатларига боғлиқ. Жисмни кўчиришда кучнинг бажарган иши фақат унинг бошлангич ва охирги вазиятлари билан аниқланиб, кўчиш траекториясига боғлиқ бўлмаса, бундай табиатли кучлар консерватив кучлар дейилади. Гравитацион, электр ва эластик кучлар консерватив кучлар турига киради. Бошқача қилиб айтганда, марказий кучлар консерватив кучлардир. Шу билан бир қаторда айрим кучларнинг, масалан ишқаланиш, қаршилик, машиналарнинг тортиш кучлари бажарган иши босиб ўтилган йўлга боғлиқ. *Бажарган иши йўл шаклига боғлиқ бўлган кучлар ноконсерватив кучлар деб аталади.*

Потенциал майдоннинг яна бир хоссаси шундаки, бу майдоннинг ҳар бир нуқтаси энергетик хусусиятга



3.4-расм.

эга. Потенциал майдоннинг энергетик хусусиятини белгилаш мақсадида потенциал деган тушунча киритамиз. Ушбу катталикни аниқлашда (3.14) ифодадаги r_2 ни ∞ га интилтирамиз, яъни жисмни r_1 вазиятдан ∞ га кўчирамиз. Бунда бажарилган иш қўйидагига тенг бўлади, (3.14) га асосан:

$$A_{1\infty} = \gamma \frac{mM}{r_1}. \quad (3.16)$$

Бир бирлик массали жисмни гравитацион майдоннинг берилган нуқтасидан чексизликка кўчиришида ташки кучнинг бажарган ишига сон жиҳатдан тенг бўлган катталик гравитацион майдоннинг шу берилган нуқтадаги потенциали дейилади. Таърифга биноан $m=1$ бирлик бўлганда 3.1-расмда келтирилган M массанинг $C(x, y, z)$ нуқтадаги потенциалини аниқлаш мақсадида (3.16) ифодадаги массани ўз қиймати билан алмаштирамиз, яъни

$$\varphi = \gamma \frac{M}{r}. \quad (3.17)$$

Потенциал тушунчасига кўра m массали жисм гравитацион майдонда кўчирилганда, (3.13) ифодага асосан, тортишиш кучнинг бажарган иши қўйидаги содда кўринишга ўтади:

$$A = m(\varphi_2 - \varphi_1). \quad (3.18)$$

Аксинча, (3.14) га асосан тортиш кучига қарши ташки кучнинг бажарган иши $A = -m(\varphi_1 - \varphi_2)$ мусбат. Бунда φ_1 ва φ_2 мос равишда 3.4-расмда келтирилган биринчи ва иккинчи нуқталардаги майдон потенциаллариdir. Потенциали бир хил бўлган нуқталарни бирлаштириб чиқсак, тенг потенциалли ёки эквипотенциал сиртни ҳосил қиласиз. Система массасини маркази инерция марказида тўплангандай нуқта деб қараш мумкин бўлганидан, ихтиёрий жисм гравитацион майдоннинг эквипотенциал сиртлари сфералардан иборат (3.1-расм). Бу сфералардан бирида олинган ва циркуляция чизиги деб аталадиган бу контур бўйлаб бир бирлик массали жисмни кўчирсак, бажарилган иш нолга тенг бўлади. Бунинг маъноси шуки, майдон куч чизиқлари эквипотенциал сиртга перпендикуляр йўналган. (3.8) га кўра, бажарилган иш $A = F \cdot s \cdot \cos \alpha$ дан $\alpha = \frac{\pi}{2}$ бўлгани

учун $\left(\cos \alpha = \cos \frac{\pi}{2} = 0 \right)$ бажарилган иш нолга тенг бўлади.

3.4- §. Потенциалнинг майдон кучланганлиги билан боғлиқлиги

Майдон куч чизиқларининг циркуляция чизиқлари-га перпендикуляр эканлиги, улар орасида боғланиш борлигидан дарак беради. Ҳақиқатан ҳам, (3.17) ни r га кўпайтириб, r га бўлсак, (3.6) тенгламага асосан, потенциални гравитацион майдон кучланганлиги билан боғлаш мумкин:

$$\varphi = \gamma \frac{M}{r^2} r \text{ ёки } \varphi = -(\vec{G} \cdot \vec{r}). \quad (3.19)$$

Лекин шу кўринишдаги ифоданинг физик маъносини тавсифлаш қийин. Унинг маъносини очиш мақсадида потенциалнинг бирлик масофада ўзгаришини аниқлаймиз. Гравитацион майдон кучланганлиги $\vec{G}(x, y, z)$ ва радиус-вектор $\vec{r}(x, y, z)$ координаталар функцияси. Потенциалнинг бу координаталар бўйича ўзгаришини аниқлашда, (3.19) ифодадан хусусий ҳосилалар оламиз:

$$\frac{\partial \varphi}{\partial x} = -G_x, \quad \frac{\partial \varphi}{\partial y} = -G_y, \quad \frac{\partial \varphi}{\partial z} = -G_z.$$

$\varphi(x, y, z)$ скаляр функцияни $\vec{G}(x, y, z)$ вектор функция кўринишида ёзиш учун потенциал компонентларининг хусусий ҳосилаларини бирлик векторларга кўпайтириб, ҳадмада ҳад қўшиб чиқиш лозим: $\vec{G}(x, y, z) = -\left(\frac{\partial \varphi}{\partial x} \vec{i} + \frac{\partial \varphi}{\partial y} \vec{j} + \frac{\partial \varphi}{\partial z} \vec{e}\right)$, бунда \vec{i} , \vec{j} ва \vec{e} бирлик векторлар. Ушбу тенгламанинг ўнг томони потенциал функция φ нинг координаталар бўйича ўзгариш тезлигини кўрсатади ва математикада бу ўзгариш градиент ($\text{grad } \varphi$) орқали ифодаланади. Шунинг учун юқоридаги тенглама

$$\vec{G} = -\text{grad } \varphi \quad (3.20)$$

шаклида ёзилади. Гравитацион майдон кучланганлик потенциалнинг градиентига тенг ва гравитацион майдон потенциалининг камайиш томонига йўналган.

IV боб. ЭНЕРГИЯ. ЭНЕРГИЯНИНГ САҚЛАНИШ ҚОНУНИ

Энергия катталиги ҳам физиканинг асосий (базисли) катталикларидан биридир. Энергия сўзи грекча енергεia сўзидан олинган бўлиб, ҳаракат маъносини билдиради. У материянинг (барча турдаги) ҳаракати ва уларнинг барча турдаги ўзаро таъсирларининг миқдорий ўлчовидир. Энергия тушунчаси ва энергиянинг сақланиш қонуни табиатдаги барча ҳодисаларни бу нуқтаи назардан тушунтиришга ёрдам беради. Масалан, Қуёшдаги портлашлар натижасида энергиянинг ажralиб чиқиши ва бу ҳодисани Еринг энергия билан таъминланишига таъсири, магнит бўронининг пайдо бўлиши ҳамда космик нурларнинг интенсивлиги ўзгаришига таъсири ҳам энергия нуқтаи назаридан таҳлил қилинади.

Материянинг ҳаракат турлари ва ўзгаришига қараб энергия манбалари шартли равишда ҳар хил турларга бўлинади. Ядрорий парчаланишда ажralган энергия — ядрорий, зарядланган зарраларнинг тартибли ҳаракати билан боғлиқ бўлган энергия электр, моддаларнинг ёнишидан ҳосил бўлган энергиянни иссиқлник, моддани ташкил қилган зарраларнинг ҳаракати ва ўзаро таъсир энергияларини ички, квант зарралари — фотонлар оқимидан иборат энергия — нурланиш энергияси деб аталади. Бу энергиялар, шу энергия манбаларининг ҳолати ва таркибининг сифатий ҳамда миқдорий ўзгаришлари билан чамбарчас боғлангандир. Масалан: ядрорий реакцияда элементар зарралар концентрациясининг ўзгариши, электр ва химиёвий ҳодисаларда зарядланган зарралар концентрациясининг ўзгариши уларнинг энергетик хусусиятларини кескин ўзгартириб юбориши мумкин.

Энергиянинг энг содда шаклларидан бири механик энергия, яъни кинетик ва потенциал энергиялардир. Бу турдаги энергия жисмнинг механик ҳаракати ва унинг вазиятини характерлайди. Механик энергияни тушунарлироқ тавсифлаш учун қўйндаги мисолни кўрайлик.

Бирор күч жисмга таъсир қилиб, уни ҳаракатга келтирилсин. Кўраётган системамиз соғ механик система бўлсин, яъни қаршилик кучлари бўлмасин. У ҳолда жисм ҳаракатга келгандаги унинг кинетик энергияси бажарилган ишга teng бўлади. Демак, бажарилган иш жисмнинг кинетик энергиясига ўтди. Бу ҳодиса аксинча йўналишда бўлиши мумкин, яъни бирор жисмнинг энергияси иккинчи бошқа жисмни кўчиришда бажарилган ишга сарф бўлиши мумкин. Бу мисолдан хулоса шуки, энергияга эга бўлган жисм иш бажариши ва иш энергияга, энергия ишга айланиши мумкин.

Демак, *энергия жисмнинг ёки жисмлар системасининг бошқа жисм устидан иш бажара олиш қобилиятини характерлайдиган физик катталиктидир.*

Нисбийлик назариясига кўра, энергия жисм массаси билан $E=mc^2$ формулага асосан боғланган. Жисм энергиясининг ўзгариши ΔE унинг массасининг ўзгариши билан боғлиқ, яъни $\Delta E = \Delta mc^2$. Демак, энергиянинг ўзгариши масса кўринишига ўтиши мумкин ва аксинча. Бу принцип дарсликнинг кейинги қисмларида кўриб чиқилади.

Классик механикада жисм ҳар қандай узлуксиз қийматли энергияга эга бўлиши мумкин. Қвант механикасида эса, элементар зарралари кичик чегараланган ҳажмда ҳаракат қилганилари учун улар фақат қвантланган энергия қийматларига эга бўлади.

4.1- §. Потенциал энергия

Аввалги бобда Ер ўз атрофида кучли гравитацион майдон ҳосил қилишини таъкидлаган эдик. Гравитацион майдон эса потенциал майдондир. Бунинг маъноси шуки, бу майдоннинг ҳар бир нуқтасига m массали моддий нуқта киритилса, у потенциал энергияга эга бўлади. Бу энергиянинг қийматини ҳисоблаб чиқайлик. Ер сиртига яқин турган нуқталарда Ер гравитацион майдон кучланганлиги эркин тушиш тезланишига teng, яъни $\vec{G} = \vec{g} = -\gamma \frac{M_{E_p}}{R_{E_p}^2} \frac{\vec{r}}{r}$. Шу боисдан, (3.19) ғифодага биноан, Ер сиртидаги нуқталарда унинг потенциали

$$\Phi_{E_p} = -g R_{E_p} \quad (4.1)$$

эркин тушиш тезланиши g нинг Ер радиуси R_{E_p} га кўпайт-

масининг манфий ишора билан олинган қийматнга teng. Потенциали (4.1) билан аниқланган потенциал майдонга Ер сиртидан h_1 баландликда жойлашган нуқтага m массали жисм киритиб уни h_2 баландликка кўчирайлик. Бу баландликлар Ер сиртига яқин нуқталарда олинган ва $h_1 < h_2$ шарти бажариладиган бўлсин. (4.1) га кўра, Ер гравитацион майдонининг шу нуқталардаги потенциаллари мос равища $\varphi_1 = -(R_{\text{Ер}} + h_1)g$ ва $\varphi_2 = -(R_{\text{Ер}} + h_2)g$ ларга тенг. У ҳолда бу жисмни кўчиришда тортишиш кучининг бажарган иши

$$A = m(\varphi_2 - \varphi_1) = m(-gR_{\text{Ер}} - gh_2 + gR_{\text{Ер}} + gh_1) = \\ = mgh_1 - mgh_2.$$

Бажарилган иш жисм потенциал энергиясининг ўзгиришига тенг, яъни жисмнинг икки ҳолатдаги энергиялар айрмаси билан ўлчанади. $h_1 < h_2$ бўлганидан бу иш $A < 0$. Юқоридаги ифодага диққат билан назар ташласак, тортишиш кучининг бажарган иши жисм босиб ўтган йўл шаклига боғлиқ эмас, у жисмнинг бошланғич ва охирги ҳолатлари билан аниқланади. Шунингдек, жисмнинг ҳаракатини Ер билан боғлиқ саноқ системасида кузатдик. Потенциал майдондаги саноқ системасида жойлашган жисмларнинг вазиятига боғлиқ бўлган энергия ёки жисмларнинг ўзаро таъсир энергияси потенциал энергия деб аталади. Юқоридаги ифодага асосан h баландликдаги m массали жисмнинг потенциал энергиясини

$$E_p = mgh + \text{const} \quad (4.2)$$

шаклда ёзамиз. Бунда ўзгармас катталик (const) потенциал энергиянинг миқдори ҳамда бошланғич қиймати саноқ системасига боғлиқ эканлигини инобатга олади. Бу белгилашга асосан потенциал майдонда жойлашган саноқ системасидаги жисмнинг вазиятини h_1 дан h_2 га ўзгартиришда тортишиш кучининг бажарган иши

$$A = E_{p1} - E_{p2} < 0 \quad (4.3)$$

кўринишни олади. Бунда E_{p1} ва E_{p2} мос равища, моддий нуқтанинг биринчи ва иккинчи ҳолатларига мос бўлган потенциал энергияларидир. Шу усул билан тортишиш кучига қарши ташқи кучининг бажарган ишини аниқласак, у нолдан катта бўлади:

$$A' = E_{p2} - E_{p1} > 0. \quad (4.4)$$

Бу ишлар миқдор жиҳатидан тенг лекин ишораси билан фарқланади. Ташқи кучнинг мусбат бажарган иши билан тортишиш кучининг манфий бажарган ишларининг йиғиндиси нолга тенг:

$$A' + (-A) = 0. \quad (4.5)$$

Бу ифода потенциал майдонда жойлашган жисмни фақат тортишиш кучининг таъсирида ёпиқ контур бўйлаб кўчириш мумкин эмаслигини кўрсатади. Консерватив кучларга қарши қўйилган ташқи кучнинг бажарган мусбат иши ана шу консерватив кучларнинг бажарган манфий иши ҳисобига юзага келади. Шунинг учун иш — физик жараён. Юқоридаги (4.3), (4.4) ифодалар жисм потенциал энергиясининг ўзгаришини кўрсатади. Жисм ёки система потенциал энергиясининг миқдорий ўзгариши бажарилган ишга тенг.

4.2- §. Тортишиш кучи билан потенциал энергия орасидаги боғланиш

Юқорида келтирилган (4.3) ифодага биноан потенциал энергиянинг dE_p га камайиши консерватив кучларнинг шу миқдордаги бажарган элементар ишига тенг, яъни

$$dA = -dE_p. \quad (4.6)$$

Иш куч таъсирида юзага келган физик жараён бўлиб, унинг элементар қиймати қўйидагига тенг: $dA = Fdr$. Бу ифодани юқоридаги (4.6) формула билан таққосласак

$$Fdr = -dE_p$$

га тенг бўлиб, бундан $F = -\frac{dE_p}{dr}$ муносабатни аниқлаймиз.

Кучнинг координата ўқларига бўлган проекциялари билан потенциал энергия орасидаги боғланишлар қўйидаги тенгламалар билан ифодаланади:

$$F_x = -\frac{\partial E_p}{\partial x}, \quad F_y = -\frac{\partial E_p}{\partial y}, \quad F_z = -\frac{\partial E_p}{\partial z}.$$

Куч вектор катталик. Шунинг учун потенциал энергиянинг координата ўқлари бўйича олинган хусусий ҳосилаларини бирлик векторларга кўпайтириб, уларни жамлаймиз:

$$\vec{F}(x, y, z) = - \left(\frac{\partial E_p}{\partial x} \vec{i} + \frac{\partial E_p}{\partial y} \vec{j} + \frac{\partial E_p}{\partial z} \vec{e} \right)$$

ёки

$$\vec{F} = - \operatorname{grad} E_p \quad (4.7)$$

Тортишиш кучи потенциал энергия градиентининг (яъни бир бирлик масофада ўзгариши) тескари ишора билан олинган қийматига тенг. Бунинг маъноси шуки, потенциал майдонда куч майдон потенциал энергиясининг камайиш томонига йўналган.

4.3- §. Кинетик энергия

Энди иш, жисм ҳаракати ўзгаришининг ўлчови эканлигини аниқлайлик. Ўз таъсирини радиус-вектор бўйлаб узатувчи тортишиш кучи бажарган элементар иш

$$dA = (\vec{F} \cdot d\vec{r}) = F dr \cos(\vec{F} \cdot \vec{dr}) = F dr$$

ифода орқали аниқланишини юқорида кўрсатган эдик. Кичик тезликларда ($v \ll c$) жисмнинг массаси тезлика боғлиқ эмас, яъни ўзгармас деб оламиз. Юқоридаги ифодага Ньютон II қонунининг (2.10) кўринишдаги ифодасини татбиқ этсак, элементар иш учун

$$dA = \left(\frac{d\vec{p}}{dt} \cdot d\vec{r} \right) = (\vec{v} d\vec{p}) = (m \vec{v} d\vec{v}) \quad (4.8)$$

тенгламани ҳосил қиласиз. Ушбу кўпайтма икки векторнинг скаляр кўпайтмасидир. Импульс векторининг йўналиши тезлик йўналишида бўлганидан, улар орасидаги бурчак $\alpha=0$ га тенг бўлади. Бу элементар иш тортишиш майдонда танлаб олинган саноқ системасида бажарилган. Бинобарин, потенциал энергиясининг камайиши жисм ҳолатини ўзгартириш учун лозим бўлган ишни бажариш учун сарф бўлади, яъни

$$dA = m v d\vec{v} = - dE_p. \quad (4.9)$$

Потенциал энергия E_{p1} дан E_{p2} гача ўзгаради дейлик. Бу ўзгариш туфайли жисм тезлиги v_1 дан v_2 гача ошсин. Юқоридаги (4.9) тенгламани бу чегараларда интеграллаймиз:

$$-\int_{p1}^{p2} dE_p = \int_{v1}^{v2} m v d\vec{v}.$$

Бундан потенциал энергиянинг ўзгариши

$$E_{p1} - E_{p2} = \frac{mv_2^2}{2} - \frac{mv_1^2}{2} \quad (4.10)$$

бўлишини аниқлаймиз. Бу тенгламанинг чап томони энергия ўзгариши бўлганидан, унинг ўнг томони ҳам энергия ўзгариши бўлиши керак. Лекин бу энергия потенциал энергиядан фарқлироқ жисм ҳаракати давомида юзага келади ва жисм тезлигига боғлиқ. Жисм тезлиги эса нисбий тушунча ва жисм ҳаракати кузатилаётган саноқ системасига нисбатан белгиланади. *Берилган саноқ системасида жисм ҳаракат туфайли олган энергия кинетик энергия дейилади.* Унинг миқдори

$$E_\kappa = \frac{mv^2}{2} \quad (4.11)$$

формуладан ҳисобланади.

Элементар ишнинг (4.9) билан аниқланган тенгламасидан потенциал энергиянинг камайиши ҳисобига бажарилган иш

$$A = - \int_{E_{p1}}^{E_{p2}} dE_p = E_{p1} - E_{p2}. \quad (4.12)$$

бўлганидан, уни юқоридаги (4.10) орқали аниқланган тенглама билан таққослаш орқали

$$A = \frac{mv_2^2}{2} - \frac{mv_1^2}{2} = E_{\kappa2} - E_{\kappa1} \quad (4.13)$$

бўлишини топамиз. Демак, механик иш кинетик энергия ўзгаришига тенг. Бунда $E_{\kappa1}$ ҳаракатнинг бошланғич, $E_{\kappa2}$ ҳаракатнинг кейинги ҳолатларига мос бўлган кинетик энергиялари. Биз келтирган ҳисоблашда жисмнинг ҳаракати потенциал майдонда танлаб олинган саноқ системасида содир бўлди. Шу боисдан $E_{p1} - E_{p2}$ потенциал энергия ўзгариши нолдан кичик ($E_{p1} - E_{p2} < 0$). Бу энергия ўзгаришига мос бўлган кинетик энергия ўзгариши, албатта, нолдан катта ($E_{\kappa2} - E_{\kappa1} > 0$) бўлиши шарт. Консерватив куч таъсирида ҳаракатланаётган моддий нуқтанинг потенциал энергиясининг камайиши доимо кинетик энергиянинг шу миқдорга ошувига олиб келади. Бундан муҳим хулоса шуки, бир тур

Энергиянинг ошиши иккинчи тур энергиянинг камайиши ҳисобига содир бўлиши, яъни системанинг механик энергияси сақланиши лозим.

4.4- §. Энергиянинг сақланиш қонуни

Энергиянинг сақланиш қонунини умумий ҳолда таърифлашдан олдин, қандай шароитларда механик энергия сақланади деган масалани таҳлил қиласлик.

Потенциал майдоннинг ҳар бир нуқтаси маълум бир потенциалга эга. Хусусан, (4.1) га биноан, Ер сиртига яқин бўлган нуқталарнинг потенциали

$$\varphi = -gR_{Ep}$$

формуладан топилади. Ундаги (—) ишора Ердаги жисмлар ўз-ўзидан Ер таъсир доирасидан чиқиб кета олмаслигини кўрсатади. Объект Ер таъсир доирасидан чиқиб кетиши учун ташки куч тортиши кучига қарши иш бажариб, унинг кинетик энергиясини ошириши керак. Ушбу мулоҳазани яна қўйидагича тасаввур этиш мумкин. Ердаги жисм 4.1-расмда кўрсатилган ва потенциали $\varphi = -gR_{Ep}$ бўлган потенциал чуқурликда жойлашган. Унинг кинетик энергияси шу чуқурликдан чиқиб кетиши учун етарли бўлганидагина, жисм потенциали ноль бўлган ҳолатга кўчади. (4.10) га биноан, Ернинг тортиш доирасида ҳаракатланадиган жисм учун

$$E_{p1} - E_{p2} = E_{k2} - E_{k1} \quad (4.12)$$


тенглик ўринилдири. Объектнинг Ер сиртидаги потенциал энергияси $E_{p1} = mgR_{Ep}$, потенциал «ўра» ташқарисидаги потенциал энергияси $E_{p2} = 0$. Шунингдек, объектнинг ердан кўтарилиш дақиқасидаги кинетик энергияси нолга ($E_{k1} = 0$),

потенциал «ўра» ёхуд Ернинг тортиш доирасидаги унинг кинетик энергиясини эса $E_{k2} = \frac{mv^2}{2}$ га тенг деб олайлик.

У ҳолда (4.12) тенгликка кўра

$$mgR_{Ep} = \frac{mv^2}{2}$$

тенгламани ҳосил қиласли. Бундан Ер потенциал «ўра»



ташқарисига чиқиши учун лозим бўлган тезлик (бу тезлик, одатда, иккинчи космик тезлик дейилади):

$$v_{\text{II}} = \sqrt{2gR_{\text{Ep}}} = \sqrt{2} v_1 \approx 11,2 \cdot 10^3 \text{ м/с.}$$

Биринчи ва иккинчи космик тезликларнинг ифодалари Ердан парвоз қилувчи космик кемалар учун ўринли. Бу ифодалар ёрдамида бошқа сайёralардан учирилган обьектларнинг космик тезликларини аниқлашда, шу сайёralарга мос бўлган g ва R ни олиш лозим.

Жисм Ер потенциал майдонида ҳаракатланса, у кинетик ва потенциал энергияларга эга бўлади. Ер потенциал чуқурлигида ҳаракатланаётган жисмнинг потенциал ва кинетик энергияларининг

$$E = E_p + E_k \quad (4.13)$$

йифиндиси, жисмнинг тўла механик энергияси дейилади. Потенциал чуқурликнинг ҳар хил нуқталаридағи механик энергиялар орасидаги муносабатни аниқлашда (4.12) ифодани ҳисобга олган ҳолда бир хил нуқталарга тегишли энергияларни группалаймиз ва

$$E_{p1} + E_{k1} = E_{p2} + E_{k2} = \text{const} \quad (4.14)$$

эканлигига ишонч ҳосил қиласиз. Шундай қилиб, консерватив кучлар таъсирида бўлган моддий нуқтанинг тўла механик энергияси ўзгармас. Ушбу холосани жисмлар системаси учун ҳам умумлаштирайлик. Аввал кўрсатилганидек, илгарилама ҳаракат қилаётган ҳар қандай системани массаси инерция марказида тўпланган моддий нуқта деб олиш мумкин. Бинобарин, ёпиқ система учун механик энергиянинг сақланиш қонуни қуидагича: *ички консерватив кучлар таъсирида бўлган ёпиқ системанинг тўла механик энергияси ўзгармасдир.*

Реал шароитда ёпиқ системани ташкил этган моддий нуқталар орасидаги консерватив кучлар билан бир қаторда ноконсерватив (ишқаланиш, қаршилик) кучлар ҳам бўлади. Бу кучларнинг бажарган иши босиб ўтилган йўлга боғлиқ ва тўлиқлигича иссиқлик энергиясига айланади. Бу энергия туфайли жисмларни ташкил этган зарраларнинг иссиқлик ҳаракати кучайиб, системанинг температураси кўтарилади ва унинг ички энергияси ортади. Системани атроф-муҳит билан иссиқлик алмашмайдиган, адабатик изоляцияланган,

яъни иссиқлик ўтказмайдыган қобиқ билан ўралган деб күрамиз.

n та жисмдан ташкил топган системанинг ихтиёрий биттасини *i* деб белгилайлик. Бу жисмнинг ҳаракатига таъсир қилган ноконсерватив кучлар бажарган элементар ишни

$$\Delta A = (\vec{F}_i \Delta \vec{s}_i) = F_i \Delta s_i \cos \alpha_i$$

шаклда оламиз. Иш скаляр катталиқ бўлганидан, ноконсерватив кучларнинг бажарган тўлиқ иши элементар ишларнинг алгебраик йиғиндисига тенг:

$$A = \sum_{i=1}^n \Delta A_i = \sum (\vec{F}_i \Delta \vec{s}_i).$$

Бу иш $A = E_1 - E_2 < 0$ бир томондан системанинг тўла механик энергиясининг камайишига олиб келса, иккинчи томондан шу иш ҳисобига системанинг ички энергияси U_1 дан U_2 га ортади:

$$A = U_2 - U_1.$$

Бу икки тенгламадан қўйидаги ифодани ҳосил қиласиз:

$$E_1 + U_1 = E_2 + U_2. \quad (4.15)$$

Механик ва ички энергиялар йиғиндисини $W = E + U$ деб белгиласак, у ҳолда системанинг тўла энергияси:

$$W_1 = W_2 = \text{const.} \quad (4.16)$$

Консерватив ва ноконсерватив кучлар таъсиридаги адиабатик изоляцияланган ёпиқ системанинг тўла энергияси ўзгармасдир. Системадаги жисмлар ўзаро ички консерватив ва ноконсерватив кучлар билан таъсирашиб ўз ҳаракат ҳолатини ўзгартиришлари мумкин, аммо система ташқи муҳит билан иссиқлик мулоқотида бўлмаганидан унинг механик ва ички энергияларининг йиғиндиси ўзгармасдан қолади, деган холоса келиб чиқади. Шунинг учун умумий шаклда энергиянинг сақланиш қонуни қўйидагича таърифланади.

Энергия йўқолмайди ва йўқдан бор бўлмайди, фагат бир жисмдан иккинчи жисмга узатилади ёки тенг миқдорда бир турдан иккинчи турга ўтади.

4.5- §. Абсолют эластик ва ноэластик урилишлар

Импульс ва энергиянинг сақланиш қонунларининг татбиқи сифатида **эластик** ва **ноэластик** урилишларни кўриб чиқайлик. Бу ҳодисаларни ўрганиш шу билан муҳимки, модданинг турли хил кўринишлари бўлган газ, суюқлик, қаттиқ жисм ва плазманинг жуда кўп хоссалари бу моддаларни ташкил этган заррачаларнинг урилиши туфайли содир бўлади. Заррачаларнинг тўқнашиш модели механик урилиш ҳодисаси асосида кузатилиди.

Урилиш саноқ системасининг кичик соҳасида жисмларнинг қисқа вақтли ўзаро таъсиралиши жараёнидир.

Тўқнашиш чоғида жисмлар консерватив ва ноконсерватив кучлар таъсирида эластик ёки пластик деформацияланиб, урилаётган жисмлар механик энергияларининг ҳаммаси ёки бир қисми эластик деформация энергияси ёки жисмлар ва атроф-муҳит ички энергиясига айланиши мумкин. Шу муносабат билан биз урилишнинг фақат икки чегаравий кўринишлари билан танишамиз.

Абсолют эластик урилиш. Бу тўқнашишда жисмлар фақат консерватив (тортишиш, электр, эластик) кучлар таъсирида бўлади. Ушбу урилиш модели сифатида абсолют эластик деформацияланиш хусусиятига эга бўлган шарлар урилишини кўрамиз. Чунки жисмлар шар шаклида бўлса, уларга ноконсерватив кучларнинг таъсири бошқа шаклдаги / уларга нисбатан жуда кичик бўлади. Шарлар инештирувчи горизонтал чизикказий урилиш содир бўй энергиялари уларнинг ҳади.

Икки эластик шарларда бўлсин. Тўқнашишдан авекинетик энергияга эга диккинчи шарнинг импульсин. Икки шар абсолют механик энергиянинг сади. Хусусан, импульсн + \vec{P}_2 бўлиб, бунда \vec{P}_1 чи шарларнинг тўқна



4.2- расм.

шишдан олдин икки шар импульсларининг вектор йифиндиси, шарлар тўқнашувидан кейинги импульсларининг вектор йифиндисига тенг. Шарларнинг тўқнашишидан кейинги кинетик энергияларини $E'_{\kappa 1}$ ва $E'_{\kappa 2}$ деб белгиласак, энергиянинг

сақланиш қонуни қўйидагича ёзилади: $E_{\kappa 1} + E_{\kappa 2} = E'_{\kappa 1} + E'_{\kappa 2}$. Шарларнинг массалари мос равища m_1 ва m_2 бўлсин. Уларнинг урилишдан олдинги тезликлари v_1 , v_2 , урилишдан кейинги тезликлари v'_1 ва v'_2 бўлса, юқорида келтирилган сақланиш қонунлари


$$m_1 \vec{v}_1 + m_2 \vec{v}_2 = m_1 \vec{v}'_1 + m_2 \vec{v}'_2,$$

$$\frac{m_1 v_1^2}{2} + \frac{m_2 v_2^2}{2} = \frac{m_1 v'^2_1}{2} + \frac{m_2 v'^2_2}{2}$$

кўринишни олади. Ушбу ифодалардан биринчи ва иккинчи шарларнинг тўқнашишидан кейинги тезликларини аниқлаш мумкин. Уларни аниқлашда 4.2-расмда келтирилган \vec{v}_1 тезликнинг йўналишини шартли равища ҳаракатнинг мусбат йўналиши деб қабул қиласиз. У ҳолда, 4.3-расмда келтирилган тўқнашишдан олдинги \vec{v}_1 ва \vec{v}_2 тезликларга асосан 4.4-расмда кўрсатилган шарларнинг тўқнашишдан кейинги тезликларини юқоридаги сақланиш қонунларининг тенгламаларидан топсак, улар

$$v'_1 = \frac{2 m_2 v_2 + (m_1 - m_2) v_1}{m_1 + m_2}, \quad v'_2 = \frac{2 m_1 v_1 - (m_2 - m_1) v_2}{m_1 + m_2} \quad (4.17)$$

ифодалардан аниқланар экан. Келтирилган (4.17) тенгламалар системасини ҳар томонлама таҳлил қиласиз.




4.3- расм.



4.4- расм.

1. Массалари ($m_1 = m_2$) тенг бўлган шарлар \vec{v}_1 ва \vec{v}_2 тезликлар билан 4.3-расмда кўрсатилганидек қарама-қарши йўналишларда ҳаракатлансин. Ҳаракатнинг мусбат йўналиши 4.2-расмда келтирилганидек олинса, (4.17) тенгламалардан тўқнашишдан кейинги тезликлар $v'_1 = -v_2$, $v'_2 = v_1$ бўлиб, биринчи шар иккинчи шар тезлигига тенг тезлик билан тескари йўналишда, иккинчи шар эса биринчи шар тезлигига тенг тезлик билан ўз йўналишида ҳаракатларини давом этдиради (4.4-расм).

Ҳар икки шар бир хил йўналишда ҳаракатланиб, $v_1 > v_2$ бўлса (4.5-расм), қандайдир вақт оралиғидан кейин албатта тўқнашиш содир бўлади. Ҳаракатнинг мусбат йўналишига асосан (4.17) тенгламалардан $v'_1 = v_2$, $v'_2 = v_1$ эканлигини аниқлаймиз. Урилишдан сўнг ҳар иккала шар ўзаро тезликларини алмаштириб, олдинги йўналишда ҳаракатланади (4.6-расм).




4.5- расм




4.6- расм.

а) урилишдан алдин



б) урилишдан кейин



4.7- расм.

Одатда, бундай эластик урилишлар тартибсиз ҳаракатланаётган газ молекулалари орасида содир бўлади.


2. Шарларнинг массалари ҳар хил, лекин улардан бири тинч турган бўлсин ($v_2=0$). У ҳолда (4.17) ифодалар қуйидаги ихчам кўринишни олади:

$$v'_1 = \frac{m_1 - m_2}{m_1 + m_2} v_1, \quad v'_2 = \frac{2 m_1}{m_1 + m_2} v_1.$$

Ушбу тенгламалардан равшанки, шарларнинг тўқнашишдан кейинги тезликлари улар массаларининг нисбатига боғлиқ. Хусусан, иккинчи шарнинг массаси биринчи шар массасидан

жуда катта бўлса, яъни $m_2 \gg m_1$ шарти бажарилса, юқоридаги тенгламалардан $v'_1 = -v_1$, $v'_2 = 0$ бўлиб қолади. Масалан, деворга абсолют эластик урилган шар тезлигининг қиймати ўзгармайди (4.7-а, б расмлар), аммо унинг йўналиши тескарисига ўзгаради. Девор эса нисбий тинчлик ҳолатини сақлайди $v_2 = 0$. Бу тоифадаги урилишлар газ молекулаларининг идиш девори ёки электронларнинг, кристалл панжарадаги мусбат ионлар ёки атомлар билан тўқнашишларида юзага келади.

Реал шароитда ҳар қандай ёпиқ консерватив система маълум дарожада ноконсерватив кучларни ўз



4.8- расм.

ичига олади. Масалан, эластик шар эластик сиртга h баландликдан эркин түшсө, у ўша баландликка қайта күтарила олмайды (4.8- расм). Шарнинг сирт билан түқнашишдан олдинги ва кейинги ҳолатлари учун механик энергиянинг сақланиш қонуни

$$mgh = \frac{mv^2}{2}, \quad mgh' = \frac{mv'^2}{2}$$

шаклида ёзилади. Уларнинг нисбатидан шарнинг түқнашишдан кейинги тезлигини аниқлаймиз:

$$v' = \sqrt{\frac{h'}{h}} \cdot v = k \cdot v.$$


Бу ифодадаги $k = \sqrt{\frac{h'}{h}}$ тикланиш коэффициенти. Пўлат, фил суюги, каучук ва бошқа эластик жисмларнинг тикланиш коэффициентлари $k = 0,85 \div 0,95$ оралиғида ётади.

Ноэластик урилиш. Түқнашаётган жисмлар орасида фақат ноконсерватив кучлар мавжуд бўладиган урилиш абсолют ноэластик бўлади. Тикланиш коэффициенти $k=0$ бўлган гилмоя, пластилин, қўрғошин ва шу каби моддалар юқоридан ерга түшса, қайтиб юқорига кўтарилийди. Бундай моддалардан тайёрланган шарлар марказий урилишда иштирок этса, улар урилишдан сўнг биргаликда бир хил тезлик билан ҳаракатланади. Бу турдаги ноэластик түқнашишда импульснинг сақланиш қонуни бажарилади, лекин механик энергиянинг сақланиш қонуни бажарилмайди. Масалан, массалари m_1 ва m_2 , тезликлари $v_1 > v_2$ бўлган икки шар — бир хил йўналишда ҳаракат қилаётган бўлсин (4.9- расм). Бу икки шарлар учун импульснинг сақланиш қонунини


$$\vec{m}_1 \vec{v}_1 + \vec{m}_2 \vec{v}_2 = (m_1 + m_2) \vec{v}$$

Түқнашишдан олдиин.

Түқнашишдан кейин



4.9- расм.



4.10- расм.

шаклда ёзиш мумкин. Чунки түқнашишдан кейин ҳар икки шар биргаликда \vec{v} тезлик билан ўз ҳаракатларини давом эттиради. Юқоридаги тенгламадан бу тезликнинг қиймати:

$$v = \frac{m_1 v_1 + m_2 v_2}{m_1 + m_2}.$$

Аксинча, шарлар v_1 ва v_2 тезликлар билан қарама-қарши йўналишларда ҳаракат қилсалар (4.10- расм), ҳаракатнииг мусбат йўналишига асосан шарларнинг биргаликдаги тезлиги

$$v = \frac{m_1 v_1 - m_2 v_2}{m_1 + m_2} \quad (4.18)$$

бўлади. Бунда $m_1 v_1 > m_2 v_2$ бўлганда, шарлар биргаликда биринчи шар йўналишида, $m_1 v_1 < m_2 v_2$ бўлганда, иккинчи шар йўналишида ўз ҳаракатларини давом эттирадилар.

Энергиянинг сақланиш қонунига асосан системадаги ноконсерватив кучларнинг бажарган иши түқнашишдан олдинги ва кейинги кинетик энергияларнинг айримасига тенг:

$$A = \frac{m_1 v_1^2}{2} + \frac{m_2 v_2^2}{2} - \frac{(m_1 + m_2) v^2}{2}. \quad (4.19)$$

Агар ноэластик түқнашаётган шарлар атроф-муҳитдан адиабатик (иссиқлик алмашмайдиган) қилиб ажратилган деб фараз қилсак, (4.19) билан аниқланган иш шарларнинг ички энергиясига ўтади. Бинобарин, ноэластик түқнашишда шарларнинг ички энергияси U_1 дан U_2 гача ўзгариб, бажарилган иш бу ички энергиялар айримаси

$$A = U_2 - U_1 \quad (4.20)$$

га тенг бўлиб қолади. У ҳолда, (4.19) ва (4.20) тенгламалар билан аниқланган ишларнинг тенглигидан, абсолют ноэластик урилиш учун энергиянинг сақланиш қонуни

$$\frac{m_1 v_1^2}{2} + \frac{m_2 v_2^2}{2} + U_1 = \frac{(m_1 + m_2) v^2}{2} + U_2 \quad (4.21)$$

шаклга эга бўлишини аниқлаймиз. Демак, абсолют ноэластик урилишда механик энергиянинг сақланиш қонуни бажарилмас экан. Лекин тўла энергиянинг сақланиш қонуни ўз мазмунини сақлади.

V б о б. ҚАТТИҚ ЖИСМ АЙЛАНМА ҲАРАҚАТ МЕХАНИКАСИ


5.1- §. Моддий нуқта айланма ҳаракатининг кинематикаси

Моддий нуқтанинг илгариланма ҳаракатини текширганда тезлик v тезланиш a каби кинематик катталиклари киритган эдик. Лекин бу параметрлар моддий нуқтанинг айланма ҳаракатини ифодалашда етарли бўлмайди. Масалан, массалари бир хил бўлган ва моддий нуқта деб қарашиб мумкин бўлган икки жисмни ипга боғлаб, айланма ҳаракатга келтирайлик. 5.1-расмдан равшанки, моддий нуқталар тенг вақтлар оралиғида ҳар хил узунликдаги ёйларни чизади. Аммо моддий нуқталарнинг ўрнини белгиловчи радиус-вектор бир хил $\Delta\phi$ бурчакка бурилади. Ҳосил бўлган ёйларнинг узунлуклари $\Delta s_1 = r_1 \Delta\phi$ ва $\Delta s_2 = r_2 \Delta\phi$ тенгламалардан топилади. Ушбу ифодаларнинг икки томонини Δt га бўлиб, $\Delta t \rightarrow 0$ да улардан лимит оламиз. Бунда юқоридаги ифодаларнинг чап тарафи (1.3) тенгламага асосан, берилган икки моддий нуқтанинг чизиқли тезликларини беради, яъни:


$$v_1 = r_1 \lim_{\Delta t \rightarrow 0} \frac{\Delta\phi}{\Delta t}, \quad v_2 = r_2 \lim_{\Delta t \rightarrow 0} \frac{\Delta\phi}{\Delta t}. \quad (5.1)$$

Моддий нуқта айланма ҳаракатининг радиуси ўзгармас. Вақт бирлиги оралиғида радиус-вектор бурилиш бурчагининг ўзгариш тезлигини характерлаш мақсадида бурчак тезлик тушунчасини киритамиз. (5.1) тенгламаларнинг ихтиёрий бирига асосан бурчак тезликнинг формуласини қуидагича топиш мумкин:

$$\omega = \lim_{\Delta t \rightarrow 0} \frac{\Delta\phi}{\Delta t} = \frac{d\phi}{dt}. \quad (5.2)$$



5.1- расм.



5.2- расм.

Бурчак тезлик — бурилиш бурчагидан вақт бўйича олинган биринчи тартибли ҳосилага тенг экан. У вақт бирлиги ичида радиус-векторнинг бурилиш бурчагининг қанчага ўзгаришини кўрсатади. Бу тушунчага асосан (5.1) тенгламаларда келтирилган чизиқли тезликларни

$$\vartheta_1 = \omega r_1, \quad \vartheta_2 = \omega r_2$$

кўринишларда ёзамиш.

Демак, айланиш ўқига нисбатан ҳар хил масофаларда жойлашган икки ва ундан ортиқ боғланган моддий нуқталар айланма ҳаракатга келтирилганда, уларнинг чизиқли тезликлари ҳар хил, бурчак тезликлари бир хил бўлар экан. Умумий ҳолда бурилиш бурчаги, бурчак тезлик айланиш ўқи бўйлаб йўналган ва йўналиши ўнг винт (ўнг парма) қоидаси аниқланадиган векторлардир. Масалан, моддий нуқта маркази О нуқтада ётган саноқ системасига нисбатан 5.2-расмда кўрсатилгандек айланма ҳаракат қилсин. Унинг фазодаги ўрнини аниқловчи радиус-вектор ортигаси

$d\vec{r}$, $d\vec{\varphi}^1$ ва \vec{r} векторлар ҳосил қилган текисликка перпендикуляр, чунки $d\vec{\varphi}$ ва $d\vec{r}$ лар M текисликда ётади. Шуннинг учун $d\vec{r}$ векторни $d\vec{\varphi}$ ва r ларнинг вектор кўпайтмаси орқали ифодалаймиз:

$$d\vec{r} = [d\vec{\varphi} \vec{r}]. \quad (5.3)$$

(5.3) ифодани 5.2-расмда келтирилган радиус-вектор орттири-маси $d\vec{r}$ нинг қийматини, $d\vec{\varphi}$ ва \vec{r} векторлар орасидаги бурчакнинг синусига боғлиқ ҳолда қуидагича ёзиш мумкин:

$$dr = d\varphi \cdot r \cdot \sin \alpha.$$

Ёки $\sin \alpha = \frac{R}{r}$ бўлганидан, (5.3) тенглама

$$dr = d\varphi \cdot R \quad (5.4)$$

шаклда ҳам ёзилади. (5.3) вектор кўпайтмани ҳаракат вақти dt га бўламиз ва $\vec{v} = \frac{d\vec{r}}{dt}$, $\vec{\omega} = \frac{d\vec{\varphi}}{dt}$ эканлигини назарга олсак, чизиқли тезлик вектори билан бурчак тезлик вектори орасидаги боғланиш ҳосил бўлади:


$$\vec{v} = [\vec{\omega} \vec{r}]. \quad (5.5)$$

Бу ифода ёрдамида фазодаги ўрни \vec{r} радиус-вектор билан аниқланган (5.2-расм) моддий нуқтанинг чизиқли тезлигини топамиз. Агар моддий нуқта текисликда радиуси R бўлган айлана бўйлаб ҳаракат қиласа (5.4-расм), унинг чизиқли тезлик вектори


$$\vec{v} = [\vec{\omega} \vec{R}] \quad (5.6)$$

ифода орқали аниқланади. Ҳар икки ҳолда ҳам бурчак тезлик $\vec{\omega}$, \vec{v} ва \vec{r} (ёки \vec{R}) векторлари ҳосил қилган текисликка перпендикуляр (5.2 ёки 5.3-расмларга қаранг) ва унинг йўналиши ўнг винт (ўнг парма) қоидасига асосан топилади (5.4-расм).

¹ Бурчак кичик бўлганда бурилиш бурчагини $d\vec{\varphi} = d\varphi \vec{n}$ шаклда-ти вектор деб кўриш мумкин.



5.3- расм.



5.4- расм.

Айланма ҳаракатнинг бурчак тезлиги ўзгармас ($\omega = \text{const}$) бўлса, айлана бўйлаб текис ҳаракат бўлади. Масалан, Ернинг суткалик, электронларнинг ядро атрофидаги ҳаракатлари текис айланма ҳаракатдир. Бу турдаги ҳаракатни аниқлашда давр ва частота тушунчалари киритилган. Бир марта тўла айланиш учун кетган вақт T —айланши даври, бир секунддаги айланышлар сони v —айланши частотаси бўлиб, улар ўзаро тескари боғланган: $T = \frac{1}{v}$. Бир марта тўла айланышда моддий нуқта 2π радиан бурчакка бурилишини ҳисобга олсак, бурчак тезлик

$$\omega = \frac{2\pi}{T}$$

га тенг бўлади. У ҳолда частота билан бурчак тезлик орасидаги боғланиш:

$$\omega = 2\pi v.$$

Ўзгарувчан айланма ҳаракат чизиқли тезлик векторининг вақт оралиғидаги ўзгариши билан аниқланади. Шунинг учун (5.5) тенгламадан вақт бўйича ҳосила оламиз:

$$\frac{d\vec{v}}{dt} = \frac{d\vec{\omega}}{dt} \vec{r} + \vec{\omega} \frac{d\vec{r}}{dt}. \quad (5.7)$$

Бу тенгламанинг биринчи ҳадидаги катталик

$$\vec{\beta} = \frac{d\vec{\omega}}{dt} = \frac{d}{dt} \left(\frac{d\vec{\varphi}}{dt} \right) = \frac{d^2\vec{\varphi}}{dt^2} \quad (5.8)$$

вақт бирлиги оралиғида бурчак тезлик ўзгаришини күрсатади ва у *бурчак тезланиш* деб аталади. Бурчак тезланиш бурчак тезликдан вақт бўйича олинган биринчи тартибли ҳосилага ёки бурилиш бурчагидан вақт бўйича олинган иккинчи тартибли ҳосилага тенг. (1.2), (1.6) ва (5.8) ифодаларга асосан (5.7) тенгламани яна қуидагича ёзиб, натижавий тезланиш (1.9) га биноан $\vec{a} = \vec{a}_t + \vec{a}_n$ эканлигини эътиборга оламиз, яъни

$$\vec{a} = [\vec{\beta} \vec{r}] + [\vec{\omega} \vec{v}] = \vec{a}_t + \vec{a}_n. \quad (5.9)$$

Юқоридаги ифодадан тангенциал тезланиш

$$\vec{a}_t = [\vec{\beta} \vec{r}] \quad (5.10)$$

айланага уринмали, нормал тезланиш эса

$$\vec{a}_a = [\vec{\omega} \vec{v}] \quad (5.11)$$

радиус-вектор бўйлаб айлана марказига қараб йўналган бўлади.

5.2- §. Моддий нуқта айланма ҳаракатининг динамикаси

Маълумки, (5.11) тенгламага асосан моддий нуқтанинг текис айланма ҳаракати фақат марказга интилмакуч таъсирида юзага келади. Масалан, атомдаги электронлар ядро атрофида марказий куч турига кирган электр кучи таъсирида текис айланма ҳаракат қилса, Қуёш атрофидаги сайёralар тортишиш күчлари таъсирида эллиптик орбита бўйлаб ҳаракат қиласи.

Моддий нүқта айланма ҳаракатининг бурчак тезлигини миқдор жиҳатдан ўзгартириш учун моддий нүқтага марказга интилма куч билан бир қаторда, унинг ҳаракат траекториясига уринма бўйлаб йўналган куч таъсир этиши лозим. Ньютоннинг иккинчи қонунига асосан бу кучнинг қиймати:

$$F_t = m a_t \quad (5.12)$$

жеки (5.10) тенгламани эътиборга олсак, (5.12)ни яна күйидаги

$$F_t = m\beta r$$

шаклда ёзиш мумкин. Бу тенгламанинг икки томонини r га кўпайтирамиз:

$$F_t \cdot r = mr^2\beta, \quad (5.13)$$

бунда r — айлана радиуси. Ушбу ҳолда, у айлана марказидан уринма бўйича йўналган куч таъсир чизигига туширилган перпендикулярнинг узунлиги l га тенг бўлиб l куч елкаси дейилади. Елканинг узунлиги айланиш ўқи билан α бурчакни ҳосил қилиб, моддий нуқтага 5.5-расмда кўрсатилгандек таъсир этсин. Бундай ҳолда кучни икки ташкил этувчига ажратамиз. Айланиш ўқига радиус бўйлаб йўналган F_n куч моддий нуқта боғланишининг марказга интилма кучини ҳосил қиласи. Қаттиқ жисм айланма ҳаракат қилаётган бўлса, уни шу йўналишда деформациялаши мумкин. Бинобарин, кучнинг \vec{F} , ташкил этувчиси моддий нуқта айланма ҳаракатини белгилайди. F кучнинг елкаси $l = r \cdot \sin \alpha$ шаклида аниқланиб, (5.13) тенгламанинг чап томони

$$Fl = Fr \cdot \sin \alpha \quad (5.14)$$

кўринишда ёзилади.

Кучни елкага бўлган кўпайтмаси *куч моменти* дейилади.

Куч моменти вектор каттадик. (5.14) тенгламага асосан унинг математик ифодаси:

$$\vec{M} = [\vec{r} \vec{F}]. \quad (5.15)$$

Вектор кўпайтманинг хосасига асосан куч моменти \vec{M} , \vec{r} ва \vec{F} векторлар ҳосил қилган текисликка перпендикуляр ва ўнг винт қоидасига биноан айланиш ўқига $O O'$ бўйлаб йўналган (5.5-расм).

Юқоридаги (5.13) тенгламанинг ўнг томонидаги

$$I = mr^2 \quad (5.16)$$

ифода моддий нуқтанинг айланиш ўқига нисбатан *инерция моменти* дейилади. Демак, моддий нуқтанинг бирор айланиш ўқига

нисбатан инерция моменти шу моддий нүқта массаси билан ундан айланиш ўқигача бўлган масофа квадратининг кўпайтмасига тенг. (5.15) ва (5.16) тенгламалардан шу нарса аниқки, моддий нүқтанинг бурчак тезланиши фақат куч ва массага боғлиқ бўлмай, кучнинг қўйилиш нүқтаси ва моддий нүқтанинг айланиш марказига нисбатан олган вазиятига боғлиқ. Бу боғланишларга асосан моддий нүқтанинг айланма ҳаракати учун динамиканинг асосий қонуни (5.13) қўйидагича ёзилади:

$$\vec{M} = I\vec{\beta}. \quad (5.17)$$

Ушбу ифода *моддий нүқта айланма ҳаракат динамикасининг асосий тенгламаси* деб аталади. Моддий нүқта инерция моментининг бурчак тезланишга кўпайтмаси, унга таъсир этаётган куч моментига тенг.

5.3-§. Абсолют қаттиқ жисм айланма ҳаракатининг динамикаси


Қаттиқ жисм — ўзаро мустаҳкам боғланган моддий нүқталар системасидир. Бу жисм айланма ҳаракатини текшириш мақсадида *абсолют қаттиқ жисм* деган тушунча киритилган. Абсолют қаттиқ жисм деб шундай жисмга айтилади, унинг ҳаракати давомида зарралар орасидаги масофа ўзгармайди, яъни жисм ташқи куч таъсирида деформацияланмай, ўз шаклини сақлайди. Унинг зарралари маркази бир тўғри чизиқда ётган айланаларни чизади. 5.6-расмдан равшанки, айланиш ўқига нисбатан ҳар хил вазиятни эгаллаган зарраларнинг чизиқли тезликлари ҳар хилдир.

Боғланган моддий нүқталардан ташкил бўлган бу жисм зарралари ички кучлар билан таъсиrlашадилар ва шу кучлар туфайли қаттиқ жисм ўз шаклини сақлайди. Ньютооннинг III қонунига асосан ихтиёрий ёпиқ системадаги моддий нүқталарнинг ички таъсир кучларининг вектор йифиндиси:


$$\sum_{in} \vec{f}_{in} = 0.$$

У ҳолда, қаттиқ жисмнинг ихтиёрий айланиш ўқига нисбатан ички кучлар моментларининг вектор йифиндиси ҳам нолга тенг бўлади:

$$\sum_{in} \vec{M}_{in} = 0. \quad (5.17a)$$



5.6- расм.



5.7- расм.

Хулоса шуки, ички кучлар системани илгарилама ҳаракатга келгира олмагандек, уларнинг моментлари ҳам қаттиқ жисмни айланма ҳаракатга келтириши мумкин эмас.

Қаттиқ жисм куч моменти нолдан фәрқли бўлган ташки кучлар таъсирида айланма ҳаракат қилиши мумкин. Жисм инерция марказидан ўтган ўққа нисбатан қаттиқ жисмнинг айланма ҳаракатини текшириш мақсадида, унинг ихтиёрий икки бўлакчасини фикран ажратиб олайлик. Биринчи бўлакчанинг массаси m_i , иккинчи бўлакчанинг массаси m_k бўлсин. Улар чизган айланаларнинг радиусларини мос равишда r_i ва r_k деб белгилайлик. Ички \vec{f} ва ташки \vec{F} кучларнинг йўналишлари 5.7-расмда келтирилган каби бўлсин. Моддий

нүқталар айланма ҳаракатлари учун динамиканинг асосий қонуни

$$m_i r_i^2 \beta = f_{ik} l_{ik} + F_i l_i \text{ ва } m_k r_k^2 \beta = f_{ki} l_{ki} + F_k l_k$$

күренишга эга. Тенгламалардаги l_{ik} ва l_{ki} лар ўзаро тенг ва улар \vec{f}_{ik} , \vec{f}_{ki} ички кучларининг елкалари, l_i ва l_k мос равишда \vec{F}_i ва \vec{F}_k ташқи кучларнинг елкалари. Келтирилган бу изоҳларга асосан $f_{ik} \cdot l_{ik} = M_{ik}$ ички кучнинг моменти, $F_i l_i = M_i$ ташқи кучнинг моменти бўлади. Юҳорида келтирилган икки тенгламадан бирини ҳамма зарралар бўйича жамлаймиз (бунда ҳамма зарралар бир хил бурчак тезланишга эга бўлишини унутмаслик керак). Куч моментларининг йўналиши эса бурчак тезланиш йўналишида бўлиб, айланиш ўқи бўйлаб йўналган. Шундай қилиб, юҳоридағи икки тенгламанинг бири қўйидаги кўренишда ёзилади:

$$\sum m_i r_i^2 \vec{\beta} = \sum \vec{M}_{ik} + \sum \vec{M}_i.$$

Ички кучлар моментларининг вектор йиғиндиси (5.17 a) га асосан нолга тенг, яъни $\sum \vec{M}_{ik} = 0$. Демак, зарралар системаси учун ёзилган тенгламани

$$\sum \vec{M}_i = \vec{\beta} \sum m_i r^{i2} = \vec{\beta} \sum I_i \quad (5.18)$$

кўренишга ўтказиш мумкин. Бу тенгламани янада ихчамлаштирайлик. Ташқи кучлар ўзаро ички кучлар билан боғланган зарралар системасига таъсир қилганидан куч моментларининг вектөр йиғиндисини битта натижавий куч моменти билан алмаштирамиз:

$$\vec{M} = \sum \vec{M}_i. \quad (5.19)$$

Маълумки, инерция моменти скаляр қатталик. Моддий нүқталарнинг масса марказидан ўтган ўққа нисбатан инерция моментларининг йиғиндиси қаттиқ жисмнинг шу ўққа нисбатан инерция моментини беради¹:

$$I_{oz} = \sum I_{iz} = \sum m_i r_i^2. \quad (5.20)$$

¹ Эслатма: Айланиш ўқини қаттиқ жисмнинг масса марказидан ўтган x ёки y ёки z координата ўқлари йўналишида олинсан, уларга нисбатан олинган инерция моментлари ўзаро тенг ($I_{ox} \neq I_{oy} \neq I_{oz}$) бўлмайди. Шу боисдан, инерция марказидан ўтган вертикал OO' ўққа нисбатан олинган инерция моментини I_{oz} деб белгиладик.

(5.19) ва (5.20) белгилашларга асосан (5.18) тенгламани қуийдагича ёзамиш:

$$\vec{M} = I_{oz} \vec{\beta}. \quad (5.21)$$

Ушбу муносабат абсолют қаттиқ жисм айланма ҳаракат динамикасининг асосий тенгламаси дейилади ёки қаттиқ жисм айланма ҳаракати учун Ньютоннинг иккичи қонуни деб юритилади. Абсолют қаттиқ жисмга таъсир этатган кучлар моменти жисм инерция моменти билан бурчак тезланишининг кўпайтмасига тенг.

Шуни алоҳида таъкидлаш керакки, инерция марказидан ўтган ўққа нисбатан қаттиқ жисмнинг инерция моменти энг кичик. Шунинг учун айланма ҳаракат қилувчи ҳамма қаттиқ жисмларнинг айланиш ўқи шу нуқтадан ўтади.

Реал шароитда жисмнинг айланма ҳаракати консерватив ва ноконсерватив табиатга эга бўлган кучлар таъсирида юзага келиши мумкин. Бир неча кучлар таъсиридаги жисмнинг айланма ҳаракати бу кучлар моментларининг вектор йиғиндиси орқали аниқланади. Ҳар бир куч ҳосил қилган моментнинг қиймати ва йўналиши, куч ва радиус векторларнинг ўзаро жойлашишига боғлиқ бўлиб, (5.15)га асосан

$$\vec{M} = [\vec{r} \vec{F}]$$

тенглама билан топилади. Куч моменти, \vec{r} ва \vec{F} векторлар ҳиссил қилган текисликка перпендикуляр бўлган ҳолда, унинг йўналиши ўнг парма (винт) қоидаси билан аниқланади. Векторлар орасидаги бурчак $\frac{\pi}{2}$ бўлганда куч моменти ўзининг энг катта қийматига эришади. Хулоса шуки, \vec{r} ва \vec{F} векторлар ўзаро (нолдан фарқли) қандай бурчак ҳосил қилмасин, куч моменти шу векторлар ҳосил қилган текисликка перпендикуляр бўлган айланиш OO' ўқи бўйлаб мусбат куч моменти юқорига, манфий куч моменти пастга йўналади. Қаттиқ жисм айланма ҳаракатининг бурчак тезланиши натижавий куч моменти \vec{M} нинг қийматига боғлиқ. Бурчак тезланишининг йўналиши натижавий куч моментининг йўналиши билан аниқланади.

5.4-§. Айрим жисмларнинг инерция моментларини ҳисоблаш


Юқорида эслатиб ўтганимиздек, масса (ёхуд инерция) марказидан ўтган ўққа нисбатан қаттиқ жисмнинг инерция моменти энг кичик бўлади. Бинобарин, айланиш ўқи инерция марказидан ўтмаса қаттиқ жисмнинг инерция моменти катталашади. Масалан, узунлиги l , кўндаланг кесими S бўлган бир жинсли стержень уринма бўйича йўналган \vec{F} куч таъсирида айланма ҳаракат қилсин (5.8-расм). Айланыш ўқи OO' стерженнинг масса марказидан ўтган бўлса, стержень $M = F \cdot \frac{l}{2}$ билан аниқланган куч моменти таъсирида бўлади. Ушбу ўққа нисбатан стерженнинг инерция моментини ҳисоблаб чиқайлик. Бунинг учун айланиш ўқидан, 5.8-расмда кўрсатилгандек, x масофада ётган dx бўлакчани ажратиб оламиз. Унинг массаси dm бўлсин. Бу бўлакчани моддий нуқтә деб, унинг инерция моментини

$$dI = x^2 dm = \rho x^2 dV \quad (5.22)$$


тenglamадан ҳисоблаймиз. Элементар бўлакчанинг ҳажми $dV = S \cdot dx$ бўлганлигидан, бўлакчанинг инерция моментини қуидаги кўринишида ёзиш мумкин:

$$dI = \rho S \cdot x^2 dx. \quad (5.23)$$


Ўқ стерженни teng иккита бир хил қисмга ажратганлиги-



5.8- расм.



5.9- расм.



5.10- расм.

дан, яъни системанинг симметриклигидан (5.23) ифодани иккига кўпайтириб интеграллаймиз:

$$I_{oz} = 2\rho S \int_0^{l/2} x^2 dx = \frac{\rho \cdot Sl^3}{12} = \frac{1}{12} ml^2 \quad (5.24)$$

Агар айланиш ўқи стерженнинг бир учидан ўтса (5.9- расм), унга таъсир этаётган куч моменти $M = Fl$ га тенг. Бу ўққа нисбатан стерженнинг инерция моменти, (5.23) га асоссан,

$$I_{oz} = \rho S \int_0^l x^2 dx = \frac{\rho \cdot Sl^3}{3} = \frac{1}{3} ml^2$$

га тенг бўлади.

Келтирилган оддий ҳисоблашлардан равшанки, айланиш z ўқи инерция марказидан ўтмаса, қаттиқ жисмнинг инерция моменти катталашади. Юзага келган ортиқча инерция моменти эса

$$I_z - I_{oz} = \frac{1}{3} ml^2 - \frac{1}{12} ml^2 = m\left(\frac{l}{2}\right)^2 \quad (5.25)$$

бўлади. Ушбу ифодага $\frac{l}{2} = d$ белгилаш киритамиз. У ҳолда (5.25) тенглама

$$I_z = I_{oz} + md^2 \quad (5.26)$$


шаклида ёзилади. Бунда d инерция марказидан ўтган ўқ билин айланыш ўқи орасидаги масофа. Ҳосил бўлган янги (5.26) тенглама Штейнер теоремасининг математик ифодасидир. У қуйидаги мазмунга эга: *ихтиёрий ўққа нисбатан айланма ҳаракат қилаётган* (5.10-расм) жисмнинг инерция моменти (I_z) шу ўққа параллель бўлган ва инерция марказидан ўтган ўққа нисбатан инерция моменти (I_{oz}) билан жисм массасини икки ўқ орасидаги масофа квадратига кўпайтмасининг ишғиндисига тенг.

Ихтиёрий ўққа нисбатан жисмнинг инерция моменти аниқ бўлса, айланма ҳаракат динамикасининг асосий тенгламаси (5.21)

$$\vec{M} = (I_{oz} + md^2)\vec{\beta}$$

кўринишга ўтади. Демак, айланыш ўқи инерция (ёхуд масса) марказидан узоқлашган сари, жисмнинг инерция моменти ошиб боради ва уни айланма ҳаракатга келтирувчи куч моменти орта бориши туфайли жисмни айланма ҳаракатга келтириш қийинлашади.

Жисмларнинг инерция моментлари уларнинг геометрик шаклига ҳам боғлиқ. Мисол тариқасида 5.11-а расмда келтирилган, радиуси R , массаси m ва баланд-



5.11-расм.

лиги H бўлган яхлит бир жинсли цилиндрнинг инерция марказидан ўтган ўққа нисбатан инерция моментини ҳисоблаб чиқайлик. Бу масалани ҳал қилиш мақсадида, цилиндрдан 5.11-б расмда кўрсатилган қисмини ажратиб оламиз. dy қалинликка эга бўлган цилиндр бўлак-часининг ҳажми:

$$dV = r dr dy \cdot d\varphi.$$

Бу ифодада x ўрнида r олинди. Шу боисдан (5.22) га асосан бу бўлакчанинг инерция моменти:

$$dI = \rho r^3 dr dy \cdot d\varphi.$$

Ушбу ифодани интеграллаш орқали цилиндрнинг марказидан ўтган ўққа нисбатан инерция моментини топамиз:

$$I_{oz} = \rho \int_0^R r^3 dr \int_0^H dy \cdot \int_0^{2\pi} d\varphi = \frac{\rho \cdot 2\pi R^4 \cdot H}{4}.$$

Бу ифодада $\rho \cdot \pi \cdot R^2 \cdot H = m$ цилиндрнинг массаси. Бинобарин, 5.11-а расмда кўрсатилган цилиндрнинг масса марказидан ўтган OO' ўққа нисбатан инерция моменти

$$I_{oz} = \frac{1}{2} m R^2$$

тенг экан. Шу усул билан ҳисобланган R радиусли шарнинг инерция марказидан ўтган ўққа нисбатан инерция моменти:

$$I_{oz} = \frac{2}{5} m R^2.$$

5.5- §. Қаттиқ жисм айланма ҳаракатининг тенгламалари

Фараз қиласи, қаттиқ жисм инерция марказидан ўтган қўзғолмас ўққа нисбатан ўзгармас куч моменти таъсирида айланма ҳаракат қилсин. Айланма ҳаракат динамикасининг асосий тенгламаси (5.21)дан бу жисмнинг олган бурчак тезланиши ўзгармас ($\beta = \text{const}$) бўлиб, унинг қиймати

$$\beta = \frac{M}{I_{oz}}$$

бўлади. У ҳолда, (5.8) га асосан, dt вақт оралиғидаги бурчак тезлик ўзгариши:

$$d\omega = \beta dt$$

Ушбу ифодани интеграллаб,

$$\int_{\omega_0}^{\omega} d\varphi = \beta \int_0^t dt$$

t моментга мос бўлган бурчак тезликни топамиз:

$$\omega = \omega_0 + \beta t \quad (5.28)$$

Бошланғич ҳолатга ($t = 0$) мос бўлган бошланғич бурчак тезлик $\omega_0 = 0$ бўлса, текис ўзгарувчан айланма ҳаракатнинг бурчак тезлиги

$$\omega = \beta t \quad (5.29)$$

бурчак тезланиши ҳаракат вақтига кўпайтмаси билан ҳисобланади.

Текис ўзгарувчан айланма ҳаракатнинг бурилиш бурчагини (5.2) дан топиш мумкин:

$$d\varphi = \omega \cdot dt.$$

Тенгламадаги бурчак тезликни ўз ифодаси (5.28) билан алмаштирамиз

$$d\varphi = (\omega_0 + \beta t) dt$$

ва берилган чегарада интеграллаймиз:

$$\int_0^{\varphi} d\varphi = \int_0^t (\omega_0 + \beta t) dt.$$

Ушбу ифодани интеграллашда бошланғич бурчак тезлик ($\omega_0 = \text{const}$) ва бурчак тезланиш ($\beta = \text{const}$) ўзгармас деб оламиз. Ў ҳолда:

$$\varphi = \omega_0 t + \frac{\beta t^2}{2}.$$

Бошланғич бурчак тезлик $\omega_0 = 0$ бўлса, текис ўзгарувчан айланма ҳаракатнинг бурилиш бурчаги

$$\varphi = \frac{\beta t^2}{2} \quad (5.30)$$

тенглама орқали ҳисобланади.

Келтирилган юқоридаги формулаларни илгариланма тўғри чизиқли текис ўзгарувчан ҳаракатнинг ушбу тенгламалари

$$v = v_0 + at, \quad s = v_0 t + \frac{at^2}{2},$$

$$v = at, \quad s = \frac{at^2}{2}$$

били солиширсак, улар орасида ўхшашлик бор эканлигини кўрамиз.

5.6- §. Қаттиқ жисм айланма ҳаракатининг кинетик энергияси

Қаттиқ жисм масса марказидан ўтган қўзғалмас ўқатрофида айланма ҳаракат қилаётган бўлсин. Бу жисм айланма ҳаракатининг кинетик энергиясини аниқлаш мақсадида, уни фикран кичик бўлакчаларга бўламиш. Шу бўлакчалардан ихтиёрий бирининг массасини m_i ва чизиқли тезлигини v_i деб белгилайлик. Бу бўлакчанинг кинетик энергияси:

$$E_i = \frac{m_i v_i^2}{2}.$$

Тенгламадаги чизиқли тезликни унинг бурчак тезлик билан боғловчи ифода билан алмаштирамиз, яъни $v_i = \omega \cdot r_i$ (бунда r_i айланиш ўқидан бўлакча масса марказигача бўлган масофа). У ҳолда юқоридаги ифода

$$E_i = \frac{m_i r_i^2 \omega^2}{2}$$

кўринишга ўтади. Энергия скаляр катталик. Бинобарин, айланма ҳаракат қилаётган қаттиқ жисмнинг кинетик энергияси уни ташкил этган бўлакчалар айланма ҳаракатининг кинетик энергияларининг алгебраик йиғиндисига тенг:

$$E_k = \sum E_i = \frac{\omega^2}{2} \sum m_i r_i^2.$$

Келтирилган ифодага изоҳ бериб шуни айтиш мумкинки, қаттиқ жисм айланма ҳаракат қилганда, унинг ҳамма бўлакчалари бир хил бурчак тезликка эга бўлади. Бўлакчалар эса ўзаро ички кучлар билан боғланган. Шу боисдан, ушбу йиғинди, яъни қаттиқ жисмни барча бўлакчаларининг инерция моментлари йиғиндиси

$$I_{oz} = \sum m_i r_i^2$$

масса марказидан ўтган ўққа нисбатан қаттиқ жисмнинг инерция моментига тенгдир. Бу белгилашга асосан қаттиқ жисм айланма ҳаракатининг кинетик энергияси

$$E_k = \frac{I_{oz} \omega^2}{2}$$

ифода билан аниқланади. Демак, инерция марказидан ўтган қўзғалмас ўқ атрофида айланётган қаттиқ жисмнинг кинетик энергияси, жисмнинг айланиш ўқига нисбатан инерция моменти билан бурчак тезлик квадрати кўпайтмасининг ярмига teng.

Жисм қўзғалувчан ўққа нисбатан айланма ҳаракат қилса, яъни ҳам айланма, ҳам илгарилама ҳаракат қилса, унинг кинетик энергияси айланма ва илгарилама ҳаракат кинетик энергияларининг йиғиндиси орқали аниқланади:

$$E_k = \frac{I_{oz} \omega^2}{2} + \frac{mv_{im}^2}{2},$$

бунда v_{im} — масса маркази илгарилама ҳаракатининг тезлиги.

Масса марказидан ўтмаган ихтиёрий ўққа нисбатан жисмнинг айланма ҳаракатининг кинетик энергиясини ҳисоблашда, жисм инерция моментининг (5.26) билан ёзилган Штейнер теоремасини эътиборга олиш лозим.

5.7- §. Ўзгармас куч моментининг бажарган иши

Жисм ўзгармас куч моменти таъсирида масса марказидан ўтган қўзғалмас ўққа нисбатан айланма ҳаракат қилсин. Бунда ноконсерватив (ишқаланиш, қаршилик) кучларнинг моментлари нолга teng деб олайлик. Энергиянинг сақланиш қонунига асосан куч моментининг бажарган иши, жисм айланма ҳаракатининг кинетик энергиясини ҳосил қилишга ёки ўзгартиришга сарф бўлади. Иш энергия ўзгаришининг миқдорий ўлчови бўлганидан, иш учун қўйидаги тенглик ўринли:

$$A = \frac{I_{oz} \omega^3}{2} - \frac{I_{oz} \omega_0^2}{2}.$$

Текис ўзгарувчан айланма ҳаракатининг бошланғич бурчак тезлиги $\omega_0 = 0$ га teng деб олайлик. Вақтнинг t моменти-

га мос бўлган бурчак тезлик $\omega = \beta t$ билан аниқланганидан юқоридаги тенглама

$$\vec{A} = \frac{I_{oz} \beta \cdot \beta t^2}{2} = I_{oz} \beta \cdot \frac{\beta t^2}{2}$$

кўринишга ўтади. Бунда $M = I_{oz} \beta$ куч моменти, $\varphi = \frac{\beta t^2}{2}$ эса бурилиш бурчаги. Шунинг учун ўзгармас куч моментининг бажарган иши

$$A = M \cdot \varphi.$$

Ўзгармас куч моментининг бажарган иши куч моментининг бурилиш бурчагига кўпайтмаси орқали ҳисобланади.

Куч моменти ўзгарувчан бўлса, бурилиш бурчаги φ ни шундай чексиз кичик $d\varphi$ бўлакчаларга ажратамизки, бу оралиқда куч моменти ўзгармас ($M = \text{const}$) қолсин. Чексиз кичик $d\varphi$ бурилишдаги куч моментининг бажарган элементар иши:

$$dA = M \cdot d\varphi. \quad (5.33)$$

Ўзгарувчан куч моменти бажарган тўлиқ ишни аниқлашда юқоридаги ифодани ҳар бир хусусий ҳол учун интеграллаш йўли билан топилади:

$$A = \int M d\varphi \quad (5.34)$$

5.8-§. Моддий нуқта айланма ҳаракатининг импульс моменти

Маълумки, m массали моддий нуқта v тезлик билан илгариланма ҳаракат қилса, у $\vec{P} = \vec{m}v$ билан аниқланган импульсга эга бўлар эди. Ушбу моддий нуқтани r радиусли айлана бўйлаб ҳаракатга келтирсак, моддий нуқтанинг чизиқли тезлиги айлана радиусининг ўзгаришига боғлиқ равишда ўзгаради. Шу боисдан, айланма ҳаракатни текширишда импульс ўрнига, импульс моменти деган тушунча киритилган.

Моддий нуқта импульсининг айлана радиусига кўпайтмаси унинг импульс моменти дейилади, яъни

$$L = mvr = Pr. \quad (5.35)$$

Импульс моменти вектор катталик. 5.12-расмдан равшанини, \vec{L} импульс моменти, \vec{r} ва \vec{v} векторлар ҳосил қилган текисликка перпендикуляр:

$$\vec{L} = m[\vec{r} \vec{v}] = [\vec{r} \vec{p}].$$

Унинг йўналиши ўнг винт қоидасига асосан аниқланади. Бу йўналишни янада ойдинлаштириш мақсадида (5.35) тенгламадаги чизиқли тезликни $v = \omega r$ ифода билан алмаштирамиз:

$$L = m \omega \cdot r \cdot r = mr^2 \omega.$$

Мазкур ифодадаги $I = mr^2$ ҳаракатланаётган моддий нуқтанинг инерция моменти эканлигини на зарга олсак, моддий нуқтанинг импульс моменти учун қўйидаги ифодани ҳосил қиласиз: $L = I \omega$

ёки

$$\vec{L} = I \vec{\omega}. \quad (5.36)$$

Демак, импульс моментининг йўналиши бурчак тезлик йўналиши билан мос экан (5.12-расмга қаранг).

Импульс моментининг ўзгариш тезлиги нимага боғлиқлигини аниқлайлик. Бунинг учун инерция моментини ($I = \text{const}$) ўзгармас деб, (5.36) тенгламадан вақт бўйича ҳосила оламиз:

$$\frac{d \vec{L}}{dt} = I \frac{d \vec{\omega}}{dt} = I \vec{\beta}. \quad (5.37)$$

Олинган тенгламани айланма ҳаракат динамикасининг (5.17) кўринишдаги ифодаси билан таққослаб,


$$\frac{d \vec{L}}{dt} = \vec{M} \quad (5.38)$$

муносабатни ҳосил қиласиз. Демак, моддий нуқтанинг импульс моментининг ўзгариш тезлиги унга таъсир қилувчи куч моментига тенг экан.


Хусусан, куч моменти ($\vec{M} = 0$) нолга тенг бўлса, импульс моменти ($\vec{L} = \text{const}$) ўзгармас бўлади.

5.9-§. Абсолют қаттиқ жисм айланма ҳаракатининг импульс моменти

Олдинги параграфда олинган хulosаларни абсолют қаттиқ жисм айланма ҳаракати учун умумлаштирайлик. Масса марказидан ўтган қўзғалмас OO' ўққа нисбатан айланма ҳаракат қилаётган қаттиқ жисм бўлакчаларидан бирининг массасини



5.12- расм.



5.13- расм.

m_i , радиусини r_i , чизиқли тезлигини ω деб белгилайлик (5.13-расм). Бўлакчаларнинг ҳаммаси бир хил катталикдаги ω бурчак тезликка эга ва унинг йўналиши OO' айланиш ўқи бўйлаб йўналган.

Ажратиб олинган бўлакчанинг инерция моментини I_{iz} деб белгилайлик. У ҳолда, (5.36) га асосан, бу бўлакчанинг импульс моменти

$$\vec{L}_i = I_{iz} \vec{\omega} \quad (5.39)$$

бўлади. Ушбу ифодани қаттиқ жисмнинг барча бўлакчалари учун жамлаймиз:

$$\sum_{i=1}^n \vec{L}_i = \vec{\omega} \sum_{i=1}^n I_{iz} = \vec{\omega} \sum_{i=1}^n m_i r_i^2,$$

бунда n —бўлакчалар сони.

Юқорида келтирилган (5.20) тенгламага асосан $I_{oz} = \sum_{i=1}^n I_{iz} = \sum_{i=1}^n m_i r_i^2$ катталик, абсолют қаттиқ жисмнинг масса марказидан ўтган OO' қўзғалмас ўққа нисбатан инерция моментидир. Бўлакчалар импульс моментларининг вектор йигиндиси, абсолют қаттиқ жисм импульс моментига тенг:

$$\vec{L} = \sum_{i=1}^n \vec{L}_i.$$

Киритилган белгилашларга асосан қаттиқ жисм импульс моменти

$$\vec{L} = I_{oz} \vec{\omega} \quad (5.40)$$

эканлигини топамиз. Демак, қаттиқ жисмнинг масса марказидан ўтган қўзғолмас ўққа нисбатан импульс моменти, унинг шу ўққа нисбатан инерция моменти билан бурчак тезликнинг кўпайтмасига тенг.

Ихтиёрий ўққа нисбатан айланма ҳаракат қиласётган жисмнинг импульс моментини ҳисоблашда Штейнер теоремасидан фойдаланиб, жисмнинг шу ўққа нисбатан инерция моментини олиш лозим:

$$\vec{L} = I_z \vec{\omega},$$

бунда $I_z = I_{oz} + md^2$. I_{oz} жисмнинг масса марказидан ўтган ўққа нисбатан инерция моменти; m жисм массаси, d ўқлар орасидаги масофа. (5.40) ифодадан вақт бўйича олинган ҳосила қаттиқ жисм импульс моментининг ўзгариш тезлигини беради, яъни:

$$\frac{d \vec{L}}{dt} = I_{oz} \frac{d \vec{\omega}}{dt} = I_{oz} \vec{\beta}. \quad (5.41)$$

Ушбу ўзгаришни қаттиқ жисм айланма ҳаракат динамикасининг асосий тенгламаси (5.21) билан таққосласак, у таъсир этувчи куч моментига тенг эканлигини аниқлаймиз:

$$\vec{M} = \frac{d \vec{L}}{dt}. \quad (5.42)$$

Демак, импульс моментидан вақт бўйича олинган ҳосила қаттиқ жисмга таъсир қилаётган куч моментларининг тенг таъсир этувчисига тенг. Бошқача қилиб айтганда, қаттиқ жисмга таъсир қилаётган куч моментларининг тенг таъсир этувчиси, импульс моментининг ўзгариш тезлигига тенг.


Ташқи куч моментлари нолга тенг бўлганда қаттиқ жисмнинг айланиш ўқига нисбатан импульс моменти ўз қийматини йўналиш ва миқдор жиҳатдан ўзгармас сақлайди, яъни $\vec{M} = 0$ да (5.42) тенгламадан $\vec{L} = \text{const}$. Одатда қаттиқ жисмнинг кўрилаётган ўққа нисбатан инерция моменти ўзгармас ($I_{oz} = \text{const}$) бўлади. Шунингдек, бурчак тезлик ($\vec{\omega} = \text{const}$) бўлганда, импульс моменти ҳам ($\vec{L} = \text{const}$) ўзгармас қолади. У ҳолда (5.40) тенгликни қўйидагича ёзиш мумкин:

$$\vec{L} = I_{oz} \vec{\omega} = \text{const}. \quad (5.43)$$

Демак, ташқи куч моментининг таъсиридан холи бўлган қаттиқ жисмнинг импульс моменти ўзгармасдир.

5.10- §. Моддий нуқталар системаси импульсининг моменти ва унинг сақланиш қонуни

n та жисмдан ташкил топган системанинг импульс моментини ҳисоблаб чиқайлик. Системадаги ҳар бир



5.14-расм.

жисмни моддий нүкта деб күриш мумкин бўлган дара жада кичик деб оламиз. Системадаги жисмлар ўзаро ички кучлар билан таъсирлашиб, ўз вазиятини бошқа жисмларга нисбатан ўзгартириши мумкин. Шу хусусияти билан система абсолют қаттиқ жисмдан фарқ қиласди. Лекин Ньютооннинг III қонунига ва (2.13) ифодага асосан системадаги ички кучларнинг вектор йигинидиси

$\sum_{in} \vec{f}_{in} = 0$ га тенг. Демак, системанинг ихтиёрий айланыш ўқса нисбатан ички кучлар моментларининг вектор йигинидиси нолга тенг бўлиб, бу куч моментлари системани айланма ҳаракатга келтира олмайди.

Система таркибидағи ҳар бир жисмга ёки уларнинг бир қисмига куч моменти нолдан фарқли бўлган ташқи кучлар таъсир этса, у айланма ҳаракатга келиши мумкин. Ушбу масаланинг ечимини соддалаштириш мақсадида, 5.14-расмда кўрсатилган ва икки жисмдан ташкил топган системани оламиз. Улардан бирининг массаси m_1 , иккинчисиники m_2 , ташқи кучлар мос равища \vec{F}_1 ва \vec{F}_2 , ички кучлар \vec{f}_{12} ва \vec{f}_{21} бўлсин. Кучларнинг ихтиёрий О нүктага нисбатан моменти нолдан фарқли бўлганидан, система бу нүктага нисбатан айланма ҳаракат қиласди. Маълумки, ҳар қандай системани, массаси инерция марказига (ИМ) йиғилган моддий нүкта деб кўриш мумкин. Юқорида келтирилган (2.19) тенгламага асосан икки моддий нүктадан ташкил топган система учун қўйидаги ифодани ёза оламиз:

$$m_1 \vec{r}_1 + m_2 \vec{r}_2 = (m_1 + m_2) \vec{r}_{im}, \quad (5.44)$$

бунда \vec{r}_{im} инерция марказини аниқловчи радиус-вектор. Энди (5.44) дан вақт бўйича ҳосила оламиз:

$$m_1 \frac{d\vec{r}_1}{dt} + m_2 \frac{d\vec{r}_2}{dt} = m \frac{d\vec{r}_{im}}{dt},$$

бунда $m = m_1 + m_2$ система массаси, $\frac{d\vec{r}}{dt} = \vec{v}$, $\vec{P} = m\vec{v}$

эканлигини эътиборга олсак, юқоридаги тенглама $\vec{P}_1 + \vec{P}_2 = \vec{P}$ кўринишни олади.

Илгариланма ҳаракатга мос бўлган бу ифода, айланми ҳаракаг учун ҳам ўринли. Фақат илгариланма ҳаракатдага импульс \vec{P} айланма ҳаракат импульс моменти (5.35) билан алмашади холос, яъни

$$\vec{L} = \vec{L}_1 + \vec{L}_2 = [\vec{r}_1 \vec{P}_1] + [\vec{r}_2 \vec{P}_2]. \quad (5.45)$$

Ушбу ифодани n та жисмдан ташкил топган системага умумлаштиrsак (5.45) тенглама қўйидаги кўринишни олади:

$$\vec{L} = \sum_{i=1}^n \vec{L}_i = \sum_{i=1}^n [\vec{r}_i \vec{P}_i]. \quad (5.46)$$

Демак, системанинг импульс моменти системага кирган жисмлар импульс моментларининг вектор йифиндисига тенг.

Система импульс моментининг ўзгариш тезлигини аниҳлашда (5.45) дан вақт бўйича ҳосила олиш лозим, яъни

$$\frac{d\vec{L}}{dt} = \left[\frac{d\vec{r}_1}{dt} \vec{P}_1 \right] + \left[\vec{r}_1 \frac{d\vec{P}_1}{dt} \right] + \left[\frac{d\vec{r}_2}{dt} \vec{P}_2 \right] + \left[\vec{r}_2 \frac{d\vec{P}_2}{dt} \right]. \quad (5.47)$$

Келтирилган (5.47) тенгламада $\frac{d\vec{r}}{dt} = \vec{v}$ тезлик ва импульс \vec{P} бир хил йўналишга эга. Бинобарин, уларнинг вектор кўпайтмалари $\left[\frac{d\vec{r}_1}{dt} \vec{P}_1 \right] = \left[\frac{d\vec{r}_2}{dt} \vec{P}_2 \right] = 0$ га тенг. У ҳолда юқоридаги (5.47) ифода қўйидагича ёзилади:

$$\frac{d\vec{L}}{dt} = \left[\vec{r}_1 \frac{d\vec{P}_1}{dt} \right] + \left[\vec{r}_2 \frac{d\vec{P}_2}{dt} \right]. \quad (5.48)$$

Ньютооннинг иккинчи қонунига асосан моддий нуқта импульсининг ўзгариши унга таъсир этадиган кучларнинг вектор йифиндисига тенг:

$$\frac{d\vec{P}_1}{dt} = \vec{F}_1 + \vec{f}_{12}, \quad \frac{d\vec{P}_2}{dt} = \vec{F}_2 + \vec{f}_{21}. \quad (5.49)$$

(5.49) ифодадаги \vec{F}_1 ва \vec{F}_2 мос равища, 5.14-расмда келтирилган биринчи ва иккинчи моддий нүкталарга гаъсир этаётган ташқи кучлар: \vec{f}_{12} ва \vec{f}_{21} эса бу жисмлар орасидағи ўзаро ички таъсир кучлардир.

(5.49) ни (5.48) га қўйсак, импульс моментининг ўзгариш тезлиги учун

$$\frac{d\vec{L}}{dt} = [\vec{r}_1(\vec{F}_1 + \vec{f}_{12})] + [\vec{r}_2(\vec{F}_2 + \vec{f}_{21})] \quad (5.50)$$

шаклдаги тенгламани ҳосил қиласиз. Вектор кўпайтмани очиб, Ньютоннинг III қонунига асосан $\vec{f}_{12} = -\vec{f}_{21}$ алмаштириш киритамиз. У ҳолда юқоридаги (5.50) тенглама қуидаги

$$\frac{d\vec{L}}{dt} = [\vec{r}_1\vec{F}_1] + [\vec{r}_1\vec{f}_{12}] + [\vec{r}_2\vec{F}_2] - [\vec{r}_2\vec{f}_{12}]$$

кўринишни олади. Бу ифодада $[\vec{r}_1\vec{F}_1] = \vec{M}_1$, $[\vec{r}_2\vec{F}_2] = \vec{M}_2$ айланиш маркази O га нисбатан мос равища \vec{F}_1 ва \vec{F}_2 кучларнинг куч моментларидир. Шунинг учун юқоридаги ифода яна бундай ёзилиши мумкин:

$$\frac{d\vec{L}}{dt} = \vec{M}_1 + \vec{M}_2 + [(\vec{r}_1 - \vec{r}_2)\vec{f}_{12}], \quad (5.51)$$

бунда $[\vec{r}_1 - \vec{r}_2]$ радиус-вектор орттирмаси; ўзаро ички таъсир кучи билан радиус-вектор орттирмаси бир хил йўналишларга эга. Уларнинг вектор кўпайтмаси, яъни $[(\vec{r}_1 - \vec{r}_2)\vec{f}_{12}]$ ифода нолга тенг. У ҳолда (5.51) қуидагича ёзилади:

$$\frac{d\vec{L}}{dt} = \vec{M}_1 + \vec{M}_2.$$

Ҳосил бўлган бу ифодани n та жисмдан ташкил топган система учун умумлаштирайлик:

$$\frac{d\vec{L}}{dt} = \sum_{i=1}^n \vec{M}_i. \quad (5.52)$$

Бу ифода n та жисмдан тузилган системанинг ихтиёрий O нүктага нисбатан импульс моментининг ўзгариш қочнунидир. Система импульс моментининг ўзгариш тез-

лиги, системага таъсир этаётган ташқи күч моментларининг вектор йиғиндисига тенг.

Жисмларнинг ёпиқ системаси учун $\sum \vec{M}_i = 0$ га тенг.

У ҳолда (5.52) тенглама $\frac{d\vec{L}}{dt} = 0$ шаклида ёзилади. Бундан импульс моменти ($\vec{L} = \text{const}$) ўзгармас эканлиги келиб чиқади. Бу хулоса жисмларнинг ёпиқ системаси учун импульс моментининг сақланиш қонунини ифодалайди.

Жисмларнинг ёпиқ системаси учун импульсларнинг ихтиёрий нүктага нисбатан моменти ўзгармасдири. Бу қонуннинг маъноси шуки, ёпиқ системадаги жисмлар ички кучлар таъсирида айланма ҳаракатга келиши ёки улар айланма ҳаракатининг бурчак тезлиги ўзгариши мумкин. Содир бўлган ўзгаришлардан унинг айланиш ўқига нисбатан инерция моменти ва бурчак тезлиги ҳам ўзгариши мумкин, аммо бу катталикларнинг кўпайтмаси ўзгармай қолади:

$$\vec{L} = I\vec{\omega} = \text{const.} \quad (5.53)$$

Масалан, инерция марказидан ўтган ўққа нисбатан айланма ҳаракат қила оладиган ва Жуковский курсиси деб аталувчи курсига одам чиқиб тик вазиятни эгалласин. Нисбий тинч ҳолатда бўлган одам чамбаракли фиддиракни вертикал ушлаб, уни горизонтал текисликда соат стрелкасининг йўналишида айланма ҳаракатга келтирсин. Одамнинг мушак кучлари ички куч ролини бажариб, бу кучнинг моменти чамбаракнинг импульс моментини \vec{L}_1 га оширади. Ташқи куч моментининг таъсири ноль бўлган ушбу системада чамбарак импульс моментининг ўзгариши системадаги бошқа жисмларнинг импульс моментининг ўзгаришига олиб келади. Хусусан, курси билан унда тик турган одамнинг импульс моменти \vec{L}_2 га тенг бўлиб қолади. Импульс моментининг сақланиш қонунига асосан ушбу системани ташкил этган жисмлар импульс моментларининг вектор йиғиндиси:

$$\vec{L}_1 + \vec{L}_2 = 0.$$

Бу тенгламадаги \vec{L}_1 ва \vec{L}_2 ларни (5.53) шаклдаги ифодалари билан алмаштирамиз:

$$I_1 \vec{\omega}_1 + I_2 \vec{\omega}_2 = 0 \quad \text{ёки} \quad I_1 \vec{\omega}_1 = -I_2 \vec{\omega}_2, \quad (5.54)$$

бунда I_1 чамбаракли ғилдиракнинг инерция моменти, ω_1 унинг бурчак тезлиги, I_2 одам турган курси билан унинг инерция моменти, ω_2 бу курсининг бурчак тезлиги. Келтирилган (5.54) тенгламадаги ($-$) ишора чамбаракли ғилдирак соат стрелкасининг йўналиши бўйича айланма ҳаракат қилгандা, курси унга тескари йўналишда айланма ҳаракат қилишини кўрсатади. Демак, ёпиқ системадаги бир қисм жисмларнинг импульс моментининг ошиши бошқа жисмлар импульс моментининг камайиши ҳисобига содир бўлиши мумкин. Шу ўринда яна бир мисолни келтирайлик. Жуковский курсисига жойлашган ва қўлларига гантель ушлаган тик ҳолдаги одам ω_1 бурчак тезлик билан айланма ҳаракат қилсин. Бунда системанинг инерция моменти I_1 бўлсин. Агар одам қўлларини ёзиди система инерция моментини I_2 гача оширса, курсининг бурчак тезлиги ω_2 гача камаяди. Аммо система импульс моменти ўзгармайди:


$$I_1 \vec{\omega}_1 = I_2 \vec{\omega}_2 = \text{const.} \quad (5.55)$$

Демак, системанинг инерция моменти қанча марта ўзгарса, унга мос равишда бурчак тезлик ҳам шунча марта ўзгариши. Системанинг айланма ҳаракат кинетик энергиясининг ўзгариши ички кучларининг бажарган ишига тенг, яъни

$$\frac{I_1 \omega_1^2}{2} - \frac{I_2 \omega_2^2}{2} = A. \quad (5.56)$$

Юқорида кўрган мисолимизда, Жуковский курсисидаги одамнинг гантелларни ҳаракатлантиришда бажарган иши система кинетик энергиясининг ўзгаришига тенг.

Импульс моментининг сақланиш қонуни, табиатнинг умумий қонунларидан бири. Бу қонун инерциал саноқ системасида бажарилади. Инерциал саноқ системаси жойлашган фазо изотропик хусусиятга эга. Бунинг маъноси шуки, инерциал саноқ системасининг координата ўқларини қандай ихтиёрий йўналишда олмайлик, импульс моментининг сақланиш қонуни ўз кучини сақлайди.



5.15-расм.

Масалан, 5.15-расмда кўрсатилган моддий нуқталар жойлашган координаталар системасини $d\phi$ бурчакка бурайлик. Системанинг айланиш ўқи ва унинг масса марказини аниқловичи радиус-вектор $\vec{r}_{\text{мк}}$ ҳам шу бурчакка бурилади. Ушбу кўчишда куч моментининг бажарган элементтар ишини, (5.33) ва (5.42) тенгламаларга асосан, қуйидагича ёзиш мумкин:


$$dA = (\vec{M} d\phi) = \left(\frac{d \vec{L}}{dt} d\phi \right) = (\vec{\omega} d\vec{L})$$

Лекин инерциал саноқ системасыда күч моменти ($\vec{M} = 0$) нолга тенг. Бинобарин, юқоридаги теңгламадан $\vec{\omega} d\vec{L} = 0$ теңглик келиб чиқады. Ушбу мұносабағта бурчак тезликті ($\vec{\omega} = 0$) нолга теңг әмас. Чунки система $d\vec{\varphi}$ бурчакка бурилған. Демек, фақат импульс моментининг ўзгариши $d\vec{L} = 0$ бўлиши лозим. Бу теңглик бажарилди учун импульс моменти $\vec{L} = \text{const}$ ўзгармас бўлиши шарт. Бундан, инерциал саноқ системасининг координата ўқлари фазода қандай жойлашишидан қатын назар, импульс моментининг сақланиш қонуни ўз кучини сақлайди деган холосага келамиз. Модамни шундай экан, инерциал саноқ системасининг ҳамма ўйналиши тенг хуқуқли. Улар ичида имтиёзли йўналиш йўқ.

VI бөб. НОИНЕРЦИАЛ САНОҚ СИСТЕМАСИ

6.1- §. Инерция кучлари

Ньютоннинг биринчи қонунида қайд қилиб ўтилганидек, Ернинг ўз ўқи атрофида айланишидан ҳосил бўлган марказга интилма кучни эътиборга олмасак, Ер билан боғлиқ саноқ системаси инерциал бўлади. Ушбу ҳолда нафақат Ер билан боғлиқ, балки унга нисбатан тинч ёки тўғри чизиқли текис ҳаракат қилаётган ҳар қандай жисм билан боғлиқ саноқ системалари ҳам инерциал бўлади. Масалан, ўзгармас тезлик билан тўғри чизиқли текис ҳаракатланаётган вагондаги кузатувчи ўзининг вертикал вазиятини сақлайди. Лекин вагон тўсатдан тормозланса, кузатувчи олдинга қараб қалқиб кетади. Аксинча, вагон тезланувчан ҳаракат қилса, кузатувчи орқага тисланади. Хўш, кузатувчининг вазиятига таъсир қилувчи күч қандай юзага келди, деган табиий савол туғилади. Бу кучнинг табиатини аниқлаш мақсадида вагон ичига силлиқланган стол ўрнатайлик. Стол устига m массали шар қўямыз. Вагон тинч бўлса, шар ҳам тинч ҳолатини сақлайди. Вагон Ерга нисбатан тўғри чизиқли тезланувчан ҳаракат қилса (6.1-расм), шар ҳам вагонга нисбатан тескари йўналишда ҳаракат қила бошлайди. Шар ҳаракатига таъсир қилувчи ноконсерватив (қаршилик, ишқаланиш) кучлар нолга тенг бўлса, шар олган тезланиш айнан вагоннинг Ерга нисбатан олган тезланишига тенг бўлиб қолади. Келти-



6.1-расм.

Рилган бу тажрибани бошқача шаклда такрорлайлик. Вагонга ўрнатилган текисликка массалари ҳар хил бўлган шарларни ўрнатамиз. Агар вагон Ерга нисбатан \vec{a} тезланиш билан ҳаракатланса, текисликка ўрнатилган ҳамма шарларнинг вагонга нисбатан тескари йўналишда олган тезланишлари айнан бир хил бўлади. Бошқа жисмларга нисбатан тезланиш билан ҳаракатланувчи система ноинерциал саноқ системаси дейилади. Ноинерциал саноқ системасида жойлашган ҳамма жисмларга **инерция кучи** таъсир қиласи. Инерция кучининг таъсири мавжуд бўлган фазо эса **инерция майдони** деб аталади.

Ньютоннинг иккинчи қонунига асосан тезланувчан ҳаракат қилаётган вагондаги (6.1-расм) m массали шарга таъсир қилаётган инерция кучи

$$\vec{F}_{in} = m \vec{a}' = -m \vec{a}. \quad (6.1)$$

Бунда \vec{a}' шарнинг вагонга нисбатан олган тезланиши, \vec{a} вагоннинг Ерга нисбатан олган тезланиши.

Жисмга инерция кучлари билан бир қаторда консерватив, ноконсерватив кучлар таъсир қиласа, илгариланма ҳаракат динамикасининг асосий тенгламаси умумий ҳолда қуидагича ёзилади:

$$\sum_{i=1}^n \vec{F}_i + \vec{F}_{in} = m \vec{a}, \quad (6.2)$$

бунда $\sum_{i=1}^n \vec{F}_i$ — жисмга таъсир қилаётган консерватив ва нонинерциал саноқ системасига нисбатан олган тезланиши. \rightarrow

Даламбер принципи деб номланувчи (6.2) ифода, нонинерциал саноқ системаси учун Ньютоннинг иккичи қонунидир. Ўзаро таъсир ва инерция кучларининг вектор йифиндиси, жисм массасини унинг нонинерциал саноқ системасига нисбатан олган тезланишига кўпайтмасига тенг.

Инерция кучларининг табиати бизга маълум бўлган консерватив ва ноконсерватив кучлардан фарқли бўлиб, қуидаги хоссаларга эга:

1. Бу куч жисмларнинг ўзаро таъсириланишида пайдо бўлмаганидан инерция кучларига Ньютоннинг III қонунини татбиқ қилиш мумкин эмас.


2. Инерция кучлари фақат нонинерциал системасида пайдо бўлади.

3. Инерция кучлари тортишиш кучлари каби массага пропорционал. Шунинг учун инерция майдонида тортишиш майдонидагидек, ҳамма жисмлар, уларнинг массалари қандай бўлишидан қатъи назар, бир хил тезланиш билан ҳаракатланади.

4. Ноинерциал саноқ системасида жойлашган ҳар қандай жисм учун инерция кучлари ташқи кучлар бўлади. Бу система ёпиқ бўлмайди ва улар учун юқорида келтирилган фазо бир жинслилиги, изотроплиги, вақт оралиғининг ва кесма узунлигининг тенглиги сақланмайди (кейинги VIII бобда бу масалалар тўлиқ ёритилган).

6.2- §. Марказдан қочма инерция кучи

Текис айланма ҳаракат қилаётган системанинг ҳар бир нуқтаси марказга интилма куч таъсирида бўлиб, у билан боғлиқ саноқ системаси ноинерциал саноқ сис-



6.2- расм.


темасини ҳосил қиласи. Тезланувчан ҳаракат қилувчи ушбу системадаги инерция кучини аниқлайлик. Масса марказидан ўтган қўзғалмас ўқ атрофида ўзгармас бурчак тезлик ($\omega = \text{const}$) билан айланётган диск олайлик. Диск билан биргаликда унинг марказига эластик пружина орқали боғланган ва чизиқли шкала-ланган пўлат сим учига ўрнатилган шар ҳам айланма ҳаракат қилиши мумкин (6.2- расм). Диск тинч ҳолатда бўлса, шар айланиш ўқидан маълум бир масофада жойлашади. Диск айланма ҳаракатга келтирилса, шарчага радиус бўйлаб марказга интилма кучга тескари йўналишда инерция кучи таъсир қилиб, пружинани чўзади. Инерция кучи $\vec{F}_{in} = -m\vec{a}$ билан пружинанинг эластиклик кучи тенглашганда, пружинанинг чўзилиши тўхтайди.

Шарчанинг дискдаги янги вазияти r_0 радиус билан белгиланади (6.2- расм). Бу ҳолатдаги шарчанинг чизиқли тезлиги v_0 бўлса, (5.11) ифодага асосан шарчанинг марказга интилма тезланиши қўйидагича аниқланади:

$$\vec{a}_n = [\vec{\omega} \vec{v}_0].$$

У ҳолда шарчага таъсир этаётган инерция кучи

$$\vec{F}_{in} = -m\vec{a}_n = -m[\vec{\omega} \vec{v}_0] = m[\vec{v}_0 \vec{\omega}] \quad (6.3)$$



6.3- расм.

га тенг бўлади. Айланадиган системанинг ўқидан r_0 узоқлигда ётган нуқтанинг ёки шарчанинг чизиқли тезлиги қиймати ва йўналиши

$$\vec{v}_0 = [\vec{\omega} \vec{r}_0] \quad (6.4)$$

формула орқали ифодаланади. (6.4) тенгламага асосан (6.3) билан аниқланган инерция кучини куйидагича ўзгартиш мумкин:

$$\vec{F}_{in} = m [[\vec{\omega} \vec{r}_0] \vec{\omega}] \quad (6.5)$$

(6.5) билан топилган кучнинг йўналиши, $[\vec{\omega} \vec{r}_0]$ ва $\vec{\omega}$ векторларнинг йўналиши асосида аниқланади ва шу векторлар ётган текисликка перпендикулярдир. 6.3- расмда келтирилган шаклдан инерция кучининг сон қиймати:


$$F_{in} = m\omega^2 r \sin \alpha = m\omega^2 r_0 = \frac{mv_0^2}{r_0} \quad (6.6)$$

Шундай қилиб, ω бурчак тезлик билан айланма ҳаракат қилаётган ҳар қандай система ноинерциал саноқ системасини ҳосил қиласи. Бу системада жойлашган жисмларга (6.5) ёки (6.6) тенгламалар орқали аниқланадиган инерция кучлари таъсир қиласи. Бу кучлар одатда *марказдан қочма инерция кучи* деб аталади. Марказдан қочма инерция кучи, ноинерциал саноқ системасида жойлашган жисм тинч ёки ҳаракатланишига боғлиқ бўлмаган ҳолда таъсир қиласи. Лекин жисм ноинерциал саноқ системасига нисбатан ҳаракатланаётган бўлса, унга қўшимча инерцион табиатга эга бўлган *Кориолис кучи* таъсир этади.


6.3- §. Кориолис кучи

Инерция марказидан ўтган ўққа нисбатан айланма ҳаракат қила оладиган диск, нисбий тинч ҳолатни эгаллаган бўлсин. Бу диск устида m массали шарча v_0 тезлик билан OA радиус бўйлаб O нуқтадан A нуқтага томон ҳаракат қиласин (6.4- расм). Шарча тўғри чизиқли текис ҳаракат қилиб dt вақт оралиғида

$$\vec{dr} = \vec{v}_0 dt \quad (6.7)$$



6.4- расм.




6.5- расм.

кесмани ўтади. Дискни ($\omega = \text{const}$) ўзгармас бурчак тезлик билан айланма ҳаракатга келтирайлил. Бунда m массали жисм OA радиус бўйлаб эмас, бошқа шаклдаги траектория бўйлаб ҳаракат қиласди. Чунки айланадиган дискнинг ҳар

бир нуқтаси билан боғлиқ саноқ системаси ноинерциал система бўлиб, бу нуқталарнинг чизиқли тезликлари 6.5-расмда кўрсатилгандек миқдор ва йўналиш жиҳатидан ўзгариб боради. Диск радиусида ётган нуқталарининг чизиқли тезлик векторларини бу тарзда ўзгариб туриши, улар тезланиш билан ҳаракат қилишидан далолат беради. Диск нуқталарининг тезланиш билан ҳаракатланиши диск устида OA радиус бўйлаб ҳаракат қиласдиган m массали жисмга инерция кучи сифатида таъсир этади. Айланадиган саноқ системада v_0 тезлик билан ҳаракатланаётган жисмга таъсир этувчи бу инерция кучи — Кориолис кучи деб аталади. Бу куч таъсирида биз кузатадиган жисм, OA радиусда ётган нуқталарга нисбатан орқада қолиб, OB эгри чизиқли траектория бўйлаб ҳаракат қиласди (6.6-расм). Ушбу ҳаракатнинг натижавий тезланиши, нормал ва тангенциал тезланишларнинг вектор ийинидисига тенг:

$$\vec{a} = \vec{a}_n + \vec{a}_t . \quad (6.8)$$

(6.8) ифодадаги \vec{a}_n нормал тезланиш диск нуқталари чизиқли



6.6- расм.

тезликларининг йўналиши бўйича ўзгаришини эътиборга олса, тангенциал тезланиш бу тезликларнинг миқдорий \vec{dr} ўзгаришини кўрсатади. Бу тезланишларни жисм тезлиги \vec{v}_0 орқали ифодалаб, натижавий тезланиш \vec{a} ни топайлик. dt вақт оралиғида $d\vec{r}$ радиус векторда ётган нуқта тезлигининг йўналиши бўйича ўзгариши қўйидагича аниқланади:

$$d\vec{v} = [\vec{\omega} \vec{dr}]. \quad (6.9)$$

(6.9) тенгламадаги $d\vec{r}$ ни ўз ифодаси (6.7) билан алмаштирасак, нормал тезланиш

$$\vec{a}_n = \frac{d\vec{v}}{dt} = [\vec{\omega} \vec{v}_0] \quad (6.10)$$

га тенг эканлигини аниқлаймиз. (Бу ерда \vec{v}_0 тезлик жисмининг нисбий тезлиги деб ҳам аталади). Бурчак тезлик ($\vec{\omega} = \text{const}$) ўзгармас бўлганда, тангенциал тезланишни, (1.9) тенгламага асосан, қўйидагича топиш мумкин:

$$\vec{a}_t = \frac{d\vec{v}}{dt} = \frac{d(\vec{\omega} \vec{r})}{dt} = \dot{\vec{\omega}} \frac{d\vec{r}}{dt}. \quad (6.11)$$

(6.7) ифодага асосан юқоридаги (6.11) тенгликни қўйидагича ўзgartирамиз:

$$\vec{a}_t = [\vec{\omega} \vec{r}_0]. \quad (6.12)$$

Келтирилган (6.10) ва (6.12) тенгламалардан равшанки, ҳар икки тезланиш бир хил йўналишга эга. Бинобарин, натижавий тезланиш (6.8) нормал ва тангенциал тезланишларнинг йиғиндисига тенг:

$$\vec{a} = [\vec{\omega} \vec{v}_0] + [\vec{\omega} \vec{v}_0] = 2[\vec{\omega} \vec{v}_0]. \quad (6.13)$$

Ньютоннинг иккинчи қонунига асосан Кориолис кучи қўйидагича аниқланади:

$$\vec{F}_k = -m\vec{a} = -2m[\vec{\omega} \vec{v}_0]. \quad (6.14)$$

Бу ифодадаги векторларнинг ўрнини алмаштирасак, Кориолис кучини яна қўйидагича ёзиш мумкин:

$$\vec{F}_k = 2m[\vec{v}_0 \vec{\omega}]. \quad (6.15)$$

Кориолис кучи, \vec{v}_0 ва $\vec{\omega}$ векторлар ҳосил қылган текисликка перпендикуляр ва ноинерциал система чизиқли тезлигига тескари йўналган (6.7- расм). Юқоридаги ифодадан кўриниб турибдики, \vec{v}_0 ва $\vec{\omega}$ векторлар ўзаро перпендикуляр бўлганда, бу куч максимал қийматга эга бўлади. Бу векторлар параллел бўлса, Кориолис инерция кучининг қиймати нолга тенг. Умумий ҳолда \vec{v}_0 ва $\vec{\omega}$ векторлар ўзаро α бурчак ҳосил қилса, F_k нинг қиймати икки векторнинг вектор кўпайтмаси хоссасига асосан аниқланади:

$$F_k = 2m\vec{v}_0 \cdot \vec{\omega} \sin \alpha. \quad (6.16)$$

Текис айланма ҳаракат қилувчи ($\vec{\omega} = \text{const}$) ноинерциал саноқ системасида инерция кучи марказдан қочма ва Кориолис инерция кучларининг вектор йиғиндинисига тенг:


$$\vec{F}_{\text{ин}} = \vec{F}_{\text{м.к}} + \vec{F}_k.$$

Масалан, Ернинг суткалик ҳаракати, унга нисбатан тинч ёки ҳаракатланаётган жисмларга марказдан қочма ва Кориолис инерция кучлари орқали таъсир қиласи. Хусусан, жисмнинг оғирлик кучи ёки эркин тушиш тезланишининг Ернинг турли географик қенгликлардаги қийматларининг фарқи марказдан қочма инерция кучи билан аниқланади. Жисм қутбда жойлашган бўлса, у тортишиш кучи таъсирида бўлиб, унинг оғирлик кучи


$$P = mg_k = \gamma \frac{mM_{\text{ЕР}}}{R_k^2}.$$

$$\text{Бунда } g_k = \gamma \frac{M_{\text{ЕР}}}{R_k^2} =$$

$= 9,83 \text{ м/с}^2$ қутбдаги эркин тушиш тезланиши. Аксинча, жисм экваторда жойлашган бўлса, тортишиш кучи билан марказ-



6.7- расм.



6.8- расм.

дан қочма инерция кучлари қарама-қарши йўналишда бўлиб (6.8-расм), жисмнинг оғирлик кучи камаяди:

$$mg_3 = \gamma \frac{mM_{\text{Ep}}}{R_3^2} - ma_n.$$

Ифодадаги a_n экватордаги марказга интилма тезланиш, $R_3 = 6378$ км Ернинг экваториал радиуси.

Экватордаги марказга интилма тезланиш

$$a_n = \omega^2 R_3 = \frac{4\pi^2 R_3}{T^2}$$

эканлигини назарга олсак, экватордаги эркин тушиш тезланиши

$$g_3 = \gamma \frac{M_{\text{Ep}}}{R_3} - \frac{4\pi^2 R_3}{T^2} = 9,780 \text{ м/с}^2$$

га тенг бўлишини топамиз. Ихтиёрий φ географик кенгликдаги нормал тезланиш (6.8-расм)

$$a_n = \omega^2 r_0 = \frac{4\pi^2}{T^2} R \cdot \sin \alpha = \frac{4\pi^2}{T^2} R \sin\left(\frac{\pi}{2} - \varphi\right) = \frac{4\pi^2}{T^2} R \cos \varphi$$

тенглама билан аниқланади. Демак, эркин тушиш тезланишининг қиймати қутбдан экватор томон камайиб борар экан.

Ер сиртида ёки унинг таъсир доирасида v_0 тезлик билан ҳаракатланаётган жисмларга марказдан қочма инерция кучидан ташқари Кориолис инерция кучи ҳам таъсир қилади. Бу таъсир туфайли, юқоридан вертикаль тушаётган жисмлар шарққа қараб оғади. Фуко маятнининг тебраниш текислиги бир суткада бир марта ўзгаради. Кориолис кучи дарё қирғоқларининг бир томони ювилишига ҳам олиб келади. Ернинг шимолий ярим шаридаги жанубдан шимолга оқаётган дарёларнинг ўнг қирғоғи, тескари йўналишда оқаётган дарёларнинг чап қирғоғи кўпроқ ювилади. Шуни эътиборга олиш керакки, марказдан қочма инерция кучи айланаётган системанинг марказдан қочма кучи билан бир хил табиатдаги кучлар эмас. Системанинг марказдан қочма кучи, марказга интилма кучнинг акс таъсири бўлиб, Ньютоннинг учинчи қонунига асосан ҳар хил жисмларга қўйилган бўлади. Марказдан қочма инерция кучи системанинг ноинерционлиги туфайли системадаги жисмларга таъсир қилади.


Масалан, v_0 тезлик билан ҳаракатланаётган вагон йўлнинг эгри қисмига кирганда вагондаги пассажирлар марказдан қочма инерция кучи туфайли ўз вазиятларини ўзгартиради. Ньютоннинг учинчи қонунига асосан юзага келган марказдан қочма реакция кучи рельсларга қўйилади.

6.4- §. Инерциал саноқ системаси. Галилейнинг нисбийлик принципи

Ньютоннинг биринчи қонунидан маълумки, ташқи куч таъсиридан холи бўлган саноқ системаси инерциал саноқ системаси деб аталар эди. Еиз яшаб турган Ернинг бурчак тезлиги $\omega = \frac{2\pi}{T} \approx 7,3 \cdot 10^{-5}$ рад/с га тенг. Бинобарин, Ер билан боғлиқ бўлган ноинерциал саноқ системасидаги марказдан қочма инерция кучи (6.6) ва Кориолис инерция кучи (6.16) нинг таъсири жуда кичик. Кўпгина механик ҳодисаларни текширишда бу инерция кучлар эътиборга олинмайди. Демак, Ерга нисбатан тинч турган ёки тўғри чизиқли текис ҳаракат қилаётган жисмлар билан боғланган саноқ системалари инерциал саноқ системалар бўлади. Бундай жисмлар кўплаб топилишини эътиборга олсак, тажриба нуқтаи назаридан, инерциал саноқ системалари чексиз кўп.

Хўш, тўғри чизиқли текис ҳаракатдаги ёки нисбий тинчликдаги объектлар билан боғлиқ бўлган инерциал саноқ системаларида кузатилаётган айнан бир хил механик ҳодиса бирдай содир бўладими деган савол туғилади. Ушбу саволни ҳал қилиш мақсадида тажрибаларга мурожаат қилайлик.

Тинч турган вагон шипига тагида кичик тешиги бўлган сувли банкани вертикал равишда осиб қўяйлик. Банка тагидаги тешикдан тушаётган сув томчилари, айнан бир нуқтага тушади. Ҳаво оқими кирмайдиган қилиб беркитилган бу вагон тўғри чизиқли текис ҳаракатланса, сув томчиларининг тушиш нуқтаси ўзгармайди. Иккинчи мисол: агар кузатувчи вагоннинг ҳаракат йўналишида l узунликка сакраса, тескари йўналишда ҳам айнан шу l узунликка сакрайди. Келтирилган бу ва бошқа механик тажрибалардан хулоса шуки, нисбий тинч турган ёки тўғри чизиқли текис ҳаракат қиласетган инерциал саноқ системаларида механик ҳодисалар бир хилда содир бўлади. Бу хулосага математик мазмун бериш мақсадида қайиқнинг сувдаги



6.9- расм.

ҳаракатини күзатайлык. Қайиқ-нинг сувдаги ҳаракатини қирғоқ билан бөглиқ бүлгән K_1 инерциал саноқ системасыга ёки құзғалувчан сув билан бөглиқ K_2 инерциал саноқ системасына нисбатан текшириш мүмкін (6.9-расм). Башланғыч ҳолатда саноқ системаларининг координата үқлары устма-уст түшсін. Құзғалувчан саноқ системасының тезлиги, x_1, x_2

үқларға параллел ва у оқым тезлиги v га тең. Агар қайиқ \vec{v}_0 үзгартылған тезлик билан қирғоққа тик йұналишда, v тезликтің әға бүлгән құзғалувчан саноқ системасыда ҳаракатланса, унинг құзғалмас қирғоқ билан бөглиқ бүлгән K_1 саноқ системасыга нисбатан тезлиги бу иккі тезликларының вектор үйіндисіне тең болады:

$$\vec{v}_1 = \vec{v}_0 + \vec{v}.$$

Мазкур ифода классик механикада тезликларни құшиш қонуни бўлиб, уни қыйидагы таърифлаш мүмкін. Құзғалувчан системада ҳаракатланаётған моддий нүқтаниң құзғалмас саноқ системасыга нисбатан тезлиги, құзғалувчан система билан моддий нүқта тезликларының вектор үйіндисіне тең. Ҳар иккі тезлик векторлари үзгартылған тезликтен бүлганидан бу иккі саноқ системасыга нисбатан моддий нүқтаниң тезліктері $\frac{d\vec{v}_1}{dt} = \frac{d\vec{v}}{dt} = 0$ га

теңг бўлиб, инерциал саноқ системалари ташқи куч таъсиридан ҳоли бўлади. Соатларини синхронлаштириб олган иккі кузатувчи құзғалмас ва құзғалувчан саноқ системаларида жойлашиб қайиқнинг ҳаракатини текширеди дейлик. Құзғалмас қирғоқ билан бөглиқ саноқ системасыда жойлашган биринчи кузатувчи t вақт оралығыда қайиқ қирғоққа нисбатан

$$x_1 - x_2 = vt, \quad y_1 = v_0 t \quad (6.17)$$

координаталарини әосил қылғанини анықлады. Бунда x_2 қайиқнинг K_2 саноқ системасындағы координатасы (6.9-расмга қаранг). Қайиқнинг күчиши эса $r = \sqrt{v_0^2 + v^2} t = v_1 t$ га

тенг. v_1 — қайиқнинг қўзғалмас қирғоқ билан боғлиқ саноқ системасига нисбатан тезлиги. Қўзғалувчан сув билан боғлиқ K_2 саноқ системадаги иккинчи кузатувчи қайиқнинг шу вақт оралиғида бу системадаги координаталари

$$x_2 \text{ ва } y_2 = v_0 t \quad (6.18)$$

бўлишини белгилайди. Чунки x_2 йўналишда қайиқнинг тезлиги оқим тезлиги v га тенг. Унинг бу координатаси вақт давомида ўзгармайди. Келтирилган (6.17) ва (6.18) тенгламалардан холоса шуки, кузатиш вақти t аниқ бўлса, қайиқнинг қўзғалмас қирғоққа ёки қўзғалувчан сувга нисбатан олган вазияти ҳам аниқ бўлади. Шу билан бир қаторда, ҳар икки боғланиш тўғри чизиқли бўлганидан инерциал саноқ системасида ҳаракат фақат тўғри чизиқли бўлиши мумкин деган иккинчи холосага келамиз. Ҳатто ёруғлик нури ҳам бу саноқ система тўғри чизиқ бўйлаб тарқалади. Ҳар икки холоса Ньютоннинг биринчи қонунига айнан монанддир. (6.17), (6.18) ифодалардан моддий нуқтанинг ҳар икки саноқ системасидаги координаталари орасидаги боғланиш

$$x_2 = x_1 - vt \quad \text{ва} \quad y_2 = y_1 \quad (6.19)$$

шаклида олинади. Демак, инерциал саноқ системалари бир-биридан геометрик ўрни билан фарқ қиласар экан, холос. Шунинг учун ҳам инерциал саноқ система нисбий тушунча. Уларда содир бўладиган механик ҳодисалар биридан иккинчисига ҳеч қандай ўзгаришсиз кўчади. Инерциал система бажарилаётган механик тажрибалар ёрдамида бу системани тўғри чизиқли текис ҳаракатланётганлигини ёки нисбий тинч ҳолатда эканлигини аниқлаш мумкин эмас. Бу фикр Галилейга мансуб бўлгани учун Галилейнинг нисбийлик принципи дейилади.

Текисликда олинган (6.19) ифодаларни уч ўлчовли фазо учун ҳам умумлаштириш мумкин

$$x_2 = x_1 - vt, \quad y_2 = y_1, \quad z_2 = z_1, \quad (6.20)$$

бунда v қўзғалувчан инерциал саноқ системаининг тезлиги.

Ньютон қонунларига асосланган классик механиканинг асосий хоссаларидан яна бири вақт интервали бўлиб, у абсолют катталиқдир

$$t_2 = t_1. \quad (6.21)$$

Бунинг маъноси шуки, айнан бир хил механик ҳодиса қўзғалмас ва қўзғалувчан инерциал саноқ системаларида бир хил вақт оралиғида содир бўлади.

Бир инерциал саноқ системасидан иккинчисига ўтиш имконини берадиган (6.20), (6.21) ифодалар Галилей алмаштиришлари дейилади. Бу алмаштиришларга асосан ҳаракат тенгламалари нисбийлик принципини қаноатлантиришини кўриш мумкин. (6.21) ифодадан $dt_2 = dt_1$, (6.20) дан вақт бўйича олинган ҳосилалар:

$$\dot{x}_2 = \dot{x}_1 - v, \quad \dot{y}_2 = \dot{y}_1, \quad \dot{z}_2 = \dot{z}_1$$

ёки

$$v_{2x} = v_{1x} - v, \quad v_{2y} = v_{1y}, \quad v_{2z} = v_{1z}. \quad (6.22)$$

Кўриниб турибдики, K_2 саноқ системасида ўзгармас тезлик билан ҳаракатланган моддий нуқта K_1 саноқ системасида ҳам ўзгармас тезлик билан ҳаракатланади. K_2 система инерциал бўлгани учун K_1 ҳам инерциал бўлади. (6.22) дан яна бир марта ҳосила олсак;

$$\ddot{x}_2 = \ddot{x}_1, \quad \ddot{y}_2 = \ddot{y}_1, \quad \ddot{z}_2 = \ddot{z}_1$$

ёки

$$a_{2x} = a_{1x}, \quad a_{2y} = a_{1y}, \quad a_{2z} = a_{1z}.$$


Координаталар (x, y, z) дан вақт бўйича олинган ҳосилаларни ёзишни соддалашгириш мақсадида биз уларни координаталар белгиси устига нуқта қўйиш орқали белгилайдик. Масалан, $\dot{x} = \frac{dx}{dt}$, $\ddot{x} = \frac{d^2x}{dt^2}$ эканлигини кўрсатади. Бу белгилашни биринчи бор Ньютон тақлиф этган.

Демак, ҳар икки системада жойлаштирилган бир хил массали моддий нуқталарга бирдай куч билан таъсир этсан, уларнинг олган тезланишлари бир хил бўлади, яъни:

$$\vec{a}_1 = \vec{a}_2. \quad (6.23)$$

Бу тенгламаларнинг маъноси шуки, қўзғалувчан ва қўзғалмас инерциал саноқ системаларида $v \ll c$ бўлса, моддий нуқтанинг массаси саноқ системанинг тезлигига боғлиқ эмас ёки Ньютоннинг II қонуни бу системаларда ўз математик шаклини ўзгартирумайди:

$$\vec{F}_1 = \vec{m} \vec{a}_1, \quad \vec{F}_2 = \vec{m} \vec{a}_2. \quad (6.24)$$



6.10- расм.

Бошқача қилиб айтганда, норелятивистик ($m = \text{const}$) динамиканинг асосий қонуни бўлган Ньютоннинг иккинчи қонуни Галилей алмаштиришларига нисбатан инвариантдир.

Умуман бир саноқ системасидан иккинчисига ўтганда бирор физик ҳодисани ифодаловчи қонуннинг математик ифодаси ўзгармаса, ушбу ҳолат мазкур алмаштиришга нисбатан инвариант дейилади. Ньютоннинг II қонуни инвариант бўлгани учун механиканинг бошқа қонунлари: энергия, импульс ва импульс моментларининг сақланиш қонунлари ҳам Галилей алмаштиришларига нисбатан инвариант бўлади.

Классик механиканинг иккинчи хоссаси, инерциал саноқ системасида олинган кесма узунлиги ёки босиб ўтилган йўл инерциал системанинг қўзғалувчан ёки қўзғалмаслигига боғлиқ бўлмаган абсолют катталиктадир. Буни биз B моддий нуқтанинг кўчиши ёки босиб ўтган йўлини иккита инерциал саноқ системасида кўрамиз. Масалан, K_1 қўзғалмас саноқ системасига нисбатан x ўқи бўйлаб v тезлик билан ҳаракатланаётган K_2 саноқ системаси берилган бўлсин (6.10- расм). Кузатиш бошланганда ($t = 0$) ҳар икки саноқ системаси устма-уст

тушади деб оламиз. K_1 системага нисбатан қўзғалмас бўлган кузатувчи, вақтнинг кейинги моменти t да K_2 системанинг боши, координаталари $(vt, 0, 0)$ бўлган нуқтада эканлигини аниқлайди. Кузатиш вақти абсолют катталик ($t_1 = t_2 = t$) бўлгани учун берилган кесмадаги B нуқтанинг K_1 саноқ системасига нисбатан координаталари (x_1, y_1, z_1, t_1) , K_2 саноқ системасига нисбатан координаталари (x_2, y_2, z_2, t_2) . K_1 ва K_2 системалардаги координаталар (6.20) га асосан ўзаро $x_2 = x_1 - vt$, $y_2 = y_1$, $z_2 = z_1$ муносабатлари билан боғланган. Моддий нуқтанинг кейинги базияти B' нуқтасининг координаталари K_1 саноқ системасида (x'_1, y'_1, z'_1, t_1) ва K_2 саноқ системасида (x'_2, y'_2, z'_2, t_2) эканлигини эътиборга олсак, улар учун Галилей алмаштиришлари қуйидагича ёзилади:

$$x'_2 = x'_1 - vt, \quad y'_2 = y'_1, \quad z'_2 = z'_1.$$

У ҳолда, бу моддий нуқтанинг кўчиши K_2 саноқ системасида

$$\begin{aligned} s_2 &= \sqrt{(x'_2 - x_2)^2 + (y'_2 - y_2)^2 + (z'_2 - z_2)^2} = \\ &= \sqrt{[(x'_1 - vt) - (x_1 - vt)]^2 + (y'_1 - y_1)^2 + (z'_1 - z_1)^2} = \\ &= \sqrt{(x'_1 - x_1)^2 + (y'_1 - y_1)^2 + (z'_1 - z_1)^2} = s_1. \end{aligned}$$

Демак, ҳар иккала саноқ системасида моддий нуқтанинг кўчиши бир хил экан. Агар ҳаракатланаётган жисмнинг барча нуқталарининг кўчиши бу системаларда бир хил бўлса, жисмнинг чизиқли ўлчами (узунлиги) ҳам бир хил бўлади.

Узунлик ҳам вақт каби инерциал саноқ системаларида саноқ системасининг тезлигига боғлиқ бўлмаган абсолют катталик ($L_1 = L_2$).

VII б о б. НИСБИЙЛИК НАЗАРИЯСИ

7.1- §. Нисбийлик принципининг постулатлари

1865 йилда Максвелл электродинамика қонунларини умумлаштирувчи тенгламалар системасини яратди. Электромагнит майдон учун яратилган бу тенгламалар орқали ёруғлик электромагнит тўлқин табиатга эга эканлиги тўлиқ исботланди. Лекин Ньютон тенглама-

ларидан фарқли Максвелл тенгламалар системаси Галилей алмаштиришлариға нисбатан инвариант әмас. Масалан, құзғалмас инерциал саноқ системасыда ёруғлик с тезлик билан тарқалса, классик механикада тезликларни қүшиш қоидасига асосан \vec{v} тезлик билан ҳаракатланаётган инерциал саноқ системасыда ёруғлик $\vec{c} + \vec{v}$ тезликтің әга бўлади. Демак, бир инерциал системадан иккинчисига ўтганда ёруғликнинг тарқалиш тезлиги ўзгариши керак.

XVI аср бошидан то XIX асрнинг охиригача ёруғлик тўлқини ҳамма моддаларнинг таркибиға киравчи, «дунёвий эфир» орқали тарқалади, деган фикр мавжуд эди.

«Эфир муаммоси»ни ҳал этиш мақсадида Майкельсон ва Морлей 1881—1887 йиллар давомида бир неча тажрибаларни амалга оширишди. Ана шундай тажрибалардан бири, Ернинг Қуёшга нисбатан бир-биридан ярим йилга фарқ қилувчи икки хил вазиятда ёруғлик тезлигини ўлчашга бағишлиланган. Бу вазиятларда Ернинг нисбий тезлиги 60 км/с га ўзгариши мумкин. (Ернинг Қуёш атрофидаги чизиқли тезлиги 30 км/с атрофида). Агар фазо эфир моддаси билан тўлдирилган бўлса, бу модда Ерга илашиб эфир шамолини ҳосил қилиши лозим. Ёруғликни эфир моддаси орқали тарқалиши ўринли бўлса, Ернинг икки хил вазиятида ўлчанган ёруғлик тезликлари ҳар хил бўлиши керак. Тажрибада эса ёруғликнинг тезлиги ҳар икки ҳолда ҳам бир хил эканлиги исботланди.

Майкельсон ва Морлейнинг тажрибалари ўша давр учун муҳим бўлган икки муаммони ҳал этишда жуда катта роль ўйнаган. Биринчидан, фазо эфир моддасидан ҳоли бўлиши керак. Зотан, бу модданинг ўзи бўлмаганидан кейин унинг «шамоли» ҳам бўлмайди. Иккинчидан, ёруғлик бўшлиқ фазонинг ҳамма йўналишида ва қўзғалмас, қўзғалувчан инерциал саноқ системаларида, ўзгармас $c = 3 \cdot 10^8$ м/с тезлик билан тарқалиши тасдиқланди.

Тажрибаларнинг бу натижалари ўз даврида физиклар учун уч хил муаммони юзага келтиради: 1) Максвелл тенгламалари нотўғри; 2) нисбийлик принципидан воз кечмоқ керак; 3) Галилейнинг алмаштиришлари аниқ әмас. Бу уч муаммодан охиргиси ҳақиқатга яқин. Тажрибаларнинг кўрсатишича Галилейнинг алмаштиришлари ҳақиқатдан ҳам аниқ әмас экан.

1905 йили Эйнштейн ҳаракатланаётган жисмлар электродинамика назарияси учун янги бир йўналишни илгари сурди ва шу даврда мавжуд бўлган жуда катта тажриба натижаларига асосан махсус нисбийлик назариясининг постулатларини яратди:

1. *Барча инерциал саноқ системаларда бир хил шароитда олинган ҳамма физик ҳодисалар* (механик, электромагнит, оптик ва бошқалар) *бир хилда рўй беради.*

2. *Вакуумдаги ёруғлик тезлиги с барча инерциал саноқ системаларида бир хил бўлиб ўзгармас абсолют катталиkdir, яъни у ҳам инерциал системага нисбатан — инвариант.* Эйнштейннинг бу постулатлари катта тезлик билан ҳаракатланувчи жисмлар динамикасини ўрганувчи релятивистик механика учун Галилей нисбийлик принципининг давоми ва умумлашган ифодасидир.

«Эфир» муаммосига келсак, Эйнштейн ўз назариясида уни бутунлай инкор этади. Электромагнит майдоннинг ўзи материянинг махсус формаларидан бири ва унинг тарқалишида «эфир моддаси» га ҳеч қандай зарурият йўқлигини исботлайди.

7.2- §. Лорентц алмаштиришлари


Нисбийлик назариясининг принципларидан равшанки, классик механика нисбийлик принципларига мос бўлган Галилей алмаштиришлари Эйнштейн постулатларини қаноатлантирмайди. Релятивистик механика принципларига мос бўлган алмаштиришлар Лорентц томонидан кашф этилган.

Бир- бирига нисбатан x ўқи бўйлаб \vec{v} тезлик билан ҳаракатланаётган K_1 ва K_2 инерциал системалар берилган бўлсин (7.1-расм). Системаларнинг y ва z ўқларига нисбатан тезликлари ноль бўлганидан $y_2 = y_1$, $z_2 = z_1$ бўлади.

Бўшлиқда олинган бу системаларда ёруғлик бир хил с тезлик билан тарқалади. Бинобарин, юқорида қайд қилганимиздек, x координата алмаштириши, Галилей алмаштиришидан фарқ қилиши лозим.

Релятивистик алмаштиришларни шундай танлаб оламизки, кичик тезликларда у Галилей алмаштиришларига ўтсин ва ҳаракат тўғри чизиқли бўлганидан бу боғланиш чизиқли бўлсин. Шундай чизиқли тенгламани қуйидагича шаклда оламиз:

$$x_2 = \gamma (x_1 - vt_1), \quad (7.1)$$



7.1-расм.

бунда γ , v га бөглиқ бүлгандың коэффициенттері. $v \rightarrow 0$ бүлганды $\gamma \rightarrow 1$ га интилсін. Шундай муроңда асосида вақт координатасини ҳам чизиқли алмаштириш билан белгилаймиз:

$$ct_2 = \alpha (ct_1 - \beta x_1), \quad (7.2)$$

бунда $v \rightarrow 0$ бүлса, $\alpha \rightarrow 1$ га, $\beta \rightarrow 0$ га интилади.

Күзатыш бошида ёруғлик импульсисі саноқ башлары устма-уст түшганды координаталары $x=0$, $y=0$, $z=0$, $t_1=t_2$ бүлганды нүктадан чиқса, құзғалмас жағдайда системаларда үзгартылған тәзлік билан тарқалади. Бинобарин, бу иккі системада олинған иктиерий B нүктадаги ёруғлик тәзлеги учун қойылған тенгликтің үрінлилігі:

$$c = \frac{\sqrt{x_1^2 + y_1^2 + z_1^2}}{t_1} = \frac{\sqrt{x_2^2 + y_2^2 + z_2^2}}{t_2},$$

екінші деңгээлде

$$x_1^2 + y_1^2 + z_1^2 - c^2 t_1^2 = x_2^2 + y_2^2 + z_2^2 - c^2 t_2^2. \quad (7.3)$$

Кирилган (7.1), (7.2) алмаштиришларга асосан (7.3) тенгламани ўзgartириб ёзамиз:

$$x_1^2(1 - \gamma^2 + \alpha^2\beta^2) - t_1^2(c^2 + v^2\gamma^2 - c^2\alpha^2) - 2x_1t_1(c\alpha^2\beta - v\gamma^2) = 0. \quad (7.4)$$

Бу тенгламани ечиш мақсадида x_1^2 , t_1^2 ва x_1t_1 лар олдиға коэффициентларни нолға тенглаштирамиз:

$$\begin{aligned} 1 - \gamma^2 + \alpha^2\beta^2 &= 0, \\ c^2 + v^2\gamma^2 - c^2\alpha^2 &= 0, \\ c\alpha^2\beta - v\gamma^2 &= 0. \end{aligned}$$

Уч номаълумли бу тенгламалар системасидан φ , β , γ коэффициентларни аниқлаб, танлаб олинган (7.1), (7.2) алмаштиришларга қўйсак, Лорентц алмаштиришлари келиб чиқади:

$$x_2 = \frac{x_1 - vt_1}{\sqrt{1-v^2/c^2}}, \quad y_2 = y_1, \quad z_2 = z_1, \quad t_2 = \frac{t_1 - \frac{v}{c^2}x_1}{\sqrt{1-v^2/c^2}}. \quad (7.5)$$

Келтирилган ифодалардан равшанки $\frac{v}{c} = 0$ ёки $v \ll c$ бўлса, Лорентц алмаштиришлари Галилей алмаштиришларига ўтади. Бу икки алмаштиришдаги ўлчаш мумкин бўлган миқдорий фарқ v/c нисбат етарли даражада катта, яъни $v \sim c$ бўлганда пайдо бўлади.

Галилей ва Лорентц алмаштиришлари орасидаги жуда катта принципиал фарқ шундаки; биринчи ҳолда вақт оралиғи ва узунлик инерциал саноқ системаларининг бир-бирига нисбатан тезлигига боғлиқ бўлмаган абсолют катталик бўлса, кейинги ҳолда бу катталиклар нисбий тушунча бўлиб, ўлчанаётган системанинг тезлигига ва координаталарига боғлиқ бўлиб қолади.

7.3- §. Релятивистик кинематика

Лорентц алмаштиришларига асосланган релятивистик механика классик механиканинг асосий катталиклари: масса, вақт оралиғи, масштаб узунлиги инерциал системаларининг бир-бирига нисбатан тезлигига боғлиқ бўлмаган абсолют катталик эканлигини инкор этади. Классик механикада жисм ихтиёрий, жумладан жуда катта тезлик билан ҳаракатланиши мумкин. Лекин Лорентц алмаштириш тенгламалари (7.5) дан кў-

риниб турибдики, жисм нисбий тезлигининг юқори чегараси ёруғликнинг вакуумдаги тезлиги c дир. Аксинча, $v > c$ бўлса, (7.5) ифоданинг маҳражи $\sqrt{1 - v^2/c^2}$ мавҳум бўлиб x_2 , t_2 координаталар физик маъносини йўқотади.

Энди ҳаракатланаётган жисм узунлигининг \rightarrow ўзгаришини кўрайлик. Фараз қилайлик, x ўқи йўналишида v тезлик билан ҳаракатланаётган K_2 системада стержень тинч ҳолатда бўлсин (7.2-расм). Бу системада турган кузатувчи унинг узунлиги L_2 эканлигини қайд этади. K_1 системадаги кузатувчига нисбатан стержень \vec{v} тезлик билан ҳаракатланади. Бу кузатувчи нуқтаи назаридан стерженнинг узунлиги қандай бўлишини аниқлайлик. Буюм учларининг координаталарини K_2 системада x_2 ва x'_2 , K_1 системада x_1 ва x'_1 билан белгилаймиз. Ҳаракат x ўқи бўйлаб содир бўлганидан (7.5) га асосан қолган координаталар ўзгармасдан қолади. У ҳолда $L_2 = x'_2 - x_2$ предметнинг K_2 системадаги узунлиги. Лорентц алмаштириши (7.5) га асосан бу координаталарни K_1 системадаги координаталар билан боғлаш мумкин:

$$L_2 = x'_2 - x_2 = \frac{(x'_1 - vt'_1) - (x_1 - vt_1)}{\sqrt{1 - v^2/c^2}},$$

бунда t'_1 ва t_1 , K_1 системадаги кузатувчи учларининг координаталарини ўлчаш вақтларига мос бўлган моментлардир. K_1 системадаги кузатувчи стержень узунлиги $L_1 = x'_1 - x_1$ эканлигини аниқлайди. Бу икки ўлчов бир-бирига мос бўлиши учун стержень учларининг координаталари айнан бир вақт $t'_1 = t_1$ да аниқланиши лозим. У ҳолда, юқоридаги тенглама қўйидагича кўринишга ўтади:


$$L_2 = \frac{x'_1 - x_1}{\sqrt{1 - v^2/c^2}} = \frac{L_1}{\sqrt{1 - v^2/c^2}}$$

ёки

$$L_1 = L_2 \sqrt{1 - v^2/c^2}. \quad (7.6)$$

Демак, K_1 системадаги кузатувчи, ҳаракатдаги предмет узунлиги L_1 ни K_2 системада ўлчанган ва унга нисбатан тинч бўлган предмет узунлиги L_2 дан $\sqrt{1 - v^2/c^2}$ марта қисқа эканлигини аниқлайди.

Умумий шаклда кузатувчи предметга ёки предмет кузатувчига нисбатан ҳаракатланишидан қатъи назар ҳаракат-



7.2- расм.

даги узунлик ўлчови L тинчликдаги узунлик ўлчови L_0 дан қисқа бўлади:

$$L = L_0 \sqrt{1 - v^2/c^2} \quad (7.7)$$

Бу эфект масштаб қисқариши ёки *Лорентц — Фитцжеральд* эффицити дейилади.

Вақт интервалининг ўзгариши. Фараз қиласлик, кузатиш бошида 7.2-расмда келтирилган K_1, K_2 системалар тинч ва уларга бириткирилган соатлар ўзаро мосланган айнан бир вақтни кўрсатсан. K_2 система K_1 га нисбатан x ўқи бўйлагаб v тезлик билан ҳарекатланса, ундаги соат ҳам K_1 га нисбатан шу тезликда ҳаракатланади. Лекин бу соат K_2 га нисбатан тинчликда бўлади. K_1 системанинг ихтиёрий x_1 нуқтасида турган соат ёрдамида шу нуқтада содир бўлган физик ҳодисанинг давомийлигини $T_1 = t'_1 - t_1$ деб белгилайлик. K_2 даги кузатувчи айнан шу нуқтдаги воқеани ўз соати билан ўлчаб, ҳодисанинг давомийлиги $T_2 = t'_2 - t_2$ эканлигини эътироф этади. Лорентц алмаштириши (7.5) га асоссан

$$T_2 = t'_2 - t_2 = \frac{(t'_1 - t_1) - \frac{v}{c^2} (x'_1 - x_1)}{\sqrt{1 - v^2/c^2}} = \frac{T_1 - \frac{v}{c^2} (x'_1 - x_1)}{\sqrt{1 - v^2/c^2}}.$$

Агар кузатилган ҳодиса айнан битта нуқтада содир бўлса, $x' = x_1$ ўзаро тенг бўлиб, юқоридаги ифода қўйидаги содда қўринишга ўтади:

$$T_2 = \frac{T_1}{\sqrt{1 - v^2/c^2}}. \quad (7.8)$$

Демак, нисбийлик назариясига асосан айнан бир воқеанинг вақт давомийлиги ўзаро ҳаракатда бўлган инерциал саноқ системаларида турлича бўлади. Бу релятивистик эфект вақт ўтишининг секинлашиши деб аталади. Вақтнинг ҳисоблаш формуласини умумий ҳолда:

$$T = \frac{T_0}{\sqrt{1 - v^2/c^2}} \quad (7.9)$$

қўринишда ёзишимиз мумкин. Ҳаракатдаги саноқ системасида вақтнинг ўтиши T тинч турган саноқ системасидаги вақтнинг ўтиши T_0 дан $\frac{1}{\sqrt{1 - v^2/c^2}}$ марта катта бўлади.

Шундай қилиб, кузатилган ҳодиса билан боғлиқ бўлган система ҳодисанинг вақт давомийлиги энг кичик. Бошқа ихтиёрий ўзгармас тезлик билан ҳаракатланаётган система да бу вақт давомийлиги катталашади, ёки бошқа сўз билан айтганда, вақт ўтиши секинлашади.

Масалан, Ер шарининг бирор нуқтасида содир бўлган вулқон отилишини ердаги кузатувчи ўз соати билан 2 соат давом этганлигини белгиласин. Шу ҳодисани $v = 0,87$ с тезлик билан Ердан узоқлашаётган ракетадаги космонавт ўз соатида 1 соат давом этганлигини қайд қиласди. Агар ракетадаги кузатувчи нисбийлик назариясини билмаса, Ердаги кузатувчининг соати 2 марта тез юрар экан, деган холосага келади. Ҳақиқатан, ҳар иккى системадаги соатларнинг юриш тезлиги ўзгаргани йўқ. Улар орасидаги фарқ релятивистик эфект туфайли юзага келди.

Ҳаракатланаётган система да вақтнинг секинлашиши қўйидаги ажойиб ҳодисани тушунтириш имконини беради. Космик нурлар таъсирида атмосферанинг юқори қатламларида μ -мезон деган элементар зарралар ҳосил бўлади. Бу мезонлар лабораторияларда юқори энергияли тезлаткичлар ёрдами билан ҳам олинади. Лабораторияда олинган μ -мезонларнинг яшаш вақти $\tau = 2,21 \cdot 10^{-6}$ с эканлиги маълум. Агар мезонларнинг

тезлиги ёруғлик тезлигига тенг деб олинган тақдирда улар атмосферада узоги билан

$$L = c \tau = 3 \cdot 10^8 \text{ м/с} \cdot 2,21 \cdot 10^{-6} \text{ с} \approx 663 \text{ м}$$

масофани босиши керак. Атмосфера қатламининг баландлиги 300 км атрофида эканлигини эътиборга олсақ, унинг юқори қисмида пайдо бўлган μ -мезонлар ўша атрофда парчаланиб кетиши керак эди. Ҳақиқатда эса бу мезонлар Ернинг сиртигача етиб келади.

Нисбийлик назариясиага асосан μ -мезоннинг яшаш вақтидаги бу ноаниқликни бартараф этиш мумкин. μ -мезон билан боғлиқ бўлган лаборатория системасида унинг хусусий яшаш вақти $\tau = 2,21 \cdot 10^{-6}$ с. Ерга нисбатан, у ёруғлик тезлигига яқин тезлик билан ҳаракатланганида Ер билан боғлиқ бўлган системада унинг яшаш вақти τ бир неча юз марта ошади.

7.4- §. Фазо ва вақтнинг ўзаро боғлиқлиги, интервал инвариантлиги

Галилей ва Ньютон асослаган классик механика таълимотига кўра, фазо табиатдаги ҳамма жисмларни қамраб олган бўшлиқ бўлиб, ундаги жисмларнинг ўрни Декарт киритган x , y , z координаталар орқали аниқланади. Жисмлар билан боғлиқ саноқ система-рида вақтнинг ўтиши бир хил ва у жисмларнинг фазодаги ўрнига ёки уларнинг ўзаро ҳаракатига боғлиқ бўлмайди. Бинобарин, уч ўлчовли Евклид фазоси ва бир ўлчовли вақт бир-биридан мустақил равишда мавжуд.

Ёруғлик тезлигини универсаллигига асосланган нисбийлик назариясида координата ва вақт тушунчалари жисмларнинг фазодаги ўрнига ва ҳаракатига боғлиқ бўлган нисбий катталиkdir. Масалан, Ер Қуёш атрофига тахминан 30 км/с тезлик билан ҳаракатланади. Ер билан боғлиқ бўлган саноқ системасининг фазоси хусусий масштаб ва вақт ўлчовларига эга. Лекин койнотда тезлиги Ернинг тезлигидан бир неча юз марта катта бўлган космик обьектлар борки, улардаги масштаб ва вақт ўлчовлари ўзгача бўлади. Демак, фазо ва вақт ўзаро боғлиқ бўлган обьектлар бўлиши лозим. Шунинг учун бўлса керак, 1908 йилда Герман Минковский *фазо ва вақт тушунчалари ўзаро боғлиқ бўлган узлуксиз соҳалар* деб кўришни таклиф этади. Бу ху-

лоса диалектик материализмнинг макон ва замон материянинг яшаш тарзи деган асосий принципини яна бир бор тасдиқлади.

Фазо — вақт боғланишига асосланган Минковский дунёсида содир бўлаётган воқеаларнинг ўрни тўрт ўлчовли (x, y, z, t) бўлиб, улар дунёвий нуқталар деб аталади. Нуқталардаги зарранинг ҳаракатланиши, ривожланиш тарихи эгри чизиқ шаклида бўлиб, дунёвий чизиқ дейилади. Айнан бир хил бўлган икки воқеа, қўзғалмас K_1 ва қўзғалувчан K_2 инерциал системаларга нисбатан кузатилса, классик тасавурга одатланган кузатувчи, масштаб узунликлари $L_1=L_2$ ва воқеаларнинг давомийликлари $T_1=T_2$ ҳар икки системада бир хил бўлади, деган холосага келади. Лекин нисбийлик принципи буни инкор этади. У ҳолда бу икки системада вақт ва масштаб қандай комбинацияларда бўлганда воқеалар орасидаги интервал ўзгармас қолади, деган табиий савол туғилади.

K_1 саноқ системасида бирор воқеанинг дунёвий нуқталари $A(x_1, y_1, z_1, t_1)$, $B(x'_1, y'_1, z'_1, t'_1)$, K_2 саноқ системасида ги координаталари $A'(x_2, y_2, z_2, t_2)$, $B'(x'_2, y'_2, z'_2, t'_2)$ бўлсин. Саноқ системалардаги воқеаларнинг давомийликлари мос равишда $T_1 = t'_1 - t_1$, $T_2 = t'_2 - t_2$, масштаб узунликлари $L_1 = \sqrt{(x'_1 - x_1)^2 + (y'_1 - y_1)^2 + (z'_1 - z_1)^2}$ ва $L_2 = \sqrt{(x'_2 - x_2)^2 + (y'_2 - y_2)^2 + (z'_2 - z_2)^2}$ бўлади. Ҳар икки саноқ системасида ёруғлик бир хил тезлик билан тарқалишини эътиборга олсак: $L_1 = cT_1$ ва $L_2 = cT_2$, эканлигини аниқлаймиз. Бу ифодаларни квадратга ошириб, ҳадма-ҳад айрийлик. Бунда қўйида келтирилган

$$L_2^2 - L_1^2 = c^2 T_2^2 - c^2 T_1^2 \text{ ёки } c^2 T_1^2 - L_1^2 = c^2 T_2^2 - L_2^2$$

тенглигни ҳосил қиласмиш. Икки воқеа орасидаги интервал деб қўйидаги катталик олинади:

$$s = \sqrt{c^2 T^2 - L^2}. \quad (7.10)$$

Демак, юқорида исбот қилинган тенгликтан холоса шуки, берилган икки воқеа орасидаги интервал ҳамма инерциал саноқ системаларда бир хил, яъни инвариант-дир: $s_1 = s_2$. Уч ўлчовли фазодан фарқли воқеалар орасидаги интервал, системанинг хусусий вақт ва узунлик ўлчовларига боғлиқ, лекин уларнинг (7.10) шаклдаги

комбинацияси бир инерциал системадан иккинчи инерциал системага ўтганда ўзгармайди:

$$c^2 T_1^2 - L_1^2 = c^2 T_2^2 - L_2^2 \text{ ёки } s_1^2 = s_2^2. \quad (7.11)$$

Ифодадаги cT ва L ларнинг қийматига қараб интервал ($s^2 > 0$) ұзақиқий, ноль ($s^2 = 0$) ёки мавхум ($s^2 < 0$) бўлиши мумкин.

Агар $s^2 > 0$ бўлса, (7.10) тенгликдан $T_1^2 > \frac{L_1^2}{c^2}$, $T_2^2 > \frac{L_2^2}{c^2}$ бўлиб, кўрилаётган инерциал системаларда хусусий вақт бир хил ишорали бўлади. Шунинг учун $s^2 > 0$ бўлган ҳол вақтсизмон интервал деб аталади. Бунинг маъноси шуки, ҳамма инерциал системаларда биринчи воқеа албатта иккинчисидан олдин ($T_1 > 0, T_2 > 0$) ёки аксинча ($T_1 < 0, T_2 < 0$) иккинчи воқеа биринчисидан олдин юз беради.

Воқеаларнинг олдин ва кейин содир бўлиши инерциал системаларнинг тезлигига боғлиқ эмас. Бу тушунчалар абсолют бўлиб, воқеалар ўзаро сабаб ва натижа муносабатларида бўлиши мумкин. Икки воқеа орасидаги хусусий вақт интервали

$$\Delta T = T_1^2 - \frac{L_1^2}{c^2} = T_2^2 - \frac{L_2^2}{c^2} \quad (7.12)$$

га teng ва бир системадан иккинчи системага ўтганда ўзгармайди. Ҳодисалар эса ўзаро вақт бўйича боғланышда бўлади. Бу боғланишда инерциал системалар ичидаги шундай бир системани топиш мумкини, бу системада иккала воқеа бир нуқтада, лекин ҳар хил хусусий вақтларда содир бўлади. Масалан, атомнинг нурчиқариши бир воқеа, ушбу чиқарилган нурни ютиши иккинчи воқеа, уларнинг давомийлиги ҳар хил системаларга нисбатан турличадир, лекин воқеалар орасидаги хусусий вақт (7.12)га асосан ўзгармас бўлади.

Интервал $s = 0$ бўлганда, системадаги ҳодисалар вақт бўйича боғланишдан ёруғликсимон боғланишига ўтади. Чунки бу шарт бажарилганда (7.11) тенглама нольга айланади, системада содир бўлаётган воқеаларнинг тезликлари $\frac{L_1}{T_1} = \frac{L_2}{T_2} = c$ ўзаро teng бўлиб қолади. Интервал $s < 0$ бўлса, (7.10) тенгламадан биринчи система масштаб узунлигининг ишораси ($L_1^2 > c^2 T_1^2$) иккинчи системадаги масштаб узунлигининг ($L_2^2 > c^2 T_2^2$) ишораси билан мос тушади.

Бу тенгсизликка мес бўлган интэрвал (7.10) мәехум ёлиб ҳодисалар ўзаро^т фазоий боғленишда бўлди, яъни

$$s^2 = L_1^2 - c^2 T_1^2 = L_2^2 - c^2 T_2^2.$$

Бу ҳолда s фазосимон интэрвал деб аталади. Фазовий боғленишда воқеалар шундай фазовий узунликда жойлашадики, биринчи воқеа содир бўлган дунёвий нуқта $A(x, y, z, t)$ дан ёруғлик сигнали иккинчи воқеа содир бўлган дунёвий нуқта $B(x'_1, y'_1, z'_1, t'_1)$ га етиб келганда, $\frac{L_1}{c} > T_1$ бўлгани учун, бу нуқтадаги иккинчи воқеа ўтиб кетган бўлади. Ушбу мулоҳаза $\frac{L_2}{c} > T_2$ бўлган K_2 инерциал система учун ҳам ўринли бўлади.

Демак, фазовий боғленишда бўлган системаларда воқеаларнинг сабаб натижа муносабатлари йўқолади. Шундай қилиб, $v \ll c$ шартига бўйсунган уч ўлчовли Эвклид фазосида жойлашган инерциал системаларда фазо ва вақт узлуксиз ва мустақил объектлардир. Зарра ёки жисмларни ҳаракатланиш тарихи тўғри бўлиб, унинг шакли бир системадан иккинчисига ўтганда ўзгармайди. Аксинча, системаларнинг тезликлари етарли даражада катта бўлса ($v > 400$ км/с) фазо ва вақтнинг ўзаро боғлиқлиги сезиларли даражада намоён бўлади. Бу боғленишни ифодаловчи тўрт ўлчовли Минковский фазосида зарра ва космик объектларнинг ривожланиши, ҳаракатланиш тарихи эгри чизиқ ва унинг шакли бир системадан иккинчисига ўтганда ўзгаради. Фақат ёруғлик нури тўғри чизиқли траекториясини ўзgartирмайди. Ҳақиқатда эса умумлашган нисбийлик назариясига кўра, ёруғлик нури эгри чизиқ бўйлаб тарқалади. Келтирилган холосалар материалистик дунёқараш: макон ва замон (фазо ва вақт) материяning «яшаш тарзи» деган асосий принципини тўлиқ тасдиқлади.

7.5- §. Релятивистик механикада тезликларни қўшиш

B нуқтанинг қўзғалмас K_1 ва \vec{v} тезлик билан ҳаракатланаётган K_2 саноқ системаларига нисбатан координаталари (x_1, y_1, z_1, t_1) , (x_2, y_2, z_2, t_2) бўлсин (7.1-расм).

Маълумки, Лорентц алмаштиришлари (7.5) га асосан K_1

ва K_2 саноқ системаларидаги фазо ва вақт координаталарининг дифференциал қийматлари қўйидагича аниқланади:

$$dx_2 = \frac{dx_1 - v \cdot dt_1}{\sqrt{1 - v^2/c^2}}, \quad dy_2 = dy_1, \quad dz_2 = dz_1,$$

$$dt_2 = \frac{dt_1 - \frac{v}{c^2} dx_1}{\sqrt{1 - v^2/c^2}} \quad (7.13)$$

K_1 саноқ системасига нисбатан B нуқтанинг тезликлари:

$v_{1x} = \frac{dx_1}{dt_1}, \quad v_{1y} = \frac{dy_1}{dt_1}, \quad v_{1z} = \frac{dz_1}{dt_1}$ бўлса, K_2 саноқ система-сига нисбатан:

$$v_{2x} = \frac{dx_2}{dt_2}, \quad v_{2y} = \frac{dy_2}{dt_2}, \quad v_{2z} = \frac{dz_2}{dt_2}.$$

v_{2x} нинг дифференциал ифодасидаги dx_2 ва dt_2 ларни (7.13) даги қийматлари билан алмаштирамиз, яъни:

$$v_{2x} = \frac{(dx_1 - v \cdot dt_1) : \sqrt{1 - v^2/c^2}}{(dt_1 - v \cdot dx_1/c^2) : \sqrt{1 - v^2/c^2}} = \frac{dx_1 - v \cdot dt_1}{dt_1 - v \cdot dx_1/c^2} \quad (7.14)$$

(7.14) ифоданинг сурат ва маҳражини dt_1 га бўлиб қўйида-ги ифодани ҳосил қиласиз:

$$v_{2x} = \frac{v_{1x} - v}{1 - v \cdot v_{1x}/c^2}. \quad (7.15)$$

Шу усул билан қолган тезликлар орасидаги боғланишларни топиш мумкин:

$$v_{2y} = \frac{dy_2}{dt_2} = v_{1y} \frac{\sqrt{1 - v^2/c^2}}{1 - v \cdot v_{1x}/c^2}. \quad (7.16)$$

$$v_{2z} = \frac{dz_2}{dt_2} = v_{1z} \frac{\sqrt{1 - v^2/c^2}}{1 - v \cdot v_{1x}/c^2}. \quad (7.17)$$

Келтирилган (7.15), (7.16) ва (7.17) тенгламалар релятивистик тезликларни қўшиш қонуни дейилади.

Равшанки, v/c нолга тенг бўлса, релятивистик тезликларни қўшиш қонуни классик тезликларни қўшиш қонунига ўтади:

$$v_{2x} = v_{1x} - v, \quad v_{2y} = v_{1y}, \quad v_{2z} = v_{1z}.$$

Бу шаклдаги тенгламалар системасини Галилей нис-бийлик принципидан келиб чиққан тенгламалар (6.22)

билин солишиңсак, улар айнан бир хил эканлигини күриш мүмкін.

Бир мисол көлтирамиз. K_1 системада ҳаракатланаётган моддий нүқта фотон бўлсин. Унинг бу системадаги тезлиги $v_{1x} = c$ ва (7.15) тенгламадан фотоннинг K_2 системадаги тезлиги

$$v_{2x} = \frac{c - v}{1 - v \cdot c/c^2} = \frac{c(c - v)}{c - v} = c.$$

Демак, релятивистик тезликларни қўшиш қонуни жисмнинг тезлиги барча саноқ системаларида ёруғлик тезлигидан катта эмас ва ёруғлик тезлиги ҳамма инерциал системаларда ўзгармаслик принципини қаноатлантиради.

7.6- §. Релятивистик динамика элементлари

1. Релятивистик масса. Нисбийлик принципининг асоси бўлган Лорентц тенгламалари ковариантлик ёки инвариантлик хусусиятига эга. Бу тенгламалар ёрдамида бир инерциал саноқ системасида аниқланган физик катталиқ орқали унинг иккинчи инерциал саноқ системасидаги қийматини аниқлаш мумкин. Инерциал системалардаги жисм массаси ўзгармаслигига асосланган Ньютоннинг иккинчи қонуни

$$\vec{F} = m \frac{d\vec{v}}{dt} \quad (7.18)$$

Лорентц алмаштиришларига нисбатан инвариантлик хусусиятидан холидир. Чунки, моддий нүқтанинг тезлиги унинг координаталари ва бу координаталарини ўзгартириш учун кетган вақт орқали аниқланади. Ўз навбатида бу каттаиклар нисбий бўлиб, бир инерциал саноқ системасидан иккинчисига ўтганда ўзгаради. Равшанки, (7.18) ифода орқали координаталар ва вақтнинг бу ўзгаришларига мос бўлган кучларни аниқлаш мумкин эмас. Бундан узунлик, вақт интервали каби масса тушунчаси ҳам нисбий ва унинг қиймати тезликка боғлиқ деган холосага келиш мумкин.

Эйнштейн назариясига кўра, масса билан тезлик орасидаги боғланиш қуйидагича аниқланади:

$$m = \frac{m_0}{\sqrt{1 - v^2/c^2}}. \quad (7.19)$$

Жисм ўзи жойлашган системага нисбатан қўзғалмас бўлгани учун энг кичик масса m_0 га эга бўлиб, у тинч ҳолатдаги масса деб аталади. Бу масса жисмнинг фақат ўзига мансуб бўлган ички хоссалари билан аниқланади. Ҳаракатланаётган жисмнинг ёки зарранинг тинч ҳолатдаги массасини тезликка боғлиқ равишда ортиб бориши релятивистик эфект, унинг массаси m релятивистик масса дейилади. Зарра тезлиги ёруғликнинг вакуумдаги тезлигига яқинлашганда зарра массасининг ошиши кучли намоён бўлади.

Релятивистик импульс. Импульснинг сақланиш қонуни табиатнинг умумий қонунларидан бири бўлиб, ташқи таъсирдан холи бўлган ҳамма саноқ системаларида ўз шакли ва мазмунини сақлайди:

$$\sum_{i=1}^n \vec{P}_i = \text{const.}$$

Яккаланган жисмнинг импульси $\vec{P} = m \vec{v}$, бунда m релятивистик масса (7.19) ифода орқали аниқланганини эътиборга олсак, релятивистик импульс қўйидагича аниқланади.

$$\vec{P} = \frac{m_0}{\sqrt{1 - v^2/c^2}} \cdot \vec{v}. \quad (7.20)$$

Релятивистик динамиканинг асосий қонуни. Ньютоннинг иккинчи қонунидан маълумки, куч импульснинг ўзгариш тезлигига пропорционал

$$\vec{F} = \frac{d \vec{P}}{dt}. \quad (7.21)$$

Бундай кўринишдаги Ньютоннинг иккинчи қонуни, Лорентц алмаштиришларига нисбатан инвариант, яъни бир инерциал системадан иккинчисига ўтганда ўз шаклини ўзгартирмайди. (7.21) ифодадаги импульс релятивистик импульс (7.20) билан алмаштирилса, релятивистик динамиканинг асосий қонуни қўйидагича ифодаланади:

$$\vec{F} = \frac{d}{dt} \left(\frac{m_0 \vec{v}}{\sqrt{1 - v^2/c^2}} \right). \quad (7.22)$$

7.7-§. Релятивистик кинетик энергия

Релятивистик механикада ўз моҳиятини сақлайдиган табиат қонунларидан яна бири энергиянинг сақланиш қонуни дидир. Маълумки, механик энергиянинг сақланиш қонунига

асосан потенциал энергиянинг dE_p га камайиши, кинетик энергиянинг dE_k га ортишига олиб келади:

$$-dE_p = dE_k.$$

(4.8) га асосан классик механикада кинетик энергия ўзгаришини яна қўйидагича аниқлаш мумкин эди:

$$dE_k = mv \, dv. \quad (7.23)$$

Релятивистик механикада масса тезликка боғлиқ ва уни дифференциал остига киритиб, $dE_k = d(mv) \cdot v$ тенгламани масса ва тезлик бўйича дифференциаллаймиз:

$$dE_k = v^2 dm + mv \, dv. \quad (7.24)$$

(7.19) дан релятивистик массанинг тезликка боғлиқ ҳолда ўзгариши қўйидагича бўлади:

$$dm = \frac{m_0 v \cdot dv}{c^2 (1 - v^2/c^2) \sqrt{1 - v^2/c^2}} = \frac{mv \, dv}{c^2 - v^2}.$$

Бу ифодадан

$$c^2 dm = v^2 dm + mv \, dv. \quad (7.25)$$

Ҳосил бўлган (7.24) ва (7.25) тенгламаларни солиштирсак, қўйидаги ифода келиб чиқади:

$$dE_k = c^2 dm. \quad (7.26)$$

Шундай қилиб, моддий нуқта кинетик энергиясининг ўзгариши масса ўзгаришига пропорционалдир.


Тинч турган жисмнинг массаси m_0 ва кинетик энергияси ноль ($E_k = 0$) эканлигини эътиборга олиб, (7.26) ифодани шу чегараларда интеграллаймиз:

$$\int_0^{E_k} dE_k = c^2 \int_{m_0}^m dm.$$

Ушбу ифоданинг интегралидан релятивистик кинетик энергия учун қўйидаги ифодани ҳосил қиласиз:

$$E_k = mc^2 - m_0 c^2 = m_0 c^2 \left(\frac{1}{\sqrt{1 - v^2/c^2}} - 1 \right). \quad (7.27)$$

Энди энергиянинг ушбу ифодасини Ньютон механикасидаги кинетик энергиянинг математик ифодаси $\frac{mv^2}{2}$ билан солиштирайлик. Бунинг учун (7.27) ифодани v^2/c^2 бўйича Тейлор қаторига ёёмиз:



7.3- расм.

$$E_k = m_0 c^2 \left[\left(1 - \frac{v^2}{c^2} \right)^{-\frac{1}{2}} - 1 \right] = \\ = m_0 c^2 \left[1 + \frac{1}{2} \frac{v^2}{c^2} + \right. \\ \left. + \frac{3}{8} \left(\frac{v^2}{c^2} \right)^2 + \dots - 1 \right]. \quad (7.28)$$

$v \ll c$ чегаравий шарт бажарылса, ифодадәги иккинчи ҳад билан чеклиниш мумкин.

$$E_k = m_0 c^2 \cdot \frac{1}{2} \frac{v^2}{c^2} = \frac{m_0 v^2}{2}.$$

Демак, катта тезликларда релятивистик кинетик энергия

$E_k = \Delta mc^2, \frac{m_0 c^3}{2}$ (m_0 — тинчлик массаси) ёки $\frac{mv^2}{2}$ (m — релятивистик масса) билан аниқланган кинетик энергиялардан фарқ қиласи. Улар орасидаги тағозвутни 7.3- расмда келтирилген ва v/c нинг қийматига бәзлиқ бўлган эгри чизиқли графикдан кўриш мумкин. Расмдаги 1 эгри чизиқ норэлятивистик формула $\frac{m_0 v^2}{2}$ билан аниқланган, 2 эгри чизиқ (7.28)

формуланинг учинчи ҳади билан чегараланган, 3 эгри чизиқ аниқ релятивистик формула (7.27) билан ҳисобланган кинетик энергияларнинг тезликка бәзлиқлигини кўрсатади.

7.8- §. Масса, тўлиқ энергия ва импульс орасидаги боғланиш

Релятивистик кинетик энергиянинг

$$E_k = (m - m_0) c^2$$

шаклдаги ифодаси масса билан энергия заминида чуқур узвий боғланиш борлигини кўрсатади. Ньютон меҳаникасига асосан n та жисмдан ташкил топган системанинг тинч ёки ҳаракатдаги массаси

$$M = \sum m_i = \text{const}$$

ўзгармас эди. Лекин ядро физикаси билан бөглиқ бўлган ҳамма ҳодисаларда классик меҳаниканинг бу ху-

лосаси ўз маъносини йўқотади. Масалан, радиоактивлик емирилиш ҳодисасида емирилаётган ядронинг масаси, ҳосилавий ядро массасидан доимо катта бўлади. Улар орасидаги масса фарқи (ёки масса дефекти) Δm бошқа турдаги энергияга хусусан, γ -нурланиш, система зарраларининг кинетик, система мустаҳкамлигини ифодаловчи боғланиш энергияларига айланади. Зарралар орасидаги энергетик тақсимот қандай бўлишидан қатъи назар, системанинг ёхуд жисмнинг релятивистик массаси ўзгармай қолади:

$$m = \frac{W}{c^2} = \text{const},$$

бунда W — системада мавжуд бўлган кинетик, потенциал ва бошқа турдаги энергияларнинг йиғиндиси, яъни системанинг ихтиёрий ҳолатидаги тўлиқ релятивистик энергиясидир. Келтирилган бу мулоҳазалар ҳар қандай энергия ўз масса ўлчовига эга эканлигини кўрсатади, яъни энергия массага пропорционал:

$$W = m c^2. \quad (7.29)$$

Саноқ системасига нисбатан қўзғалмас бўлган жисмнинг (ёки системанинг) энергияси, хусусий ёки тинч ҳолатдаги энергия дейилади ва унинг қиймати:

$$E_0 = m_0 c^2. \quad (7.30)$$

Тўлиқ энергия ва импульс орасидаги боғланишни аниқлашда релятивистик масса (7.19) ни квадратга ошириб, қуйидагича ўзгартириб ёзамиз.

$$m^2 c^2 - m^2 v^2 = m_0^2 c^2 \quad (7.30 \text{ a})$$

Бу ифоданинг икки томонини c^2 га кўпайтириб, $W = m c^2$, $P = mv$ эканлигини эътиборга олсак,

$$W^2 = P^2 c^2 + E_0^2 \quad (7.31)$$

тўлиқ энергия билан импульс орасидаги боғланишни ҳосил қиласиз. Ушбу боғланишдан келиб чиқадиган асосий хулосалар: моддий нуқтанинг тўлиқ энергияси ва импульси бир инерциал системадан иккинчисига ўтганда ўзгариши мумкин, лекин (7.30 а) шаклдаги айрма Лорентц алмаштиришларига нисбатан инвариант қолади; иккинчидан, табиатда тинч ҳолатдаги массаси $m_0 = 0$ бўлган зарралар мавжуд ва нисбийлик на-

зариясига кўра фотон, нейтрино каби зарраларнинг релятивистик импульси

$$P = \frac{W}{c} \quad (7.32)$$

ва релятивистик массаси

$$m = \frac{W}{c^2} \quad (7.33)$$

тenglamalarni orqali aniqlanadi.

7.9- §. Импульс ва энергиянинг сақланиш қонунларини фазо ва вақтнинг бир жинслилиги билан боғлиқлиги

Импульс билан энергия орагидаги боғланиш чуқур физик маънога эга. Нисбийлик назариясига кўра вақт интервали, масштаб узунлиги нисбий тушунча бўлиб, қўзғалмас инерциал саноқ системасидан қўзғалувчан саноқ системасига ўтганда ўзгаради. Лекин берилган саноқ системаси ичида бу катталиклар ўзгармай қолади, яъни фазо ва вақт бир жинслидир. Ҳақиқатан, ҳаракатланашган жисм (жисмлар системаси) координаталари x_1 бўлган нуқтадан x_2 координатали нуқтага ўтсин. Берилган системага нисбатан олинган тинчлик энергияси ҳар икки нуқтада $E_0 = \text{const}$ бўлганидан бу нуқталарда жисмларнинг импульслари мос равишда p_1 дан p_2 гача ўзгаради, деб фараз қиласлий. У ҳолда (7.31) ифода қўйидагича кўринишга эга бўлади:

$$W_1^2 = p_1^2 c^2 + E_0^2, \quad W_2^2 = p_2^2 c^2 + E_0^2. \quad (7.34)$$

Иккинчи tenglamani birinchesidan aiyrib, ikki ҳад qadratlar aiyrmasini қўйидагicha eynib chiqamiz:

$$(W_2 - W_1)(W_2 + W_1) = (p_2 - p_1)(p_2 + p_1)c^2. \quad (7.35)$$

Ушбу ifodaga

$$\begin{aligned} W_1 &= W - \Delta W, \quad W_2 = W + \Delta W, \quad p_1 = p - \Delta p, \\ p_2 &= p + \Delta p \end{aligned}$$

belgilashlarni kiritamiz. U ҳолда (7.35) tenglik sodda kўrinishiغا эга бўлади:

$$W \Delta W = p \Delta pc^2. \quad (7.36)$$

Ammo $W = mc^2$, $p = mv$ ekansligini eътиборга олсак,

$$\Delta W = v \cdot \Delta p \quad (7.37)$$

шаклдаги энергия ўзгариши билан импульс ўзгариши орасидаги боғланишни ҳосил қиласиз. Иккинчи томондан, энергия ўзгаришининг ўлчови иш, бинобарин, (3.12) га асосан:

$$\Delta W = F_x \cdot \Delta x, \quad (7.38)$$

бунда $\Delta x = x_2 - x_1$ силжиш узунлиги, F_x ҳаракат йўналишида таъсир этаётган куч. Ҳаракатлангаётган система ёпиқ ва адабатик изоляцияланган бўлса, ташқи кучнинг F_x ташкил этувчиси ноль бўлиб, (7.37) ва (7.38) ларни солишириш орқали $v \cdot \Delta p = 0$ тенг эканлигига ишонч ҳосил қилиш мумкин. v — жисмни (ёки системани) инерциал саноқ системага нисбатан ихтиёрий тезлиги ва $v \neq 0$. Бундан $\Delta p = 0$ ёки $p = \text{const}$ эканлиги келиб чиқади. Демак, система координатаси x_1 (ёхуд x_1, y_1, z_1) нуқтадан x_2 (ёки x_2, y_2, z_2) нуқтага кўчирилса, импульснинг сақланиш қонуни ўз кучини сақладайди. Бинобарин, инерциал саноқ системасида олинган нуқталарнинг координаталари бир жинсли. Улар ичидаги имтиёзларни йўқ. Худди шу усул билан (7.31) тенгламани вақтнинг t_1 ва t_2 моментлари учун ёзиб, юқоридаги ҳисоблаш методикасини тақорорласак, (7.37) кўринишдаги тенгламани ҳосил қиласиз. Ташқи куч ноль бўлган ёпиқ системада Ньютоннинг иккинчи қонуни

$$\Delta p = F \Delta t = 0$$

шаклда ёзилади. Бундан (7.37) га асосан $\Delta t = t_2 - t_1$ вақт оралиғидаги энергия ўзгариши ΔW ҳам нолга тенг эканлигини аниқлаймиз. Демак, ихтиёрий инерциал саноқ системасида кузатилган ихтиёрий пайтдаги энергиянинг сақланиш қонуни $W = \text{const}$ ўз кучини сақладайди. Бинобарин, вақт ҳам фазо каби бир жинслидир.

7.10- §. Нисбийликнинг умумлашган назарияси ҳақида тушунча

Электромагнит майдон назариясининг заминида яратилган нисбийликнинг маҳсус назарияси, ташқи таъсиридан холи бўлган инерциал саноқ системаларида содир бўлган физик ҳодисаларнинг моҳияти бир хил бўлишини очиш билан бир қаторда, фазо — вақт соҳаларининг (объектларининг) ўзаро боғлиқлигини кўрсатиб берди.

Лекин коинотдаги ҳамма обьектлар бутун олам тортилиш қонуни орқали таъсирилашадилар. Космик жисмларнинг тортишиш кучлари масофанинг квадратига

тескари пропорционал бўлгани ҳолда, коинотнинг узоқ узоқ нуқталарида ҳам ўз ҳукмини намоён этади. Бинобарин, идеал инерциал саноқ системаси абстракт тушунча. Ҳар қандай инерциал саноқ системаси маълум даражада ноинерциал саноқ системасидир.

Миқдори ва йўналиши ўзгармас a тезланиш билан ҳаракатланаётган ноинерциал саноқ системасида жойлашган жисмларга инерция кучлари таъсир қилишини 6.1-§ да кўрган эдик. Инерция майдонда жойлашган объектлар, уларнинг массалари қандай бўлишидан қатъи назар, бир хил тезланишга эга бўлади.


Агар бошланғич тезлиги ноль бўлган система x_0 ўқи бўйлаб текис тезланувчан ҳаракатланса, унинг тезлиги

$$v^2 = 2ax_0 \quad (7.39)$$

бўлиб, (7.7) га асосан, ноинерциал саноқ системасида масштаб ўзгариши

$$x = x_0 \sqrt{1 - 2ax_0/c^2} \quad (7.40)$$

орқали аниқланади. Равшанки, ноинерциал саноқ системасида масштаб узунлик ўлчови x , системанинг a тезланишига ва фазонинг қайси қисмида олинганига боғлиқ. 7.4-расмда инерциал ва ноинерциал саноқ системаларининг масштаб тўри келтирилган. Инерциал саноқ системасида (7.4-а расм) тўр катакларининг узунлеклари бир хил, фазо бир жинсли ва изотропик. Ваҳоланки, ноинерциал саноқ системасида тўр катаклари-



7.4-расм.

нинг x ўқи бўйича олинган узунликлари саноқ бошидан узоқлашган сари қисқарип боради. Системанинг y , z ўқлари бўйича тезланиши ноль бўлганидан бу йўналишлардаги тўр катакларининг кесмалари ўзгармас қолади. Модомики, бирор физик тажриба орқали x йўналишини, y ва z йўналишларидан ажратиш мумкин бўлса, фазо бир жинсли, изотропик хусусиятларини йўқотади. У ҳолда инерциал саноқ системаси учун ўринли бўлган импульс, импульс моментларининг сақланиш қонунлари ноинерциал саноқ системасида бажарилмайди.

Ноинерциал саноқ системасида вақт T инерциал саноқ системасидаги вақт T_0 га нисбатан секинлашади ва (7.9), (7.39) формулаларга асосан, улар орасидаги боғланиш

$$T = \frac{T_0}{\sqrt{1 - 2ax_0/c^2}} \quad (7.41)$$

тengлама орқали аниқланади. T — координатага ва тезланишга боғлиқ бўлганидан ноинерциал саноқ системасида вақтнинг бир жинслилиги бузилади, энергиянинг сақланиш қонуни «ўз кучини» йўқотади.

Фазо ва вақтнинг ўзаро боғлиқ бўлиши туфайли ноинерциал саноқ системасидаги ҳодисалар тўрт ўлчовли Минковский фазосида кузатилиши лозим. Икки дунёвий A (x_1, y_1, z_1, t_1), B (x_2, y_2, z_2, t_2) нуқталар орасидаги энг қисқа йўл эгри чизиқ бўлади. Бу системада тарқалаётган ёруғлик нури инерция кучи таъсирида бўлиб, ўз тезлигини йўналиш жиҳатдан ўзгартиради ва эгри чизиқли траектория бўйлаб тарқалади.

Ноинерциал саноқ системаси учун ўринли бўлган нисбийликнинг маҳсус назариясини Эйнштейн гравитацион майдон учун умумлаштириб, 1916 йили нисбийликнинг умумлашган назариясини яратди. Бу назарияни ривожлантиришда Л. Инфельд, А. Пуанкаре, Г. Лорентц, Г. Минковский ва бошқа олимларнинг хизматлари ҳам каттадир. Нисбийликнинг умумлашган назарияси заминига гравитацион ва инерция майдонлари орасидаги ўхшашибликни акс эттирувчи «мослик принципи» асос қилиб олинди. Маълумки, инерция кучи намоён бўладиган инерция майдони билан тортиш кучи намоён бўладиган гравитацион майдонлар орасида жуда катта ўхшашиблик бор. Ҳар икки майдонда жисмларнинг олган тезланишлари уларнинг массаларига

боғлиқ әмас. Бу ўхашашликдан ҳар икки майдонда содир бўлган бир хил физик ҳодисаларда фарқ борми, деган савол туғилади. Саволнинг ечими Эйнштейн таърифлаган мослик принципидан келиб чиқади:

«Бир жинсли гравитацион майдонда жойлашган инерциал ва миқдори ҳамда йўналиши ўзгармас бўлган тезланishi билан ҳаракатланаётган ноинерциал саноқ системаларида содир бўлаётган физик ҳодисалар айнан бир хил бўлади».

Гравитацион майдон табиатан бир жинсли әмас. Зероки, коинотда майдон ҳосил қиласиган сайёralар чексиз кўп ва ҳар бирининг майдон кучланганлиги, бутун олам тортишиш қонунига асосан, масофанинг квадратига тескари пропорционал. Бинобарин, бир жинсли майдон учун ўринли бўлган мослик принципи маконнинг чексиз кичик қисми — локал фазода бажарилади.

Мослик принципи асосида нисбийликнинг маҳсус назариясидан келиб чиқадиган хулосаларни тортишиш майдонига умумлаштириш мумкин.

Ёруғлик зарралари (нурлари) энергияси $\epsilon = h\nu$ квант шаклида ҳосил бўлиб, электромагнит тўлқин сифатида тарқалади. Масса ва энергиянинг ўзаро боғланиш қонуни, (7.29) га асосан, квантнинг тинч ҳолатдаги массаси $m_0 = 0$ га тенг, ҳаракатдаги массаси чекли бўлиб $m = \frac{h\nu}{c^2}$ га тенг. Бинобарин, у ҳам бошқа элементар зарралар каби моддий. Ёруғлик гравитацион майдонда тарқалса, квантларга нурнинг ҳаракат йўлига перпендикуляр бўлган тортиш кучи таъсир қиласи. Аксинча, куч нур йўналишида таъсир қиласа, квантлар тезланувчан ҳаракатланиб, уларнинг тезлиги абсолют ёруғлик тезлиги $c = 3 \cdot 10^8$ м/с дан катта бўлиши лозим эди. Бу натижага эса нисбийлик назариясининг иккинчи постулатига зиддир. Демак, ёруғлик гравитацион майдонда ўзгармас тезлик билан энг қисқа эгри чизиқли траектория бўйлаб тарқалади. Мослик принципига асосан бир жинсли майдон деб олиш мумкин бўлган фазонинг кичик қисмida жойлашган инерциал саноқ системасида вақт ва узунлик ўлчовлари ўзгаради. Бу ўзгариш майдон кучланганлигига ёки потенциалига боғлиқ. 3.1- параграфда эслатиб ўтганимиздек, берилган нуқтадаги майдон кучланганлиги шу нуқтадаги эркин тушиш тезланishiнiga тенг, яъни $\vec{G} = \vec{g}$. Ҳаракат x_0 ўки бўйлаб содир

бўлса, (3.20) фэрмулага асосан, эркин тушиш тезланиши g билан потенциал Φ орасидаги боғланиш

$$G_{x_0} = g_{x_0} = \frac{\Phi}{x_0}$$

тенглама орқали ифодаланади. Мослик принципига асосан, (7.39) тенглама

$$v = 2ax_0 = 2\dot{gx}_0 = 2\Phi \quad (7.42)$$

тeng бўлиб, гравитацион майдонда (7.40) ва (7.41) ифодалар қуйидаги кўринишга ўтадилар:


$$L = L_0 \sqrt{1 - 2\Phi/c^2}, \quad (7.43)$$

$$T = \frac{T_0}{\sqrt{1 - 2\Phi/c^2}}. \quad (7.44)$$

Бу ифодаларда L_0 , T_0 майдон таъсиридан холи бўлган инерциал саноқ системасидаги узунлик ва вақт ўлчовлари. Демак, реал дунё Лобачевский айтиб ўтганидек ноэвклид бўлиб, тўрт ўлчовли Минковский координаталари орқали тасвирланади. Фазо-вақт боғланиши туфайли, тортишиш майдонида биз фараз қилган тўғри чизиқли текис ҳаракат эгри чизиқли ҳаракатга ўтади. Тўғри чизиқ тушунчаси йўқолиб, ҳар қандай икки дунёвий нуқта орасидаги энг қисқа йўл эгри чизиқли бўлади. Бу ҳодиса фазо-вақт эгриланиши деб аталади. Бундай хусусиятга эга бўлган фазо ва вақт бир жинсли, изотропик бўлмаган хоссаларга эга.

Эйнштейннинг умумлашган нисбийлик назариясига асосан табиатда кузатилган ноёб ҳодисалар ўз изоҳини топди. Шулардан бири кучли гравитацион майдонда ёруғлик нурининг эгриланишидир. Қарийб 1919 йилдан бошлаб, атмосфера шароити имкон берганда, Қуёшнинг тўла тутилиш ҳодисаси кузатилади. Ой, Қуёшнинг гардишини тўла тўғсанда, гардиш атрофидаги юлдузлар суратга олинади. Худди шу объект кечаси, Қуёш тутилмаганда олинган сурат билан солиширилганда, гардишга яқин жойлашган юлдузлар Қуёш тутилганда сплжигани аниқланган. Силжиш бурчаги юлдуз ва Қуёш тасвирлари орасидаги масофага пропорционал бўлиб, 1,75 бурчак секундини ташкил этган.

Фазо-вақт боғланиши коинотдаги объектларнинг ҳаракатига таъсир қиласи. Маълумки, Ньютон механикасига кўра Қуёш системасидаги сайёralарнинг ҳаракат траекториялари қўзғалмас эллипслардан иборат. Нисбийликнинг умумлашган назарияси



7.5- расм.

риясига кўра сайёralарнинг ҳаракат траекториялари очиқ эллиптик орбиталарни ҳосил қилиши лозим. Бу релятивистик эфект XIX асрнинг охирида Қуёшга энг яқин жойлашган Меркурий планетасида кузатилган. Сайёранинг айланыш ўқи ўз ўрнини ўзгартирган ҳолда фазода жуда кичик бурчакка (100 йилда 43 ёй секундига) бурилади. Натижада, сайёра перигелийси ҳар хил нуқтадардан ўтиб, *перигелий силжиши* деган эфект ҳосил бўлади (7.5- расм). Аммо сайёralарнинг жойлашиши Қуёшдан узоқлашган сари, перигелий эфекти йўқола боради. Масалан, Меркурийдан кейин жойлашган Венера планетасининг перигелий силжиш эфекти 8 ёй- секундини ташкил этади, холос.

Коинотда массаси кичик ҳажмда тўпланган ва сўнган «митти» юлдуздар деб номланган обьектлар бўлиб, улардаги модда зичлиги (бинобарин, эркин тушиш тезланиши ҳам) Ердагига нисбатан миллион марта каттадир. Юлдузларнинг тортишиш майдони нисбатан ўта кучли. Бу майдонда вақт ўтиши секинлашган бўлганидан улардан тарқалаётган нурларнинг частоталари, бошқа юлдузлардан кетаётган шу табиатдаги нурлар частоталаридан кичик бўлади. Бу ҳодиса фанда гравитацион қизил силжии эфекти деб ном олган. Зотан частотанинг ўзгариши туфайли нурланиш спектри, спектрнинг қизил қисми йўналишида силжийди.

1960 й. Р. Паунд Ер гравитацион майдони таъсирида γ -нурларнинг частотаси ўзгаришини лаборатория шароитида намойиш қилди.

Космик фазони забт этиш ривожланган ҳозирги даврда фазо-вақт эгриланишини тажрибада кузатиш имкони пайдо бўлмоқда. Йўлдошга йўналишини аниқ кўрсатадиган қурилма — гироскоп ўрнатилади. Гироскоп ўқи мустаҳкам бўлса, у доимо бир хил йўналишини кўрсатиши керак. Фазо-вақт боғланишига асосан йўлдош Ер куррасини бир марта айланиб чиққанда, гироскоп тўғри бурчакнинг 10^{-8} қисмига бурилади. Йўлдошнинг айланыш даври 1,5 соат бўлса, 2 йил давомида бурчак бурилиши 10^{-4} радианни ташкил этади. Гироскопни мустаҳкам ўрнатиш, бурилиш бурчагини

ўлчаш билан боғлиқ бўлган мураккаб инженерлик муаммолари ҳал қилинса, бу тажрибані амалга ошириш мумкин.

7.11- §. Классик механиканинг қўлланиш чегараси

Нисбийликнинг маҳсус ва умумлашган назарияларини ўз ичига олган релятивистик механика қонунлари $v \ll c$ бўлганда классик механика қонунларига ўтишини олдинги темаларда бир неча бор кузатдик. Демак, релятивистик механика Галилей, Ньютон ва бошқа олимлар асослаган классик механика қонун ва принципларини инкор этмайди, аксинча уларни ривожлантиради ва умумлаштиради. Материя ҳаракати ва ривожланиши билан боғлиқ бўлган ҳодиса сирларини аниқлашда классик механиканинг қўлланиш чегарасини белгилаб беради.

Фараз қиласайлик, ўлчов асбобининг аниқлиги n та рақам билан белгилансин. Ўлчашдаги ($\Delta x/x$) нисбий хатолик 10^{-n} дан кичик бўлса ($\frac{\Delta x}{x} < 10^{-n}$), ўлчов асбоби ёрдами билан масса ўзгаришини аниқлаш мумкин эмаслигини ҳисоблаб чиқайлик:

$$\frac{\Delta m}{m_0} = \frac{m - m_0}{m} = \frac{\sqrt{1 - v^2/c^2} - m_0}{m_0} = \frac{1}{\sqrt{1 - v^2/c^2}} - 1$$

ёки

$$\frac{\Delta m}{m_0} = [(1 - v^2/c^2)^{-\frac{1}{2}} - 1]$$

Бу ифодани Тейлор қаторига ёйинб

$$[(1 - v^2/c^2)^{-\frac{1}{2}} - 1] = \left[1 + \frac{1}{2} \frac{v^2}{c^2} + \frac{3}{8} \left(\frac{v^2}{c^2} \right)^2 + \dots - 1 \right]$$

$v \ll c$ эканлигини эътиборга олиб, қаторнинг иккинчи ҳади билан чегараланамиз:

$$\frac{\Delta m}{m_0} = \frac{1}{2} \frac{v^2}{c^2}. \quad (7.45)$$

Нисбий хатолик 10^{-n} дан кичик бўлса, яъни

$$\frac{1}{2} \frac{v^2}{c^2} < 10^{-n}$$

ўлчов асбоби масса ўзгаришини ўлчай олмайды, у ҳолда чегаравий тезлик қуйидаги

$$v < c \sqrt{2 \cdot 10^{-n}}$$

тенгсизлик орқали ифодаланади. Хусусан, ўлчаш аниқлиги 6 та рақам билан чегараланса,

$$v < c \sqrt{2 \cdot 10^{-6}} \approx 423 \text{ км/с}$$

эканлигини топиш мумкин. Шундай қилиб, моддий нуқтанинг тезлиги 400 км/с дан ошмаса, релятивистик масса, (7.45) га асосан тинч ҳолатдаги массага нисбатан 10^{-6} дан кичик қийматга фарқ қиллади.

Реал шароитда катта жисмларнинг тезлиги чегаравий тезликдан анча кичик. Масалан, иккинчи космик тезлик ($v_{II} = 11,2 \text{ км/с}$) билан ҳаракатланадиган ракета массасининг нисбий ўзгариши, (7.45) тенгламага асосан,

$$\frac{\Delta m}{m_0} = \frac{1}{2} \left(\frac{11,2}{3 \cdot 10^5} \right)^2 \approx 7 \cdot 10^{-10}$$

ни ташкил этади. Агар ракетанинг тинч ҳолатдаги массаси $m_0 = 10^5 \text{ кг}$ бўлса, унинг ҳаракатдаги массаси $7 \cdot 10^{-2}$ граммга ортади. Равшанки, тезлиги 400 км/с дан кичик бўлган жисмлар учун Ньютон механикасининг қонунлари беками-кўст бажарилади.

Лекин микродунё таркибини ташкил этган элементар зарраларнинг тезликлари ёруғлик тезлигига яқин. Уларнинг ҳаракати релятивистик механика қонунлари асосида текширилади. Худди шундай, космик фазода гравитацион майдони ўта кучли ва тезлиги чегаравий тезликдан катта бўлган объектларнинг ҳаракати ҳам релятивистик механика қонунларига бўйсунади.

VIII бўб. ТЕБРАНМА ҲАРАҚАТ МЕХАНИКАСИ. ТҮЛҚИНЛАР

Механик ҳаракатлар ичida шундай турдаги ҳаракатлар борки, бунда моддий нуқта қандайдир чегарадан ташқарига чиқмай ўз ҳаракатини кўп марта такрорлайди. Маълум даражада такрорланиш хоссасига эга бўлган ҳаракат тебранма ҳаракат деб аталади. Бу турдаги ҳаракатларни ўрганиш катта назарий ва амалий аҳамиятга эга. Фан ва техниканинг интенсив ривожланиши билан ҳарактерланувчи ҳозирги даврда бу ҳаракатларнинг бирор тuri ишлатилмайдиган соҳа-

нинг ўзи йўқ. Моддаларнинг таркибий қисми бўлган атомларнинг нурланишидан тортиб, Ернинг силкиниши билан боғлиқ бўлган ҳамма ҳодисалар табиати турлича бўлган кучларнинг таъсирида содир бўлган тебраннишлар билан боғлиқдир. Шу нуқтаи назардан тебранма ҳаракат мураккаб физик жараён бўлиб, ўзига хос математик ифодалар билан аниқланади. Лекин механиканинг бу қисмida биз физиканинг бошқа, хусусан электромагнитизм ва оптика ҳодисаларини таҳлил қилиш учун зарур бўлган энг оддий механик тебранишлар билан танишиб, улар асосида ҳар қандай мураккаб тебранишни энг оддий гармоник тебранишларнинг йиғиндиси сифатида таҳлил қилиш мумкин эканлигини аниқлаймиз. Бу масалаларни ҳал қилишдан олдин механик тебраниш жараёни билан танишиб, уларни қандай турларга бўлиш мумкинлигини аниқлайлик.


8.1- §. Тебранма ҳаракат турлари

Тажрибалардан маълумки, ҳамма жисмлар ташқи куч таъсирида ўз шаклларини ўзгартириб эластик ёки ноэластик деформацияланади. Ташқи куч таъсири йўқотилганда, эластик деформацияланган жисм ўзининг бошланғич шаклига қайтади.

Эластик деформацияланган жисмни аввалги ҳолатига қайтарувчи таъсир эластик куч дейилади. У электромагнит табиатга эга.

Ҳамма моддаларнинг заминида мусбат зарядланган ядро ва унинг атрофида мураккаб траектория бўйлаб ҳаракатланувчи электронлардан тузилган атомлар ётади. Оддий шароитда улар электр жиҳатдан нейтралдир. Атомлар бир-бирига жуда яқин келганда атомлардаги мусбат ва манфий зарядларнинг электр таъсири намоён бўла бошлайди (бу кучларнинг табиати 15.1- § тўлиқроқ ёритилган). Эластик хусусиятига эга бўлган модда атомлари бир-биридан шундай масофада жойлашадики, натижада улар орасидаги итаришиш ва тортишиш кучларининг таъсирни нолга teng бўлади. Агар ташқи куч бу зарралар орасидаги масофани қисқартирса ёки узайтиrsa, улар орасидаги ўзаро таъсирларнинг вектор йиғиндиси натижавий макроскопик эластиклик кучи сифатида юзага келади.

Массаси кичик бўлган шарча икки пружина ёрдами билан 8.1- расмда кўрсатилгандек ҳолатда маҳ-



8.1- расм.

камланган бўлсин. Пружиналардаги эластик кучлари бир-бирини мувозанатлагани туфайли шарча турғун (8.1- а расм) ҳолатни эгаллайди. Шарча юқорига кўтарилса, эластик кучларнинг мувозанати бузилиб (векторларни қўшиш қоидасига асосан аниқланган) кучларнинг teng таъсир этувчиси шарчани мувозанатли ҳолатига қайтаради. Шарча инерцияси туфайли мувозанатли ҳолатидан ўтиб, кичик масофа оралиғидан

ташқарига чиқмай ўз ҳаракатини такрорлаб (8.1- б расм) туради. Пружиналарнинг ўрамлари бир-бирига нисбатан силжиб, унинг деформацияси ҳосил бўлган ушбу системада, шарча силжиш деформацияси йўналишига перпендикуляр йўналишда тебраниб, кўндаланг тебраниш деб аталувчи тебраниш турини ҳосил қиласди. Пружиналардан бирини чўzsак, иккинчиси сикилади (8.1-в расм) ва ташқи куч таъсири йўқотилса, шарча эластик кучнинг йўналишида бўйлама тебранма ҳаракат қила бошлайди. Ташқи куч таъсири йўқотилгандан кейин шарчанинг тебраниши қисқа вақт давом этадиган бу хилдаги тебранишлар эркин бўлиб, улар сўнувчан тебранишлар турига киради.

Ташқи даврий ўзгарувчан кучлар таъсирида содир бўладиган тебранишлар эса мажбурий тебранишлар дейилади. Фақат ички кучлар таъсирида рўй берувчи тебранишлар эркин тебранишлар дейилади. Кучларнинг табиатига кўра мажбурий тебранишлар механик, акустик, электромеханик ва электромагнит турларига бўлинади.

8.2- §. Гармоник тебранишлар

Тебранма ҳаракатларнинг энг оддийси гармоник тебраниш бўлиб, бу ҳаракатда моддий нуқта teng вақтлар ичida ўз ҳаракатини ва ўзининг бошланғич вазиятини тўлиқ такрорлайди. Бинобарин, битта тўла тебраниш учун кетган вақт давр деб аталади. Бир се-

кундаги тебранишлар сони *частота* эканлигини эътиборга олсак, даврни частота орқали қуийдагича ифодалаш мумкин:

$$T = \frac{1}{\nu}.$$

Таъсир этаётган кучларнинг табнатига кўра, моддий нуқта бир вақтнинг ўзида битта, икки ёки уч ўқ бўйлаб тебранма ҳаракат қилиши ва бунга мос равишда гармоник тебранишлар бир, икки ва уч ўлчовли бўлиши мумкин. Реал шароитда уч ўлчовли тебранишларни ҳосил қилиш жуда мураккаб масала.

Эркин гармоник тебраниш қонуниятларини кўриш учун аввалги параграфда кўрилган пружинага маҳкамланган шарчанинг тебранма ҳаракатини таҳлил қиласлик. Шарчага таъсир этаётган эластик кучни $\vec{F} = -k\vec{r}$ ифода орқали белгиласак ва унинг x ўқига бўлган проекцияси $F_x = -kx$ кўринишда ёзилади. Бу ифода эластик деформация учун Гук қонунини ифодалайди: эластик куч F_x силжишга пропорционал бўлиб, доимо мувозанат вазияти томон йўналган. Эластик куч таъсирида бўлган система учун Ньютоннинг иккинчи қонуни $m\ddot{a} = -k\vec{r}$

шаклида ёзилиши мумкин.

8.2-расмда пружинага осилган ва P оғирлик кучига эга бўлган юкча тасвирланган. Бу система кўпинча пружинали маятник деб юритилади. Юкчанинг оғирлик кучи юкча ҳаракат қилмагандан пружинанинг эластик кучи билан мувозанатлашган. Юкча x масофага силжитиб қўйиб юборилса, кучлар орасидаги мувозанат бузилиб, юкча эластик кучи $F_x = -kx$ таъсирида M_1 M_2 кесма оғисида тебрни бошлийди. Бир ўлчовли бу гармоник тебраниш учун Ньютоннинг иккинчи қонуни



8.2-расм.

$$ma_x = -kx \text{ ёки } m \frac{d^2x}{dt^2} = -kx \quad (8.1)$$

Кўришишга ўтади. Бунда k пружинанинг табиатига боғлиқ бўлиб, пружинанинг эластиклик (ёки бикрлик) коэффициентидир. Бу коэффициент пружинани бир бирлик узунликка чўзиш учун зарур бўлган кучни характерлайди. (8.1) ифодадаги $\frac{d^2x}{dt^2} = \ddot{x}$ билан белгилаймиз ва ундаги ҳадларни бир томонга ўтказамиз. Сўнгра m га бўлиб,

$$\frac{k}{m} = \omega_0^2 \quad (8.2)$$


белгилаш киритсак, бир ўлчовли гармоник тебранишнинг дифференциал тенгламасини ҳосил қиласиз, яъни:

$$\ddot{x} + \omega_0^2 x = 0. \quad (8.3)$$

Иккинчи тартибли, бир жинсли бу дифференциал тенгламанинг ечими қўйидаги кўринишда бўлади.

$$x = A_0 \sin(\omega_0 t + \phi) \text{ ёки } x = A_0 \cos(\omega_0 t + \phi). \quad (8.4)$$

Зотан, ҳар иккисидан иккинчи тартибли ҳосилалар олиб тенгламага қўйсак, ҳар иккни ечим гармоник тебранишнинг дифференциал тенгламасини қаноатлантиради. Демак, гармоник тебраниш вақтга боғлиқ равишда синус ёки косинуслар қонуни бўйича ўзгаради. Синус орқали ифодаланган силжишнинг тенгламаси тебранма ҳаракатни кузатиш мувозанат ҳолатига мос бўлган нуқтадан бошланганини кўрсатса ($t = 0$, $x = 0$ 8.3-а расм), косинус орқали ифодаланган силжишнинг қиймати тебранма ҳаракат силжишининг энг катта қийматига мос бўлган нуқтадан бошлаб кузатилганини кўрсатади (8.3-б расм). Силжишнинг максимал қийматига A_0 — амплитуда, $(\omega_0 t + \phi)$ — тебранма ҳаракатнинг тебраниш фазаси, ϕ — бошланғич фаза, ω_0 — эса тебранишнинг хусусий циклик частотаси деб аталади. Шу ўринда бу катталикларнинг физик маъносини эслатиб ўтайлик. Хусусий циклик частота $\omega_0 = \frac{2\pi}{T_0} = 2\pi\nu_0 = 2\pi$ секунд вақт оралиғида содир бўлган тўла тебранишлар сонини англатади. Бошланғич фаза ϕ — бошланғич момент ($t = 0$) да тебранувчи системанинг вазиятини белгилайди. Агар $\phi = 0$ бўлса, тебранувчи системанинг фазаси $\alpha = \omega_0 t = 2\pi \frac{t}{T_0}$ бўлиб қолади. Бино-барин, фаза тебраниш даври улушлари билан ифодалан-




8.3- расм.

тән ҳар бир пайтта мос бүлган мувозанат ҳолатига нисбатан оғиши бурчагини радианлар билан ифодаланған қиймати ни белгилайди. Эркін тебранишларнинг хусусий циклик частотаси ω_0 , (8.2) га биноан, тебрәнувчи системанинг параметрларына боғлиқ. Шунинг учун бу тебранишларнинг даврини (8.2) тенглемеге $\omega_0 = \frac{2\pi}{T_0}$ ифодади құйиб топсак,

$T_0 = 2\pi \sqrt{\frac{m}{k}}$ бүләди. Демек, T_0 тебрәнувчи системанинг массаси m га ва пружинанинг бикрлиги k га боғлиқ экан. Пружинанинг эластиклик хусусиятини характерловчы катталық $k = \frac{F}{x}$ орқали ҳисобланади. Бикрлик пружинанинг берилген ҳолатига нисбатан бир-бирлик узунликка чөзиш (ёхуд қисиши) учун лозим бүлган күчга тенг катталиkdir.

Гармоник тебранишлар даврий ўзгарувчан квази-эластик күч таъсирида ҳам содир бүлнеші мүмкін. Габиати жиҳатидан эластик бүлмаган, лекин эластик



8.4- расм.

күч каби катталиги силжисига боғлиқ бўлган эластик кучга ўхшаши күч, квази-эластик күч дейилади. Математик ва физик маятниклар квази-эластик күч таъсирида тебранади.

1. Математик маятник. Вазнисиз, чўзилмайдиган узун ипга осилган ва оғирлик кучининг ташкил этувчиси таъсирида тебранма ҳаракат қила оладиган моддий нуқта математик маятник деб аталади. Одатда, узун ипга осилган кичик шарча математик маятник деб олинади. Зотан, массаси шарча массасига нисбатан жуда кичик ва узунлиги шарча радиусига нисбатан жуда катта бўлган бу системани идеал математик маятник модудли сифатида кўриш мумкин. 8.4-а расмда вертикал вазиятни эгаллаган маятник тасвирланган. Бунда шарчанинг оғирлик ва ипнинг таранглик кучларининг вектор йиғиндиси нолга тенг $\vec{P} + \vec{T} = 0$ бўлганидан система мувозанатли вазиятни эгаллайди. Шарча мувозанат вазиятидан чиқарилса (8.4-б расм), кучлар орасидаги мувозанат бузилиб, квазиэластик күч бўлган — оғирлик

кучининг ташкил этувчиси $P_t = -P \sin \varphi = -mg \sin \varphi$ таъсирида маятник тебрана бошлайди. Кичик бурчаклар учун ($\sin \varphi \approx \varphi$) бўлганидан юқоридаги ифода-

$$P_t = -mg \varphi \quad (8.5)$$

шаклда олинади. Оғирлик кучининг \vec{P}_n ташкил этувчиси 8.4-б расмда келтирилган ипнинг тараанглик кучи \vec{T} билан мувозанатлашади.

Кичик кесма атрофидаги маятникнинг тебранишини маркази O нуқтада, радиуси ипнинг узунлигига тенг бўлган $R = l_0$ вертикал текисликдаги айланма ҳаракатнинг бир қисми деб олиш мумкин. Айланма ҳаракат динамикасининг асосий тенгламаси

$$M = I \beta \quad (8.6)$$

эди. Математик маятникка таъсир этаётган куч моменти $M = -P_t \cdot l_0$, унинг инерция моменти $I = ml_0^2$, бурчакли тезланиши эса $\beta = \frac{d^2\varphi}{dt^2} = \ddot{\varphi}$ орқали аниқланишини эътиборга олсак, (8.5) га асосан, (8.6) ни қўйидагича ўзгартириб ёзиш мумкин:

$$ml_0^2 \ddot{\varphi} + l_0 mg \varphi = 0.$$

Бу ифодани ml_0^2 га қисқартирамиз ва

$$\omega_0^2 = \frac{g}{l_0} \quad (8.7)$$

белгилаш киритсак, (8.3) тенгламага айнан ўхшаш ифодани ҳосил қиласиз:

$$\ddot{\varphi} + \omega_0^2 \varphi = 0. \quad (8.8)$$

Бу тенгламанинг ечими синус ёки косинус қонунияти қўринишида бўлади. Математик маятникнинг мувозанат ҳолатидан оғиши x унинг оғиш бурчаги φ га пропорционал бўлгани учун, x ҳам синус ёки косинус қонунияти билан ўзгаради, яъни


$$x = A_0 \sin(\omega_0 t + \varphi) \text{ ёки } x = A_0 \cos(\omega_0 t + \varphi).$$

Демак, математик маятникнинг тебраниши гармоник бўлиб, унинг оғиш бурчаги φ ва мувозанат ҳолатидан силжиши x синус ёки косинуслар қонуни билан аниқланади. Унинг тебраниш даври (8.7) га асосан:

$$T_0 = \frac{2\pi}{\omega_0} = 2\pi \sqrt{\frac{l_0}{g}}. \quad (8.9)$$

Ушбу ифода Гюйгенс формуласи дейилади. Математик маятникнинг тебраниш даври унинг узунлигидан чиқарилган квадрат илдизга тұғри, әркін тушиш тезланишидан чиқарилган квадрат илдизга тескари пропорционалдир.

2. Физик маятник. Инерция марказидан үтмайдыган ихтиёрий ўққа нисбатан оғирлик кучининг ташкил этувчisi таъсирида тебранма ҳаракат қила оладыган қаттық жисим ёки жисмлар системаси физик маятник деб атала-ди. Бұу турдаги маятниклар ҳам оғирлик кучининг P , ташкил этувчisi таъсирида тебранса, оғирлик кучининг P_n (8.5-расм) ташкил этувчisi осилишнинг реакция кучи \vec{R} билан мувозанатлашади. Физик маятникнинг тебранма ҳарака-ти айланма ҳаракатнинг бир қисмидир. Физик маятникнинг айланыш ўқига нисбатан инерция моменти I , P , кучининг l елкага күпайтмаси куч моменти эканлигини эътиборга олиб, куч моменти формуласини қуидагича ёзамиз: $M = -mgl \sin \phi$. Қичик бурчаклы тебранишларда $\sin \phi \approx \phi$ деб маятник учун айланма ҳаракат динамикасининг асосий тенгламасини $I\ddot{\phi} = -mgl\dot{\phi}$ шаклға келтирамиз. Ифоданы I га бўлиб, $\ddot{\phi}_0 = \frac{mgl}{I}$ белгилаш киритсак, иккинчи тартибли бир жинсли дифференциал тенглама ҳосил бўлади: $\ddot{\phi} + \omega_0^2 \phi = 0$. Шундай қилиб, физик маятникнинг оғиш бур-чаги ϕ ҳам, математик маят-ник каби синус ёки косинуслар қонуни орқали, унинг тебра-ниш даври эса



8.5 -расм.

$$T = \frac{2\pi}{\omega_0} = 2\pi \sqrt{\frac{I}{mgl}} \quad (8.10)$$

ифодадан топилади. Матема-тик (8.9) ва физик (8.10) маят-никларнинг даврларини ўзаро таққослайлик. Бунда $I_0 = \frac{I}{m \cdot l}$ эканлигини топамиз. Бу шарт бажарилганда, ҳар иккала

маятник бир хил тебраниш даври билан тебранади. Математик маятнинг l_0 узунлигига сон жиҳатдан тенг бўлган физик маятникнинг $L = \frac{l}{ml}$ узунлиги физик маятникнинг келтирилган узунлиги дейилади. Бу узунлик орқали физик маятникнинг тебраниш даврини яна бундай аниқлаш мумкин:

$$T = 2\pi \sqrt{\frac{L}{g}}.$$

Математик ва физик маятниклар техниканинг турли соҳаларида, хусусан соатсозлика кенг ишлатилади. Уларнинг тебраниш даври формулалари муҳим амалий аҳамиятга эга бўлиб, эркин тушиш тезланиши, мурракаб жисмларнинг инерция моментларини аниқлашда кенг ишлатилади.

8.3- §. Гармоник тебранма ҳаракатнинг энергияси


Маълумки, бир ўлчовли эркин тебраниш жисмга таъсир этаётган ташқи куч таъсири тўхтатилгандан кейин содир бўлади. Системадаги эластик ёки квази-эластик табиатга эга бўлган кучни енгишда ташқи кучнинг бажарган элементар иши: $dA = F_x dx = kx dx$ аниқланиб, бундан бажарилган тўлиқ иш:

$$A = \int_0^x kx dx = \frac{kx^2}{2}.$$

Бу иш, энергиянинг сақланиш қонунига асосан, системанинг потенциал энергиясини ҳосил қилишга сарф бўлади:

$$E_p(x) = \frac{kx^2}{2}. \quad (8.11)$$

Бир ўлчовли гармоник тебраниш потенциал энергиясининг силжиш x га боғлиқлик графиги 8.6-расмда келтирилган. Бу эрги чизиқ $x = 0$ га нисбатан симметрик бўлган парабола орқали тасвирланади. Мувозанатли ҳолатга мансуб бўлган $x = 0$ нуқтада системанинг потенциал энергияси энг кичик. Бинобарин, мур



8.6- расм.

возанат ҳолатда бўлган системанинг потенциал энергияси минимал қийматга эга. Мувозанатли ҳолатдан энг чекка нуқталарда силжиши x нинг қиймати — A_0 ва $+A_0$ ларга тенг. Бу ҳолатларга мос бўлган системанинг максимал потенциал энергияси системанинг тўлиқ механик энергиясига тенг, яъни:

$$E = \frac{kA_0^2}{2}. \quad (8.12)$$

Бу энергияни таркибий қисмларига системанинг кинетик ва потенциал энергиялари киради, яъни

$$E = \frac{mv^2}{2} + E_p(x). \quad (8.13)$$

Кинетик ва потенциал энергияларнинг даврий равища бир-бирига айланиши эса механик системани тебранма ҳаракатга келтиради. У ҳолда моддий нуқтанинг тезлиги

$$v = \sqrt{\frac{2[E - E_p(x)]}{m}} \quad (8.14)$$

тебранаётган системанинг потенциал энергиясига боғлиқ. Хусусан, $E_p(x) = 0$ бўлганда мувозанат ҳолатидан ўтаётган моддий нуқтанинг тезлиги

$$v_{\max} = \sqrt{\frac{2E}{m}} = \sqrt{\frac{k}{m} A_0^2} = \omega_0 A_0 \quad (8.15)$$

максимал қийматга эришади.

Тебранма ҳаракат қилаётган моддий нуқтанинг ёки системанинг тўла механик энергияси (8.13) га асосан

$E = \frac{mv^2}{2} + \frac{kx^2}{2}$, чунки $E_p(x) = \frac{kx^2}{2}$. Агар тезлик моддий нуқтанинг силжиши x дан вақт бўйича олинган биринчи тартибли ҳосиласи, яъни $v = x = \omega_0 A_0 \cos(\omega_0 t + \varphi)$ ва (8.2) га асосан $\omega_0^2 m = k$ эканлигини ҳисобга олсак, тебранишнинг тўла энергияси $E = \frac{mv^2}{2} + \frac{kx^2}{2} = \frac{kA_0^2}{2}$ эканлигини кўр ишимиз мумкин.

Демак, ноконсерватив (қаршилик ва ишқаланиш) кучларидан холи бўлган тебранувчи системанинг тўла механик энергияси ўзгармас экан, яъни $E = \frac{kA_0^2}{2} = \text{const.}$


Келтирилган мулоҳазалардан консерватив куч туркумига кирган эластик куч, гравитацион ва электр кучлари каби (8.11) шаклдаги ўз потенциал энергиясига ва 8.6-расмда тасвирланган эгри чизиқ кўринишидаги $\phi(x)$ потенциал функциясига эга бўлишини аниқлаймиз. Система шу функция билан чегараланган потенциал ўрадан чиқмаган ҳолда, шу чуқурлиқдаги энергияларнинг узлуксиз қийматларини олади. Бу хулоса классик механика қонунларига бўйсунган тебранишлар учун ўринлидир. Лекин атом ва молекулалар тебраниш механизмидан маълумки, бу зарраларнинг энергиялари квантланган бўлиб, $\phi(x)$ потенциал чуқурлиқда, улар ўз энергияларига мос бўлган энергетик сатҳларни эгаллайдилар. Квант механикасининг қонунларига бўйсунган тебранишлар, классик тебранма ҳаракатлардан шу хусусияти билан кескин фарқ қиласди.

8.4- §. Тебранма ҳаракатларни қўшиш


Эластик ва квазиэластик кучлар таъсирида бўлган система кўпгина ҳолларда бир тўғри чизиқда ётган ёки ўзаро перпендикуляр бўлган икки ёки ундан ортиқ тебранишларда иштирок этиши мумкин. Тебранишларнинг қўшилишидан ҳосил бўлган натижавий тебранишни аниқлаш катта амалий аҳамиятга эга. Чунки, товуш тўлқинлари, ўзгарувчан ток, электромагнит тўлқинлари билан боғлиқ бўлган кўпгина ҳодисалар бу тўлқинларни уйғотган тебранма ҳаракатларнинг қўшилиши билан боғлиқдир.

1. Бир тўғри чизиқда ётган икки когерент тебранма ҳаракатларни қўшиш

Когерент тебранишлар деб, частоталари бир хил ёки бир-биридан чексиз кичик қийматга фарқ қиласдин ва фазалар фарқи вақт бўйича ўзгармайдиган тебранишларга айтилади. Масалан, моддий нуқта цикличик частотаси ω_0 бир хил ва бир тўғри чизиқда ётган иккита тебранишда иштирок қилаётган бўлсин. Уларнинг



8.7- расм.



8.8- расм.

берилган вақт моментидаги мувозанат ҳолатидан силиш масофалари

$$x_1 = A_1 \sin(\omega_0 t + \varphi_1), \quad x_2 = A_2 \sin(\omega_0 t + \varphi_2) \quad (8.16)$$

тengламалар билан ифодалансин. Агар бу икки тебранишларнинг бошланғич фазалари ўзаро тенг ($\varphi_1 = \varphi_2 = \varphi$) бўлса, уларнинг қўшилишидан ҳосил бўлган натижавий тебраниш ҳам гармоник бўлиб, унинг силжиши $x = x_1 + x_2 = (A_1 + A_2) \sin(\omega_0 t + \varphi)$ tengлама билан ифодаланади. Унинг амплитудаси берилган тебранишлар амплитудаларининг йифинди-сига teng (8.7-расм), яъни $A_0 = A_1 + A_2$. Аксинча, иккинчи тебраниш биринчисидан фазаси бўйича ($\varphi_2 = \varphi_1 + \pi$) «л» га фарқ қиласа (8.8-расм), яъни

$$\begin{aligned} x_1 &= A_1 \sin(\omega_0 t + \varphi_1), \quad x_2 = A_2 \sin(\omega_0 t + \varphi_1 + \pi) = \\ &= -A_2 \sin(\omega_0 t + \varphi_1) \end{aligned}$$

уларнинг қўшилишидан ҳосил бўлган тебранишнинг tengла-маси

$$x = x_1 + x_2 = (A_1 - A_2) \sin(\omega_0 t + \varphi_1)$$

бўлиб, у ҳам гармоник, лекин натижавий тебраниш амплитудаси $A_0 = A_1 - A_2$ берилган тебранишлар амплитудаларининг айримасига teng. Шундай қилиб, бир хил фазали когерент тебранишлар қўшилса, улар бир-бира ни кучайтиради, қарама-қарши фазали когерент теб-

ранишлар қўшилганда тебранишлар бир-бирини сусайди. Ушбу ҳисоблаш методи ёрдамида биз бир тўғри чизиқда содир бўлаётган когерент тебранишларнинг қўшилишини энг оддий усулини кўрдик, холос. Лекин вектор диаграмма деб аталадиган усул ёрдамида берилган тебранишларнинг бошланғич фазалари ўзаро тенг $\varphi_1 \neq \varphi_2$ бўлмаган ҳолда ҳам натижавий тебраниш гармоник, унинг силжиш тенгламаси

$$x = A_0 \sin(\omega_0 t + \varphi) \quad (8.17)$$

бўлишини ва амплитудаси

$$A_0^2 = A_1^2 + A_2^2 + 2A_1 A_2 \cos(\varphi_2 - \varphi_1),$$

бошланғич фазаси эса

$$\operatorname{tg} \varphi = \frac{A_1 \cdot \sin \varphi_1 + A_2 \sin \varphi_2}{A_1 \cos \varphi_1 + A_2 \cos \varphi_2} \quad (8.18)$$

шаклдаги тригонометрик ифодалар орқали аниқлаш мумкинлигини кўрсатиш мумкин. Демак, натижавий тебранишларнинг амплитудаси A_0 нииг қиймати ($\varphi_2 - \varphi_1$) га боғлиқ равиша

$$A_1 - A_2 \leq A_0 \leq A_1 + A_2 \quad (8.19)$$

интервал орасида ўзгаради. Хусусан, $\varphi_2 - \varphi_1 = 2n\pi$ бўлганда натижавий тебранма ҳаракатнинг амплитудаси $A_0 = A_1 + A_2$ ва $\varphi_2 - \varphi_1 = 2n\pi + \pi$ бўлганда $A_0 = A_1 - A_2$ га тенг бўлди. Бунда $n = 0, 1, 2 \dots$ бутун сонларни қабул қиласи.

2. Ўзаро перпендикуляр тебранишларни қўшиш. Моддий нуқта тенгламалари

$$x = A_0 \sin(\omega_0 t + \varphi), \quad y = B_0 \sin(\omega_0 t + \psi) \quad (8.20)$$

орқали ифодаланган ўзаро перпендикуляр икки тебранишда иштирок этси. Унинг ҳаракатини икки ўлчовли гармоник тебранма ҳаракат деб кўриш мумкин. Натижавий тебранишларнинг тректорияси берилган ҳаракатларнинг амплитудалари ва бошланғич фазаларига боғлиқ. Масалан, ҳар икки тебраниш фазалари $\varphi = \psi$ ўзаро тенг бўлса, юқоридаги тенгламаларнинг нисбатидан

$$y = \frac{B_0}{A_0} x \quad (8.21)$$


ёки $\psi = \varphi + \pi$ бўлса, берилган иккى тебраниш бир-биридан ишоргаси билан фарқланади ва уларнинг нисбати

$$y = -\frac{B_0}{A_0} x \quad (8.22)$$

шаклини олади. Демак, фазалари тенг ёки π га фарқ қилинган ўзаро перпендикуляр тебранишларни қўшилишидан ҳосил бўлган натижавий тебраниш координата бошидан ўтган ва қиялиги $\operatorname{tg} \varphi = \frac{B_0}{A_0}$ га тенг бўлган тўғри чизиқлардан иборат. Тўғри чизиқлардан бири 2 ва 4 чоракларда ётса, иккинчиси (8.22) 1 ва 3 чоракларда ётади (8.9-а расм).

Энди тебранишлар фазаси 90° га, яъни $\psi - \varphi = \frac{\pi}{2}$ ҳолини кўриб чиқайлик. Бу шарт бажарилганда, « y » ўқи бўйлаб содир бўлаётган тебранишини


$$y = B_0 \sin \left(\omega_0 t + \varphi + \frac{\pi}{2} \right) = B_0 \cos (\omega_0 t + \varphi) \quad (8.23)$$



шаклда ўзгартириб ёзамиз. (8.20) ҳамда (8.23) тенгламалардаги x ва y ларни квадратга ошириб, жамлаймиз. Бунда

$$\frac{x^2}{A_0^2} + \frac{y^2}{B_0^2} = 1 \quad (8.24)$$

тенглама ҳосил бўлади. Бу горизонтал ярим ўқи A_0 га, вер-



8.9-расм.

тикал ярим ўқи B_0 га тенг бўлган эллипс тенгламасидир (8.9-б расм). Агар ярим ўқлар тебраниш амплитудалари ўзаро тенг $A_0 = B_0$ бўлса (8.24) ифода айланадан тенгламасини беради. Моддий нуқта эллипсни ёки доиранинг қайси йўналишда айланиси фазалар айрмасининг ишорасига боғлиқ. Хусусан, $\psi - \varphi = \frac{\pi}{2}$ шарт бажарилса, моддий нуқта эллипсни соат стрелкаси ҳаракат йўналишида, $\psi - \varphi = -\frac{\pi}{2}$ тенглик бажарилса, соат стрелкаси ҳаракат йўналишига тескари йўналишда айланади (8.9-б расм).

Келтирилган чегаравий қийматларга асосан фазалар айрмасининг қолган ҳар қандай ихтиёрий қийматида ўзаро перпендикуляр тебранишларнинг қўшилишидан ҳосил бўлган натижавий траектория ярим ўқлари координата ўқларига нисбатан қияланган эллипс (8.9-в расм) шаклида бўлишини унча мураккаб бўлмаган тригонометрик амаллар ёрдамида кўрсатиш мумкин.

Ўзаро перпендикуляр тебранишларнинг циклик частоталари тенг бўлмаса ва бирни иккинчисига нисбатан каррали ўзгарса, натижавий тебранишнинг траекторияси Лиссажу номи билан аталган мураккаб шакллардан иборат бўлади.


8.5. Тепкили тебранишлар

Бир йўналишда содир бўлаётган ва частоталари бир-биридан кичик қийматларга фарқ қилган икки тебранишнинг қўшилишини аниқлайлик. Масалани содалаштириш мақсадида тебранишларнинг амплитудалари бир хил, бошланғич фазалари ноль ва циклик чистоталари $\omega_1 = \omega_0 - \Delta\omega$, $\omega_2 = \omega_0 + \Delta\omega$ деб фараз қиласли. У ҳолда, берилган тебранишларнинг тенгламалари қўйидатicha:

$$x_1 = A \cos \omega_1 t, \quad x_2 = A \cos \omega_2 t. \quad (8.25)$$

Натижавий тебраниш эса: $x = x_1 + x_2 = A (\cos \omega_1 t + \cos \omega_2 t)$. Ушбу тенгламадаги косинуслар йиғиндинисини, уларнинг кўпайтмалари орқали ифодалаймиз:

$$x = 2A \cos \frac{(\omega_2 - \omega_1)t}{2} \cdot \cos \frac{(\omega_1 + \omega_2)t}{2} = 2A \cos \Delta\omega t \cdot \cos \omega_0 t.$$



8.10- расм.

Охирги ифодани гармоник тебранма ҳаракатнинг тенгламаси (8.4) билан таққосласак, натижавий тебраниш амплитудаси

$$A_0 = 2A \cos \Delta \omega t \quad (8.26)$$

қонуни бўйича ўзгарувчан гармоник тебранма ҳаракат эканлигини топамиз (8.10- расм).

Кузатиш боши ($t=0$) да тебранма ҳаракат амплитудаси $2A$ га тенг ва унинг вақт давомида ўзгариши 8.10- расмда пунктир чизиқ билан кўрсатилган. Шаклдан шу нарса аниқки,

$$T_0 = \frac{2\pi}{\omega_2 - \omega_1} = \frac{2\pi}{\Delta\omega} \quad (8.27)$$

даврда натижавий тебранишнинг амплитудаси берилган тебранишлар амплитудасига нисбатан 2 марта ошиб, кучайиб туради. Шунинг учун амплитудаси (8.26) билан аниқланувчи тебранишлар *тепкили тебранма ҳаракат дейилади*.

8.6- §. Сўнувчи тебраниш

Эркин тебраниш ноконсерватив кучлар таъсирига эга бўлган системада содир бўлса, тебранишнинг ҳар бир чорак даврида система, тебраниш энергиясининг

бир қисмини қаршилик кучларини енгиш учун иш бајаришга сарфлайди. Бу иш иссиқлик энергиясига ўтиб, қайтмас жараён сифатида атроф-муҳитга тарқалади. Тебраниш давомида (8.12) билан аниқланган системанинг тўлиқ механик энергияси муҳитнинг ва системанинг ички энергиясига ўта боради. Бинобарин, ҳар қандай эркин тебраниш сўнувчи бўлиб, унинг амплитудаси секин-аста камайиб боради. Бунда, амплитуданинг камайиши бирор қонуниятга бўйсунадими, деган савол туғилади. Савол ечимини аниқлаш мақсадида моддий нуқта эластик ва қаршилик кучлари таъсирида тебранади, деб фараз қиласлик. У ҳолда тебранма ҳараткат учун (8.1) шаклда ёзилган Ньютоннинг иккинчи қонуни қуидаги кўринишни олади:

$$m\ddot{x} = -kx - \chi \dot{x}, \quad (8.28)$$

бунда $F_k = -\chi v_x = -\chi \frac{dx}{dt} = -\chi \dot{x}$ қаршилик кучи бўлиб, χ — қаршилик коэффициенти дейилади. Юқоридаги ифодани m га бўлиб,

$$\omega_0^2 = \frac{k}{m}, \quad 2\beta = \frac{\chi}{m} \quad (8.29)$$

белгилашларни киритсан, сўнувчи тебранма ҳаракатнинг

$$\ddot{x} + 2\beta \dot{x} + \omega_0^2 x = 0 \quad (8.30)$$

шаклдаги дифференциал тенгламасини ҳосил қиласиз. Бир жинсли иккинчи тартибли бу тенгламанинг ечи мини

$$x = A(t) \cdot \sin(\omega t + \varphi) \quad (8.31)$$

кўринишда олайлик. Тебранишнинг циклик частотасига боғлиқ бўлмаган амплитуда dt вақт ичида dA га камаяди. Унинг камайиш миқдори кузатиш вақтига ва амплитуданинг берилган вақтдаги қиймати A га боғлиқ: $dA \sim Adt$. Пропорционаллик белгисини тенгликка айлантириш учун коэффициент киритамиз:

$$dA = -\beta Adt, \quad (8.32)$$

бунда $(-)$ ишораси вақт ўтиши давомида амплитуданинг камайишини кўрсатса, муҳитнинг табиатига боғлиқ бўлган ва сўниш коэффициенти деб аталувчи β

тебранишнинг сўниш тезлигини кўрсатади. (8.32) ифодани берилган чегараларда интеграллаб

$$\int_{A_0}^A \frac{dA}{A} = -\beta \int_0^t dt$$

амплитуданинг вақтга боғлиқ қонуниятини ҳосил қиласиз:

$$A(t) = A_0 e^{-\beta t},$$

бунда A_0 — тебранишнинг $t=0$ моментига мос келган бошланғич амплитудаси. Топилган ифодага асосан сўнумвчи тебранишнинг тенгламаси (8.31) қўйидагича бўлади:

$$x = A_0 e^{-\beta t} \sin(\omega t + \varphi). \quad (8.33)$$

Тебранишнинг циклик частотасини аниқлашда (8.33) дан вақт бўйича биринчи, иккинчи тартибли ҳосилалар олиб, (8.30) га қўйиб қисқартиришларни амалга оширгандан кейин $\beta^2 - \omega^2 - 2\beta^2 + \omega_0^2 = 0$ тенгламани ҳосил этамиз. Бундан сўнумвчи тебранишнинг циклик частотаси:


$$\omega^2 = \omega_0^2 - \beta^2. \quad (8.34)$$

Равшанки, $\omega_0^2 > \beta^2$ бўлса, (8.33) шаклдаги ечим (8.30) тенгламани қаноатлантиради ва унинг графиги 8.11-расмда келтирилган кўринишга эга бўлади. Демак, амплитуда вақт давомида экспоненциал қонун бўйича камайиб боради. Унинг ўзгариши 8.11-расмда пунктир чизиқ билан кўрсатилган. Мухитининг қаршилиги туфайли сўнумвчи тебранишнинг даври

$$T = \frac{2\pi}{\sqrt{\omega_0^2 - \beta^2}} \quad (8.35)$$

эркин тебраниш даври $T_0 = \frac{2\pi}{\omega_0}$ дан катта бўлади.

Бир-биридан бир даврага фарқ қилган икки кетмакет тебраниш амплитудаларини



8.11-расм.

рининг нисбати

$$\frac{A_0 e^{-\beta t}}{A_0 e^{-\beta(t+T)}} = \frac{e^{-\beta t}}{e^{-\beta T} \cdot e^{-\beta t}} = e^{\beta T}$$

сўниш декременти деб аталувчи катталикни беради. Уни логарифмлаб

$$\lambda = \ln e^{\beta T} = \beta T \quad (8.36)$$

ифодани ҳосил қиласиз, λ — сўнишинг логарифмик декременти деб аталади. Сейсмик қидирув ишларида бирор объектда тебраниш ўйғотилиб, сўнишинг логарифмик декременти λ ва у орқали заминнинг қаршилиги β топилади.

Эластик кучнинг максимал қийматининг қаршилиқ кучининг энг катта қийматига нисбати

$$Q = \frac{F_s}{F_k} = \frac{k A_0}{\chi v_{\max}} \quad (8.37)$$

тебраниш системасининг юксаклиги дейилади. Тезликкунинг максимал қиймати (8.15) орқали аниқланишини эътиборга олсан, (8.37) ифодани яна бундай ёзиши мумкин:

$$Q = \frac{k A_0}{\chi \omega_0 A_0} = \frac{k}{\chi \omega_0} = \frac{m \omega_0^2}{\chi \omega_0} = \frac{m \omega_0}{\chi}. \quad (8.38)$$

Ҳосил бўлган (8.38) ифодадан муҳитнинг қаршилиқ коэффициенти χ қанчалик кичик бўлса, системасининг юксаклиги шунча юқори бўлиб, унинг сўниш жараёни узоқ давом этади деган холосага келамиз. Бунинг маъноси шуки, механик энергия муҳитга кам миқдорда тарқалса, тебраниш ҳам бунга мос равишда узоқ давом этади.

Юксаклик, чорак даврда йўқотилган ΔE энергия тўлиқ механик энергия E дан неча марта кичик $Q = \frac{E}{\Delta E}$ эканлигини кўрсатади. Ташки куч ёрдами билан тебранишининг чорак даврида йўқотилган ΔE энергияси тўлдириб турилса, тебранишинг амплитудаси ўзгармас қолади. Масалан, маятникли соатларда чорак даврда йўқотилган энергия, системага ташки куч билан берилилган потенциал энергия ҳисобига тўлдирилади. Бунинг эвазига маятник тебраниш амплитудаси ўз қийматини ўзгартиргайди.

Тебранаётган системанинг юксаклиги $Q < 1$ бўлса, (8.37) га асосан, қаршилиқ кучи эластиклик кучидан ($F_k > F_s$) катта

ў либ, мувозанатли ҳолатдан чиқарилган система тебранмай мувозанатли ҳолатига қайтади. Ҳаракатнинг бу тури даврий бўлмаган жараён бўлиб, чорак даврда системанинг тўлиқ механик энергияси бутунлай иссиқлик энергияси сифатида муҳитга тарқалиши мумкин.

8.7- §. Мажбурий тебраниш. Резонанс

Тажрибадан маълумки, даврий ишлайдиган механизминг ён атрофида турган жисмлар тебраниб турди. Масалан, станок ишлаганда дераза ойналарининг тебраниши, машина мотори юргизилганда унинг бошқа қисмларининг вибрацияланиши, самолёт двигатели ишлаб турганда қанотларнинг тебраниши ва шу тоифадаги бошқа мисолларни кундалик турмушимизда кўплаб учратамиз. *Тебранувчи системанинг ташки даврий ўзгарувчан куч таъсиридаги тебранишлари мажбурий тебраниш деб аталади.*

Фараз қилайлик, мувозанат вазиятида турган боғланган система ёки ўзаро боғланган жисм қисмлари

$$F = F_0 \sin \omega t \quad (8.39)$$

қонун бўйича даврий ўзгарадиган мажбур этувчи куч таъсирида тебрана бошласин, бунда F_0 — ўзгарувчан кучнинг амплитудаси, ω унинг циклик частотаси. Ньютоннинг II қонунига асосан мажбурий тебранаётган системанинг ҳаракат тенгламасини умумий шаклда қўйидагича ёзамиш:


$$m\ddot{x} + \chi \dot{x} + kx = F_0 \sin \omega t, \quad (8.40)$$

бу ифодани m га бўлиб, $2\beta = \frac{\chi}{m}$, $\omega_0^2 = \frac{k}{m}$ ва $f_0 = \frac{1}{m}\sqrt{\frac{k}{m}}$

белгилашларни киритсак, юқоридаги иккинчи тартибли бир жинсли бўлмаган дифференциал тенгламани қўйидаги кўришишга келтирамиз:

$$\ddot{x} + 2\beta \dot{x} + \omega_0^2 x = f_0 \sin \omega t. \quad (8.41)$$

Қаршилик кучининг таъсири кучли бўлган бошланғич ҳолатда мажбурий тебранишнинг амплитудаси вақтга боғлиқ равишда секин-аста ошиб боради. Лекин ҳар чорак даврда йўқотилган энергияни мажбур этувчи куч бажарган иши ҳисобига тўлдириб турсак, т вақтдан сўнг системанинг тебраниши барқарорлашади.



8.12- расм.

8.12- расмда частотаси ташқи күч частотасига тенг ва ўзгармас амплитудали қарор топган тебранишнинг графиги келтирилган. Бу тебранишнинг тенгламасини

$$x = A \sin(\omega t + \varphi) \quad (8.42)$$

шаклда оламиз. Ундан олинган биринчи ва иккинчи тартибли ҳосилаларни $\dot{x} = A \omega \cdot \cos(\omega t + \varphi)$, $\ddot{x} = -A \omega^2 \sin(\omega t + \varphi)$ (8.41) ифодага қўйиб уни қўйидаги

$$\begin{aligned} & -A \omega^2 \sin(\omega t + \varphi) + 2\beta \omega A \cos(\omega t + \varphi) + \\ & + \omega_0^2 A \sin(\omega t + \varphi) = f_0 \sin \omega t \end{aligned}$$

шаклга келтирамиз. Бурчаклар йиғиндисини синус ва косинусларини қўшиш формуласига асосан очиб чиқсак, қўйидаги тригонометрик тенглама ҳосил бўлади:

$$\begin{aligned} & [A(\omega_0^2 - \omega^2) \cos \varphi - 2\beta A \sin \varphi - f_0] \sin \omega t + \\ & + [A(\omega_0^2 - \omega^2) \sin \varphi + 2\beta A \omega \cdot \cos \varphi] \cos \omega t = 0. \end{aligned}$$

Ташқи күч таъсири бошлангандан кейин хусусий (ω_0) ва мажбурий (ω) частоталар орасидаги боғланишни ифодаловчи бу муносабат вақтнинг ихтиёрий моменти учун ўринли. Хусусан, $t = \frac{T}{4}$, $t = 0$ моментлар учун юқоридаги тенглама

$$A(\omega_0^2 - \omega^2) \cos \varphi - 2\beta \omega A \sin \varphi = f_0, \quad (8.43)$$

$$A(\omega_0^2 - \omega^2) \sin \varphi + 2\beta A \omega \cos \varphi = 0 \quad (8.44)$$

шаклдаги икки тенгламаға ажралади. (8.44) тенгламадан қарор топған мажбурий тебранишнинг фазаси

$$\operatorname{tg} \varphi = - \frac{2\beta \omega}{\omega_0^2 - \omega^2} \quad (8.45)$$

эканлигини топамиз. (—) ишораси тебранишнинг фазаси уни вужудга келтирған мажбур этувчи күч фазасидан орқада қолишини кўрсатади. (8.43) ва (8.44) тенгламаларни квадратларга ошириб ва ҳадма-ҳад қўшсак,

$$A^2(\omega_0^2 - \omega^2)^2 + 4\beta^2 A^2 \omega^2 = f_0^2$$

кўринишдаги ифода ҳосил бўлади. Бундан мажбурий тебранишнинг амплитудаси


$$A = \frac{f_0}{\sqrt{(\omega_0^2 - \omega^2)^2 + 4\beta^2 \omega^2}} = \frac{F_0}{m \sqrt{(\omega_0^2 - \omega^2)^2 + 4\beta^2 \omega^2}} \quad (8.46)$$

га тенг. Демак, қарор топған тебрания ҳарзатнинг амплитудаси даврий ўзгарувчан кучнинг амплитудаси F_0 га, унинг частотаси ω га ва қаршилик коэффициенти $\beta = \frac{\chi}{2m}$ га боялиқ равишда ўзгаради. Шу билан бир қаторда, юқоридаги (8.46) ифодадән тебранаётган системанинг амплитудаси система массаси m га тескари пропорционал. Система массаси катталашган сари мажбурий тебранишнинг амплитудаси кичрайиб боради.

Амплитуда қийматини аниқловчи (8.46) ифодадан равшанки, даврий ўзгарувчан кучнинг частотаси системанинг хусусий частотасига тенг бўлиб қолса ($\omega = \omega_0$), мажбурий тебранишнинг амплитудаси энг катта қийматга эришади, яъни резонанс ҳодисаси рўй беради, (8.46) ва (8.38) тенгламаларга асосан резонанс содир бўлган даги тебранма ҳаракатнинг амплитудаси қуйидагига тенг

$$A_p = \frac{F_0}{2m \beta \omega_0} = \frac{F_0}{k} \cdot \frac{m \omega_0}{\chi} = \frac{F_0}{k} Q \quad (8.47)$$

эканлигини аниқлаймиз. Тебранишнинг юксаклиги $Q = 1$ га тенг бўлса, эластик кучининг таъсири қаршилик кучи билан



8.13- расм.

мувозанатлашиб, амплитуда $\frac{F_0}{k}$ ўзгармас қийматга эришади (8.13-расм).

(8.46) ифодага асосан бу хилдаги тебраниш ҳосил бўлиши учун кучнинг таъсири ўзгармас ($\omega=0$) бўлиши лозим, чунки $k=m\omega$. Бунда тебранаётган системанинг ҳар бир чорак даврида ташқи кучнинг бажарган механик иши қаршилик кучини енгишга сарфланади. Масалан, аргимчоқ ташқи куч таъсирида тебранма ҳаракатга келтирилсун. Аргимчоқнинг мувозанатли ҳолатидан ўтиш жойига ўрнашиб олган кузатувчи ҳар чорак даврида тебраниш йўналишида бир хилда турткни бериб турса, аргимчоқ ўзгармас амплитуда билан тебранма ҳаракат қиласди. Бу тебранишда кузатувчининг берган турткиси даврий, лекин ўзгармасдир.

Қаршилик кучининг таъсири эластиклик кучидан кичиклаша бошласа, мажбурий тебранишининг амплитудаси ташқи кучнинг частотасига мос равишда ошиб, ω да максимал қийматга эришади. Резонанс амплитудасининг тикилиги Q га боғлиқ. Хусусан, қаршилик кучи

нолга тенг бўлса ($\beta = 0$), амплитуда $A_p \rightarrow \infty$ интилиб, фазалар айирмаси $\phi = -\frac{\pi}{2}$ тенглашади. Табиийки, бундай ҳодиса содир бўлиши мумкин эмас. Зотан ҳар қандай муҳит, қанчалик кичик бўлмасин, чекли қаршилик кучига эга. Бинобарин, (8.35) га асосан эркин тебранишнинг частотаси ёки даври муҳитнинг қаршилик коэффициенти β га боғлиқдир. Демак, резонанс ҳодисаси ω_0 частотада эмас, унга нисбатан кичикроқ ($\omega_p < \omega_0$) частотада содир бўлади. 8.13-расмда қаршилик кучлари ҳар хил бўлган системалар учун резонанс амплитудалари келтирилган. Қаршилик коэффициенти кичиклашган сари, резонанс частотаси $\omega_p \rightarrow \omega_0$ яқинлашиб боради. Лекин унга тенглашмайди. Бунда, мажбурий тебранишнинг фазаси ташқи куч фазасидан $\frac{\pi}{2}$ га орқада қолади.

Шундай қилиб, реал шароитда *ташқи куч частотаси* $\omega = \omega_p$, *резонанс частотасига тенг бўлганда резонанс ҳодисаси рўй беради*. Резонанс частотаси ω_p билан хусусий частота ω_0 ва муҳитнинг қаршилиги орасидаги боғланнишни топиш учун (8.46) тенгламанинг маҳражидаги илдиз остидаги ифодадан ω бўйича ҳосила олиб, уни нолга тенгластирамиз. Бу шарт бажарилганда тебранишнинг амплитудаси максимал қийматга эришади.

$$-(\omega_0^2 - \omega^2) + 2\beta^2 = 0,$$

бундан

$$\omega = \omega_p = \sqrt{\omega_0^2 - 2\beta^2}. \quad (8.48)$$

Резонанс частотага мос бўлган резонанс амплитуданинг қийматини (8.46) га асосан топамиз:

$$A_p = \frac{F_0}{2\beta m \sqrt{\omega_0^2 - \beta^2}}. \quad (8.49)$$


Келтирилган 8.13-расмдан яна шу нарса аниқки, $\omega \rightarrow \infty$ бўлганда мажбурий тебранишнинг амплитудаси $A \rightarrow 0$ интилади. $\omega \gg \omega_p$, шарти бажарилганда ташқи кучнинг даврий ўзгариши жуда тез содир бўлиб, боғланган система мувозавнат ҳолатидан чиқишга улгурга олмайди. Шундай қилиб, сўниш коэффициенти β кичик бўлган тебранувчи системаларда резонанс ҳодисаси кучли намоён бўлади.

Механик, акустик, электромеханик ва электромагнит тебранишлари билан боғлиқ бўлган кўпгина физик ҳодисаларда резонанс ижобий аҳамиятга эга. Резонанс ҳодисаси салбий таъсирга эга бўлган самолётсозлик, кемасозлик, кўприксозлик, телеминора ва кўп қаватли уйларни қуришда бу ҳодисага катта аҳамият берилади. Аксинча, резонансга етарли даражада аҳамият берилмаса, аянчли фожиалар юз бериши мумкин. Бундай ҳодисалар самолётсозлик соҳасининг бошланиши даврида кўп содир бўлган. 1940 йили АҚШнинг Такома дарёсида бунёд этилган 853 м узунликдаги кўприк кучли шамол таъсирида тебраниб, резонанс туфайли бузилиб кетган.

8.8- §. Тўлқинлар. Тўлқинларнинг эластик муҳитда тарқалиши

Юқорида қўзғалмас нуқтага осилган моддий нуқтанинг эластик ёки квазиэластик кучлар таъсирида тебранишини ва бу тебраниш билан боғлиқ бўлган ҳодисаларни кузатдик. Тебранаётган система ўз механик энергиясини мувозанат ҳолатида турган иккинчи система узатиши мумкинми, деган савол туғилади. Кейинги мавзулар бу саволнинг ечимини аниқлашга бағишлиланган.

Тажрибадан маълумки, ўзаро мустақил бўлган иккита маятникдан (8.14- а расм) биринчисини тебранма ҳаракатга келтирсак, иккинчси ўз вазиятини сақлади. Лекин бу икки маятник ип билан кичик P юкка



8.14- расм.


боғланган бўлса (8.14- б расм), иккала маятник илга таъсир этувчи куч орқали боғланади. Биринчи маятник иккинчисидан узоқлашганда боғланиш кучи ортади, аксинча яқинлашганда боғланиш кучи камаяди. Боғланиш кучининг ўзгариб туриши туфайли иккинчи маятник ҳам биринчисига мос равишда импульс олиб тебрана бошлайди. Энергиянинг сақланиш қонунинг асосан иккинчи маятникнинг амплитудаси камайганда биринчи маятникнинг амплитудаси ошиб боради ва аксинча. Қелтирилган тажрибадан хуроса шуки, боғланган системаларда тебраниш энергияси бир моддий нуқтадан иккинчисига ўтиши мумкин.

Бу хуросани моддий муҳит учун умумийлаштирайлик. Газ, суюқлик, қаттиқ моддаларни ташкил этган атом ва молекулалар орасида электромагнит табнатта эга бўлган итаришиш ва тортишиш кучлари мавжуд. Бу ички кучлар боғланиш кучи ролини ўйнайди. Бинобарин, берилган муҳитнинг бирор зарраси тебранма ҳаракатга келтирилса, унинг таъсири қўшни зарраларга узатилиб, тебраниш муҳит бўйлаб тарқала бошлайди.


Тебранма ҳаракатнинг тарқалишини кузатайлик. Масалан, зарралар 8.15-расмда кўрсатилган сонлар билан белгилangan тартибда жойлашсин. Зарралар орасидаги ўзаро таъсир кучлари орқали таъсиралиши ёки боғланиш — эластик пружиналар билан боғланган моддий нуқталар системаси сифатида кўрсатилган.

Биринчи заррани мувозанат ҳолатига нисбатан перпендикуляр йўналишда тебранма ҳаракатга келтирайлик. У бир давр ичida AA_1AA_2A масофами босиб 8.16-расмда келтирилган синусоидани чизиши мумкин эди. Лекин зарралар боғланган бўлганидан биринчи зарра тебранма ҳаракатга келтирилса, қолган зарралар ҳам уйғониб, берилган синусоидада маълум вазияти эгаллайди. Улар қандай жойлашуви мумкин эканлигини кузатайлик.

Биринчи зарра мувозанатдан чиқарилганда, у билан иккинчи зарра орасидаги боғланиш кучи 1-заррани тормозлаб, иккинчисини мувозанат ҳолатидан чиқариб



8.15- расм.



8.16- расм.


тезлатади (8.17-*a* расм). Бинобарин, иккинчи зарранинг тебраниши $\frac{1}{8}T$ даврга кечикади. У мувозанат

ҳолатига қайтиши учун пастга қараб 8.16-расмда келтирилган $22'$ масофани босиб ўтиши керак. Мувозанат ҳолатидан узоқлашаётган иккинчи моддий нуқта тормозланганда 2 - билан 3 -зарра орасидаги боғланиш кучи 3 -заррани мувозанат ҳолатидан чиқариб тезлата бошлийди. (8.17-*b* расм). Лекин унинг тебраниши 1 -заррага нисбатан $\frac{1}{4}T$ даврга кечикади (8.16-расм). 1 -зарра

мувозанат ҳолатига қайтиб келганда 3 -зарра мувозанат ҳолатидан энг четга чиқсан, иккинчи зарра мувозанат ҳолатига қайтаётган бўлади. (8.17-*v* расм). Лекин 3 - билан 4 -зарралар орасидаги боғланиш кучи 4 -заррани мувозанат ҳолатидан кўзғатиб тезлатади ва у синусоидада ўз фазасига мос бўлган вазиятни эгаллайди.

Аммо 4 -зарранинг тебраниши 1 -зарра тебранишига нисбатан $\frac{3}{8}T$ даврга кечикади. Келтирилган мулоҳа-

зани бир давр учун такрорласак, тебранишни кечикиб узатиш жараёнида модел сифатида олинган 9 та зарра фазода бир-бирларидан фазалари билан фарқ қилган ҳар хил вазиятларни эгаллайди (8.16-расм). Агар улар орасида зарралар чексиз кўп бўлса, уларнинг ҳаммаси 8.16-расмда келтирилган синусоида бўйича жойлашади. Бинобарин, зарраларнинг тўлҳин ҳаракати бу тўлҳинни уйғотган тебранма ҳаракат шаклида бўлади.



8.17-расм.

Тебранма ҳаракат ўз шаклини ўзгартирмай вақт ўтиши билан эластик муҳитда тарқалиш жараёни эластик түлқин, у тарқалаётган муҳит — түлқин майдони дейилади.

Эластик муҳитда зарранинг тебраниши даврий равища такрорланиб турмайди. Зарраларнинг энергияси қўшни зарраларга ўзаришсиз узатилиб турилади. Лекин зарралар навбатма-навбат тебраниши туфайли тебраниш биридан иккинчисига ўтганда иккинчи зарранинг тебраниши биринчисига нисбатан кечикади.

Юқорида келтирилган шаклда (8.16-расм) зарраларнинг тебраниши түлқиннинг тарқалиш йўналишига перпендикуляр бўлганидан бу турдаги түлқинларга

күндаланг тұлқинлар дейилади. Күндаланг тұлқин мұхитда тарқалғанда, унинг зарралари тұлқин тарқалиши йұналишига нисбатан тик йұналишда тебраниб силжиш деформациясіні ҳосил қиласы. Шунинг учун бу тұлқинлар жисмде тарқалғанда, унинг шакли ўзграды. Масалан, тор ёки арқон бүйлаб күндаланг тұлқин тарқалса, улар синусоидал шаклни оладилар. Бу тұлқинлар фақат қаттық жисмде ҳосил бўлади ва уларнинг тарқалиш тезлиги жисмнинг зичлиги ва эластиклиги орқали аниқланади:

$$v = \sqrt{\frac{G}{\rho}}, \quad (8.50)$$

бунда G — силжиш модули, ρ — модданинг зичлиги.


Зарралар тебраниши тұлқиннинг тарқалиш йұналишида бўлса, улар бир-бирига яқинлашиб-узоқлашиб туриши туфайли, уларни мувозанат ҳолатига қайтарувчи эластик кучлар юзага келади. Мұхит бүйлаб эса бўйлама тұлқин тарқала бошлайди. Бўйлама тебранишлар мұхит бүйлаб тарқалғанда, тұлқин тарқалиш йұналишида мұхитнинг зичлиги даврий равишда ўзгариб туради. Ҳажмий ўзгариш ҳамма турдаги моддаларда кузатилганидан бўйлама тұлқин қаттиқ, суюқ ва газсимон моддаларда тарқалади. Унинг тезлиги модданинг зичлиги ρ ва эластиклик модули E га боғлиқ:

$$v = \sqrt{\frac{E}{\rho}}. \quad (8.51)$$

Тезлик ифодаси (8.50), (8.51) лардан равшанки, зичлиги ноль бўлган мұхитда (бўшилиқда) эластик тұлқин тарқалмайды.

Шундай қилиб, қаттиқ жисмларда бир вақтнинг ўзида күндаланг ва бўйлама тұлқинлар тарқалиши мумкин.

Вақтнинг t моментида тұлқин етиб келган нүқталарнинг геометрик ўрни тұлқин фронти дейилади. Унинг шаклига кўра тұлқинлар ясси ва сферик тұлқинларга бўлинади. Тарқалиш кўлами, яъни тұлқин фронти текисликдан иборат бўлган тұлқин ясси, сферадан иборат бўлган тұлқин сферик тұлқинлар дейилади. Сферик тұлқинлар тұлқин манбайдан ҳамма томонга сфера шаклида тарқалади. Масалан, тинч турган сув ҳавзасига тош ташланса, тош тушган жой деформацияланиб, сув сиртида бўйланма сферик тұлқинлар ҳосил бўлади (8.18-расм). О нүқтадан тарқалған энергия



8.18- расм.

охими Φ кетма-кет $S_1 = 4 \pi r_1^2$, $S_2 = 4 \pi r_2^2$, $S_3 = 4 \pi r_3^2$ сфераларнинг сиртларида бир текисда тақсимланганидан, бирлик юзага түғри келган энергия миқдори E радиус квадратига тескари пропорционал равишида камайиб боради:

$$E = \frac{\Phi}{4 \pi r^2}.$$

Лекин тебраниш энергияси (8.12) ифодага асосан, амплитуданинг квадратига пропорционал. Шу боисдан


сферик түлқин бир сферадан иккинчисига ўтганда, унинг амплитудаси радиусга тескари пропорционал равишида камайиши мумкин:

$$A = K \frac{A_0}{r} \quad (8.52)$$


A_0 — «0» нүктадаги бошланғич тебраниш амплитудаси, K — муҳитнинг табиатига боғлиқ бўлган пропорционаллик коэффициенти.

Манбадан тарқалаётган түлқинни бир тебраниш даврида босиб ўтган йўли түлқин узунлиги дейилади. 8.19-расмдан равшанки, түлқин узунлиги фазалари бир хил бўлган икки энг яқин нүқталар орасидаги масофани кўрсатади. Агар түлқиннинг тарқалиш тезлиги ўзгармас бўлса, у ҳолда түлқин узунлигининг таърифига асосан унинг қиймати

$$\lambda = v \cdot T = \frac{v}{v}$$



8.19- расм.



8.20- расм.

тenglamadan topiladi. Bu ifodadan týlqinnin g tarqaliish tezligi

$$v = \lambda \cdot v \quad (8.54)$$


týlqin uzuunligi bilan chostotanin g kópaitmasiga teng. v — odatda, fazavij tezlik deb yoritiladi. Boşlanbic hólatda muhitninin g M nuqtasiida тебранаётган зарра қандай фазада тебранса (8.20- расм), bir sekunddan keyin undan v masofada turgan N - зарра ҳам shunday фазада тебranadi. Binobarin, v — berilgan muhitda тебraniш фазasinin g uzatiш tezligini bildiriб, bu uzatiш bir nuqtadan boşqa nuqtaga ýtganда kechikadi.

8.9- §. Týlqinnin g ҳaракат tenglamasi. Týlqin tenglama

Maъlumki, týlqin muhitninin g biror nuqtasiiga etib keliishi, shu nuqtanin g тебraniши orqali aniqlanadi. Binobarin, muhit zarralarinin g muvozanat hólatidan chetlaishiши bir-biriga nisbatan kechikiб юз beradi. Vaqtning ixtiyerii momentida muhit zarrasinin g ýz muvozanat hólatidan қanчага узоқлашуvinи kýrsata-digan tenglama, týlqinnin g ҳaракат tenglamasi býladи. Faraz қilaylik, Ox ýünaлишида kýndalanang týlqin tarqalaётган býlsin. Muhitninin g M nuqtasidagi (8.21- расм) зарра «у» ýki býyicha тебранаётган býlsin. Zarranin g тебraniши гармоник býlsa, uning bu ýk býylab silжиши

$$y = A \sin \omega t \quad (8.54)$$

orqali aniqlanadi. Endi bu nuqtadan x uzoқlikda turgan N - zarranin g тебraniши қандай býliшини aniqlaiлик. Ravnshanki, N - zarranin g тебraniши M ga nisbatan t vaqtga kechikadi. Týlqin жaraёniда тебrana ҳaракат nuqtadan nuqtaga ýzgarihsiz uzatilganiidan N - nuqtadagi тебrani-



8.21- расм.

нинг тенгламаси $y = A \sin \omega t_1$ шаклда бўлади. Лекин $t = t_1 + \tau$ ёки $t_1 = t - \tau$ бўлганидан юқоридаги (8.54) тенглама N -нуқта учун қўйидагича ёзилади:

$$y = A \sin \omega (t - \tau). \quad (8.55)$$

Тўлқиннинг ҳаракатланиш вақти $\tau = \frac{x}{v}$ эканлигини эътиборга олсак, (8.55) тенгламани $y = A \sin \left(\omega t - \omega \frac{x}{v} \right)$ шаклда ҳам ёзиш мумкин. Бунда x — тўлқин манбай билан тўлқин етиб келган нуқта орасидаги масофа. (8.53) ифодага асосан бу тенгламани яна ўзгартириб ёзамиш:

$$y = A \sin \left(\omega t - 2\pi v \cdot \frac{x}{\lambda v} \right) = A \sin \left(\omega t - \frac{2\pi}{\lambda} x \right).$$

Бу тенгликка $\frac{2\pi}{\lambda} = k_x$ белгилаш киритамиз ва у x йўналишдаги тўлқин сони дейилади. Тўлқин сони 2π узунлик бирлигида жойлашиши мумкин бўлган тўлқинлар миқдорини белгилайди. У ҳолда, x ўқи бўйлаб тарқалаётган тўлқиннинг ҳаракат тенгламаси:

$$y = A \sin (\omega t - k_x x). \quad (8.56)$$

Келтирилган бу тенгламадан равшанки, x нинг ҳар бир нуқтасидаги силжиши (y) икки ўзгарувчи x ва t нинг функциясиdir:

$$y = f(x, t). \quad (8.57)$$

Демак, тўлқин муҳит бўйлаб тарқалганда, зарраларнинг силжиши координата x га ва вақтга боғлиқ

равишида ўзгариб боради. Шунинг учун (8.56) тенглама тўлқиннинг ҳаракат тенгламаси деб аталади. Ҳар қандай ҳаракатнинг тенгламаси маълум шаклдаги дифференциал тенгламанинг ечимиdir. Ўшбу тенглама кўринишини топиш мақсадида (8.56) ифодадан x ва t лар бўйича иккинчи тартибли ҳосилалар оламиз:

$$\frac{\partial^2 y}{\partial x^2} = -k_x^2 A \sin(\omega t - k_x x) = -k_x^2 y,$$

$$\frac{\partial^2 y}{\partial t^2} = -\omega^2 A \sin(\omega t - k_x x) = -\omega^2 y.$$

Икки тенгламанинг нисбатидан қўйидаги ифодага эга бўламиз:

$$\frac{\partial^2 y}{\partial x^2} = \frac{k_x^2}{\omega^2} \cdot \frac{\partial^2 y}{\partial t^2},$$

бунда $\frac{k_x}{\omega} = \frac{1}{v}$ эканлигини эътиборга олсак:

$$\frac{\partial^2 y}{\partial x^2} = \frac{1}{v^2} \frac{\partial^2 y}{\partial t^2}. \quad (8.58)$$

Тенглама тўлқин x ўқи йўналиши бўйича тарқалаётганини кўрсатади ва тўлқин тенгламанинг хусусий кўринишидир.

Табиати ўрганилган ва шакли 8.21-расмда келтирилган ясси кўндаланг тўлқинда зарралар фақат битта текисликда (бир ўқ бўйича) тебранади. Бу турдаги тўлқин одатда қутбланган дейилади.

Юқорида келтирилган (8.56), (8.58) тенгламаларни ихтиёрий $\vec{r}(x, y, z)$ йўналишда тарқалаётган кўндаланг тўлқинлар учун умумлаштириш мумкин. Бу кўринишдаги тўлқиннинг силжиши $\eta(x, y, z)$ координатларнинг ва t вақтнинг функцияси бўлади, яъни $\eta = f(x, y, z, t)$. Агар силжиш ўрнини кўрсатувчи радиус-вектор

$$\vec{r} = x \vec{i} + y \vec{j} + z \vec{e}$$

ва тўлқин сони

$$\vec{k} = k_x \vec{i} + k_y \vec{j} + k_z \vec{e}$$

ифодалар орқали аниқланишларини эътиборга олсак, ихтиёрий йўналишда тарқалаётган тўлқиннинг ҳаракат тенгламаси

$$\eta(x, y, z, t) = A \sin(\omega t - \vec{k} \cdot \vec{r}) \quad (8.59)$$

шаклда тасвирланади. Бу тенгламадан координаталар ва вақт бүйича иккинчи тартибли ҳосилалар оламиз. У ҳолда (8.58) кўринишдаги тўлқин тенгламани ҳосил қиласиз:

$$\frac{\partial^2 \eta}{\partial x^2} + \frac{\partial^2 \eta}{\partial y^2} + \frac{\partial^2 \eta}{\partial z^2} = \frac{1}{v^2} \frac{\partial^2 \eta}{\partial t^2}.$$

Ушбу тенгламанинг чап томони Лаплас оператори орқали ифодаланади:

$$\Delta \eta = \frac{\partial^2 \eta}{\partial x^2} + \frac{\partial^2 \eta}{\partial y^2} + \frac{\partial^2 \eta}{\partial z^2}. \quad (8.60)$$

Бу белгилашга биноан юқоридаги тўлқин тенгламани содда ҳолга келтириш мумкин:

$$\Delta \eta = \frac{1}{v^2} \frac{\partial^2 \eta}{\partial t^2}. \quad (8.61)$$

Келтирилган ифодаларни сферик тўлқинга умумлаштиришда формула (8.52) га асосан, сферик тўлқиннинг амплитудаси радиусга тескари пропорционал равища камайиб боришини эътиборга олиш лозим:

$$\eta(r, t) = \frac{A_0}{r} \sin(\omega t - kr). \quad (8.62)$$

Шуни қайд қилиш керакки, механик тўлқинлар дифракцияланади, яъни улар ўлчамлиги тўлқин узунлигидан катта тўсиқларни оғиб ўтиш хусусиятига эга ва когорент тебранишлардан ҳосил бўлган тўлқинлар (8.4- § га қаранг) тўлқин майдонида учрашганда улар бирбирини кучайтиради ёки сусайтиради, яъни интерференцияланади.

IX бўб. ГИДРОДИНАМИКА

9.1- §. Узлуксизлик тенгламаси

Суюқлик қаттиқ жисмдан фарқли ўзи эгаллаган фазонинг шаклини олади ва оқувчанлик хусусиятига эга. Табиийки, бундай хусусиятли моддаларга классик механиканинг масса, импульс ва энергиянинг сақланиш қонунларини қандай татбиқ қилиш мумкин, деган савол туғилади.

Механиканинг гидродинамика қисми суюқликнинг оқиши билан боғлиқ ҳодисаларни ўрганади. Лекин шуни


олдиндан қайд қилиш керакки, гидродинамикада келтирилган күпчилик тенгламалар аэродинамика учун ҳам ўринлидир. Газ ҳам суюқлик каби оқувчандир. Моддаларнинг бу икки агрегат ҳолатларини бир-бираидан фарқлаш мақсадида сиқилувчанлик тушунчаси киритилган. Газ сиқилувчан бўлиб, ҳаракатланганда унинг зичлиги координаталар функцияси сифатида ўзгариб боради, бу хусусиятдан холи бўлган суюқликда унинг зичлиги ўзгармай ($\rho = \text{const}$) қолади.

Тинч турган суюқлик ҳолатини аниқловчи параметрлар сифатида босим ва зичлик олиниши мумкин. Зероки, h баландликка эга бўлган суюқликнинг оғирлиги туфайли вужудга келувчи босим гидростатик босим бўлиб, у зичлик ва баландликка пропорционал ва қўйидагича аниқланади:


$$p = \frac{mg}{S} = \frac{\rho h \cdot S g}{S} = g \rho h. \quad (9.1)$$

Суюқликнинг ихтиёрий икки кесимида босимлар фарқи бўлса, у оқа бошлади. Бу оқим фазонинг ҳар хил қисмларидан ўтганда шу қисмларнинг шаклини олиб ўз тезлигини ўзгартиради. Демак, оқаётган суюқлик ҳолати юқорида келтирилган параметрлардан ташқари тезлик орқали ҳам аниқланиши лозим.

Ҳаракат давомида суюқлик зарраларининг тезлик вектори узлуксиз ўзгариб туриши мумкин. Бинобарин, оқим майдонини тезлик векторларининг оқими деб қараш мумкин. Бу майдонни графикда оқим чизиқлари билан тасвирласак, тезлик вектори бу чизиқларнинг ҳар бир нуқтасига 9.1-расмда кўрсатилганидек уринмали йўналишда бўлади. Оқим чизиқлари билан чегаралangan суюқлик қисми, оқим найи деб аталади (9.2- расм). Найнинг ихтиёрий кесимидан ўтаётган суюқлик параметрлари ўзгармас бўлса, қарор топган ёки стационар оқим юзага келади. Стационар оқимда наининг кеси-



9.1- расм.



9.2- расм.

мидан ўтаётган зарраларнинг тезлик векторлари, йўналиши ва миқдори жиҳатдан бир хил бўлиши керак.

Вақт бирлигига S кесимдан оқиб ўтаётган суюқлик массаси

$$m = \frac{\Delta m}{\Delta t} \left(\frac{\text{кг}}{\text{с}} \right) \quad (9.2)$$

сафланган суюқлик миқдори дейилади. Бир секундда суюқлик ўз тезлиги v га тенг масофани ўтишини эътиборга олсан, сафланган суюқлик миқдори кесими S ва узунлиги v бўлган цилиндрдаги суюқлик массасига тенг эканлигини аниқлаш мумкин, яъни

$$m = \rho \cdot S \cdot v. \quad (9.3)$$

Массанинг сақланиш қонунига асосан ихтиёрий икки (9.2-расм) S_1 ва S_2 кесимлардан ўтаётган масса сарфи

$$\rho_1 S_1 v_1 = \rho_2 S_2 v_2 \quad (9.4)$$


ўзаро тенг. Ушбу ифода оқувчанлик хусусиятига эга бўлган моддалар учун массанинг сақланиш қонуни бўлиб, узлуксизлик тенгламаси дейилади. Суюқликларнинг ихтиёрий икки кесимидағи зичликлар тенг ($\rho_1 = \rho_2$) эканлигини эътиборга олиб, суюқлик учун узлуксизлик тенгламасини қўйидагича ўзгартириб ёзамиш:

$$S_1 v_1 = S_2 v_2 \quad \text{ёки} \quad S \cdot v = \text{const.} \quad (9.5)$$

Бу тенгламанинг маъноси шуки, найнинг кесими катталашса оқим тезлиги кичрайди (оқим чизиқлари сийрак), аксинча, кесим кичиклашганда оқим чизиқлари зичлашиб, тезлик ортади. (9.2—расм). Зотан, кесим S билан тезлик v нинг кўпайтмаси ўзгармасдир. Мисол сифатида оқиб тушаётган сув шаршарасини кўрсатиш мумкин. Оғирлик кучи таъсирида шаршаранинг тезлиги орта борган сари, унинг кесими мос равишда кичрайиб боради.

9.2- §. Бернулли тенгламаси

Механик энергиянинг сақланиш қонуни фақат ташқи кучлар таъсиридан ҳоли бўлган ёпиқ система учун ўринли. Бу қонунни суюқликларнинг ҳаракатига татбиқ этишда, суюқлик қатламлари орасида юзага келадиган ички ишқаланиш кучларини эътиборга олмаймиз. Қатламлар орасида ишқаланиш кучлари бўлмаган суюқлик, идеал суюқлик деб аталади.



9.3-расм.

Энергиянинг сақланиш қонунига асосан идеал суюқликнинг Δt массаси S_1 кесимидан S_2 кесимиға күчса (9.3-расм), унинг тұла механик энергияси қыйидаги үзгәради.

$$\Delta E = (E_k + E_p) - (E_{k1} + E_{p1}), \quad (9.6)$$

бунда E_k ва E_p , Δt массали суюқликнинг мөс равишида S_1 ва S_2 кесимларидеги кинетик ва потенциал энергияларидир. Тұла механик энергиянинг үзгариши ҳисобига бажарылған иш эса қыйидагича ҳисобланади:

$$\Delta A = F_1 \cdot l_1 - F_2 \cdot l_2 = p_1 S_1 l_1 - p_2 S_2 l_2 = p_1 \Delta V_1 - p_2 \Delta V_2. \quad (9.7)$$

Үзлуксизлик теңгламаси (9.5) га асосан S_1 ва S_2 кесимлардан оқиб үтган суюқлик ҳажмлари үзаро тең $\Delta V_1 = \Delta V_2$. Ү қолда бажарылған иш мөс равишида S_1 ва S_2 кесимларга күрсатылған p_1 ва p_2 босымлар айрмасын шу кесимлардан оқиб үтган суюқлик ҳажміга күпайтмаси орқали аниқланади:

$$\Delta A = (p_1 - p_2) \Delta V. \quad (9.8)$$

(9.6), (9.7) ифодаларни ўзаро тенглазгириб, потенциал ва кинетик энергияларнинг ўз ифодалари билан алмаштирамиз:

$$\frac{\Delta m v_2^2}{2} + \Delta m g h_2 - \frac{\Delta m v_1^2}{2} - \Delta m g h_1 = p_1 \Delta V - p_2 \Delta V.$$

Келтирилган бу ифодани ΔV га бўлиб, $\frac{\Delta m}{\Delta V} = \rho$ суюқлик зичлиги эканлигини эътиборга олсак ва бир хил индексли ифодаларни бир томонга ўтказсак, қуйидаги тенглама келиб чиқади:

$$\frac{\rho v_1^2}{2} + \rho g h_1 + p_1 = \frac{\rho v_2^2}{2} + \rho g h_2 + p_2. \quad (9.9)$$

Ҳосил бўлган ифода суюқликнинг ихтиёрий икки кесими учун энергиянинг сақланиш қонуни бўлиб, у Бернулли тенгламаси дейилади. Юқоридаги тенгламадан равшанки, босим бирлик ҳажмидаги механик энергиянинг қиймати орқали аниқланар экан. Бинобарин, $\frac{\rho v^2}{2}$ динамик босим бўлса, кесимларнинг вазиятига боғлиқ бўлган $\rho g h$ гидростатик ёки гидравлик босим дейилади. Демак, суюқликнинг ихтиёрий кесимидағи динамик, гидравлик ҳамда статик босимларнинг йигиндиси ўзгармайди:

$$\frac{\rho v^2}{2} + \rho g h + p = \text{const}. \quad (9.10)$$

Бернулли тенгламасидан келиб чиқадиган айрим хулосаларни кўриб чиқайлик. Суюқлик горизонтал найдатинч вазиятни эгалласа, (9.9) тенгламадаги биринчи ва иккинчи ҳолатларга мос бўлган босимлар тенг бўлиб қолади. Бундан суюқлик ҳамма йўналишда унга берилган босимни ўзгаришсиз узатади деган муҳим хуласага келамиз. Бу хуласа Паскаль қонунининг мазмунидир.

Горизонтал ҳолатдаги найдининг кесими ўзгармас ва бундаги суюқлик стационар оқса, бу ҳолда ҳам $p_1 = p_2$ бўлади.

Горизонтал найдининг кесими ўзгарувчан бўлса, (9.9) тенглама қуйидаги кўринишга ўтади:

$$\frac{\rho v_1^2}{2} + p_1 = \frac{\rho v_2^2}{2} + p_2.$$

Бу тенгламадан хulosса шуки, найнинг торайған қисмларида босим камайиб, суюқлик тезлиги ортса, найнинг кенгайған қисмида босим ошиб суюқлик тезлиги камаяди.

9.3- §. Қовушоқлик


Тажрибадан маълумки, суюқлик ҳаракатини вужудга келтирувчи ташқи таъсир йўқотилган тақдирда, у тинч ҳолатни эгаллайди. Масала шундаки, суюқлик қатламларга ажralган ҳолда ҳаракатланади. Қатламлар орасида уларнинг ҳаракатини тормозловчи ички ишқаланиш кучи пайдо бўлади. Ички ишқаланиш кучи билан боғлиқ бўлган суюқлик хоссаси қовушоқлик дейилади.

Идеал суюқлик учун келтирилган Бернулли тенгламаси, қовушоқлиги кичик бўлган бензин, керосин, сув каби суюқликларда яхши натижা бериб, ундан амалий мақсадларда кенг фойдаланилади. Масалан, суюқликларнинг босимини, тезлигини ва суюқлик масса сарфи ($\Delta m/\Delta t$) каби катталикларни аниқлашда яхши ёрдам беради. Лекин қовушоқлиги юқори бўлган глицерин, мой, нефть ва бошқа оқувчан моддаларга юқоридаги (9.5.) ва (9.10) тенгламаларни, ички ишқаланиш кучини эътиборга олган ҳолда татбиқ этиш мумкин.

Реал суюқликнинг стационар оқимини бир-бирига яқин жойлашган ва 9.4-расмда кўрсатилган тезлик векторларига эга бўлган қатламларнинг оқими деб кўрилади. Най девори билан ёндошган қатлам, най таркибидаги молекулаларнинг тутуниш кучи таъсирида бўлиб, унинг тезлиги деярли нолга тенг. Найдан узоқлашган сари, қатламларнинг тезликлари ортиб боради ва найнинг марказидаги қатламнинг тезлиги энг катта.



9.4- расм.



9.5- расм.

Тезликларнинг ўзгариши бир текисда бўлганидан най марказидан r масофада (9.4- расм) турган қатламниң тезлиги қўйидагича аниқланади:

$$v = v_0 \left(1 - \frac{r}{R}\right),$$

бунда R — найнинг радиуси, v_0 — най марказидаги қатламниң тезлиги.

Катта тезликтаги қатлам ёндөшган қатламга ёпишиб унинг тезлигини ошиrsa, секин оқаётган қатлам тез оқаётган қатламга илашиб унинг тезлигини камайтиради. Натижада, қатламлар орасида уларнинг тезликларига таъсир қилувчи, уринма бўйича йўналган ички ишқаланиш кучи пайдо бўлади. Бу куч молекулалардаги ўзаро электромагнит кучларнинг макроскопик таъсири сифатида юзага келади.

Сиртлари S бўлган икки қатламниң тезликлари dx масофада v дан $v + dv$ гача ўзгарсин (9.5-расм). У ҳолда тезлик йўналишига тик йўналишида тезлик ўзгаришининг мсдулини бирлик масофага келтирилган қиймати — $\text{grad } v_x = \frac{dv}{dx}$ тезлик градиенти деб аталади. Кузатишлар асосида ишқаланиш кучи тезлик градиентига, қатламлар сиртига пропорционал эканлигини аниқлаш мумкин:

$$f_{\text{ишк}} \sim - \frac{dv}{dx} \cdot S.$$

Механикадан маълумки, куч импульснинг ўзгариш тезлигига teng; ($-$) ишораси ички ишқаланиш кучи импульси кичик қатламдан импульси катта қатламга то-

мон йўналганлигини билдиради. Пропорционалликни тенгликка айлантириш мақсадида коэффициент киритамиз:

$$f_{ишк} = -\eta \frac{dv}{dx} S, \quad (9.11)$$

бунда η — қовушоқлик коэффициенти бўлиб, суюқликнинг турига ва ҳолатига боғлиқ. Хусусан температура ошганда η камаяди. Чунки, температура кўтарилиганда молекулаларнинг тартибсиз ҳаракати кучайиб, улар орасидаги тутуниш кучларининг таъсири заифлашади. Тенглама (9.11) дан ички ишқаланиши коэффициенти ёки қовушоқлик коэффициенти тезлик градиенти бир бирликка тенг бўлганда, бир бирлик юза орқали икки қатлам орасидаги таъсир этаётган ишқаланиши кучига тенг. Шу боисдан, бу катталик динамик қовушоқлик деб ҳам юритилади ва унинг қиймати:

$$\eta = \frac{f_{ишк}}{\frac{dv}{dx} \cdot S}. \quad (9.12)$$

Қовушоқлик фақат суюқлик қатламлари учун хос бўлмай, суюқликда ҳаракатланаётган жисмга ҳам бу куч ўз таъсирини кўрсатади. Ҳаракатланаётган жисмга таъсир қилаётган қовушоқлик кучи буюмнинг шаклига, ўлчамига, тезлигига, қовушоқлик коэффициентига боғлиқ ва

$$f_{ишк} = B \eta v \cdot L \quad (9.13)$$

тенглама ёрдамида ҳисобланади. Бунда B — жисмнинг шаклини, L — жисмнинг узунлигини эътиборга олувчи коэффициентлар. Стокс шар учун $B = 6\pi$, $L = r$ эканлигини аниқлаб, суюқликда ҳаракатланаётган шарга таъсир қилаётган қовушоқлик кучини қўйидагича ифодалайди: $f_{ишк} = 6\pi \eta v \cdot r$. Жисм суюқликда катта тезлик билан ҳаракатланганда унга кўрсатилган қаршилик кучи кескин ошиб кетади. Бунда жисм олдидағи қатламлар зичлашади, жисмнинг орқа қисмида қатламларнинг уюрмавий ҳаракати ҳосил бўлади. Уюрмадаги зарралар катта тезликка эга бўлганидан, Бернулли тенгламасига биноан жисм ортидаги суюқлик босими камаяди. Бу босимлар фарқи жисм ҳаракатига тормозловчи куч сифатида таъсир

этади. У ҳам қовушоқлик кучи каби, жисмнинг шакли B га, жисм кўндаланг кесимининг максимал киймати S га, суюқлик зичлиги ρ га ва жисмнинг тезлиги v га боғлиқ;

$$f = B S \rho v^2. \quad (9.14)$$

Тажриба асосида думалоқ диск учун $B=1,1-1,2$; шар учун $B=0,4-0,2$; томчисимон шаклли жисм учун $B=0,04$ эканлиги аниқланган.

Қовушоқлик ва қаршилик кучларининг комбинациясидан ҳосил бўлган тўлиқ қаршилик кучини аниқлаш назарий ва амалий жиҳатдан мураккаб масаладир. Агар $S \sim L^2$ эканлигини эътиборга олсак, (9.13) ва (9.14) тенгламалар орқали аниқланган кучларнинг нисбатидан

$$Re = \frac{\rho v \cdot L}{\eta} \quad (9.15)$$

қийматни ҳосил қиласиз. Жисмнинг шаклига боғлиқ бўлмаган ўлчамсиз бу катталик Рейнольдс сони дейилади. У гидро ва аэродинамиканинг энг асосий параметрларидан биридир. Рейнольдс сонида иштирок этган қўйидаги нисбат $\frac{1}{\rho/\eta} = \frac{\eta}{\rho}$, одатда, кинематик қовушоқлик дейилади.

Масалан, стационар оқимда (9.4- расм) қатламларнинг тезлиги етарли даражада кичик ва улар бир-бира га қўшилмай ламинар оқимни ҳосил қиласди. Найнинг кесими ўзгарса ёки оқиш тезлиги бирор таъсир туфайли ошиб кетса, қатламлар интенсив ўзаро қўшилиб турбулент оқимни вужудга келтиради. Бу оқим юзага келган муҳитда оқувчан модданинг муҳитга (учиш, сузиш аппаратларига) кўрсатган реакция кучи кескин кўтарилиб, уларни ишдан чиқариши мумкин. Шу боисдан бу оқимни вужудга келиш сабабларини ўрганиш катта амалий аҳамиятга молик. Шу билан бир қаторда, Рейнольдс сони нефть, газ қувурлари ёки каналлардан оқаётган сувларнинг чегаравий тезлигини аниқлашда кенг ишлатилади. Масалан, цилиндрический найдан суюқликнинг оқиши ламинар табиатга эга бўлиши учун $Re < 2300$ бўлиши лозим. $Re > 2300$ бўлганда эса турбулент оқим кузатилади.

МОЛЕКУЛЯР ФИЗИКА

Х б о б. ИДЕАЛ ГАЗ МОЛЕКУЛЯР-КИНЕТИК НАЗАРИЯСИННИНГ АСОСЛАРИ

101- §. Идеал газ

Молекуляр-кинетик назария асосида модда тартибсиз ва узлуксиз ҳаракатда бўлган молекулалардан ташкил топган, деган фикр ётади. Молекула деб модданинг барча химиявий хоссасини ўзида сақлаган энг кичик заррасига айтилади. Молекулалар орасида ўзаро тортишиш ва итаришиш кучлари бўлиб, бу кучларнинг қийматига қараб айнан бир модда қаттиқ, суюқ ва газ ҳолатларига ўтиши мумкин. Зарралар орасидаги тутиниш кучлари нолга интилганда молекулалар эркин ва тартибсиз ҳаракат қила бошлайдилар. Бинобарин, молекуляр-кинетик назария газсимон моддалар, шу жумладан металлардаги эркин электронлар табиатига оид бўлган ҳодисалар иссиқлик, электр ўтказувчанлик, диффузия ва бошқаларни ўрганади.

Шундай қилиб, молекулаларнинг ҳаракати ва ўзаро таъсири асосида моддаларнинг хусусиятларини ва хоссаларини тушунтириб берувчи назарияга молекуляр-кинетик назария деб аталади.

Газсимон моддаларнинг табиати билан боғлиқ бўлган ҳодисаларни ўрганишни соддалаштириш мақсадида идеал газ деган тушунча киритилган. Ўлчамсиз, ўзаро тортишиш кучлари ҳисобга олмаслик даражада кичик бўлган ва ўзаро тўқнашишлари абсолют эластик тарзда содир бўлувчи эркин зарралар системаси идеал газ деб юритилади. Бундай газ табиатда мавжуд эмас. Лекин атмосфера босимига яқин босимларда молекулалар орасидаги масофа уларнинг диаметрига нисбатан бир неча ўн — юз марта катта. Бундай шароитда молекулаларнинг ўлчамлиги ва ўзаро таъсири, уларнинг ҳаракати билан боғлиқ бўлган ҳодисаларга деярлик таъсир этмайди. Бинобарин, идеал газ учун чиқарилган қонунлар, паст босимдаги ($p \leq 10$ атм) реал газларда ўринлидир. Бундай газ молекулалари тўқнашгунча тўғри чизиқли текис ҳаракат қилиб, улар-

нинг ўзаро ва идиш деворлари билан тўқнашишлари абсолют эластик бўлади.

Газ атомли таркибга эга бўлган эркин молекулалардан (O_2 , N_2 , H_2 ва бошқалар) ёки эркин атомлардан (He , Ne , Kr ва бошқалар) ташкил топган. Атом деганда химиявий элементнинг хоссаларини ўзида сақлаган энг кичик зарра тушунилади. Атомлар тури табиатда мавжуд бўлган химиявий элементлар сонига teng. Газ ҳам қаттиқ жисмлар ва суюқликлар каби ўз массасига эга. Лекин газ қонунларини ўрганишда моляр масса тушунчасидан фойдаланиш қулайдир. Модданинг бир молининг массасига унинг моляр массаси дейилади. Углерод-12 нинг 0,012 кг массасидаги атомлар сонига teng структуравий элемент (масалан атом, молекула) лардан ташкил топган модданинг миқдори бир моль деб аталади. Моль билан бир қаторда киломоль ҳам ишлатилади. 1 киломоль 10^3 моль га teng. Масалан, кислород (O_2) газининг моляр массаси 0,032 кг/моль, водород H_2 газининг моляр массаси 0,002 кг/моль, азот N_2 газининг моляр массаси 0,028 кг/моль. Бу бирлик шу билан қулайки, 1 моль газдаги молекулалар сони газнинг турига боғлиқ бўлмаган ўзгармас катталик бўлиб, ушбу қиймат Авогадро сони ($N_A = 6,0223 \cdot 10^{23}$ моль $^{-1}$) деб аталади. Битта молекуланинг массаси m бўлса, Авогадро сони орқали моляр масса қуйидаги ифодага эга бўлади:

$$\mu = m N_A,$$

Мос равишда N та молекулалардан ташкил топган газнинг массаси: $M = m \cdot N$. Бу икки массанинг нисбатидан V ҳажмдаги молекулаларнинг сонини аниқлаймиз:

$$N = \frac{M}{\mu} \cdot N_A. \quad (10.1)$$

Демак, бирор ҳажмдаги молекулаларнинг сонини аниқлашда газ массанинг $\frac{M}{\mu}$ нисбий, яъни моллар сонини билиш кифоядир. Равшанки, N та газ молекуласи эгаллаган ҳажм маълум бўлса, бирлик ҳажмдаги молекулалар сони унинг концентрацияси дейилади ва бу катталик

$$n = \frac{N}{V}$$

орқали аниқланади.

Нормаль шароитда 1 киломоль газнинг эгаллаган ҳажми $V_0 = 22,4 \text{ м}^3$ эканлигини эътиборга олсак, 1 м^3 ҳажмдаги молекулаларнинг сони

$$n_0 = \frac{N_A}{V_0} = 2,7 \cdot 10^{25} \text{ м}^{-3}$$

га тенг эканлигини топамиз. Бу сонга *Лошимиёт сони дейилади.*

Молекулалар ҳаракати билан боғлиқ бўлган жараёнларни ўрганишда ҳар бир молекулага классик меҳаника қонунларини татбиқ этиб тенгламалар тузсак, ақл бовар қилмайдиган кўп сонли тенгламалар системаси ҳосил бўлади. Бу улкан миқдордаги тенгламаларни ечиш у ёқда турсин, ҳатто уларни ёзиш ҳам мушкул. Кўп заррали система ҳолатини текширишда ҳар бир зарра ҳаракатини айрим ҳолда кузатишга ҳожат йўқ. Зотан, ҳамма зарралар бир хил табиатли иссиқлик ҳаракатида иштирок этади. Уларнинг ҳаракатлари туфайли содир бўлган ўзгаришларни ўртacha физик катталиклар (масалан, ўртacha тезлик, ўртacha энергия, ўртacha йўл ва ҳоказо) билан аниқлаш яхши натижга беради.


10.2- §. Идеал газ молекуляр-кинетик назариянинг асосий тенгламаси

Газ молекулалари тартибсиз ҳаракат давомида идиш деворларига жуда яқин келиб таъсирлашади. Девор юзи қанча катта бўлса, таъсир кучи унга пропорционал равишда ошади. Юз билан куч орасидаги бу боғланишни йўқотиш мақсадида босим деган физик катталик киритилган. *Бирлик юзга нормал йўналган кучга миқдор жиҳатдан тенг бўлган катталик босим деб аталади.* Унинг математик ифодаси:

$$p = \frac{F}{S}.$$

Ўзи эгаллаган идиш деворларига босим билан таъсир қилиш газнинг энг асосий хоссасидир ва кўп ҳолларда у, шу хоссаси билғен ўзининг мавжудлигини намоён этади.

Босим газ молекулаларининг идиш деворига узлуксиз урилиши туфайли юзага келади. Масалан, битта молекула (10.1-расм) x ўқига перпендикуляр жойлашгэн идиш девори билан эластик түқнашганда, молекула импульси



10.1- расм.


$mv_x - (-mv_x) = 2mv_x$ ўзгаради. Бинобарин, битта молекуланинг урилишида деворнинг олган таъсири $2mv_x$ ни ташкил этади. Молекуланинг деворга бир секундда урилишлар сони Z бўлса, Ньютоннинг иккинчи қонунига асосан, юзга кўрсатилган куч таъсири шунча марта ошади:

$$F_x = 2mv_x \cdot Z. \quad (10.2)$$

Бу ифодани N та молекулалардан ташкил топган системага

умумлаштирамиз. Масаланинг ечимини соддалаштириш мақсадида ҳамма молекулалар бир хил \vec{v} тезликка эга, деб фараз қиласлий. Ушбу тезлик вектори 10.2-расмда келтирилган параллелепипед диагоналини ташкил қиласин. Фараз қилинган тезлик \vec{v} нинг x , y , z ўқларига бўлган проекциялари v_x , v_y , v_z бўлиб, улар ҳаракатланаётган молекулаларнинг шу ўқлар бўйича тезликларини, яъни тезлик компонентларини беради. Шакл қирраларининг узунлигини бундай катталикда танлашдан мақсад, координата ўқлари бўйича ҳаракатланаётган молекулалар шу ўқларга перпендикуляр жойлашган сиртларга ҳар секундда бир марта урилади. Масалан, идишдаги N_x та молекулалар фақат x ўқининг мусбат (тўғри) ва манфиий (тескари) йўналишларида ҳаракатланиди, деб фараз қиласлий. А сиртга (10.2 расм) яқин жойлашган молекулалар B сиртга етиб келганда, бу сирт билан тўқнашган молекулалар A юзага етиб келади.

Равшанки, x ўқига тик бўлган B сиртга ҳар секундда урилаётган ёки шу параллелепипедда олинган S кесимдан бир йўналишда ўтаётган молекулалар сони идишдаги битта x ўқи бўйича ҳаракат қилаётган молекулалар сонининг ярмига teng.



10.2- расм.

$$Z = \frac{1}{2} N_x = \frac{1}{2} n v_x S, \quad (10.3)$$

бунда n — бирлик ҳажмдаги молекулалар сони, S — параллелепипед асосининг юзи. Бу ифода S юзага бир секундда урилган молекулалар сонини ифодалайди. Келтирилган (10.3) ифодага асосан юқоридаги (10.2) ифодани қўйидагича ўзгартириб ёзамиш: $F_x = n m v_x^2 \cdot S$ ва бундан

$$p_x = \frac{F}{S} = n m v_x^2 \quad (10.4)$$

Демак, ҳамма молекулалар x ўқи бўйлаб ва унга тескари йўналишда ҳаракат қилганда эди, шу ўқда олинган молекулаларнинг бирлик юзга бир секундда берган импульси юқорида топилган p_x босимга teng бўлар эди. Аслида молекулалар \vec{v} тезлик билан тартибсиз ҳаракат қиласди. Бинобарин, x, y, z , ўқлари бўйича ҳаракатланаётган молекулаларнинг тақсимоти ўзаро teng бўлганидан, шу ўқлар йўналишидаги босимлар ҳам teng бўлади: $p_x = p_y = p_z$.

Келтирилган бу хулоса газ ўз босимини ҳамма йўналишда бир хил узатади деб таърифланувчи Паскаль қонунига айнан мосдир. Берилган идишдаги газ молекулаларининг умумий босими, координата ўқлари бўйича олинган босимларнинг ҳар бирни билан ўзаро teng:

$$p_x = p_y = p_z = p.$$

Шунинг учун $n m v_x^2 = n m v_y^2 = n m v_z^2$ tengлик ўринли бўлиб, бундан $v_x^2 = v_y^2 = v_z^2$ эканлигини аниқлаймиз. 10.2-расмдан фараз қилинган тезлик нинг квадрати уни ташкил этувчилари билан қўйидагича боғланган:

$$v^2 = v_x^2 + v_y^2 + v_z^2 \text{ ёки } v^2 = 3 v_x^2 = 3 v_y^2 = 3 v_z^2,$$

Бундан $v_x^2 = \frac{1}{3} v^2$ бўлгани учун газ босими қўйидагича аниқланади:

$$p = \frac{1}{3} n m v^2.$$

Хаотик ҳаракатланаётган молекулаларнинг тезлиги ҳар хил эканлигини эътиборга олиб, фараз қилинган тезлик квадратини унинг ўртача қиймати билан алмаштирамиз:

$$\langle v^2 \rangle = \langle v_x^2 + v_y^2 + v_z^2 \rangle = \langle v_x^2 \rangle + \langle v_y^2 \rangle + \langle v_z^2 \rangle$$

$$\text{ёки } \langle v_x^2 \rangle = \frac{1}{3} \langle v^2 \rangle$$

У ҳолда идеал газ кинетик назариянинг асосий тенгламасини қўйидаги шаклда ёзиш мумкин:

$$p = \frac{1}{3} n m \langle v^2 \rangle. \quad (10.5)$$

Ушбу тенгламага назар ташлайлик ва уни (10.4) ифода билан солиштирасак, (10.5) ифода иштирок этган $\frac{1}{3}n$ катталик, бирлик ҳажмдаги n та молекулаларнинг фақат $\frac{1}{3}$ қисми x ўқининг мусбат ва манфий йўналиши бўйича ҳаракат қилишини кўрсатади. x ўқининг фақат мусбат ёки манфий йўналиши бўйича ҳаракат қилаётган бирлик ҳажмдаги молекулалар сони $\frac{1}{6}n$ га teng. Шу билан бир қаторда, газнинг босими бевосита молекулаларнинг кинетик энергияси билан аниқланади. Бу хulosса тўғри эканлигига ишонч ҳосил қилиш мақсадида (10.5) ифоданинг ўнг томонини қўйидаги ўзгаририб ёзамиш:

$$p = \frac{2}{3} n \frac{m \langle v^2 \rangle}{2} \quad (10.6)$$

Идеал газ босими бирлик ҳажмдаги газ молекулалари ўртача кинетик энергиясининг $2/3$ қисмига teng. Бу тенглама молекуляр кинетик назариянинг асосий тенгламасидир. Бу шаклдаги кинетик назария асосий тенгламасининг моҳияти шундаки, ҳар қандай энергиянинг ҳажмий зичлиги босим таъсирига эга. Бинобарин, энергия моддий, у материя шаклларидан бири бўлиб, нисбийлик назариясига кўра (7.29) билан аниқланган массага эга. (10.6) тенгламадан яна бир хulosса шуки, босим таъсирига эга бўлган энергия маълум шаронтда иш бажариши мумкин.

(10.6) тенгламада иштирок этган $\langle v^2 \rangle$ нинг $\sqrt{\langle v^2 \rangle} = \langle v_{\text{кв}} \rangle$ шаклдаги қиймати, ўртача квадратик тезлик деб юритилади. Ўртача квадратик тезлик билан ҳаракатланадиган молекулаларнинг босими тартибсиз ҳаракатланадиган молекулалар ҳосил қилган босимга айнан teng.

Шуни алоҳида таъкидлаш керакки, жуда кўп заралардан ташкил топган системада ўринли бўлган физик катталиклар статистик характерга эга. Бунинг маъноси шуки, тартибсиз ва ҳар хил тезликлар билан харакатланаётган молекулаларнинг идиш деворига кўрсатган умумий таъсири макроскопик параметр бўлмиш босим орқали аниқланади. Зотан, *айрим олингани молекула ёки кичик миқдордаги молекулаларнинг босимини ўлчаш ёки у ҳақда фикр юритиш мумкин эмас.*

10.3- §. Температура. Температура абсолют нолининг маъноси

Тажрибадан маълумки, ёпиқ идишдаги газ молекулаларининг зичлиги ўзгармас бўлган ҳолда, газ қиздирилса, унинг босими ошганлигини кўриш мумкин. Чунки системага берилган иссиқлик миқдори молекулаларнинг ўртача кинетик энергиясини оширишга сарфланади. Бундан молекулаларнинг ўртача кинетик энергияси температурага пропорционал, деган хулоса келиб чиқади. Температура модданинг иситилганлик (иссиқлик) даражасини белгиловчи термодинамик катталик. Юқоридаги (10.6) тенгламада кинетик энергиянинг фақат $2/3$ қисми босимни ҳосил қилишда иштирок этмоқда. Бинобарин, кинетик энергиянинг шу қисми температурага пропорционал:

$$\frac{2}{3} \frac{m \langle v^2 \rangle}{2} \sim T.$$

Бу пропорционалликни тенглилка айлантириш мақсадида коэффициент киритамиз:

$$\frac{2}{3} \frac{m \langle v^2 \rangle}{2} = kT.$$

Бундан бир атомли молекуланинг ўртача кинетик энергияси

$$\frac{m \langle v^2 \rangle}{2} = \frac{3}{2} kT \quad (10.7)$$

га тенг бўлади. Температура ва энергия бирликларини ўзаро боғловчи коэффициент k — *Больцман доимийси* дейилади. (10.7) тенгламадан молекуланинг ўртача квадратик тезлиги

$$\langle v_{\text{кв}} \rangle = \sqrt{3 \frac{kT}{m}} \quad (10.8)$$

газнинг температурасидан чиқарилган квадрат илдизга пропорционал эканлигини топамиз. Шуни алоҳида таъкидлаш керакки, (10.8) билан аниқланган тезликни биз фақат мулоҳаза асосида келтириб чиқардик. Кейинги бобда ушбу тезликни статистик физика қонунлари асосида исботлаш мумкин эканлигини кўрсатамиз.

Температура бирлигига сифатида температуранинг абсолют ёки Кельвин шкаласи қабул қилинган. Абсолют ноль градусдан сувнинг учламчи, яъни қаттиқ, суюқ ва газсимон фазаларининг мувозанатли ҳолатини аниқловчи нуқта температурасигача бўлган температура интервалининг $1/273,16$ қисми бир кельвин (К) деб қабул қилинган. Температуранинг бу қиймати термодинамика қонунлари асосида исботланган бўлиб, $14.8 \cdot \frac{1}{273,16}$ да тўлиқ ёритилган. Бу бирликдан ташқари, температурани ўлчашда Цельсий шкаласи ҳам кенг ишлатилади. Нормал босимда музнинг эриш ва сувнинг қайнаш температуралари интервалининг $1/100$ улуши цельсий шкаласидаги 1°C ни беради. Сувнинг музлаш, эриш ва буғланиш фазаларининг мувозанатига тўғри келган температурани 0°C деб олсан, учламчи нуқтанинг температураси кельвин шкаласида $273,16$ К, нормал босимда сувнинг қайнаш температураси эса $373,16$ К. Бинобарин, Кельвин ва Цельсий шкалалари орасидаги боғланиш $T = 273,16 + t$ орқали ифодаланади ва бир градус кельвин 1 градус цельсийга teng. Температура ва энергия бирликларига асосан, Больцман доимийсининг СИ бирликлар системасидаги сон қиймати қуйидагичадир:

$$k = 1,38 \cdot 10^{-23} \text{Дж/К.}$$

Температура ҳам босим каби статистик тушунча бўлиб, айрим олинган ёки кичик сондаги молекулаларнинг температураси тўғрисида фикр юритиб бўлмайди. Масалан, космик фазода зарраларнинг концентрацияси — жуда кичик ва бу фазонинг температураси тўғрисида маълумот олиб бўлмайди. Шунинг учун Қуёш нурлари космик фазода ўз энергиясини йўқотмай, атмосферанинг юқори қатламларига етиб келади. Атмосферадаги молекулалар билан тўқнашиб ўз энергиясини қисман йўқотади. Қуёш нурларининг атмосферада тақсимланиши молекулаларнинг ўртacha кинетик энер-

гиясини оширишга ва температуранинг кўтарилишига сабаб бўлади. $T=0$ ёки $t=-273,16^{\circ}\text{C}$ температуранинг абсолют ноли деб аталади. Абсолют нолда, (10.7) га асосан, газ молекулаларининг тартибсиз ҳаракатлари тўхтайди, унинг босими йўқолади. Бу температурада газ ва суюқликларнинг ҳаммаси қаттиқ фазага ўтади. Абсолют нолда қаттиқ жисмнинг физик (механик, оптика, электр) ҳоссалари ўзгаради. Масалан, металларнинг электр қаршилиги бутунлай йўқолгани ҳолда, яrim ўтказгичларнинг электр қаршилиги кескин ошади.

Лекин қаттиқ жисмнинг заминида ётган атомлардаги электронларнинг ҳаракати йўқолмайди. Бундай ҳаракатлар абадий бўлиб, ҳаракат материянинг яшаши тарзи, деган материалистик дунёқарашга тўлиқ мос келади.

Энг замонавий техника ёрдамида абсолют ноль температуранинг аниқлиги $1,3 \cdot 10^{-6} \text{ K}$ қийматда олинган. Термодинамика қонунларининг кўрсатишича, система нинг иссиқлик ҳаракат энергиясини бутунлай ажратиб олиш мумкин эмас. Бинобарин, абсолют нолга яқинлашиш мумкин, аммо температуранинг абсолют ноли ($T=0$) ни ҳосил қилиш мумкин эмас.

10.4- §. Идеал газнинг ҳолат тенгламаси

Газлар, қаттиқ ва суюқ моддалардан фарқли, ўзи эгаллаган идишнинг ҳажмини тўла эгаллайди. Үлчамсиз ва хусусий ҳажмига эга бўлмаган молекулалардан тузилган идеал газнинг эркин ҳажми, у эгаллаган идишнинг ҳажмига тенг.

Шундай қилиб, газнинг ҳолати учта макроскопик, яъни ўлчаш мумкин бўлган параметрлар: босим (p), ҳажм V ва температура (T) билан аниқланади. Газнинг босими, ҳажми ва температураси орасидаги боғланишни ифодалайдиган тенглама газ ҳолат тенгламаси дейилади. Улар орасидаги боғланиш, $p=f(V, T)$ функция билан аниқланади. Келтирилган бу функциянинг ошкора ифодасини топиш мақсадида (10.6) ва (10.7) тенгламаларни қуйидагича комбинациялаймиз:

$$p = \frac{2}{3} n \frac{m \langle v^2 \rangle}{2} = \frac{2}{3} n \frac{3}{2} kT = nkT. \quad (10.8)$$

(10.8) тенглама ҳам молекуляр кинетик назариянинг асосий тенгламаларидан бўлиб, у газнинг босими бирлик

ҳажмдаги молекулалар сони n га ва температура T га пропорционал эканлигини күрсатади. (10.8) тенгламадан газнинг ҳолат тенгламасига ўтиш учун газ молекулаларининг концентрацияси $n = \frac{N}{V}$ билан, V ҳажмдаги молекулалар сони (10.1) тенглама билан аниқланишини эътиборга оламиз ва (10.8) ифодани қўйидагича ёзамиш:

$$pV = \frac{M}{\mu} N_A \cdot kT.$$

Тенгламани янзда ихчамроқ кўринишга келтирайлик. Бунинг учун Авогадро сони N_A ни Больцман доимийси k га кўпайтмасини $R = N_A \cdot k = 6,022 \cdot 10^{23} \cdot 1,38 \cdot 10^{-23} = 8,31 \frac{\text{Ж}}{\text{моль} \cdot \text{К}}$

билил белгилазмиз. R — газнинг универсал доимийси деб аталади. Бу белгилашга асосан юқоридаги ифодани

$$pV = \frac{M}{\mu} RT \quad (10.9)$$

шаклида ёзамиш. (10.9) массаси M , моляр массаси μ бўлган газнинг ҳолат тенгламасидар. Одатда, у *Менделеев — Клапейрон тенгламасиги* деб аталади. Бир моль ($\frac{M}{\mu} = 1$) газ учун (10.9) тенгламанги қўйидагича ёзиш мумкин:


$$pV = RT. \quad (10.10)$$

Келтирилган тенгламалардан холоса шуки, газ параметрлари бир-бирига жуда боғлиқ. Хусусан, улардан бирини ўзгармас қолдирсак, унга мос бўлган изожа-раёнларни («изо» ўзгармас деган маънени англатади) ҳосил қиласмиз. XVIII асрда Бойль ва Мариотт, Гей-Люссак, Шарль томонидан кашф этилган ушбу жараёнлар газ ҳолат тенгламасининг хусусий ҳоллариdir.


1. Температура ўзгармас ($T=\text{const}$) бўлса (10.10) тенглама

$$pV = p_0 V_0 \text{ ёки } pV = \text{const}$$

шаклинни олиб, Бойль ва Мариотт қонунини ҳосил қиласмиз. *Ўзгармас температурада босимнинг ўзгариши ҳажм ўзгаришиига тескари пропорционал*, лекин улар-



10.3-расм.



10.4-расм.

нин්г күпайтмаси ўзгармасдир. Бу қсуннинг графиги (10.3-расм) изотерма, ҳодиса эса изотермик жараён деб аталади.


2. Гей-Люссак қонуни ифодасини ҳосил қилишда (10.10) ифодадаги босимни ўзгармас ($p=const$) үдеб қабул қиласиз, у ҳолда бу тенглама қуйидаги кўришишга ўтади:

$$\frac{V}{T} = \frac{V_0}{T_0} \text{ ёки } \frac{V}{T} = \text{const.}$$

Изобарик жараёнида (10.4-расм) ҳажм билан температура орасидаги боғланиш координата бошидан ўтган тўғри чизиқ билан ифодаланади. $T=0$ га тенг бўлганда газнинг ҳажми ҳам нолга тенг. Ўлчамсиз молекулалардан тузилган идеал газ учун бундай ғайри табиий хулосанинг вужудга келиши оддий ҳолдир.

Газ ҳажми ўзгармас ($V=\text{const}$) бўлса, (10.10) дан қуйидаги ифода келиб чиқади: $\frac{p}{T} = \frac{p_0}{T_0}$

ёки $\frac{p}{T} = \text{const}$. Ушбу изохорик жараёnda босим билан температура орасидаги боғланиш чизиқли ва унинг графиги координата бошидан ўтган тўғри чизиқ орқали тасвирланади. $T=0$ да газнинг босими йўқолади, яъни ноль бўлади (10.5-расм). Шарль қонунининг бу хулосаси молекулар-кинетик назария асосида олинган натижаларга мосдир.




10.5-расм.

10.5- §. Термодинамик диаграммалар

Маълумки, бир моль газнинг ҳолати p босим, V ҳажм ва T температура каби учта макроскопик параметрлар орқали аниқланади. Бу катталиклар *термодинамик параметрлар* деб ҳам аталади. Чунки, иссиқлик таъсирида бу уч катталиктинг ҳаммаси ўзгаради ёки улардан бири ўзгармай қолганда, қолган иккитаси ўзгариши мумкин. Улар ўртасидаги боғланиш $pV=RT$ газнинг ҳолат тенгламаси деб аталади. Термодинамик параметрлари ўзгармас бўлган система мувозанатли ҳолатни эгаллайди. Бинобарин, мувозанатли ҳолатда бўлган системада диффузия, иссиқлик ўтказувчанлик, химиявий реакциялар, фазовий ўтиш каби ҳодисалар рўй бермайди. Лекин газ молекулаларининг тартибсиз ҳаракати узлуксиз давом этаверади. Системанинг жуда кичик қисмларида юқорида зикр этилган ҳодисалардан бири ёки ҳаммаси содир бўлиши мумкин. Масалан, Орол денгизига бир челак қайноқ сувни қуйиб юборган билан унинг температураси, ҳажми, босими ўзгармаганидек, микроқисмларда содир бўлган микрожараёнлар ҳам газ параметрларининг ўртача қийматига деярли таъсир қила олмайди.

Система ташқи таъсир туфайли ўз ҳолатини ўзгартиrsa, унинг термодинамик параметрлари ўзгаради. Системанинг бир ҳолатдан иккинчисига ўтиши жараён деб аталади. Мисол тариқасида юқорида келтирилган изожараёнларни кўрсатиш мумкин.

Газнинг ҳолатини аниқловчи p , V , T термодинамик параметрларни моддий нуқтанинг фазодаги ўрнини аниқловчи x , y , z координаталар билан таққосласак, улар бир-бирига ўхшашиб эканлигини аниқлаймиз. Шу нуқтаи назардан, уч ўлчовли p , V , T термодинамик фазода система ҳолатининг геометрик тасвирини ҳосил қилиш мумкин. x , y , z координата ўқларини p , V , T ўқлар билан алмаштирасак ва мувозанатли ҳолатга мос бўлган параметрларни ушбу ўқларда ажратсак, системанинг мувозанатли ҳолати 10.6-а расмда келтирилган нуқта орқали тасвирланади. Аммо шуни алоҳида таъкидлаш керакки, p , V , T координаталар орқали аниқланган мувозанатли система, x , y , z координаталар билан ифодаланган моддий нуқта вазиятидан бутунлай фарқ қиласди. Зотан, x , y , z боғланмаган, мустақил, эркли координаталардир. Улардан бири, масалан мод-



10.6-расм.

дий нүқта x ўқи бўйлаб ҳаракатланса, x ўзгарган ҳолда қолган координаталар, y , z ўзгармасдан қолаверади. Бундан ташқари, моддий нүқта фазода координаталари ихтиёрий бўлган нүқталарда жойлашуви мумкин. Лекин (10.10) тенглама билан ўзаро боғланган мувозанатли системанинг ҳолати p , V ва T координаталар системасида фақат маълум нүқталар билан тасвирланади. Нормал шароитда газнинг босими $p_0=10^5$ Па, температураси $T_0=273^{\circ}\text{К}$ бўлса, у ҳолда бир киломоль газнинг ҳажми $V_0=22,44 \text{ м}^3$ га teng. Ҳажмнинг бошқа қийматларида эса системанинг мувозанати бузилади, яъни y , параметрлари бошқа бўлган мувозанатли ҳолатга ўтади. Демак, p , V , T координаталарида система ниң мувозанатини аниқловчи нүқталар шу координаталарга мос бўлган термодинамик текисликларда ётади. Термодинамик жараёнларни классификациялашда параметрлардан бирини ўзгармас қолдириб pV , VT ва pT текисликларда ётган термодинамик диаграммаларни ҳосил қилган эдик. Бу диаграммалар

10.3. 10.4 ва 10.5-расмларда келтирилган бўлиб, мос равишда изотерма, изобара ва изохора чизиқлари билан ифодаланган. Шуни алоҳида таъкидлаш керакки, системанинг ҳолатини аниқловчи нуқталар келтирилган чизиқларда ётиши учун газнинг ҳолатини жуда секинлик билан ўзгартириш лозим. Агар бу уч текисликларни бирлаштирсак, системанинг 10.6-б расмда келтирилган фазовий тасвири ҳосил бўлади. Диаграммадаги чизиқларни кесишган нуқталари, мувозанатли системани тасвирловчи нуқталардир. Системанинг ҳолати жуда секинлик билан ўзгарса, тасвирловчи нуқталарнинг аста-секинлик билан силжишидан ҳосил бўлган чизиқлар, содир бўлган жараёнларни аниқлайди.

Келтирилган жараёнлардан ташқари, ташқи муҳит билан иссиқлик алмашмасдан ўз ҳолатини ўзгартирадиган ва адабатик жараён деб ном олган ҳодисанинг табиати билан кейинроқ 13.5-§ да танишиб чиқамиз.

XI 606. ТАҚСИМОТ ҚОНУНЛАРИ

11.1- §. Молекулаларнинг тезликлари бўйича тақсимланишига оид Максвелл қонуни

Маълумки, газ молекулалари тартибсиз ҳаракати давомида ўзаро тўқнашиб тезликларини миқдор ва йўналиш жиҳатидан узлуксиз равишда ўзгартириб турди. Кўп заррали бундай системада тезлиги аниқ қийматга тенг бўлган молекулаларнинг сонини аниқлаш мумкин эмас. Лекин мувозанатли системада, тезлиги маълум интервалда ётган молекулалар сонини ёки ўлушини аниқлаш мумкин. Масалани соддалаштириш мақсадида фақат x ўқи бўйича ҳаракатланаётган молекулалар ҳолатини текширайлик. Тезлиги v , $v_x + dv_x$ оралиғида бўлган молекулалар сонини $dN(v_x)$ деб белгилайлик. Мулоҳазалар асосида берилган интервалда ётган молекулаларнинг сони $dN(v_x)$ системадаги молекулалар сони N га ва тезлик интервали dv_x га пропорционал эканлигига ишонч ҳосил қилиш мумкин, яъни

$$dN(v_x) \sim N dv_x. \quad (11.1)$$

Ўзгармас катталик киритиш йўли билан юқоридаги пропорционалликни тенгликка айлантира олар эдик. Лекин бундай усул ушбу ифода учун ўринли бўлмайди.

Фақат кириллган кітаптың тезлік функциясы бўлса, (11.1) ни қўйидагича ёзиш мумкин:


$$dN(v_x) = f(v_x) N dv_x. \quad (11.2)$$

Келтирилган ифода тўғри эканлигини қўйидаги мисолда кўриб чиқайлик. Тошкент шаҳар аҳолисининг сони N та, булар ичидан 20 — 21 ёшга кирган фуқароларнинг сони dN_x бўлсин. Ёшлик интервали dv_x ни оширсак, яъни 20 — 22 ёш оралигини олсак, шу интервалда ётган фуқаролар сони $dN(v_x)$ мос равишда ортади. Статистик кузатишни жумҳурият миқёсига кўчирсак $dN(v_x)$ янада ортади. Лекин статистик маълумотлар ёш интервали бир хил бўлган 20—21 ва 80—81 оралиқлар учун олинса, бу интервалда ётган фуқаролар сони ҳар хил бўлиб чиқади. Бундан ёшлик интервали маълум қийматга тенг бўлган фуқаролар сони, қайси ёшга нисбатан олинишига боғлиқ эканлигини кўриш мумкин. Келтирилган мисолдан хулоса шуки, dv_x интервалда ётган молекулаларнинг сони қайси тезлікка нисбатан кузатилишига, яъни $f(v_x)$ га боғлиқ. Таксимот функцияси деб аталувчи бу кітаптың айрим хоссаларга эга.

Тезлиги маълум интервалда ётган молекулаларнинг улушкини тезлікка боғлиқ графигини туширсак, 11.1-расмда келтирилган эгри чизиқ ҳосил бўлади. Бу эгри чизиқ $v = 0$ га нисбатан симметрик, чунки берилган системада x ўқининг мусбат йўналишида ҳаракатланашган молекулаларнинг сони унга тескари йўналишда ҳаракатланашган молекулалар сонига айнан тенг. Демак, таксимот функцияси жуфт бўлиши керак. Иккинчидан, молекулаларнинг кинетик энергиялари чекли қийматга эга бўлиши учун тезлік чексизга ингиландада таксимот функцияси нолга интилиши лозим. Юқоридаги

$$(11.2) \text{ ифодани } \frac{dN(v_x)}{N} = f(v_x) dv_x$$

кўринишга келтирайлик. Бунда $f(v_x) dv_x$ ифоданинг физик маъноси қўйидагиче: $v_x, v_x + dv_x$ тезлікларга эга бўлган молекулалар ҳамма молекулаларнинг қандай қисмини (улушини) ташкил этиши эҳтимоллигини кўрсатади. Тезлікларнинг ҳамма оралиқлари бўйича ётган молекулалар сони



11.1- расм.

N эканлигини эътиборга олсак, (11.2) ифоданинг интеграли

$$\int_{-\infty}^{\infty} N f(v_x) dv_x = N \text{ ёки } \int_{-\infty}^{\infty} f(v_x) dv_x = 1 \quad (11.3)$$

бўлади. Бундан $f(v_x)dv_x$ эҳтимолликнинг барча тезлик интерваллари бўйича йифиндиси бирга тенг эканлигини кўрамиз. Тақсимланиш кўпайтмаси деб аталувчи (11.3) ифода, берилган системада молекулалардан бирининг тезлиги v_x , $v_x + dv_x$ тезликлар оралиғида ётиши муқаррар эканлигини кўрсатади.

Тартибсиз ҳаракатланаётган молекулаларнинг ўзаро тўқнашувидан уларнинг тезликлари ихтиёрий қийматга ўзгариши мумкин. Тўқнашишлар жараёнда улардан бирининг тезлиги айнан dv_x га ўзгариши тасодифий ҳодисалар туркумiga киради. Бу туркумдаги зарраларнинг ҳаракати Гаусс тақсимот қонунига бўйсунади:

$$f(v_x) = A_x e^{-\frac{mv_x^2}{2kT}} = A_x e^{-\beta v_x^2}, \quad (11.4)$$

бунда $\beta = \frac{m}{2kT}$, m — зарра массаси, k — Больцман доимийси, A_x — нормаллаштирувчи катталик. Гаусс функцияси юқорида келтирилган функцияга қўйилган талабларнинг ҳаммасига жавоб беради, яъни симметрик ва $v_x \rightarrow 0$ да $f(v_x) = 0$ бўлади. Шунинг учун (11.3) ифодадаги функцияни Гаусс функцияси билан алмаштирамиз:

$$\int_{-\infty}^{\infty} A_x e^{-\beta v_x^2} dv_x = A_x \int_{-\infty}^{\infty} e^{-\beta v_x^2} dv_x = 1. \quad (11.5)$$

Бу шаклдаги интегрални ҳисоблашда $\beta v_x^2 = z^2$ билан алмаштирамиз ва уни дифференциаллаб, қўйидаги ифодани ҳосил қиласмиз: $\beta v_x dv_x = zdz$, бундан $dv_x = \frac{dz}{V\beta}$ эканлигини аниқлаймиз. Бу ўзгартиришлар туфайли (11.5) шаклдаги ифода, қўйидаги кўринишга ўтади:

$$\begin{aligned} \frac{A_x}{V\beta} \int_{-\infty}^{\infty} e^{-z^2} dz &= 1, \text{ бундан } A_x = \frac{V\beta}{\int_{-\infty}^{\infty} e^{-z^2} dz} = \\ &= \frac{V\beta}{V\pi} = \sqrt{\frac{\beta}{\pi}}. \end{aligned}$$

Интеграл $\int_{-\infty}^{\infty} e^{-z^2} dz$ жадвалга киритилгән махсус интеграл-

дан бўлиб, унинг қиймати $\sqrt{\pi}$ га тенг.

Демак, системанинг x ўқи бўйича ҳаракатланаётган молекулалар учун тезлиги $v_x, v_x + dv_x$ интервалда ётган молекулаларнинг тақсимот функцияси

$$f(v_x) = A_x e^{-\beta v_x^2} = \sqrt{\frac{\beta}{\pi}} e^{-\beta v_x^2} = \sqrt{\frac{m}{2\pi kT}} e^{-\frac{mv_x^2}{2kT}} \quad (11.6)$$

шаклда ёзилади. Молекулаларнинг x, y, z ўқлари бўйича олинган тезликлари ўзаро боғланмаган, мустәқил тезликлардир. Бинобарин, молекулаларнинг v_x, v_y, v_z тезликлар бўйича ҳаракат қилиш эҳтимоллиги ва улуушлари бир хил. Шунинг учун молекулаларнинг бу йўналишларда олинган тақсимот функциялари ўзаро тенг

$$f(v_x) = f(v_y) = f(v_z).$$

У ҳолда, (11.6) тенгламага асосан, тезликнинг v_y ва v_z ташкил этувчилари бўйича олинган тақсимот функциялари қўйидагича ёзилади:

$$f(v_y) = \sqrt{\frac{m}{2\pi kT}} e^{-\frac{mv_y^2}{2kT}}, \quad f(v_z) = \sqrt{\frac{m}{2\pi kT}} e^{-\frac{mv_z^2}{2kT}}. \quad (11.7)$$

Олинган натижалар асосида тезликнинг ташкил этувчилари ни ўз ичига өлган тақсимотнинг умумлашган функцияси $f(v_x, v_y, v_z)$ ни ҳисоблайлик. Тезликни ташкил этувчилари мустақил ва ўзаро боғланмаган бўлганидан умумлашган функцияни эҳтимолликларни кўпайтириш тесремасига асосан қўйидагича ёзамиш:

$$f(v_x, v_y, v_z) = f(v_x) \cdot f(v_y) \cdot f(v_z).$$

Координата ўқлари бўйича олинган тақсимот функцияларини ўз ифодалари (11.6) ва (11.7) билан алмаштирамиз. У ҳолда умумлашган функция

$$f(v_x, v_y, v_z) = \left(\frac{m}{2\pi kT} \right)^{3/2} e^{-\frac{m}{2kT} (v_x^2 + v_y^2 + v_z^2)} \quad (11.8)$$

кўринишда ёзилади. Бу ифода газ молекулалари учун тезликнинг ташкил этувчилари бўйича Максвелл тақсимот


функцияси дейилади. Олинган (11.8) тенгламани (11.2) шаклдаги тенгламага табиқ этсак, тезликнинг ташкил этувчилари $v_x, v_x + dv_x; v_y, v_y + dv_y; v_z + dv_z$ оралиқларида ётган молекулалар сонини аниқлаш имкониятини берувчи тенгламани ҳосил қиласиз:

$$dN(v_x, v_y, v_z) = N \left(\frac{m}{2\pi kT} \right)^{3/2} e^{-\frac{mv^2}{2kT}} dv_x \cdot dv_y \cdot dv_z \quad (11.9)$$


Олинган бу ифода молекулалар тезликларининг ташкил этувчилари бўйича тақсимланишига oid Максвелл қонуни дейилади. (11.9) шаклдаги тақсимот қонуни молекулалар фақат x, y, z ўқлари бўйича ҳаракат қиласиди, деб кўрилганда ўринли. Аслида эса хаотик табиатга эга бўлган молекулалар ихтиёрий йўналишда ҳаракатланиши мумкин. Бу ҳолни эътиборга олиш мақсадида (11.8) шаклдаги тақсимот функцияни тезлик модули бўйича ҳисоблаб чиқамиз. Максвелл тақсимот функцияси (11.8) ни аниқлашда декарт координаталар системасида олинган тезликларнинг v_x, v_y, v_z ташкил этувчиларидан фойдаландик. Лекин координата системасининг бу хусусий ҳолидан фойдаланиш шарт эмас. Тезлик вектори v ни тезликлар фазосида ҳам тасвирлаш мумкин (11.2-расм). Тезлик векторининг бу системадаги ҳолати, v нинг узунлиги билан ва қутб бурчаклари орқали аниқланади. Декарт координаталари системасидан қутб координаталар системасига ўтганда, dv_x, dv_y, dv_z тезликлар интервалида ётган молекулалар, томонлари $d\phi, v \sin \theta d\phi, vd\theta$ бўлган тўртбурчак ичига жойлашиб (11.3)-расм), v тезлик билан ҳамма томонга тарқалади. Координаталар системасини бундай алмаштиришда $f(v_x, v_y, v_z) \cdot dv_x \cdot dv_y \cdot dv_z$ шаклдаги тақсимот функцияси $f_1(v, \theta, \varphi) v^2 dv \cdot \sin \theta d\theta \cdot d\varphi$ кўринишга ўтади. Киритилган янги $f_1(v, \theta, \varphi)$ функцияниң ифодаси (11.8) билан ифодаланган $f(v_x, v_y, v_z)$ функциядаги $v_x^2 + v_y^2 + v_z^2 = v^2$ алмаштириш орқали топилади:

$$f_1(v, \theta, \varphi) = \left(\frac{m}{2\pi kT} \right)^{3/2} e^{-\frac{mv^2}{2kT}}. \quad (11.10)$$

Равшанки, қутб координаталар системасида ифодаланган функция фақат битта ўзгарувчан v га боғлиқ ва θ, φ сферик координаталарга боғлиқ эмас. Бундай тақ-



11.2- расм.



11.3- расм.

симот изотроп бўлиб, молекулаларнинг ҳамма йўналиши бўйича ҳаракатланиш эҳтимоллиги бир хил эканлиги келиб чиқади. У ҳолда тезлиги v , $v+dv$ тезликлар оралиғида молекулаларнинг ҳаракатланиш эҳтимоллиги;

$$f_1(v) dv = \int_0^{\pi} \sin \theta d\theta \int_0^{2\pi} d\varphi \cdot f_1(v, \theta, \varphi) v^2 dv.$$


Бу тенгламада $f_1(v, \theta, \varphi)$ $v^2 dv$ ни интеграл ташқарисига чиқариб, қолган ифоданинг интеграли 4π эканлигини эътиборга олсак, қуйидаги ифода ҳосил бўлади:

$$f_1(v) = 4\pi \left(\frac{m}{2\pi k T} \right)^{3/2} v^2 e^{-\frac{mv^2}{2kT}}. \quad (11.11)$$

Бу тенглама газ молекулаларининг тезлик модули бўйича Максвелл тақсимот функцияси дейилади. (11.2) тенгламада келтирилган тақсимот функциясини (11.11) шаклдаги Максвелл тақсимоти билан алмаштирамиз ва тезлиги v , $v+dv$ оралиқда ётган молекулалар сонини топамиз, яъни

$$dN(v) = N \cdot 4\pi \left(\frac{m}{2\pi k T} \right)^{3/2} v^2 e^{-\frac{mv^2}{2kT}} dv. \quad (11.12)$$

Ушбу ифода молекулаларнинг тезликлари бўйича тақсимотланишига оид Максвелл қонуни дейилади (11.11) шаклда-



11.4-расм.

ташкыл этгандыгын анықлаш мүмкін. Молекулаларнинг бүкіймати $\frac{\Delta N}{N} = f(v) \Delta v$ га тенг бўлиб, Максвелл эгри чизиги остидаги штрихланган юзага тенг. Равшанки, $f(v) \Delta v$ эҳтимоллик аниқ бўлса, бу эҳтимолликни молекулалар сони N га кўпайтириш орқали тезлиги $v, v + \Delta v$ оралиғида ётган молекулалар сони ΔN топилади. Эгри чизиг координата бошидан бошланиб тезлик координата ўқи билан маълум бир нуқтада кесишади. Графикнинг бу хусусияти, система ичидаги тезлиги нолга ва чексизликка тенг бўлган молекулаларнинг улуши нолга тенг эканлыгини кўрсатади. Тақсимот функциясининг шакли системанинг температурасига боғлиқ. Температура ошган сари, тақсимот эгри чизиги пасайиб катта тезликлар соҳасига силжийди. Берилган ҳажмдаги молекулалар сони N ўзгармас ва эгри чизиқлар билан чегараланган (11.4-расм) юзлар температуранинг ҳар икки қийматида бир хил бўлиши лозим.

Молекулаларнинг тезликлар бўйича тақсимотига оид Максвелл назариясининг аҳамияти шундаки, унинг функцияси ёрдамида кинетик назарияда шартли равишда киритилган ўртача тезлик, ўртача квадратик тезликларнинг математик ифодасини анықлаш мүмкін. Бу тезликларни ҳисоблашдан олдин эгри чизиқнинг максимумига тўғри келган ва эҳтимолли тезлик деб аталувчи v_{ex} ни ҳисоблаб чиқайлик. У молекулаларнинг энг кўп қисми — улуши ҳаракатланиши мүмкін бўлган тезликни баҳолайди.

Функциянинг энг катта қийматини анықлаш шартига асосан (11.11) тенгламадан v бўйича олинган ҳосилани нолга тенглаштирамиз:

$$f'_1(v) = 4\pi \left(\frac{m}{2\pi k T}\right)^{3/2} 2v e^{-\frac{mv^2}{2kT}} \cdot \left[1 - \frac{mv^2}{2kT}\right]^2 = 0.$$

ги тақсимотнинг графиги 11.4-расмда келтирилган. Эгри чизиг билан чегараланган сиртнинг юзи, (11.3) га асосан, бирга ёки системада жойлашган молекулалар сони N га тенг. Графикдан тезлиги $v, v + dv$ оралиқда ётган молекулаларнинг сони ҳамма молекулаларнинг қандай улушкини

бундан эҳтимолли тезлик:

$$1 - \frac{mv_{\text{ex}}^2}{2kT} = 0 \quad \text{ёки } v_{\text{ex}} = \sqrt{2 \frac{kT}{m}}. \quad (11.13)$$

Системадаги молекулалар квадратик тезликларнинг йиғиндинини молекулалар сонига бўлсак, ўртача квадратик тезлик ҳосил бўлади:

$$\langle v^2 \rangle = \frac{\int_{-\infty}^{\infty} v^2 \cdot N \cdot f(v) dv}{N} = \int_{-\infty}^{\infty} v^2 f(v) dv. \quad (11.14)$$

Статистик физиканинг асосий қонунларидан бири бўлган бу ифода орқали ҳар қандай катталиктининг ўртача қийматини аниқлаш мумкин. (11.14) даги тақсимот функцияни ўз қиймати (11.11) билан алмаштирамиз:

$$\langle v^2 \rangle = 4\pi \left(\frac{m}{2\pi kT} \right)^{3/2} \cdot \int_0^{\infty} v^4 e^{-\frac{mv^2}{2kT}} dv. \quad (11.15)$$

Тақсимот функцияси тезлик модули бўйича олинганидан интегралнинг чегараси нольдан чексизгача бўлади. (11.15) шаклдаги интегрални ҳисоблашда, юқорида келтирилган усулни татбиқ этамиз, яъни $\beta = \frac{m}{2kT}$ ва $z^2 = \beta v^2$ белгилашлар киритамиз. Иккинчи тенгламани дифференциалласак $z dz = \beta v dv$ ва олинган натижадан $d\beta = \frac{z dz}{\beta v} = \frac{\sqrt{\beta} dz}{\beta v} = \frac{dz}{\sqrt{\beta}}$ аниқлаб, уларни (11.15) да келтирилган интеграл остидаги ифодага қўйисак, у қуйидаги содда кўринишга келади:

$$\int_0^{\infty} v^4 e^{-\frac{mv^2}{2kT}} dv = \frac{1}{\beta^{5/2}} \int_0^{\infty} z^4 e^{-z^2} dz. \quad (11.16)$$

Тенгламанинг ўнг томонини ҳисоблашда жадвалга киритилган интеграл $\int_{-\infty}^{\infty} e^{-z^2} dz = 2 \int_0^{\infty} e^{-z^2} dz = \sqrt{\pi}$ дан қуйидаги қийматни ҳосил қиласиз:

$$\int_0^{\infty} e^{-z^2} dz = \frac{1}{2} \sqrt{\pi}.$$

Лекин бу интеграл асосида

$$\int_0^{\infty} e^{-\lambda z^2} dz = \frac{1}{2} \sqrt{\frac{\pi}{\lambda}} \quad (11.17)$$

шаклдаги интегрални ҳисоблаш мүмкін (λ — ихгиёрий параметр). (11.17) ифодадан λ бүйінча биринчи тартибли ҳосила олайлик:

$$\int_0^{\infty} z^2 \cdot e^{-\lambda z^2} dz = \frac{1}{4} \frac{\sqrt{\pi}}{\lambda^{3/2}}.$$

Бундан λ бүйінча яна бир марта ҳосила олиб,

$$\int_0^{\infty} z^4 e^{-\lambda z^2} dz = \frac{3}{8} \frac{\sqrt{\pi}}{\lambda^{5/2}}$$

шаклдаги ифодани топамиз. Ихтиёрий параметр $\lambda = 1$ деб күрсак, қуйидаги натижага әга бўламиз:

$$\int_0^{\infty} z^4 e^{-z^2} dz = \frac{3}{8} \sqrt{\pi}.$$

У ҳолда /11.16/ тенгламадаги интеграл

$$\int_0^{\infty} v^4 e^{-\frac{mv^2}{2kT}} dv = \frac{3\sqrt{\pi}}{8\beta^{5/2}} = \frac{3}{8} \sqrt{\pi} \left(\frac{2kT}{m}\right)^{5/2}$$

бўлиб, уни (11.15) га қўйиш орқали квадратик тезликнинг ўртача қийматини топамиз, яъни

$$\langle v^2 \rangle = 4\pi \left(\frac{m}{2\pi kT}\right)^{3/2} \frac{3}{8} \sqrt{\pi} \left(\frac{2kT}{m}\right)^{5/2} = 3 \frac{kT}{m},$$

бундан ўртача квадратик тезлик

$$\langle v_{\text{кв}} \rangle = \sqrt{3 \frac{kT}{m}} \quad \text{ёки} \quad \langle v_{\text{кв}} \rangle = \sqrt{3 \frac{RT}{\mu}}$$

га тенг бўлади. Топилган ифода кинетик назарияда шартли равища киритилган ўртача квадратик тезлик (10.8) га айнан тенг. Юқорида келтирилган усул орқали эҳтимолли тезлик билан ўртача квадратик тезликлар оралиғида ётган, яъни молекуланинг ўртача арифметик тезлигини ҳам ҳисоблаш мүмкін. Тенглама (11.14) га асосан ўртача арифметик тезликнинг қиймати:

$$\langle v \rangle = \int_0^{\infty} v f(v) dv = 4\pi \left(\frac{m}{2\pi kT}\right)^{3/2} \int_0^{\infty} v^3 e^{-\frac{mv^2}{2kT}} dv$$

тenglама билан топилади. Бу ифодадаги интеграл

$$\int_0^{\infty} v^3 e^{-\frac{mv^2}{2kT}} dv = 2 \left(\frac{kT}{m}\right)$$

эканлигини эътиборга олсак, у ҳолда ўртача арифметик тезлик

$$\langle v \rangle = 4\pi \left(\frac{m}{2\pi kT}\right)^{3/2} \cdot 2 \left(\frac{kT}{m}\right) = \sqrt{\frac{8kT}{\pi m}} \quad (11.18)$$

бўлади. Аниқланган ҳар учала тезликлар солиширилса, улар бир-бirlаридан фақат коэффициентлари билан фарқ қилишларини кўриш мумкин, яъни $\langle v_{\text{кв}} \rangle = 1,085 \langle v \rangle = 1,224 v_{\text{вх}}$.

11.2- §. Молекуланинг эркинлик даражалари бўйича энергия тақсимоти қонуни

Максвелл тақсимот қонунидан келиб чиқадиган асосий холосалардан яна бири энергиянинг эркинлик даражалари бўйича бир текисда тақсимланиш қонунинг исботидир.

Молекуланинг ҳаракати ва унинг фазодаги ўринини аниқлаш учун лозим бўлган эркли координаталар сони **эркинлик даражаси** дейилади. Бир атомли молекула идишнинг бутун ҳажми бўйлаб илгариланма ҳаракатда иштирок этади. Бинобарин, унинг вазиятини ва ҳаракатини характерловчи мустақил координаталар сони, яъни эркинлик даражаси $i=3$ га тенг.

Кўп заррали системанинг ихтиёрий нуқталаридағи температуралари, босими, зичлиги бир хил бўлса, у мувозанатли ҳолатни эгаллайди. Лекин унинг молекулалари ихтиёрий тезлик билан ҳаракатланиб, тўқнашиши туфайли ўз тезлигининг катталиги ва йўналишини узлуксиз ўзгартириб туради. Уларнинг кинетик энергиялари ҳам мос равишда ўзгаради. Демак, айрим олинган молекуланинг тезлигини ҳисоблаш мумкин бўлмаганидек, унинг кинетик энергиясини ҳам аниқлаш мумкин эмас. Аммо Максвелл тақсимот функциясига асосан уч ўлчовли фазонинг ихтиёрий йўналиши бўй-

лаб ҳаракатланаётган молекуланинг ўртача кинетик энергиясини ҳисоблаш мумкин. Масалан, X ўқи бўйлаб ҳаракатланаётган молекуланинг кинетик энергияси $E_{kx} = \frac{mv_x^2}{2}$ бўлсин. У ҳолда (11.14) га асосан шу ўқ бўйлаб ҳаракатланаётган молекулаларнинг ўртача кинетик энергияси

$$\langle E_{kx} \rangle = \frac{\int_{-\infty}^{\infty} \frac{mv_x^2}{2} N \cdot f(v_x) dv_x}{\int_{-\infty}^{\infty} N \cdot f(v_x) dv_x} = \frac{m}{2} \frac{\int_0^{\infty} v_x^2 e^{-\frac{mv_x^2}{2kT}} dv_x}{\int_0^{\infty} e^{-\frac{mv_x^2}{2kT}} dv_x}.$$

Олдинги параграфда киритилган ўзгартиришлар

$$\beta = \frac{m}{2kT}, \quad z^2 = \beta v_x^2, \quad dv_x = \frac{dz}{V\beta}$$

га асосан юқоридаги тенгликни яна қўйидагича ёзамиз:

$$\langle E_{kx} \rangle = \frac{\frac{m}{\beta} \int_0^{\infty} z^2 e^{-z^2} dz}{2 \int_0^{\infty} e^{-z^2} dz} = \frac{m}{\beta V\pi} \int_0^{\infty} z^2 e^{-z^2} dz. \quad (11.19)$$

Бунда $\int_0^{\infty} e^{-z^2} dz = \frac{V\pi}{2}$ тенг эканлигини эътиб орга олдик. Ўнг томондаги интегрални ҳисоблашда (11.17) асосан, $\int_0^{\infty} e^{-\lambda z^2} dz = \frac{1}{2} \sqrt{\frac{\pi}{\lambda}}$ тенгликдан фойдаланиб, олдинги параграфда келтирилган усулга асосан ундан $\lambda = 1$ бўйича биринчи тартибли ҳосила оламиз ва $\lambda = 1$ тенглаштириб, $\int_0^{\infty} z^2 \times$ $\times e^{-z^2} \cdot dz = \frac{1}{4} \sqrt{\pi}$ эканлигини аниқлаймиз. Ҳосил бўлган қийматни (11.19) тенгламага қўйсак, X ўқи бўйича ҳаракатланаётган молекулаларнинг ўртача кинетик энергияси

$$\langle E_{kx} \rangle = \frac{m}{\beta V\pi} \cdot \frac{1}{4} \sqrt{\pi} = \frac{m}{4} \frac{2kT}{m} = \frac{1}{2} kT. \quad (11.20)$$


эканлигини топамиз. Қолган Y , Z ўқлари бўйича ҳаракатланадиган молекулаларнинг ўртача кинетик энергиялари айнан шу қийматга тенг ва буни юқоридаги каби исбот қилиш мумкин. Зотан, танланган йўналиш ихтиёрий эди. Шундай қилиб, молекуланинг тўлиқ кинетик энергияси ҳамма эркинлик даражалари бўйича бир хилда тақсимланади ва унинг қиймати $\frac{1}{2} kT$ га тенг. Бу тенглама классик статистик физикада Больцман томонидан исбот қилинган бўлиб, иссиқлик муовозатида бўлган кўп сонли молекулалар системасида ўринлидир. Бу қонун энергияянинг эркинлик даражалари бўйича тенг тақсимот қонуни деб юритилади.

11.3- §. Молекуланинг ўртача кинетик энергияси

Энергияянинг эркинлик даражаси бўйича бир текисда тақсимланиш қонунига асосан таркибида иккι ва ундан ортиқ атомлар бўлган молекуляр системанинг ўртача кинетик энергиясини ҳисоблаш оддий арифметик амалга кўчади. Энергия скаляр катталик. Фазонинг ихтиёрий йўналишда ҳаракатланадиган бир атомли молекуланинг ўртача кинетик энергияси X , Y , Z ўқлари бўйича олинган кинетик энергияларнинг йиғиндинсига тенг, яъни

$$\begin{aligned} \langle E_k \rangle &= \langle E_{kx} \rangle + \langle E_{ky} \rangle + \langle E_{kz} \rangle = \frac{1}{2} kT + \\ &+ \frac{1}{2} kT + \frac{1}{2} kT = \frac{3}{2} kT. \end{aligned} \quad (11.21)$$

Бу холосани иккι атомли система учун умумлаштирайлик. Иккι атомли молекулани бир-бiriга яқин жойлашган ва мустаҳкам боғланган «гантелли снаряди» каби деб фараз қилиш мумкин (11.5-расм). Атомлар орасидаги масофа ўзгармас бўлса, молекуланинг эркинлик даражалари $i = 5$ га тенг. Чунки молекула масса марказидан ўтган ўқларга нисбатан илгарилама (11.5-расм) ва атомларни бирлаштирувчи ўқса перпендикуляр бўлган ўқларга нисбатан айланма ҳаракат қиласди. Аксинча, молекулалар мустаҳкам боғланма-



11.5- расм.

ган атомлардан тузилган бўлса, атомлар уларни бирлаштирувчи ўқ бўйлаб тебранма ҳаракатда иштирок этиши мумкин. Тебранма ҳаракатнинг тўлиқ механик энергияси, кинетик ва потенциал энергияларнинг йиғиндисига тенг. Кинетик ва потенциал энергияларнинг ҳар бирiga энергиянинг $\frac{1}{2} kT$ қисми мос келишини эътиборга олсак, тебранма ҳаракатнинг битта эркинлик даражасига тўғри келган энергия $\frac{1}{2} kT + \frac{1}{2} kT = kT$ бўлади.

Шундай қилиб, мустаҳкам боғланмаган икки атомли системанинг ўртacha кинетик энергияси илгарилама айланма ва тебранма ҳаракат энергияларининг йиғиндисига тенг:

$$\langle E_k \rangle = 3 \frac{kT}{2} + 2 \frac{kT}{2} + 2 \frac{kT}{2} = \frac{7}{2} kT. \quad (11.22)$$

Молекула илгарилама ҳаракатини аниқловчи эркинлик даражаси ҳамма ҳолда ҳам учга тенг. Айланма ва тебранма ҳаракатларнинг эркинлик даражалари молекуладаги атомларнинг сонига ва температурага боғлиқ. Юқори температурада молекула атомлари, улар масса марказларини бирлаштирувчи чизиқлар бўйлаб тебранма ҳаракат қиласди. Умумий равишда молекуланинг эркинлик даражаси i бўлса, унинг ўртacha кинетик энергияси

$$\langle E_k \rangle = \frac{i}{2} kT \quad (11.23)$$

орқали аниқланади.

Мустаҳкам боғланган атомлардан ташкил топган молекулалар системасида биз кўраётган температуralарда тебранма ҳаракат деярли вужудга келмайди, Шунинг учун 2 атомли молекулалар учун $i=5$ га уч ва ундан кўп атомли молекулалар учун $i=6$ га тенгdir.

11.4- §. Болъцман тақсимот қонуни

Максвелл тақсимот қонуни ташқи кучдан холи бўлган системалар учун ўринли. Куч таъсирида бўлган системанинг ҳар бир заррасининг тўлиқ энергияси кинетик ва потенциал энергияларининг йиғиндисига тенг. Потенциал майдонда жойлашган молекулаларнинг

тақсимот функциясини аниқлашда (11.11) ифодани қүйидагича ёзгартириб ёзамиз:

$$f(v) = 4\pi \left(\frac{m}{2\pi kT} \right)^{3/2} e^{-\frac{E}{kT}} v^2.$$

$$\text{Молекуланинг тўлиқ энергияси } E = \frac{1}{2} m v^2 + U(x, y, z)$$

кинетик ва потенциал энергияларнинг йиғиндисига тенг. Бунда $U(x, y, z)$ потенциал майдонда жойлашган зарранинг потенциал энергияси. Демак, E энергияли молекулани топиш эҳтимоллиги нафақат тезликка, унинг фазодаги ўрни (x, y, z) га ҳам боғлиқ. Тақсимот функциядаги энергияни унинг тўлиқ қиймати билан алмаштирасак, тақсимотнинг умумлашган функцияси қўйидаги шаклда ёзилади:

$$f(v, x, y, z) = 4\pi \left(\frac{m}{2\pi kT} \right)^{3/2} \cdot e^{-\frac{mv^2}{2kT}} \cdot v^2 e^{-\frac{U}{kT}}. \quad (11.24)$$

Ифода (11.11) дан равшанки, Максвелл тақсимот қонуни зарранинг координаталарига боғлиқ эмас. Фазонинг ихтиёрий нуқтасида унинг қиймати (11.11) шаклда ёзилади. Бинобарин, умумлашган функцияни

$$f(v, x, y, z) = f(v) \cdot f(x, y, z) = 4\pi \left(\frac{m}{2\pi kT} \right)^{3/2} \cdot v^2 \cdot e^{-\frac{mv^2}{2kT}} \cdot f(x, y, z) \quad (11.25)$$

шаклда ёзиб ва уни (11.24) га қўйсак, потенциал майдонда жойлашган молекулаларнинг потенциал энергияси бўйича тақсимланиш қсанунини ҳосил қиласиз.

$$f(x, y, z) = A e^{-\frac{U(x, y, z)}{kT}}. \quad (11.26)$$

Больцман тақсимот қсануни деб аталувчи бу ифода потенциал энергияси U бўлган зарражанинг x, y, z координаталарда бўлиш эҳтимоллигини кўрсатади. A — нормаллаштирувчи катталик.

Хусусий ҳолда система Ернинг гравитацион майдонида жойлашган бўлса, молекуланинг потенциал энергияси $U = E_p = m g z$ ёка $E_p = m g h$. Бунда h, Z ўқида олинган z координатага мос бўлган баландлик. Атмосферадаги молекулалар учун Больцман тақсимот қонуни қўйидагича ёзилади:

$$f(z) dz = A_z e^{-\frac{mgz}{kT}} dz. \quad (11.27)$$

Больцман тақсимот қонуни, Максвелл тақсимот қонуни каби потенциал энергияси U бўлган системадаги молекулаларнинг сонини ёки улушини аниқлаш имконини беради. Шунинг учун (11.27) ифоданинг чап томэнин интеграли z баландликдаги молекулаларнинг улушкига тенг бўлса, ўнг томонидаги ифода ушбу зарраларнинг потенциал энергия бўйича тақсимланишини кўрсатади. Шунинг учун $\frac{N(z)}{N} =$

$$= A_z e^{-\frac{mgz}{kT}}$$

ёки $N(z) = A_z \cdot e^{-\frac{mgz}{kT}}$, $z = 0$ да $N(0) = N_0$, $A_z = 1$ дengiz satxiga nisbatan olingan V xajmidagi molekulalap sonidir. U xolda yuqoriidagi ifoda $z = h$ balandlik учун қуидаги кўринишни олади:

$$N = N_0 \cdot e^{-\frac{mgh}{kT}}. \quad (11.28)$$


Yuqoriga kytariilgan sari temperatura pasaiib boradi. Shu boisdan (11.28) ifodani uncha baland boulmagan va temperaturasi uzgarmas boulgan nuqtalarda qyllash mumkin. Tenglama (11.28) ni ikki tomoninii xajm V ga boulamiz va birlik xajmdagi molekulalap учун Больцман тақсимот қонунини ҳосил қиласиз:

$$n = n_0 e^{-\frac{mgh}{kT}}. \quad (11.29)$$

Молекуляр кинетик назариянинг асосий tenglamasi (10.8) ni bosimning ikki xolati учун ёзайлик, яни $p = n k T$ ва $p_0 = n_0 k T$. Bu tenglamadan n va n_0 larni aniqlab (11.29) ga kuyasak, bosimning balandlikka boerlik ifodasiga, яни *barometrik formulaga* эга бўламиз:

$$p = p_0 e^{-\frac{mgh}{kT}}. \quad (11.30)$$

Келтирилган (11.29) ва (11.30) ifodalardan shu narca aniqki, Erdan uzoqlashgan sari molekulalarning koncentrasiyasini n_0 ёки bosimi p_0 eksponentsiyal қonun bўyicha kamayib boradi (11.6-расм). Ergi chiziq z ўки bilan etarli daражада uzoq masofada kesishadi. Bu, Er atmosfera қatlami erdan uzoq nuqtalar-



11.6- расм.

гача чўзилиб кетганлигидан дарак беради. Тезлиги иккинчи космик тезликка тенг бўлиб қолган молекулалар, атмосфера қатламидан коинотга тарқалиб туради. Иккинчидан, молекулалар Ердан узоқлашганда энергиянинг сақланиш қонунига асосан уларнинг потенциал энергияси ортиб, кинетик энергияси камая боради. Маълум бир нуқтага етганда молекулаларнинг кинетик энергиялари нолга тенг бўлиб қолади. Бундай молекулалар яна Ер томон ҳаракатланиб, атмосфера циркуляциясини ҳосил қиласди. Юқорига кўтарилигандан «иссиқ» молекулаларнинг камайиши, атмосфера температурасини маълум даражада пасайишига олиб келади. Температуранинг пасайишига олиб келувчи иккинчи омил бевосита молекулаларнинг концентрацияси билан боғлиқ. Юқори қатламларда молекулаларнинг зичлиги кичик бўлиб, ушбу қатламларда Қўёшдан келётган ва Ердан қайтган ёруғлик нурлари кам ютилади.

XII б о б. ГАЗЛАРДА ҚУЧИШ ҲОДИСАСИ

Маълумки, мувозанатли ҳолатнинг маъносига чуқур ёндашмаган ҳолда биз юқорида келтирилган масалаларни ҳал этишда молекулалар узлуксиз ҳаракатда ва ўзаро тўқнашиб туради, деган фикрга асосландик ва маълум муваффақиятларга эришдик.

Энди мувозанатли ҳодиса мазмунига чуқурроқ ёндашиб, системанинг мувозанати бузилса, қандай ҳодисалар содир бўлади, деган масалани ҳал қиласдик. Маълум бир ҳажмли идишдаги газ аралашмаси муво-


занатли ҳолатни эгалласа, унинг ҳамма нуқталаридаги босим ва температура бир хил бўлади. Зероки, шу идишнинг ўртасига фақат молекулаларни ўтказадиган фильтр қўйилган деб фараз қилсак, бирлик вақт ичидаги фильтрни ҳар икки томонига ўтган молекулалар сони ўзгармай қолади. У ҳолда кўчишда олиб ўтилган масса ва энергия миқдори ҳам ўзгармас бўлади. Демак, системадаги газнинг таркиби қандай бўлишидан қатъи назар мувозанатли системада диффузия, иссиқлик ўтказувчанлик, қовушоқлик ҳодисалари кузатилмайди. Лекин фильтр билан ажратилган газнинг икки томонида босим ёки температура ҳар хил бўлса, юқорида зикр этилган физик ҳодисалар кузатилади. Мувозанатли бўлмаган системаларда кузатиладиган бу жараёнлар умумий ном билан *газларда кўчиши ҳодисаси* дейилади. Кўчиш ҳодисаси бевосита молекуланинг ўртача эркин югуриш йўл узунлиги билан боғлиқ.

12- §. Молекулаларнинг ўртача эркин югуриш йўли узунлиги

Паст босимдаги реал газнинг модули бўлган идеал газда молекулаларнинг ўлчамлари ҳисобга олмаса ҳам бўладиган даражада кичик, деб олинган эди. Бунинг маъноси шуки, молекуланинг диаметри улар орасидаги масофага нисбатан жуда кичик. Молекула кўп вақтини бошқа молекулалар билан тўқнашмаган ҳолда, яъни эркин ҳаракатда ўтказади ва эркин югуриш йўл узунлиги, деган масофани ўтади.

Кўп заррали системада ҳар бир молекуланинг тўқнашуви тасодифий ҳодиса. Битта молекуланинг бирор Δt вақт ичидаги босиб ўтган йўли 12.1-расмда келтирилган каби синик чизиқларнинг йиғиндисидан иборат бўлади. Ушбу расмда нуқталар содир бўлган тўқнашишларни кўрсатади. Тасодифий тўқнашишлар йиғиндисидан эркин югуриш йўли узунлигини аниқлаш мумкин эмаслиги муҳтарам ўқувчиларимизга олдинги боблардан маълум. Зотан, ҳар икки тўқнашиш орасидаги масофа бирбиридан фарқ қилиши мумкин. Демак, фақат молекуланинг ўртача югуриш йўл узунлиги тўғрисида мулоҳаза юритамиз.

Кетма-кет икки тўқнашиш орасидаги масофаларнинг ўртача қиймати, молекуланинг



12.1 расм.

ұртаса әркин югуршиш үйлесінің үзүнлигін екінші ұртаса әркин югуршиш үйли дейилади.

Битта молекула бир секундда башқа молекулалар билан Z маротаба түкнашса, иккі кетма-кет түкнашиш орасидаги вақтнинг ұртаса қиймати қыйидагича аниқланади:

$$\langle \tau \rangle = \frac{1}{Z}.$$


Ушбу вақт ичида молекула босиб үтган ұртаса югуршиш үйли үзүнлиги

$$\langle \lambda \rangle = \langle v \rangle \cdot \langle \tau \rangle = \frac{\langle v \rangle}{Z} \quad (12.1)$$

га теңг. Вақт бирлигі ичида молекула ұртаса тезлик $\langle v \rangle$ га теңг бўлган масофани ўтади, деб фараз қиласыллар. Ясовчиси $\langle v \rangle$ га теңг бўлган цилиндр ясаб, унинг ўқи бўйича биз кузатаётган молекула ҳаракатлансан (12.2-расм). Масалани соддалаштириш мақсадида ажратиб олинган молекула ҳаракатда-ю, қолган молекулалар тинч ҳолатда деб қараймиз. Молекулани диаметри d бўлган шар шаклида, деб кўрайлилек. У ҳолда ажратиб олинган молекула, маркази, радиуси d бўлган цилиндр ясовчиси ичида ётган ҳамма молекулалар билан түкнашади. Бирлик ҳажмдаги молекулалар сони n , цилиндрнинг ҳажми $\pi d^2 \langle v \rangle$ бўлса, түкнашишлар сони:

$$Z = n \cdot \pi \cdot d^2 \langle v \rangle.$$

Ҳақиқатда эса цилиндр ицидаги ҳамма молекулалар тартибсиз ҳаракатда бўлади. Улар ўзаро узлуксиз түкнашиб туради. Шунинг учун $\langle v \rangle$ тезликни, молеку-



12.2-расм.

ланинг нисбий тезлиги билан алмаштирамиз. Максвелл тақсимотидан маълумки, эҳтимоли энг катта, ўртача ва квадратик тезликлар бир-биридан ўзгармас коэффициентга фарқ қиласи. Ҳамма молекулалар ҳаракатланади деб қилинган ҳисоблашлар молекуланинг нисбий тезлиги $v = \sqrt{2} \langle v \rangle$ эканлигини реал шароитдаги тўқнашишлар сонини

$$Z = \sqrt{2} n \cdot \pi \cdot d^2 \cdot \langle v \rangle \quad (12.2)$$

га тенг эканлигини кўрсатади. (12.1) ва (12.2) ларга асосан молекулаларнинг ўртача эркин югуриш йўл узунлиги

$$\langle \lambda \rangle = \frac{\langle v \rangle}{\sqrt{2} n \pi d^2 \cdot \langle v \rangle} = \frac{1}{\sigma} \frac{1}{\sqrt{2} n} \quad (12.3)$$

га тенг бўлади, бунда $\sigma = \pi d^2$ молекуланинг эффектив ёки таъсирланувчи кесими, d эса молекуланинг эффектив диаметри деб аталади. Гарчи ўртача югуриш эркин йўл узунлигини ҳисоблашда температурага боғлиқ бўлган тезликдан фойдаланган бўлсак ҳам молекуланинг ўртача эркин югуриш йўл узунлиги, (12.3) формуласига асосан, температурага боғлиқ эмас.

Ҳажми ўзгарувчан газда молекулаларнинг зичлиги моляр ҳажмга боғлиқ равишда ўзгаради: $n = \frac{N_A}{V}$, бунда N_A — Авогадро сони. Бир моль газ учун ҳолат тенгламаси (10.10) дан $V = \frac{RT}{p}$ ни юқоридаги тенгликка қўйсак $n = \frac{N_A}{RT} p$ ёки (12.3) тенгламадаги n ни ўз қиймати билан алмаштирасак, молекуланинг ўртача эркин югуриш йўл узунлиги учун қуйидаги тенгламани ҳосил қиласиз:

$$\langle \lambda \rangle = \frac{1}{\sqrt{2} \sigma} \frac{R \cdot T}{N_A \cdot p} = \frac{k}{\sqrt{2} \sigma} \cdot \frac{T}{p}. \quad (12.4)$$

Берилган температурада молекуланинг ўртача эркин югуриш йўли узунлиги ҳажм ўзгаришига тўғри, босим ўзгаришига тескари пропорционал. Босим ва температура ўзгарсан ю, уларнинг нисбати $\frac{T}{p} = \text{const}$ ўзгармай қолса, у ҳолда молекулаларнинг ўртача эркин югуриш узунлиги ҳам ўзгармас бўлади.


Газнинг босими етарли даражада камайса, молекулаларнинг ўртача эркин югуриш йўли узунлиги идиш

ўлчамига тенг бўлиб қолади ва вакуум деб номланган системанинг ҳолати юзага келади.

Формула (12.4) нинг афзаллиги шундаки, молекула кесими маълум бўлса, макроскопик параметрларни ўлчаш орқали молекуланинг ўртача эркин югуриш йўл узунлигини аниқлаш мумкин.

12.2- §. Иssiқлик ўтказувчанлик ҳодисаси

Эркин югуриш йўли узунлиги билан боғлиқ бўлган иssiқлик ўтказувчанлик ҳодисаси билан танишайлик. Температураси координаталарга боғлиқ равища ўзгарувчан газни ўз-ўзига қўйиб берилса, унинг ҳамма нуқталардаги температуралари тенглашиб, газ мувозанатли ҳолатни эгаллаши ҳаммага равшан. Бу ҳодисанинг заминида ётган иssiқлик ўтказувчанлик жараёни туфайли, газнинг бир қисмидан иккинчи қисмига энергия узатилади. Ҳаракатдаги ҳар бир молекула кинетик энергияга эга ва унинг бу энергияси температурага пропорционал. Температураси юқори бўлган «иссиқ» молекулалар, тартибсиз ҳаракат туфайли «совуқ» молекулаларнинг ичига кирганда ўзи билан ортиқча ΔE кинетик энергияни олиб ўтади. Иssiқлик ўтказувчанликнинг асосий механизми бўлган бу жараённинг миқдорий қийматини аниқлайлик. Фараз қилайлик, газ температураси фақат X ўқи бўйича ўзгарсин. Газ, молекулаларининг яхши ўтказадиган фильтр билан ажратилган, деб фараз қилайлик. Фильтрдан кесими бир бирликка ($S=1$) ва ясовчиси иккиланган эркин югуриш йўл узунлигига тенг бўлган цилиндр ажратайлик (12.3-расм). Системанинг биринчи қисмидаги молекула цилиндр орқали тўқнашишсиз ўтиб, унинг иккинчи қисмига $E + \Delta E$ энергия олиб ўтса, иккинчи қисмидаги молекула худди шу йўл билан биринчисига E энергияни олиб ўтади. Молекуляр кинетик назариядан маълумки, X ўқининг фақат битта ўналиши бўйлаб ҳаракатланаётган молекулалар сони $\frac{1}{6} n \langle v \rangle$ га тенг. Бирлик юздан вақт бирлиги ичida олиб ўтилган молекулалар сони аниқ бўлса, ушбу юздан олиб ўтилган ортиқча энергия:



12.3- расм.

$$Q = \frac{1}{6} n \langle v \rangle [E - (E + \Delta E)] = -\frac{1}{6} n \langle v \rangle \Delta E. \quad (12.5)$$

Хақиқатда эса молекулалар ўзаро түқнашгац, уларда энергия алмашури содир бўлади. Бу тасодифий ҳодисанинг олдини олиш мақсадида энергия градиенти деган тушунча кири-тилган. Бирлик масофада энергиянинг қанчага ўзгаришини кўрсатадиган катталик, энергия градиенти дейилади ва у қўйидагича гниқланади: $\text{grad } E = \frac{dE}{dx}$. Узунлиги $2 \langle \lambda \rangle$ масофада энергия ўзгариши $\Delta E = 2 \langle \lambda \rangle \frac{dE}{dx}$ ни аниқлаб [ўз ўрнига қўйсак, газнинг бир қисмидан иккинчисига олиб ўтилган ортиқча энергия $Q = -\frac{1}{3} n \langle v \rangle \langle \lambda \rangle \frac{dE}{dx}$ бўлади. Энди юқоридаги ифодани қўйидагича ўзгартириб ёзамиш:

$$Q = -\frac{1}{3} n \langle v \rangle \langle \lambda \rangle \frac{dE}{dT} \cdot \frac{dT}{dx}, \quad (12.6)$$

бунда $\frac{dT}{dx}$ бирлик масофада температуранинг қанчага ўзгаришини кўрсатиб, температура градиенти деб аталади. Молекула кинетик энергиясининг ифодаси $E = \frac{i}{2} k T$ дан

$$\frac{dE}{dT} = \frac{i}{2} k = \frac{i}{2} \frac{R_V}{N_A} = \frac{C_V}{N_A} \quad (12.7)$$

бўлишини топамиш. Бундан $\frac{i}{2} R = C_V$ белгилаш киритдик.

Демак, $\frac{dE}{dT}$ битта молекуланинг температурасини 1 К га оширишда зарур бўлган энергия миқдорини билдирап экан. Чунки, ўзгармас ҳажмдаги моляр иссиқлик сиғими C_V бир моль газ температурасини 1 К ошириш учун керак бўлган энергия миқдорини кўрсатади. Бу катталикни Авогадро сонига бўлсак, битта молекуланинг температурасини 1 К га оширишда лозим бўлган энергия миқдори ҳосил бўлади. Келтирилган мулоҳазаларга асосан (12.6) ни қўйидагича ўзгартириб ёзамиш:

$$Q = -\frac{1}{3} n \langle v \rangle \langle \lambda \rangle \frac{C_V}{N_A} \frac{dT}{dx}.$$

Ифоданинг сурат ва маҳражини молекула массасига кўпайтириб $\rho = m \cdot n$ зичлик, $\mu = m \cdot N_A$ моляр масса эканлигини эътиборга олсак, юқоридаги ифода $Q = -\frac{1}{3} \rho \langle v \rangle \langle \lambda \rangle \times \times \frac{C_V}{\mu} \frac{dT}{dx}$ шаклини олади, бунда $C_V = \frac{C_V}{\mu}$ ўзгармас ҳажмдаги газнинг солиштирма иссиқлик сифими дейилади. У ҳолда Q нинг натижавий қиймати

$$Q = -\frac{1}{3} \rho \langle v \rangle \langle \lambda \rangle C_V \frac{dT}{dx} \quad (12.8)$$

га тенг бўлади. Тенгламадаги температура градиентидан ташқари, қолганларини χ — иссиқлик ўтказувчанлик коэффициенти билан белгилаб,

$$\chi = \frac{1}{3} \rho \langle v \rangle \langle \lambda \rangle C_V, \quad (12.9)$$

(12.8) тенгламани содда кўринишга ўтказамиш:

$$Q = -\chi \frac{dT}{dx}. \quad (12.10)$$

Ушбу математик ифода *Фурье қонуни* деб аталади. Системанинг бирлик юзасидан бир секундда олиб ўтилган иссиқлик миқдори температура градиентига тўғри пропорционал. ($-$) ишораси, энергия температураси юқори бўлган томондан температураси паст бўлган томонга кўчишини кўрсатади.

Ифода (12.9) нинг моҳияти шундаки, ўлчаш мумкин бўлган макроскопик параметр χ , ρ , C_V лар орқали микроскопик катталиклар $\langle \lambda \rangle$, $\langle v \rangle$ ларни аниқлаш ва улар орқали, (12.4) га асосан, молекулалар диаметри ҳақида маълумот олиш мумкин экан. (12.9) ифоданинг таҳлили шуни кўрсатадики, $\langle \lambda \rangle \sim \frac{1}{p}$ босимга тескари, зичлик эса $\rho \sim \sim p$ босимга тўғри пропорционал бўлганидан иссиқлик ўтказувчанлик коэффициенти босимга боғлиқ эмас. Тажриба унча паст бўлмаган босимларда бу хулоса тўғри эканлигини исботлайди. Лекин жуда кичик босимларда молекулаларнинг эркин югуриш йўл узунлиги идиш ўлчамига тенг бўлиб қолиши мумкин. Вакуум деб аталувчи газнинг бу ҳолатларида иссиқлик ўтказувчанлик коэффициенти ўз маъносини йўқотади ёки у жуда кичик бўлади. Термослар деб аталувчи идишларда айнан шу ҳодиса мавжуд бўлиб, уларнинг иссиқлик ўтказувчанлиги жуда кичик.

12.3- §. Диффузия ҳодисаси

Системада турли хил газлар аралашмасини ҳосил қиласиз. Фараз қилайлик, аралашмадаги молекулаларнинг концентрацияси ҳамма нуқталарда бир хил бўлсин ва аралашма мувозанатли ҳолатни эгалласин. Равшанки, бир турдаги ёки ҳар хил турдаги газларнинг зичликлари ҳар хил бўлса, бу системада диффузия ҳодисаси кузатилади. Системадаги молекулаларнинг концентрацияси ҳар хил бўлган газлар ўз-ўзига қўйиб берилса, яна мувозанатли ҳолатни эгаллайди. Демак, икки ва ундан ортиқ модда молекулаларининг ўзаро аралашиб ёки сингиб кетиш ҳодисасига диффузия дейилади. Газ молекулалари аралашиш жараёнида ўзаро узлуксиз тўқнашишлари диффузия ҳодисасида яқъол сезилади. Масалан, уй температурасида молекулаларнинг ўртача арифметик тезлиги 630 м/с бўлган аммиак гази хонага киритилса, хонанинг иккинчи томонида турган кузатувчи бу газнинг ҳидини анча вақтдан кейин сезади. Аммиак газининг молекулалари кузатувчининг ҳид билиш органларига етиб боргунча ўзаро жуда кўп марта тўқнашиб, мураккаб ва узундан-узоқ йўлни босадилар.


Концентрацияси координаталар функцияси бўлган газни молекулаларини яхши ўтказадиган хаёлий фильтр билан ажратамиз. Бу фильтрда асосининг ҳар икки томонидан узунликлари $\langle \lambda \rangle$ бўлган цилиндр ажратсак, бу цилиндр ичидаги ҳаракатланётган молекулалар тўқнашмасдан бир томондан иккинчи томонга ўтадилар. Лекин вақт бирлиги ичидаги, цилиндр (кесимининг) асосининг бирлик юзасидан иккинчи томондан ўтган молекулалар сони (12.4-расм) биринчи томондан ўтган молекулалар сонига нисбатан Δn ортиқча бўлади:

$$N = \frac{1}{6} \langle v \rangle [n - (n + \Delta n)] = -\frac{1}{6} \langle v \rangle \Delta n.$$

Концентрациянинг масофага боғлиқ ўзгариши аниқ бўлса, унинг градиенти

$$\text{grad}n = \frac{dn}{dx}.$$

У ҳолда олиб ўтилган ортиқча молекулаларнинг сони $\Delta n = 2 \langle \lambda \rangle \frac{dn}{dx}$ бўлади. Ифодадаги (—) ишора диф-



12.4- расм.

фузия молекулаларнинг бир бирлик ҳажмдаги зичлиги катта томондан молекулаларнинг бир бирлик ҳажмдаги зичлиги кичик томонга йўналганини кўрсатади. Бунда $\frac{dn}{dx}$ бирлик масофада молекулалар зичлигининг ўзгаришини кўрсатувчи катталик. Ушбу катталик концентрация градиенти дейилади. Градиент тушунчаси орқали бир томондан иккичи томонга олиб ўтилган ортиқча молекулалар сони

$$N = -\frac{1}{3} <\lambda> <v> \frac{dn}{dx}.$$

га teng эканлигини топамиз. Ифоданинг икки томонини молекула массаси m га кўпайтириб, дифузия туфайли вақт бирлигига олиб ўтилган масса миқдорини аниқлаймиз:

$$M = -\frac{1}{3} <\lambda> <v> \frac{d\rho}{dx}, \quad (12.10)$$

бунда $\frac{d\rho}{dx}$ зичлик градиенти. Ифода (12.10) га белгилаш киритайлик.

$$D = \frac{1}{3} <\lambda> <v> \quad (12.11.)$$

Микроскопик катталиклар орқали ифодаланган [бу қиймат диффузия коэффициенти дейилади. Ушбу белгилашга асосан (12.10) ни қуйидагича ёзиб, Фик қонунини ҳосил қиласиз:

$$M = -D \frac{d\rho}{dx}. \quad (12.12)$$

Демак, газнинг бирлик юзасидан вақт бирлиги ишда олиб ўтилган масса миқдори зичлик градиентига түфри пропорционал.

Молекуланинг ўртача эркин югуриш йўл узунлиги $\langle \lambda \rangle \sim \frac{1}{\rho} \sim \frac{1}{P}$ унинг ўртача тезлиги $\langle v \rangle \sim \sqrt{T}$ бўлганидан, дифузия коэффициенти босимга тескари, темпера-турадан чиқарилган квадрат илдизга тўғри пропорционалдир.

12.4. Газларнинг қовушоқлиги

Мувозанатли ҳолатда бўлган газда ички ишқаланиш ёки қовушоқлик деб аталувчи ҳодиса кузатилмайди. Чунки, газнинг ихтиёрий қисмида тартибсиз ҳаракатланаётган молекулалар маълум йўналиши қатламларни ҳосил қилишга тўсқинлик қиласди.

Газ ҳаракатга келтирилса, молекуляр система ҳар хил тезликлар билан ҳаракатланаётган қатламларга ажралади. Идиш деворига ёндашган молекулалар девор сиртидаги атом ва молекулалар тутиниш кучларининг таъсирида бўлиб, бу молекулалардан ташкил топган қатлам деярли ҳаракатланмайди. Идиш деворидан узоқлашган қатламларнинг тезлиги секин-аста ортиб боради ва идиш ўқи бўйлаб ҳаракатланаётган қатламнинг тезлиги максимал бўлади. Газ қатламлари бўйича тақсимланганда молекулаларнинг тартибсиз ҳаракати йўқолмайди. Улар бир қатламдан иккинчи-сига ўтиб, уларнинг йўналиши ҳаракатига тўсқинлик қиласдилар. Хусусан, тез оқаётган қатламнинг молекулалари секин оқаётган қатламга ўтиб, ундаги молекулаларни ўзи билан илаштириб тезликларини оширишга ҳаракат қиласа, секин оқаётган қатлам молекулалари тез оқаётган қатлам таркибидаги молекулаларга илашиб уларнинг тезликларини камайтиришга ҳаракат қиласдилар. Газ молекулаларини идиш деворларига ва қатламларга илашиб қолиши, одатда, қовушоқлик дейилади. Қовушоқлик туфайли молекулалар бир-бирлари билан импульс алмашинадилар. Натижада қатламлар бир-бирларининг ҳаракат тезликларини тормозловчи ва ички ишқаланиш кучи деб аталувчи куч билан таъсир қиласди. Молекулаларнинг тартибсиз ҳаракат тезлигининг ўртача қиймати $\langle v \rangle$ қатламларнинг йўналиши тезлигидан анча катта. Ўй температурасида ҳаво молекулаларининг ўртача тезлиги 500 м/с атро-

фида. Оқим тезлиги товуш тезлигидан анча кичик бўлганидан, оқим ва тартибсиз ҳаракат тезликларини u тезлик билан алмаштириш мумкин. Масалан, тезликлари u ва $u + \Delta u$ бўлган икки қатламни фикран молекуларни жуда яхши ўтказадиган юза билан ажратайлик (12.5-расм). Молекулалар тез оқаётган қатламдан секин оқаётган қатламга ўтганда ўзи билан ортиқча импульсни олиб ўтади. Ньютоннинг иккинчи қонунига асосан импульснинг вақт бир-

лиги ичida ўзгариши $\vec{f} = \frac{d\vec{P}}{dt}$ кучни беради. Бу таърифга асосан бирлик юздан вақт бирлиги ичida олиб ўтилган на-тижавий импульсдан ҳосил бўлган ички ишқаланиш кучи:

$$f = \frac{1}{6} n < v > [mu - m (u + \Delta u)] = - \frac{1}{6} n < v > m \Delta u.$$

Масофа бирлигида тезликнинг қанчага ўзгаришини кўрсатувчи катталик тезлик градиенти маълум бўлса, яъни $\text{grad } u = \frac{du}{dx}$, у ҳолда $2 < \lambda >$ масофа да тезлик ўзгариши

$$\Delta u = 2 < \lambda > \frac{du}{dx}$$


га тенг бўлиб, юқоридаги ифода қўйидагicha кўринишни ола-ди:

$$f = - \frac{1}{3} nm < v > < \lambda > \frac{du}{dx} = - \frac{1}{3} \rho < v > < \lambda > \frac{du}{dx}, \quad (12.13)$$

бунда $\rho = nm$ берилган газнинг зичлигини кўрсатади. (12.13) тенгламага

$$\eta = \frac{1}{3} \rho < v > < \lambda > \quad (12.14)$$

белгилаш киритсак, ички ишқаланиш кучи учун Нью-тоннинг иккинчи қонуни қўйидаги кўринишда ёзилади:



12.5- расм.

$$f = -\eta \frac{du}{dx}, \quad (12.15)$$

бунда η — ички ишқаланиш ёки қовушоқлик коэффициенти. Ифодадаги (—) ишораси тезлик градиенти тезликнинг камайиши томон йўналган эканлигини кўрсатади. У ҳолда Ньютоннинг иккинчи қонуни ички ишқаланиш ҳодисаси учун қўйидагича таърифланади: қатламнинг бир-бирлик юзига таъсир этаётган ички ишқаланиш кучи тезлик градиентига тўғри пропорционал.

Газнинг қовушоқлик коэффициенти босимга боғлиқ эмас. Температура кўтарилигданда қовушоқлик коэффициенти $\eta \sim \sqrt{T}$ равишда ортади, чунки (11.18) га асосан молекуланинг ўртача тезлиги $\langle v \rangle$ температурага боғлиқ.

ХІІІ б о б. ИШ ВА ИССИҚЛИК. ТЕРМОДИНАМИКАНИНГ БИРИНЧИ БОШ ҚОНУНИ

13.1-§. Идеал газнинг ички энергияси

Иссиқлик энергияси билан боғлиқ бўлган физик системадаги иссиқликнинг механик ҳаракатга, ишга айланиш жараёнини ўрганиладиган физиканинг бўлимига термодинамика дейилади. Термодинамик ҳодисаларнинг механизмини ўрганишдан олдин, мувозанатли системанинг ички энергияси қандай аниқланишини кўриб чиқайлик.

Ҳар бир модда ўзаро боғланган атом ва молекулалар системасидан тузилган. Унинг температураси абсолют нолдан юқори бўлса, модданинг таркибидаги зарралар иссиқлик ҳаракатида иштирок этади. Бинобарин, атом ва молекулаларнинг кинетик ва потенциал энергияларининг йиғиндиси модда ички энергиясини ҳосил қиласди. Бу энергия таркибига атомлар заминида ётган зарраларнинг энергияси ҳам киради. Лекин электронлар ва ядродаги зарраларнинг энергияси атом ва молекулаларнинг иссиқлик ҳаракатига таъсир қилимайди. Идеал газ таърифига биноан унинг молекулалари фақат кинетик энергияга эга. Чунки улар орасидаги ўзаро таъсирилашиб кучлари йўқ. Шу боисдан мувозанатли ҳолатдаги идеал газнинг ички энергияси эркин молекулалар кинетик энергияларининг йиғиндисига teng. V ҳажмдаги газ молекуларининг сони N

(10.1) ифода орқали аниқланади. У ҳолда (11.23) га биноан, бу газнинг ички энергияси:

$$U = E_k \cdot N = \frac{i}{2} kT \cdot \frac{M}{\mu} N_A = \frac{i}{2} \frac{M}{\mu} RT. \quad (13.1)$$

Бир моль газ учун ушбу ифода

$$U = \frac{i}{2} RT \quad (13.2)$$


шаклни олади.

Система температурасини ўзгартириш учун унинг ички энергиясини ўзгартириш лозим. Механика курсидан маълумки, энергия ўзгаришини миқдорий ўлчови иш эди. Модомики шундай экан, у ҳолда система ташқи кучга қарши ёки ташқи куч система устидан иш бажарган ҳолдагина системанинг ички энергияси ўзгартиши керак. Тажрибадан маълумки, газ ички энергиясини бошқача усул, масалан, ички энергияси юқорироқ бўлган системаларга тегизиб туриш билан ҳам ўзгартириш мумкин. Улар орасидаги энергетик боғланиш иссиқлик миқдори орқали аниқланади.

13.2-§. Иssiқлик миқдори. Иssiқлик сифими

Кундалик турмушимизда «иссиқ» ва «совуқ» тушунчалари билан боғлиқ бўлган ҳодисаларни кўплаб учратамиз. Ички энергиянинг сифат белгиларини англатувчи ушбу иборалар орқали, берилган модданинг температураси юқори ёки паст эканлиги тўғрисида маълумот оламиз. Зотан, температура ички энергиянинг макроскопик ўлчовидир. Система ўз температурасидан пастроқ ёки юқорироқ температуррага эга бўлган жисм билан контактга келтирилса, ҳар икки модданинг температуралари секин-аста ўзгаришини кузатиш мумкин. Масалан, ташқи муҳитдан адабатик ажратилган қобиқ билан температураси T_1 бўлган қизиган жисмни беркитсак (13.1-расм), қобиқ остидаги газнинг температураси кўтарилганини кўрамиз. Ушбу ҳодиса ҳар икки система бирор муҳит ёки бўшлиқ билан ажратилган ҳолда ҳам содир бўлади. Биринчи ҳолда жисмнинг совиши ёки исиши — иссиқлик ўтказувчанлик, иккинчи ҳолда эса нурланиш туфайли юзага келади.

Контакт ёки нурланиши орқали бир системадан иккинчи системага берилган ёки ундан олинган энергия иссиқлик миқдори дейилади.



13.1- расм.

13.1-расмда келгирилған жисм dU вақт ичидә газга dQ иссиқлик миқдори узатса, жисмнинг ички энергияси dU га камаяди, иссиқлик миқдорини қабул қылған газнинг ички энергияси dU' га ошади. Энергиянинг сақланиш қонунига асосан

$$dQ = dU. \quad (13.3)$$

Гарчи ички энергия ўзгаришининг бу усулида ҳеч қандай механик иш бажарылмаган бўлсада,

системадаги «совуқ» молекулалар тартибсиз ҳаракат давомида «иссиқроқ» молекулалар билан тўқнашиб ўзаро импульс ва энергия алмашади. Шундай қилиб, секин ҳаракатланаётган молекулалар тез ҳаракатланаётган молекулаларнинг ҳаракатига қаршилик кўрсатади. Натижада, иссиқ жисмдан олинган иссиқлик миқдори, газнинг бутун ҳажми бўйлаб бир текисда тақсимланади.

Ички энергия температурага пропорционал ва (13.2), (13.3) тенгламаларга асосан

$$dQ \sim dT.$$

Пропорционаликни тенглилкка айлантириш мақсадида коэффициент киритамиз:

$$dQ = CdT,$$

бундан

$$C = \frac{dQ}{dT}, \quad (13.4)$$

C — модданинг табнатига боғлиқ бўлган катталик бўлиб, у иссиқлик сифими дейилади.

Иссиқлик сифими т массали модданинг температурасини 1 К оширишида лозим бўлган энергия миқдори билан ўлчанадиган катталик. 1 моль газ учун олинган иссиқлик сифими моляр иссиқлик сифими дейилади ва қуийдагича аниқланади:


$$C = c \cdot \mu, \quad (13.5)$$

бунда c — солиштирма иссиқлик сифими бўлиб, у бир бирлик массанинг температурасини 1 К кўтариши учун зарур бўлган иссиқлик миқдорига тенг.

Системага контакт орқали иссиқлик узатаётган жисмнинг (13.1-расм) температураси T_1 дан T_2 га пасайса, (13.4) га асосан, унинг газга берган иссиқлик миқдори $Q = C \int_{T_1}^{T_2} dT = C (T_2 - T_1)$ га тенг бўлади. $T_2 < T_1$ бўлганидан $Q < 0$. Аксинча, бу иссиқликни қабул қилган газнинг температураси T'_1 дан T'_2 га кўтарилади ва $Q > 0$. Демак, контакт ёки нурланиш орқали йўқотилган иссиқлик миқдори манфий, қабул қилингани — мусбат бўлади. Бу хулоса энергиянинг сақланиш қонунининг натижасидир. Зероки, энергия йўқолмайди еа йўқдан бор бўлмайди, у факат бир турдан иккинчисига ёки бир системадан иккинчи системага ўтиб туради, холс.

13.3-§. Газ ҳажмининг ўзгаришида бажарилган иш

Механика қисмидан маълумки, энергия ўзгаришининг миқдорий ўлчови иш системада содир бўлган жараённинг табиати билан аниқланади. Газ ҳолатини аниқловчи учта термодинамик параметрлар (p, V, T) дан иккитаси, яъни p ва T ўзгарса, системада изожараёнлар юз беради. Бунда содир бўлган айrim изопроцессларда иш бажарилади. Хусусан, газ ҳажми ўзгарганда бажариладиган ишни ҳисоблайлик. Цилиндрик идишга тўлдирилган газ, ташки куч таъсирида ишқаланишсиз ҳаракатланадиган (вазни жуда кичик бўлган) поршень билан ажратилган бўлсин (13.2-расм). Газнинг босими p ташки атмосфера босимига тенг бўлса, поршень мувозанатли ҳолатни, газ эса V ҳажмни эгаллади. Поршень устига кичик-кичик юқаларни қўйсак, у ҳаракатлана бошлайди. Газ ҳолатини бу усулда жуда секинлик билан ўзгартириш квазимувозантили дейилади. Газнинг янги босими юкча ва атмосфера босимининг йиғиндисига тенг бўлганда, поршень ҳаракатланишдан тўхтайди. Юқалар оғирлик кучига мос бўлган кучни F дейлик. Бунда газнинг босими $\frac{F}{S}$ га ортади, ҳажми эса dV камаяди. Содир бўлган изотермик жараён учун Бойль — Мариотт қонунини қўйидаги кўринишда ёзамиш:



13.2-расм.

$$pV = \left(p + \frac{F}{S}\right) (V - dV).$$

Қавс ичидағи қатталиктарни күпайтириб, кейин ифәдани соддалаштырасқ,

$$pdV = \frac{F}{S} V - \frac{F}{S} dV$$

шаклдаги тенглама ҳосил бўлади. Ундағи $\frac{F}{S} V$ ифодани таҳлил қиласайлик. Бу ифәдада ҳажм ўзгариши иштирок этмаган. Демак, поршень ўз вазиятини ўзгартирган бу ҳолда бажарилган иш нолга тенг. У ҳолда юқоридаги тенглама қуидаги кўринишни олади:

$$pdV = -\frac{F}{S} dV,$$

бунда F юкчаларни поршенга кўрсатган таъсир кучи.
13.2- расмда келтирилган шаклдан

$$\frac{F}{S} dV = \frac{F}{S} S \cdot dh = F dh = dA$$

эканлигини эътиборга олсак, газ ҳажмининг ўзгаришида бажарилган элементар иш қуидагича бўлади:

$$dA = -pdV. \quad (13.6)$$


Ифодадаги минус ишора ташқи куч система устидан иш бажарганини кўрсатади. Гарчи температура бир хил турган бу жараёнда газнинг ички энергияси бирдай қолса ҳам, системанинг тўлиқ энергияси ўзгаради. Чунки ташки кучнинг манфий бажарган иши система потенциал энергиясини ҳосил қиласди. Зероки, юкча олинганида поршень яна бошланғич вазиятини эгаллайди, газ эса ташқи куч устидан мусбат

$$dA = pdV \quad (13.6a)$$

элементар иш бажаради. Поршень билан цилиндр орасидаги ишқаланиш кучи ноль бўлган тақдирда, ҳар икки ҳолда бажарилган иш миқдор жиҳатдан тенг бўлар эди. Юқорида келтирилган (13.6) тенгламадан газ ҳажмининг ўзгаришида бажарилган иш ташқи куч ҳосил қилган босимнинг табиатига боғлиқ. $p=f(V)$ функцияси маълум бўлса, тўлиқ иш (13.6) ифодани интеграллаш орқали топилади:

$$A = \int_{V_1}^{V_2} f(V) dV = \int_{V_1}^{V_2} pdV. \quad (13.7)$$


Күп ҳолларда бу интеграл график усулда ҳисобланади. Масалан, газнинг бошланғич ҳолатдан охирги ҳолатга ўтиши 13.3-расмда келтирилган синиқ чизиқлар билан ифодаланса, бажарилған иш шу чизиқ остидаги юзага тенг. Расмдаги кичик ҳажм ўзгаришларига мос бўлган ва штрихланган чизиқлар билан кўрсатилган юзаларга тенг бўлган элементар ишларни ўзаро таққосласак, уларнинг қийматлари ҳар хил бўлишини кузатиш мумкин. Демак, система ҳажмини ўзтиришида ташқи кучнинг бажарган иши система бошланғич ҳолатдан охирги ҳолатга қандай йўллар билан етиб келганига боғлиқ. Бинобарин, иш ҳолат функцияси бўла олмайди. У ҳолат ўтишининг, яъни жараён функциясидир. Бунинг маъноси шуки, системанинг ҳолати қандай жараён орқали ўзгаришига қараб, бажарилған иш ҳар хил қийматга тенг бўлади.



13.3- расм.

Газда ҳажм ўзгариши юқорида баён этилган ташқи меҳаник кучлар таъсирида содир бўлиш билан бир қатордә, системани иссиқдоқ жисмларга тегизиб туриш орқали ҳам ҳосил қилиш мумкин. 13.4-расмда тасвирланган поршенили цилиндрни температураси $T_1 > T$ бўлган жисм билан контактга келтирилса, газ кенгайиб, поршень юқорига қараб ҳаракатланганини кузатамиз. Газ иссиқ жисмдан dQ иссиқлик миқдорини олиб, ўз ички энергиясини dU га оширади ва ташқи куч устидан dA меҳаник иш бажаради. Энергиянинг сақланиш қонунига асосан бажарилған элементар иш энергия ўзгаришига тенг, яъни


13.4-§. Термодинамиканинг биринчи бош қонуни



13.4- расм.

$$dA = dQ - dU,$$

бундан



13.5- расм.

$$dQ = dU + dA. \quad (13.8)$$

Ушбу математик ифода термодинамика нинг биринчи бош қонунини белгилайди. Бу қонун табиатнинг асосий қонунларидан бўлиб, термодинамик жараёнларда энергиянинг сақланиш қонунини ифодалайди. Исимтесдан системага узатилган иссиқлик миқдори системанинг ички энергиясини оширишига ва ташки кўчларга қарици иш бажариишга сарф бўлади. Масалан, газнинг

кенгайиши 13.5-расмда келтирилгән эгри чизик билан ифодаланса, эгри чизик билан чегараланган тўлиқ иш (13.8) ни интеграллаш орқали топилади:

$$\int_1^2 dQ = U_2 - U_1 + \int_1^2 dA$$

еки

$$U_2 - U_1 = \int_1^2 dQ - \int_1^2 dA. \quad (13.9)$$

Демак, системанинг бошланғич ва охирги нуқталаridagi ички энергиясини аниқловчи U_1 ва U_2 системанинг ҳолатига боғлиқ бўлган функцияларидир. Ички энергиянинг ўзгариши, иссиқлик миқдори ва механик иш айрмаси орқали аниқланади. Иссиқлик миқдори ва иш жараёнининг ўтишига боғлиқ бўлганидан, уларни интеграл остида қолдирдик.

Умуман олганда, системанинг ички энергияси мурракаб таркибли. Уз таркибига молекула ва атомларнинг тўла механик энергиясини ва атомлар ичдаги зарраларнинг тўла энергиясини бириттиради. Аммо термодинамик жараёнларни текширишда бу энергияларни билишга зарурият йўқ. Чунки бу жараёнларда ички энергия ўзгариши иштирок этиб унинг қиймати (13.9) га асосан, макроскопик катталиклар — иссиқлик миқдори ва механик энергиялар орқали аниқланади.

13.5- §. Термодинамика нинг биринчи қонунини изожараёнларга татбиқ қилиш

Газ ҳолатини аниқловчи макроскопик параметрлардан бирини ўзгармас қолдириб, қолганларини секинлик билан ўзгартирсак, юқорида изоҳланган изожараёнлардан бири содир бўлади. Бу жараёнларнинг ҳар бири квазимувозанатли ва система ҳолатининг ўзгариши жараёнида бажарилган элементар иш (13.6) га асосан

$$dA = pdV \quad (13.10)$$

тenglama орқали аниқланади.

Изотермик жараён. Газ изотермик кенгайганда ёки сиқилганда унинг температураси ($T=\text{const}$) ўзгармай қолади. Газ ички энергиясида ўзгариш содир бўлмайди ва термодинамика нинг биринчи бош қонуни (13.8) изотермик жараён учун қўйидаги кўринишни олади:

$$dQ = dA.$$


Демак, изотермик жараёнда система олаётган ёки бераетган иссиқлик миқдорининг ҳаммаси механик иш бажаришга сарфланади. Тўлиқ ишни аниқлашда газ ҳолат tenglamasi (10.9) дан босимни

$$p = \frac{M}{\mu} \frac{RT}{V}$$

аниқлаб, элементар иш (13.10) ифодасига қўйиб, уни интеграллаймиз:

$$A = \frac{M}{\mu} RT \int_{V_1}^{V_2} \frac{dV}{V} = \frac{M}{\mu} RT \ln \frac{V_2}{V_1}, \quad (13.11)$$

бунда V_1 ва V_2 мос равишда газнинг бошланғич ва охирги ҳажмлари. Изотермик жараённинг pV текислигидаги термодинамик диграммаси гиперболик эгри чизиқдир. Бу чизиқнинг V_1 ва V_2 координаталари билан чегараланган юзи (13.6- расм) жараён давомида бажарилган ишни беради. Изотермик жараёнда бажарилган ишни босим ўзгариши орқали ҳам аниқлаш мумкин. Газ ҳолат tenglamasi (10.10) дан температура



13.6- расм.

($T = \text{const}$) ўзгармас бўлган ҳолда V ҳажм бўйича дифференциал оламиз. Ҳажм ўзгариши билан босим ўзгариши орасидаги боғланиш

$$pdV + Vdp = 0 \quad \text{ёки} \quad pdV = -Vdp$$

орқали ифодаланади. Бу ифодага ҳажмнинг босим орқали ифодасини қўйсак, тўлиқ иш

$$A = - \int_{p_1}^{p_2} \frac{M}{\mu} RT \frac{dp}{p} = \frac{M}{\mu} RT \int_{p_1}^{p_2} \frac{dp}{p} = \frac{M}{\mu} RT \ln \frac{p_1}{p_2} \quad (13.12)$$

га тенг бўлиб, бунда p_1 ва p_2 мос равишда газнинг бошланғич ва охирги босимларидир.

Ҳар икки усул билан аниқла нган иш ўзаро тенг, зотан уларнинг тенглигидан изотермик жараённинг тенгламаси ҳосил бўлади:

$$\frac{M}{\mu} RT \ln \frac{V_2}{V_1} = \frac{M}{\mu} RT \ln \frac{p_1}{p_2},$$

бундан

$$p_1 V_1 = p_2 V_2$$

эканлигини аниқлаймиз.

Изобарик жараён. Мазкур жараён ўзгармас босим ($p = \text{const}$) да кузатилади. Ўзгармас босимда газга берилган иссиқлик миқдори ҳисобига унинг ҳарорати T_1 дан T_2 гача кўтаришса ҳажми V_1 дан V_2 га кенгаяди. Бинобарин, бу икки ўзгарувчи бўйича газ ҳолат тенгламаси (10.9) дан дифференциал оламиз:

$$pdV = \frac{M}{\mu} R dT.$$

У ҳолда тўлиқ иш

$$A = p \int_{V_1}^{V_2} dV = \frac{M}{\mu} R \int_{T_1}^{T_2} dT$$

ёки

$$A = p (V_2 - V_1) = \frac{M}{\mu} R (T_2 - T_1) \quad (13.13)$$

шаклдаги тенгламадан аниқланади. Демак, изобарик жараёнда ҳам бажарилган ишни ҳар икки параметрнинг ўзгариши орқали аниқлаш мумкин. Хусусий ҳолда $\frac{M}{\mu} = 1$, $T_2 - T_1 =$

= 1К бўлса, бажарилган иш газ универсал доимийсига тенг бўлади, яъни $A=R$. Демак, бир моль газни ўзгармас босимда температурасини 1 К га оширилганда бажарилган иш миқдорига сон жиҳатдан тенг бўлган катталик, газнинг универсал доимийси дейилади. Изобарик жараённинг pV текислигидаги термодинамик диаграммаси 13.7-расмда келтирилган. Тўлиқ иш сон жиҳатдан босим ва ҳажм координаталари билан чегараланган тўғри тўртбурчак юзига тенг.

Изобарик жараёнда газга берилган иссиқлик миқдори система ички энергиясини оширишга ва механик иш бажаришга сарфланади, яъни

$$dQ = dU + pdV. \quad (13.14)$$

Бу ифодани интеграллаш орқали ички энергия ўзгаришини ва бажарилган тўлиқ ишни ҳисоблаймиз:

$$Q = U_2 - U_1 + p(V_2 - V_1) = (U_2 + pV_2) - (U_1 + pV_1).$$

Ушбу ифоданинг маъноси шуки, агар газни иситиш ёки совитиш ўзгармас босимда амалга оширилса, унга берилган ёки ундан олинган иссиқлик миқдори


$$I = U + pV \quad (13.15)$$

шаклдаги катталиклар айрмаси орқали ҳам топилиши мумкин. Системанинг ҳолатига боғлиқ бўлган бу функция системанинг иссиқлик сақлами ёки энталпия деб аталади. Бир моль газнинг ички энергияси (13.2) ва газнинг ҳолат тенгламаси (10.10) га асосан бу функция яна қуйидагича аниқланади:


$$I = \frac{i}{2}RT + RT = \left(\frac{i}{2}R + R \right)T. \quad (13.16)$$

Температура энергия миқдорининг макроскопик ўлчови эканлигини эътиборга олсак, энталпия 1 моль газдаги энергия жамғармасини кўрсатади. Шунинг учун бу функция техникада энергия сақлами ёки жамғармаси деб ҳам юритилади.

Изохорик жараён. Ўзгармас ҳажмда ($V=\text{const}$) системага иссиқлик миқдори берилса, унинг босими билан температу-



13.7-расм.



13.8- расм.

раси кўтарилади. Аксинча, система иссиқлик миқдори йўқотса, унинг температураси ва босими камаяди. Изохорик жараён учун хос бўлган бўлгаришнинг pV текислигидаги термодинамик диаграммаси босим ўқига параллел бўлган тўғри чизиқ орқали ифодаланади (13.8- расм). Графикда ҳеч қандай ҳажм ўзгариш содир бўлмаганидан бажарилган иш ҳам нолга тенг ($A = 0$). Термодинамика биринчи бош қонунинг ифодаси (13.14) мазкур жараёнда $dQ = dU$ кўринишни олади. Демак, изохорик жараёнда идеал газга берилган ёки ундан олинган иссиқлик миқдори системанинг ички энергиясини оширишга ёки камайтиришга олиб келади.

Адабиёттик жараён. Юқорида текширилган изожа-раёнларнинг ҳар бири олинган ёки берилган иссиқлик миқдори ҳисобига ўз ҳолатини ўзгартиради. Лекин система ташқи муҳит билан иссиқлик алмашмай ўз параметрларини ўзгартирса, у ҳолда адабиёттик жараён содир бўлади. Адабиёттик жараёнда газ ташқаридан ҳеч қандай иссиқлик миқдори олмайди ва уни ташқарига бермайди. Бинобарин, бу жараён учун $dQ=0$ га тенг ва термодинамиканинг биринчи бош қонуни (13.14) ёхуд (13.8) қўйидагича ёзилади:

$$-pdV = dU \text{ ёки } dA = -dU. \quad (13.17)$$

Адабиёттик жараёнда газ ҳажмий ўзгариши билан боғлиқ бўлган иш система энергиясининг ёки температуранинг ўзгариши билан аниқланади. Хусусан, газ адабиёттик кенгайгандан ($dV > 0$) система ўз ички энергияси ҳисобига ташқи кучга қарши иш бажаради ва газнинг температураси пасаяди. Аксинча, газ адабиёттик сиқилгандан ($dV < 0$) ташқи кучнинг бажарган иши фақат газнинг ички энергиясини оширишга сарфланади ва унинг температураси кўтарилади. Ушбу жараёнда бажарилган ишни аниқлаш мақсадида босим билан ҳажм орасидаги боғланишни аниқлайлик. Адабиёттик жараёнда газнинг учала параметрлари ўзгаратади. Бир моль идеал газнинг ҳолат тенгламаси (10.10) дан ўзгарув-

чан параметрлар бүйича дифференциал оламиз:

$$pdV + Vdp = RdT.$$

Тенгламадаги pdV ни $dU = \frac{i}{2} RdT$ билан алмаштириб, (13.17) даги ишорани эътиборга олсак, қўйидаги ифодани ҳосил қиласиз:

$$Vdp = R \left(\frac{i}{2} + 1 \right) dT.$$

Ҳосил бўлган тенгликнинг икки томонини iT га бўламиз. Газ ҳолат тенгламаси (10.10) га асосан $\frac{V}{T} = \frac{R}{p}$ билан алмаштирамиз ва R га қисқартирамиз, у ҳолда

$$\frac{2}{i} \cdot \frac{dp}{p} = \frac{i+2}{i} \frac{dT}{T} \quad (13.18)$$

шаклдаги тенглама ҳосил бўлади. $\frac{i+2}{i} = \gamma$ белгилашни киритамиз бу катталик адиабатик кўрсаткич дейилади. Унинг қийматидан $\frac{2}{i} = \gamma - 1$ эканлигини аниқлаб ўз ўрнига қўямиз ва (13.18) тенгламадаги ҳадларни интеграллаймиз:

$$(\gamma - 1) \int \frac{dp}{p} = \gamma \int \frac{dT}{T}.$$

Ҳосил бўлган натижа қўйидаги кўринишни олади:


$$\frac{p^{\gamma-1}}{T^\gamma} = \text{const.} \quad (13.19)$$

Адиабатик жараёндаги босим билан температура орасидаги боғланишдан температура билан ҳажм ва босим билан ҳажм орасидаги боғланишларни топиш мумкин. Хусусан, газнинг ҳолат тенгламасидан $p = \frac{RT}{V}$ қийматни (3.19) тенгламага тоқўйсак, ҳажм билан температура орасидаги боғланишини опамиз:

$$TV^{\gamma-1} = \text{const.} \quad (13.20)$$

Газ ҳолат тенгламасидан $T = \frac{pV}{R}$ қийматни (13.20) га қўйсак, босим билан ҳажм орасидаги боғланиш ҳосил бўлади:

$$pV^\gamma = \text{const.} \quad (13.21)$$



13.9- расм.

Келтирилган тенгламалар орқали адиабатик жараённинг ўзгаришларига мос бўлган термодинамик параметрлар (p , V , T) ни ҳисоблаймиз. Бу тенгламалар адиабатик жараённинг тенгламалари ёхуд *Пуассон тенгламалари* деб юритилади. (13.21) тенгламани Бойль — Мариотт қонуни ($pV = \text{const}$) билан солиштирсак, pV текислигига адиабатик жараённинг адиабата чизиги, изотермик жараённинг изотермасига нисбатан тикроқ эканлигини кўриш мумкин (13.9- расм). Чунки,


эркинлик даражасига боғлиқ бўлган адиабата даражаси $\gamma > 1$.

Адиабатик жараёнда бажарилган иш, (13.17) га асосан, системанинг бошланғич ва охириги ички энергияларининг

$$A = - \int_{U_1}^{U_2} dU = U_1 - U_2 \quad (13.22)$$

айирмасига тенг. Ифода (12.2) га асосан бажарилган бу ишни яна қўйидагича ўзгартириб ёзишимиз мумкин:

$$A = U_1 - U_2 = \frac{i}{2} R (T_1 - T_2). \quad (13.23)$$



13.10- расм.

Демак, адиабатик жараёнда бажарилган иш системанинг бошланғич ва охирги ҳолатлари орқали топилади ва жараённинг ўтиш йўлига боғлиқ эмас. Адиабатик жараёнда бажарилган иш адиабата чизиги билан чегараланган юзга teng. Айнан бир хил газлар учун келтирилган 13.10 -расмда адиабатик системанинг бажарган иши $M N V_2 V_1 M$ эгри чизиқ билан чегараланган, изотермик жараённинг бажарган иши $M L V_2 V_1 M$ эгри чизиқ билан чегараланган юзларга teng. Графикдан равшанки, газ адиабатик кенгайгандаги ишга нисбатан кичик. Чунки, адиабатик система ташқи муҳитдан иссиқлик олмай кенгаяди. Аксинча, изотермик система ўз температурасини ўзгармас сақлаши учун йўқотилган ички энергиясини ташқи жисмлардан олинган иссиқлик миқдори ҳисобига тўлдириб туради. Газ изотермик сиқилгандаги, изотермик система адиабатик системага нисбатан ортиқча механик ишдан ҳосил бўлган энергиини муҳитга узатади. Шунинг учун изотермик система билан муҳит орасида яхши иссиқлик ўтказувчаник шароити мавжуд бўлиши керак. Аксинча, адиабатик система ташқи муҳит билан бутунлай иссиқлик алмашмайдиган даражада изоляцияланган бўлиши лозим.

Политропик жараён. Идеал газ билан боғлиқ бўлган тўртта ҳолат ўзгаришларга оид бўлган термодинамик диаграммаларни pV текислигига тасвирлаш мумкинлигини кузатдик ($13\text{-}6$, 7 , 8 , 9 -расмлар). Лекин табиий системада бир вақтда бир неча процесслар қатнашади. Уларнинг газ ҳолатини, унинг параметрлари орқали ифодаланган битта тенглама орқали ифодалаш мумкин:

$$pV^n = \text{const.} \quad (13.24)$$

Политропик жараён учун босим ва ҳажм орасидаги боғланишни ифодаловчи бу тенглама, $n = \gamma$ бўлганда адиабатик, $n = 1$ бўлганда изотермик, $n = 0$ бўлганда изобарик ва $n = \pm \infty$ бўлганда изохорик жараёнларнинг тенгламаларига ўтади. Демак, политропик кўрсаткич — ∞ дан $+\infty$ ораглигига ўзгарадиган жараёнларни политропик дейиш мумкин. Реал шароитда шу келтирилган жараёнларнинг ҳар бирини идеал ҳолатда амалга ошириш мумкин эмас. Табиатда содир бўладиган ҳолат ўзгаришлари шу жараёнларнинг оз ёки кўп

миқордаги йиғиндиқтан иборат. Хусусан, реал изотермик ва адиабатик жараёнлар учун

$$1 < n < \gamma$$

оралиғида ўзгаради. Адиабатик ва изотермик жараёнлар оралиғида күзатыладын процесслар ҳам политропик бўлар экан.

13.6- §. Идеал газ иссиқлик сифимининг жараён турига боғлиқлиги

Маълумки, бир моль газнинг температурасини 1 К оширишга керак бўлган иссиқлик миқдори билан ўлчандыган катталик газнинг моляр иссиқлик сифими дейилади. Юқорида келтирилган (13.4) тенгламага асосан, моляр иссиқлик сифимини қуидагича ифодалаш мумкин:

$$C = \frac{dQ}{dT}. \quad (13.25)$$

Газнинг моляр иссиқлик сифими системанинг ҳолати қандай шароитда ўзгаришига боғлиқ. Масалан, изотермик жараён учун $dT = 0$ тенг бўлиб, (13.25) тенгламадан моляр иссиқлик сифим $C = \infty$ эканligини аниқлаймиз. Бунинг маъноси шуки, ушбу жараёнда система атроф муҳит билан идеал иссиқлик алмашинадиган шароитда бўлиши лозим.

Изохорик жараёнда газнинг ҳажми ўзгармас ($V = \text{const}$) бўлганидан системага берилган иссиқлик миқдори газнинг ички энергиясини оширишга сарф бўлади, яъни $dQ = dU$. Бинобарин, ўзгармас ҳажмда газнинг моляр иссиқлик сифими

$$C_V = \frac{dQ}{dT} = \frac{dU}{dT} = \frac{d}{dT} \left(\frac{i}{2} RT \right) = \frac{i}{2} R \quad (13.26)$$

Изобарик жараёнда газ ўзгармас босимда ($p = \text{const}$) иситилади. Берилган иссиқлик миқдори газнинг ички энергиясини оширишга ва ташқи куч устидан иш бажарышга сарфланади. Юқорида кўрганимиздек, бу жараёнда термодинамиканинг биринчи қонуни $dQ = dU + pdV$ га тенг бўлиб, (13.25), (13.26) ларга асосан ўзгармас босимда газнинг моляр иссиқлик сифими

$$C_p = \left(\frac{dQ}{dT} \right)_p = \frac{dU}{dT} + p \frac{dV}{dT} = \frac{i}{2} R + p \frac{dV}{dT} = C_V + p \frac{dV}{dT}.$$

Газнинг ҳолат тенгламаси (10.9) дан $p \frac{dV}{dT} = R$ эканлигини эътиборга олсак, C_p нинг ифодаси

$$C_p = C_V + R \quad (13.27)$$

кўринишга ўтади.

Ўзгармас босимдаги моляр иссиқлик сифим C_p ўзгармас ҳажмдаги моляр иссиқлик сифим C_V дан катта. Уларнинг айрмаси

$$C_p - C_V = R$$

газ универсал доимииси R га, яъни бир моль газнинг температурасини 1 К ошириш учун керак бўлган иш миқдорига тенг. Бу тенглама C_p билан C_V орасидаги боғланишни ифодалаб, Роберт — Майер тенгламаси дейилади. Бу икки иссиқлик сифимларининг ўзаро нисбати $\gamma = \frac{C_p}{C_V} = \frac{C_V + R}{C_V} = \frac{i+2}{i}$

адиабатик кўрсаткичини беради. Шуни қайд қилиш керакки, (13.26) ва (13.27) ифодалар билан аниқланган C_V в C_p газнинг турига боғлиқ эмас. Бу икки катталик фақат молекулаларнинг эркинлик даражалари орқали аниқланади. Эркинлик даражаси бир хил бўлган тури табиатдаги газларнинг моляр иссиқлик сифимлари бирдай.

Ташқи муҳит билан иссиқлик алмашмай ўз ҳолатини ўзgartирувчи адиабатик жараённинг иссиқлик сифими $C=0$, чунки системага берилган иссиқлик миқдори $dQ=0$.

13.7- §. Иssiқлик сифимининг классик назарияси.

Айланма ва тебранма ҳаракат энергияларининг квантланганлиги ҳақида тушунча

Ўзаро таъсир кучи нолга тенг бўлган идеал газ молекуласининг тўла механик энергияси, илгариланма ва айланма ҳаракатлар кинетик энергиясининг йиғинди сига тенг:

$$E_k = \frac{1}{2} mv^2 + \frac{1}{2} I\omega^2,$$

бунда I — молекуланинг айланиш ўқига нисбатан инерция моменти, ω — бурчак тезлилк.

Эркин молекула унинг фазодаги ўрнини аниқловчи координата ўқларининг ихтиёрий бирига нисбатан ил-

гарилама ва айланма ҳаракат қилиши мумкин. Координата ўқларига нисбатан молекуланинг тезлиги ва инерция моменти ҳар хил. Бинобарин, юқоридаги ифоданинг координата ўқларига бўлган проекциялари

$$E_k = \frac{1}{2} m (v_x^2 + v_y^2 + v_z^2) + \frac{1}{2} I_x \omega_x^2 + \frac{1}{2} I_y \omega_y^2 + \frac{1}{2} I_z \omega_z^2$$

га тенг бўлади. Бир атомли молекуланинг иктиёрий ўққа нисбатан инерция моменти нолга тенг ва унинг фазодаги ўрнини аниқловчи эркинлик даражалари $i=3$ тенг. Икки атомли молекулада, атомларнинг ядроларини бирлаштирувчи ўққа нисбатан молекуланинг инерция моменти нолга ва бу молекулани эркинлик даражалари $i=5$ тенг. Кўп атомли молекуланинг x, y, z ўқларига нисбатан инерция моментлари нолдан фарқли бўлганидан унинг фазодаги ўрни $i=6$ та эркинлик даражалари билан аниқланади.

Классик назарияга асосан молекуланинг тўла механик энергияси эркинлик даражалари бўйича бир текисда тақсимланади ва битта эркинлик даражасига тўғри келган энергия $\frac{1}{2} kT$ га тенг. У ҳолда идеал газнинг ўзгармас ҳажмдаги моляр иссиқлик сифими қўйидаги жадвалда келтирилган қийматларни олади. Жадвалда келтирилган C_V нинг қийматлари

Газ	i	C_V	$C_{V'} \frac{\text{Ж}}{\text{моль} \cdot \text{К}}$
Бир атомли	3	$\frac{3}{2} \cdot R$	12,47
Икки атомли	5	$\frac{5}{2} \cdot R$	20,78
Кўп атомли	6	$3 \cdot R$	24,94

уй температурасидаги газлар учун тажриба йўли билан олинган C_V нинг қийматлари билан яхши мос келади.

Паст ва юқори температуранарда амалий қийматларнинг назарий қийматлардан фарқи етарли даражада катта. Хусусан, температура кўтарилса, C_V ошади, температура пасайса, C_V камаяди. Бир сўз билан айтганда, C_V температуранинг функцияси. Масалан, карбонат ангидрид (CO_2) гази-

нинг температураси 273 К дан 2173К гача ўзгарганда C_V нинг қиймати мос равища 27,96 $\text{Ж}/\text{моль}\cdot\text{К}$ дан 46,47 $\text{Ж}/\text{моль}\cdot\text{К}$ ошганилиги аниқланган. Шунга ўхшаш ўзгаришларни икки ва кўп атомли бошқа газларда ҳам учра-тиш мумкин. Лекин температура билан C_V орасидаги бу боғланиш классик


назария асосида ҳисобланган $C_V = \frac{i}{2} R$ ифодадан келиб чиқ-майди. Бинобарин, кузатилган номутаносибликларни клас-сик назария тушунтиришга ожиздир. Классик назариянинг заифлиги шундаки, молекула ва атомларнинг айланма ва тебранма ҳаракат энергиялари температура ўзгаришига мос бўлган kT энергиянинг узлуксиз қийматларини қабул қи-лади, деб кўрилади.

Квант механикасида эса молекула ва атом системалари-нинг энергиялари чекли квантланган энергияларга эга.

Юқори температураларда молекула таркибидаги атомлар уйғониб, тебранма ҳаракат энергияларига мос бўлган E_0 , E_1 , $E_2 \dots$ энергетик ҳолатларга ўтади. Атом турғун ҳолат E_0 дан уйғотилган E_1 ҳолатга ўтганда (13.11- расм) энер-гия ютади, аксинча, уйғониш ҳолатидан турғун ҳолатга ўт-ганда энергия чиқаради. Ютилган ёки чиқарилган квант энергияси $\epsilon = h\nu$ тенг бўлиб, бунда h квант механикаси-нинг асосий коэффициентларидан бири бўлиб, Планк доимий-си дейилади. Унинг сон қиймати $h = 6,62 \cdot 10^{-34} \text{ Ж}\cdot\text{с}$. Шу ўринда алоҳида эътироф этиш керакки энергияси квантлан-ган деганда, ҳар икки қўшни энергетик сатҳлар орасидаги энергия фарқи $h\nu$, частотанинг бутун қийматларига фарқ қи-лади.

Газнинг температураси етарли даражада ошганда кўпчи-лик молекулаларнинг ўзаро тўқнашишдан олган энергияси атомларни тебранма ҳаракатга келтириш учун етарли бўли-ши мумкин. Хусусан, тебранма ҳаракатнинг битта эркинлик даражасига тўғри келган энергия kT , биринчи уйғониш сат-ҳининг энергиясига тенг бўлса ($kT = h\nu$), молекулалар $h\nu$ энергияни ютиб тебрана бошлайдилар. Бундан тебранма ҳаракат таъсири бошланган температуранинг чегаравий қий-матини аниқлаш мумкин:

$$T = \frac{h\nu}{k}.$$




13.11- расм.

Қуйидаги жадвалда юқоридаги формула асосида ҳисобланған икки атомлы газлар учун температуранинг чегаравий қыйматлар көлтирилген.

Газ	Чегаравий температура, К
H ₂	6100
N ₂	3300
O ₂	2230

Жадвалдан равшанки, молекулалардаги атомларни тебраниши уй температураси ($T = 300 \text{ K}$) га нисбатан жуда юқори температурадарда күзатилади. Чегаравий температурага тенг ёки ундан юқори бўлган температурадарда газ молекулаларининг кўпчилиги илгариланма, айланма ҳараладан ташқари тебранма ҳаракат ҳам қиласди. Бинобарин, газнинг ўзгармас ҳажмдаги моляр иссиқлик сифими C_V ошади. Лекин молекулаларнинг тезликлар бўйича Максвеллинг тақсимот қонунига асосан, газда тезлиги катта (иссиқ) молекулалар билан бир қаторда тезлиги кичик! (совуқ) молекулалар ҳам мавжуд. Температура кўтарилилганда иссиқ молекулалар кўпайиб, уларнинг таркибидағи атомлар тебрана бошлайди ва уларнинг иссиқлик сифимига қўшган ҳиссаси орта боради.

Бундан хулоса шуки, температура кўтарилилганда C_V нинг қыймати унга мос равишда оша бошлайди. 13.12-расмда водород учун C_V нинг температурага боғлиқ графиги



13.12- расм.

келтирилган. Юқори температурадарда C_V нинг қиймати $\frac{7}{2} R$ га интилади, лекин унга тенг бўла олмайди. Чунки жуда юқори температурадарда молекулалар атомларга диссоциацияланади, бирор молекула оларни сифатида келтирилган бўлиб, температуранинг айрим қийматлари масштабсиз олинган ва диссоциация содир бўладиган [температурадарда эгри чизиқ пункттир билан кўрсатилган].

Газнинг температураси пасая бошласа, молекулаларнинг ўзаро тўқнашишидан олган энергиялари $kT < \hbar v$ кичик бўлиб, бу энергия молекуладаги атомларни уйғотиш учун етарли эмас. Демак, газнинг температураси чегаравий қийматдан анча кичик бўлса, газдаги молекулаларнинг асосий қисми илгарилама ва айланма ҳаракат қиласиди ва икки атомли газнинг моляр иссиқлик сифими $C_V \approx \frac{5}{2} R$ атрофида ўзгаради (13.12-расм).

Аксинча, температура пасайганда «иссиқ» молекулаларги на ўз айланма ҳаракатларини давом эттиради. Аммо «совук» молекулаларнинг айланма ҳаракатлари йўқола бошлайди. Бинобарин, уларнинг иссиқлик сифимига қўшган ҳиссалари камайиб, температура пасайганда C_V нинг камайиши кузатилади (13. 12-расм). Равшанки, $T = 0$ да молекулаларнинг илгарилама ва айланма ҳаракатлари бутунлай йўқолишини эътиборга олсан, C_V ҳам нолга tengлашади.

XIV б о б. ТЕРМОДИНАМИКАНИНГ ИККИНЧИ БОШ ҚОНУНИ

14.1- §. Мувозанатли система

Термодинамиканинг биринчи бош қонунидан шунарса аёнки, системага иссиқлик миқдори берилса, у газнинг ички энергиясини оширишга ва иш бажаришга сарф бўлади. Лекин газ қандай шароитда қиздирилишига қараб бажарилган иш ноль ёки ундан фарқли бўлиши мумкин. Иссиқлик системага ўзгармас ҳажмда узатилса, бу энергия фақат атроф-мухитни иситишга сарф бўлиб, биз ўта исрофгарчиликка йўл қўйган бўламиз. Аксинча, ўзгармас босимда газни кенгайтирсак, энергиянинг бир қисмигина атроф-мухитга тарқалади. Ҳар икки жараён ҳам энергияни иқтисод қилиш нуқтан назардан мақсадга мувофиқ эмас. У ҳолда табиий са-

вол туғилади: иссиқлик энергиясини механик энергияга айлантиришда система устидан қандай жараёнлар амалга оширилганды атроф-муҳитга узатилган энергия минимал бўлади? Ёки иссиқлик энергиясини атроф-муҳитга узатмасдан туриб, механик энергия ҳосил қилиш мумкин эмасмикин, деган муаммо пайдо бўлади. Термодинамиканинг иккинчи бош қонуни ушбу муаммони ҳал этиш йўлларини кўрсатади. Лекин бу масалани ҳал қилишдан олдин унга замин яратайлик. Газлардаги кўчиш ҳодисасига бағишлиланган бобда келтирилган мулҳазалардан шу нарса аниқланадики, статик системада иссиқлик ўтказувчанлик, диффузия, қовушоқлик жараёнлари содир бўлмайди. Газнинг ҳамма қисмларида молекулаларнинг концентрацияси, газнинг зичлиги, босими ва температуранинг ўртача қиймати бир хил. Лекин газлардаги мувозанатли система механикадаги тинчлик ҳолатидан фарқли бўлиб, зарраларнинг тартибсиз ҳаракати йўқолмайди. Уларнинг бу ҳаракати туфайли системанинг у ёки бу қисмидаги макроскопик параметрлар, уларнинг ўртача қийматларидан бир оз фарқ қилиши мумкин. Статистик система параметрларининг бу тарзда ўзгариши *флуктуация* дейилади. Аммо параметрларнинг флуктуацияси статик системада содир бўлаётган жараённинг ўтишига таъсир қилмайди. Мувозанатли система ўз ҳолатидан чиқарилса у албатта, мувозанатли ҳолатга қайтади. Бу қайтиш *релаксация*, унга кетган вақт интервали *релаксация вақти* дейилади.

14.2- §. Қайтмас ва қайтар жараёнлар


Механик системанинг мувозанатсиз ҳолатини газли системанинг мувозанатсиз ҳолатлари билан солиштирсак, улар орасида жуда катта фарқ борлигини аниқлаш мумкин. Масалан, абсолют эластик сиртда (ёхуд пружина устида) мувозанатли ҳолатни эгаллаган шарчани ҳавосиз фазода H баландликка кўтариб, уни эркин ҳолатга қўйсак, у мувозанатли ҳолатига қайтиб яна H баландликка кўтарилади. Иккинчи мисол, шу фазода ипга осилган математик маятникни мувозанатли ҳолатидан чиқариб қўйиб юборсак, у мувозанатли ҳолатга айнан шу йўл билан қайтиб, яна шу йўл орқали мувозанатсиз ҳолатига ўтади. Келтирилган мисолларга асосан қайтар жараёнга қўйидагича таъриф бериш мум-

кин: бирор ҳолат ўзгаришлари орқали мувозанатсиз ҳолатга чиқарилган система ўз-ўзидан мувозанатли ҳолатга айнан шу ҳолатлар орқали қайтиб, яна ўзининг мувозанатсиз ҳолатига шу ҳолатлар орқали тескари кетма-кетликда ўтса (ва жараён давомида атроф-муҳитда ва системада ҳеч қандай ўзгариш рўй бермаса), системанинг бу ўтиши қайтар бўлади. Ишқаланиш ва қаршилик кучларидан холи бўлган ҳамма механик системалар идеал қайтар бўлади. Қайтар жараёнда системанинг механик энергияси ўзгармас ва унинг катталиги орқали вақтнинг ихтиёрий қиймати учун ҳаракатланаётган жисмнинг тезлиги, тезланиши, кўчиши каби ҳаракат параметрларини баҳолаш мумкин. Реал шароитда механик системаларнинг механик энергияси жараён давомида секин-аста қаршилик ва ишқаланиш кучларини енгишда бажарилган иш орқали иссиқлик энергиясига ўтади. Бу энергия атроф-муҳитга ва жисмга тарқалади ва системага қайтиб келмайди. Демак, ишқаланиш ва қаршилик кучлари билан боғлиқ бўлган механик системалар қайтмас бўлади. Зотан, ҳаракат давомида йўқотилган энергияни ташки манба ёрдамида тўлдирилиб туриш керак.

Темпертуралари ҳар хил бўлган икки турли газ ўзаро контактда бўлса, система мувозанатли ҳолатидан чиқади. Иссиқлик ўтказувчанлик жараёни туфайли, релаксация вақтида у мувозанатли ҳолатига қайтади. Лекин система ўз-ўзидан яна мувозанатсиз ҳолатига кўмайди. Шундай қилиб, *мувозанатли ҳолатидан чиқарилган система ўз-ўзидан мувозанатли ҳолатига қайтиб, яна мувозанатсиз ҳолатига бормаса ёки қайтиб борганда атроф-муҳит ва жисмда ўзгаришлар юз берса, бундай жараён қайтмас бўлади*. Равшанки, иссиқлик ўтказувчанлик, диффузия, пластик деформация, ички ва ташки ишқаланиш ва шунга ўхшаш бошқа жараёнлар қайтмасдир.

14.3-§. Айланма жараён

Юқорида келтирилган таърифга асосан газ системасида қайтар жараён ҳосил қилиш мумкин эмас, деган хulosса келиб чиқмайди. Масалан, ташки муҳит билан иссиқлик алмашувида бўлган цилиндрдаги газ қўзгалувчан поршень билан ажратилган (14.1-расм) бўлсин. Поршень билан газ мувозанатли ҳолатни эгаллайди. Системани ўзгармас температурада жуда секинлик билан қиздирсак ва ҳар гал газнинг



Ҳамма қисмидаги босим қийматининг бир хиллигини таъминласак, газда квазистатик жараён содир бўлади. Кузатилаётган жараённинг ҳар бир дақиқасида, системанинг мувозанатлиги таъминланадиган ўтиш квазистатик жараён бўлади. Бунда босим ва элементар ҳажм ўзгариши орқали юз берган жараёнда бажарилган элементар ишни қуидаги формула орқали аниқлаш мумкин:

$$dA = p dV.$$

Элементар ишларнинг йиғиндиси

14.1- расм.

$$A = \int_1^2 p dV.$$


14.2- расмда келтирилган $1B2V_2V_11$ эгри чизиқ билан чегараланган юзага тенг. Газ кенгайганда ташқи эластик кучга қарши мусбат иш бажариб, механик системанинг потенциал энергиясини ҳосил қиласди. Иссиқлик бериш тўхтатилса, пружина секин-аста мувозанатли ҳолатига қайтиб газ устида манфий иш бажаради. Пружинанинг бикрлик коэффициенти маълум бўлса, поршеннинг силжиши орқали, (8.11) ифодага асосан, квазистатик жараёнда бажарилган ишни аниқлаш мумкин. Мувозанатли ҳолатта қайтишда эластиклик кучининг бажарган тўлиқ иши $2V_2V_11C2$ эгри чизиқ остидаги юза орқали аниқланади. Икки ишни таққослаш орқали иш жараён эканлигига яна бир бор ишонч ҳосил қилиш мумкин. Жараённинг қандай ўтишига қараб бажарилган иш ҳар хил бўлади.

Мувозанатли ҳолатдан чиқарилган система ўзининг аввалги мувозанатли ҳолатига қайтиб бориши *айланма жараён*

ёки *цикл* дейилади. Айланма жараёнда бажарилган иш $1B2C1$ эгри чизиқ билан чегараланган (14.2-расмда штрих билан кўрсатилган) юзга тенг. Бу жараён учун термодинамиканинг биринчи қонуни

$$\oint dQ = U_2 - U_1 + \int_1^2 pdV$$

кўринишни олади. Система аввалги ҳолатига қайтса $U_2 = U_1$



14.2- расм.


тeng бўлади ва юқоридаги ифода

$$\oint dQ = \oint dA \text{ ёки } Q = A \quad (14.1)$$

шаклини олади. Q — цикл давомида системага берилган иссиқлик миқдори, A — айланма жараёнда бажарилган иш. Қазистатик жараёнлардан ташкил топган айланма жараёнда максимал иш бажарилади. (14.1) дан қуйидаги муҳим холоса келиб чиқади: системага энергия бермасдан туриб, даврий ишлайдиган механизм қуриш мумкин эмас. Энергия олмасдан туриб ишлайдиган механизм биринчи тур перпетиум мобиле ёки абадий двигатель дейилади. Масалан, сувга ўрнатилган чархпалак фақат сув оқиб турғандагина ишлайди. Сувнинг оқиши тўхтаса, чархпалак ҳам айланма ҳаракатдан тўхтайди. Тенглама (14.1) дан яна бир холоса шуки, термодинамиканинг биринчи бош қонунига асосан иссиқлик энергиясини бевосита даврий ишлайдиган механизмнинг механик энергиясига айлантириш мумкин. Агар бу холоса тўғри бўлса, атмосфера, океан сувидан олинган иссиқлик ҳисобига машина ва дастгоҳларни абадий ишлатиш мумкин бўлар эди. Бу ғайри табиий холоса термодинамиканинг иккинчи бош қонуни орқали инкор этилади.

14.4- §. Иссиқлик двигателлари

Иссиқлик энергиясини механик энергияга айлантириб берадиган механизм ёки машина иссиқлик двигатели дейилади. Шу принципда ишлайдиган механизмлар асосан уч қисмдан ташкил топган (14.3-расм). Температураси T_1 бўлган иситкич, кенгайиш хусусиятига эга бўлган ишловчи жисм-газ ва температураси T_2 бўлган совиткич. Ички ёнув двигателларида махсус қурилмалар ёқилғи ва ҳаво аралашмасини тайёрлаб, ёниш камерасига узатади. Аралашма камерада портлашсимон тарзда ёниб, катта босим ҳосил қиласи ва кенгаяди. Ёниш маҳсулоти иситкич ва ишчи жисм



14.3- расм.

ролини ўйнайды. Ишчи жисм кенгайиш давомида цилиндрдаги поршленлардан бирини ҳаракатга көлтириб механик иш бажаради. Газнинг кенгайиши тұхтаганда, циклик жараённинг кейинги босқичида поршень мувозанатли ҳолатига қайтиб газни (аралашма) сиқади. Сиқылған газда ёқилғи ресурслари тугаган бўлганидан у ташқарига, атмосферага чиқарип юборилади. Камерага янги ишловчи жисмнинг порцияси киритилади ва цикл даврий такрорланади. Демак, реал двигателларда иситкич ролини ёқилғи, ишчи жисм ролини ёқилғи аралашган ҳаво порцияси, совиткич ролини атмосфера бажаради.

Юқорида тафсилоти берилган айланма циклда бажарилган A иш ёниш даврида ажралған иссиқлик энергияси Q дан кичик бўлади. Зотан, циклни давом этириш мақсадида температураси атмосфера температура сидан юқори бўлған ишчи жисмни ташқарига чиқарип юбордик. Бинобарин, иситкичнинг бир қисм энергияси қайтмас жараён бўлған иссиқлик ўтказувчанликка сарф бўлди. Демак, (14.1) шаклдаги термодинамиканинг биринчи қонуни иссиқлик двигателлари учун қўйидаги шаклда ёзилиши мумкин:

$$\int dQ \sim \phi dA.$$

Пропорционалликни тенгликка айлантиришда иссиқлик машиналарининг самарадорлигини белгиловчи пропорционаллик коэффициентини киритамиз:

$$-\int_{Q_1}^{Q_2} dQ = \eta \phi dA.$$

Тенгламадаги $(-)$ ишора механик иш иссиқлик энергиясининг камайиши ҳисобига бажарилишини кўрсатади, η — фойдали иш коэффициенти (қисқача ФИК). Юқоридаги тенгламадан унинг қиймати

$$\eta = \frac{Q_1 - Q_2}{A} \quad (14.2)$$

тeng бўлади. Термодинамиканинг биринчи бош қонунига асосан циклдаги бажарилган иш (14.1) ифода орқали аниқланишини эътиборга олсак, циклнинг ФИК:

$$\eta_{\text{қайтмас}} = \frac{Q_1 - Q_2}{Q_1} = 1 - \frac{Q_2}{Q_1} \quad (14.3)$$

Ифода (14.3) дан шу нарса аёники, двигателнинг самарадорлиги иситкичдан олинган Q_1 , совиткичга узатилган Q_2 иссиқ-

лик миқдорлари орқали аниқланади ва унинг ФИҚ $\eta_{\text{қавтмас}} < 1$ дан кичик.


Совиткичга узатилган иссиқлик энергияси $Q_2 = 0$ бўлса, циклнинг ФИҚ $\eta = 1$ га тенг бўлиб, (14.2) тенгламадан $Q_1 = A$ тенглик ҳосил бўлади. Термодинамиканинг биринчи бош қонуни (14.1) бундай имкониятни рад этмайди. 1824 йилда француз инженери Сади Карно бундай двигатель қуриш мумкин эмаслигини кўрсатиб берди.

14.5-§. Карно цикли

Қазистатик циклнинг мөхияти шундаки термодинамиканинг биринчи бош қонуни (14.1) га асосан бу циклда бажарилган иш, узатилган иссиқлик миқдорига тенг ва циклнинг самарадорлиги $\eta = 1$ га тенг бўлиши мумкин. Иссиқлик двигателининг ишлаш принципидан шу нарса аниқки, уларнинг фойдали иш коэффициенти $\eta < 1$ бўлади. Двигателда содир бўлган циклни қазистатик цикл билан алмаштиrsак, бу принципда ишлайдиган машинанинг ФИҚ максимал бўлиши лозим. Бинобарин, двигатель самарадорлигини максимал қиймати нимага тенг, деган муаммо пайдо бўлади. Карно таклиф этган цикл бу масалани ҳал этиш чегарасини кўрсатиб берди.

Карно циклида бажарилган иш максимал бўлишида, маълум бўлган тўрт жараёндан қайси бирларини киритиш керак, деган саволни оддий усул билан ҳал қилиш мумкин. Табиийки цикл таркибига изохорик ва изобарик жараёнларни киритиш мумкин эмас. Зотан, бу жараёнларда иссиқлик энергиясининг ҳаммаси ёки бир қисми ички энергияга айланади. Демак, изотермик ва адиабатик процесслар Карно циклини таркибий қисми бўлиши лозим. Дарвоқе, Карно цикли қазистатик икки изотермик ва икки адиабатик жараёнлардан тузилган. Бу жараёнлар қандай кетма-кетликада амалга оширилганда циклнинг фойдали иш коэффициенти максимал бўлишини кузатайлик.

Параметрлари p_1 , V_1 , T_1 бўлган бир моль идеал газ иситкич билан контактда бўлса, унинг температураси иситкич температураси T_1 га тенг бўлади. Ишчи жисм 14.4-расмда келтирилган I ҳолатни эгаллайди. Дастреб газни изотермик равишда ($T_1 = \text{const}$) кенгайтирайлик. Бу жараёнда газ иситкичдан Q_1 иссиқлик миқдори олади ва A_1 механик



14.4- расм

иш бажаради. У ҳолда (13.11) га асосан, бу ишнинг қиймати

$$Q_1 = A_1 = RT_1 \ln \frac{V_2}{V_1} \quad (14.5)$$

га тенг бўлиб, газ $1 \rightarrow 2$ ҳолатга кўчганда унинг термодинамик параметрлари p_2 , V_2 , T_1 бўлади.

Иситкич температурасида бўлган ишчи жисмни совиткич билан контактга келтирсак иссиқлик ўтказувчаник ҳодисаси туфайли, катта миқдорини асосан.

дордаги энергияни исроф қилган бўламиз. Шунинг учун 2 ҳолатдаги газнинг температураси совиткич температурасига тенглашгунча, уни адиабатик кенгайтирамиз. Газ $2 \rightarrow 3$ ҳолатга ўтиб, унинг параметрлари p_3 , V_3 , T_2 қийматларни олади. Адиабатик кенгайган ишчи жисмнинг бажарган иши, (13.23) га асосан.

$$A_2 = U_2 - U_3 = U_1 - U_3 \quad (14.6)$$

га тенг бўлади. Системани бошланғич ҳолатга қайтариш учун совиткич температурасидаги газни $3 \rightarrow 4$ ҳолатгача изотермик сиқамиз. Ишчи жисмнинг бу ўтиши 14.4-расмда изотерма чизиги билан тасвирланади. Температура ўзгармас бўлганидан ташқи кучнинг бажарган A_3 иши ҳисобига ишчи жисм совиткичга Q_2 иссиқлик миқдорини узатади. Бу ишнинг қиймати ёки совиткичга берилган иссиқлик энергияси

$$A_3 = -Q_2 = RT_2 \ln \frac{V_4}{V_3} \quad (14.7)$$

га тенг. Бинобарин, 4 ҳолатдаги газнинг параметрлари p_4 , V_4 , T_2 қийматларни олади. Равшанки, совиткич температурасида ишчи жисмни иситкич билан kontaktga келтирсак, яна энергия исрофгарчилигига йўл қўйган бўламиз. Демак, 4 ҳолатдаги газни бошланғич ҳолатга ўтказиш мақсадида p_4 , V_4 , T_2 параметрларга эга бўлган газни p_1 , V_1 , T_1 параметрларга тенглашгунча уни адиабатик сиқишимиз керак. Температурулар ўзгариши T_2 , T_1 оралиғида бўлганидан адиабатик жараённинг бажарган иши

$$A_4 = U_4 - U_1 = U_3 - U_1 \quad (14.8)$$

бўлади. (14.6) ва (14.8) тенгламалардан адибатик жараёнларда бажарилган ишларнинг йиғиндиси нолга теңг эканлигини эътиборга олсак, циклининг тўлиқ иши

$$A = A_1 + A_3 = Q_1 - Q_2 \quad (14.9)$$

бўлиб, Карно циклининг ФИК қўйидаги кўринишни олади:

$$\begin{aligned} \eta &= \frac{Q_1 - Q_2}{Q_1} = \frac{RT_1 \ln \frac{V_2}{V_1} + RT_2 \ln \frac{V_4}{V_3}}{RT_1 \ln \frac{V_2}{V_1}} = \\ &= \frac{T_1 \ln \frac{V_2}{V_1} - T_2 \ln \frac{V_3}{V_4}}{T_1 \ln \frac{V_2}{V_1}} . \end{aligned} \quad (14.10)$$

Иккинчи томондан $2 \rightarrow 3$ ўтишдаги адиабатик жараёнга (13.20) кўринишдаги Пуассон тенгламасини татбиқ этсак, 2 ва 3 ҳолатларнинг параметрлари орасидаги боғланиш

$$T_1 V_2^{\gamma-1} = T_2 V_3^{\gamma-1}$$

шаклида ёзилади. Шунингдек, $4 \rightarrow 1$ ўтишдаги параметрлар орасидаги боғланиш

$$T_1 V_1^{\gamma-1} = T_2 V_4^{\gamma-1}$$

кўринишга эга. Ҳар икки тенгламани ҳадма-ҳад бўлиб, қолган қийматдан $(\gamma-1)$ даражали илдиз чиқарсак,

$$\frac{V_2}{V_1} = \frac{V_3}{V_4}$$

муносабат ҳосил бўлади. Ундан фойдаланиб цикл са- марадорлиги (ФИК) (14.10) учун қўйидаги ифодани ҳосил қиласиз:

$$\eta = \frac{T_1 - T_2}{T_1} = 1 - \frac{T_2}{T_1} . \quad (14.11)$$

Охирги ифодадан қўйидаги хulosалар келиб чиқади:

1. Карно циклининг фойдали иш коэффициенти ишчи жисмнинг турига боғлиқ эмас. Бу Карнонинг иккинчи теоремаси деб юритилади.

2. Советкичсиз ишлайдиган механизм қуриш мүмкін әмас.


3. Циклнинг фойдали иш коэффициенти советкич билан иситкичнинг температураларига бөглиқ.

4. Карно циклининг ишлаш принципи квазистатик жараёнларга асосланған. Бу жараёнларга асосланмаган ва иситкич ва советкичнинг берилған температура қийматларида ишлайдиган двигателларнинг фойдали иш коэффициенти шу температура қийматларидаги Карно циклининг фойдали иш коэффициентидан кичик бўлади. Бу таъриф Карнонинг биринчи теоремасининг мазмунидир.


14.6- §. Тескари Карно цикли. Советкич двигатели

Идеал иссиқлик двигателининг ишлаш жараёни, циклдаги ҳолат ўзгаришлари соат стрелкасининг ҳаракат йўналиши бўйлаб бажариладиган қайтар Карно циклига асосланган. Бунда ишловчи жисм иситкичдан олган иссиқлик миқдори ҳисобига кенгайиб, ташқи куч устидан мусбат иш бажаради.

Карно циклидаги жараёнлар соат стрелкасининг ҳаракатига тескари йўналишда бажарилса (14.5- расм), тескари ёки манфий Карно циклини ҳосил қиласиз. Бунда ташқи куч газни сиқиб манфий иш бажаради. Масалан, системадаги газ компрессор ёрдами билан квазизотермик сиқилиб 1 ҳолатдан 2 ҳолатга ўтказилисин. pV текислигига ташқи кучнинг бажарган иши $1 \rightarrow 2$ изотерма чизиги остидаги юзага teng (14.6- расм).



14.5- расм.



14.6- расм.

Газ бошланғыч ҳолатга қайтишда квазизотермик кенгайиб $2 \rightarrow 1$ әгри чизиқ остидаги мусбат ишни бажарди. Равшанки, ташқи күчнинг бажарган иши газ кенгайишида бажарган ишга нисбатан каттароқ. Тескари айланма жарёнда бажарилған манфий иш 14.6 -расмда келтирилған штрихланған сиртнинг юзига тенг.

Квазизотермик айланма жараён учун (14.1) шаклдаги термодинамиканинг биринчи қонуни қўйидаги кўринишни олади:

$$\int_{Q_2}^{Q_1} dQ = - \oint dA \text{ ёки } Q_2 - Q_1 = A. \quad (14.12)$$

Тескари айланма жараёнга мес бўлган тескари Карно циклида (14.5-расм) совиткич температураси T_2 да бўлған ишловчи жисм адиабатик (AB) ва изотермик (BC) сиқилиб иситкич билан контактга келтирилади ва газнинг сиқилишида ҳосил бўлган ортиқча иссиқлик миқдори Q_1 иситкичга узатилади. Циклнинг иккинчи қисмида газ адиабатик (CD) ва изометрик (DA) кенгайиб, совиткичга Q_2 иссиқлик миқдорини беради, $A < 0$ бўлганидан (14.12) тенгламадан $Q_2 < Q_1$ кичик бўлади. Бинобарин, ишловчи жисм совиткичдан олиб иситкичга узатган иссиқлик миқдори Q_1 , ишловчи жисм совиткичга узатган Q_2 иссиқлик миқдоридан катта. Тескари Карно цикли билан ишлайдиган двигателъ совуқ жисмдан иссиқ жисмга иссиқлик узатиш мақсадида ишлатилади. Шу асосда ишлайдиган двигателлар совиткич машиналари дейилади. Бу машиналарда иситкич ролини уй температурасидаги ташқи муҳит, совиткич температураси сифатида совитиш агрегатига киритилган фреон газининг қайнаш температураси олинади. Тескари Карно циклида фойдали иш бажарилмагани учун двигателнинг ФИК деган тушунчаси ўз маъносини йўқотади. Унинг ўрнига совитиш коэффициенти деб атaluвчи параметр киритиллади. Бу катталик совитиш камерасидан бир циклда олинган Q иссиқлик миқдорини ташқи куч бажарган иш A га бўлған нисбати орқали аниқланади:

$$\theta = \frac{Q}{A} < 1. \quad (14.13)$$

■

14.7- §. Иositкич васовиткич машиналари учун термодинамиканинг иккинчи бош қонуни

Тўғри Карно циклининг фойдали иш коэффициенти (14.11) дан маълумки, фойдали иш коэффициенти $\eta=1$ га тенг бўлган машиналар қуриш мумкин эмас. Лекин совиткичнинг температураси T_2 температуранинг абсолют нолига тенг бўлса, бу системанинг ФИК $\eta=1$ га тенг бўлади, деган нотўғри фикр пайдо бўлиши мумкин. Ҳақиқатан, Карно цикли билан ишлайдиган машина совиткичининг температураси $T_2=0$ бўлса иситкичдан совиткичга узатилган Q_2 иссиқлик миқдори ҳисобига унинг температураси абсолют нолдан юқори бўлиб қолади. Аксинча, тескари Карно цикли билан ишлайдиган совиткич машинанинг температураси T_2 температуранинг абсолют нолига тенг бўлса, совиткичдан иситкичга узатилган иссиқлик миқдори $Q_1=0$ бўлиб, совиткичга узатилган иссиқлик миқдори $Q_2 < 0$, чунки $Q_2 < Q_1$ ва (14.12) тенглама қўйидаги кўринишни олади:

$$-A = -Q_2 \quad (14.14)$$

Юқоридаги тенглама бажарилса, ташқи кучнинг манфий бажарган иши система энергиясини камайтиришга олиб келади, зотан $Q_2 < 0$. Бу эса энергиянинг сақланиш қонунига зиддир. Бир системанинг энергияси камайганда, у билан боғлиқ бўлган иккинчи системанинг энергияси ошиши лозим. Шундай қилиб, иссиқлик машиналарида бевосита иссиқлик энергиясини механик энергияга айлантириб бўлмаганидек, совиткич машиналарида механик иш бажармасдан туриб совуқ жисмдан иссиқ жисмга иссиқлик ўтказниш мумкин эмас. Бу мулоҳазаларга асосан термодинамиканинг II бош қонуни иссиқлик машиналари учун қўйидагича таърифланади.

Иситкичдан олинган иссиқликнинг бир қисмини совиткичга узатмасдан туриб даврий ишлайдиган механизм қуриш мумкин эмас.

Совиткич машиналари учун бу қонун қўйидаги мазмунга эга. Ташқи даврий механик иш бажармасдан туриб, паст энергияли системадан юқори энергияли системага иссиқлик миқдори узатиб бўлмайди.

Ҳар икки таърифни умумлаштириб, фойдали иш коэффициенти $\eta=1$ бўлган II тур абадий двигатели қуриш мумкин эмас, деган холосага келамиз.

14.8-§. Карно теоремалари. Температуранинг термодинамик шкаласи

Квазистатик жараёнлардан ташкил топган Карно цикли идеал қайтар айланма жараёндир. Бунинг маъноси шуки, ишчи жисм иситкичдан олган иссиқлик миқдорининг $Q_1 - Q_2$ қисмини фақат механик иш A ни ҳосил қилишга сарфлайди. Реал шароитда иссиқлик миқдорининг яна бир қисми, бизнинг хоҳишимиздан қатъи назар, иссиқлик ўтказувчанлик, ишқаланиш каби қайтмас жараёнлар туфайли атроф-муҳитга тарқалади. Бинобарин, реал иссиқлик двигателининг ишлаш принципи ноквазистатик жараёнга асосланган. Юқорида келтирилган мулоҳазаларга асосан, Карнонинг биринчи теоремасини қўйидагича таърифлаш мумкин: ноквазистатик принципида ишлайдиган ҳар қандай двигателнинг фойдали иш коэффициенти қайтар Карно циклининг фойдали иш коэффициентидан кичик, яъни қайтмас жараённинг ФИК қайтар Карно циклининг ФИК дан доимо кичик:

$$\eta_{\text{қайтмас}} < \eta_{\text{қайтар}}$$

ёки (14.3) ва (14.11) тенгламаларга асосан

$$\frac{Q_1 - Q_2}{Q_1} < \frac{T_1 - T_2}{T_1} \quad (14.15)$$

шаклдаги тенгсизликни ҳосил қиласиз. Ҳозирги замон двигатель қуриш саноатининг асосий вазифаси двигателларнинг самарадорлигини Карно цикли самарадорлигига иложи борича яқинлаштиришдан иборат. Бунинг учун ишчи жисмни юқори температурагача қиздириб, ундан максимал фойдаланиш ва атмосфера температурасига яқин температурада чиқариб юбориш лозим. Самарадорлиги энг яхши бўлган иссиқлик двигателларнинг фойдали иш коэффициенти 0,4 дан ошмайди.

Карно цикли фойдали иш коэффициентининг (14.11) шаклдаги ифодасида ишчи жисмининг табиатига оид биронта катталик иштирок этмаган. Бундан Карно таърифлаган II теореманинг мазмунни келиб чиқади: циклинг фойдали иш коэффициенти ишчи жисмининг турига боғлиқ эмас. Масалан, тўғри ва тескари циклда ишлайдиган икки идеал машина бир ўқса маҳкамланган ва улардан бири иккинчисидан ишчи жисм-

нинг тури билан фарқ қилсин. Тўғри циклда узатилган $\Delta Q = Q_1 - Q_2$ иссиқлик миқдори ҳисобига машина

$$Q_1 - Q_2 = A \text{ ёки } Q_1 = A + Q_2$$

мусбат А механик иш бажаради. Тўғри циклдаги мусбат иш тескари Карно циклида ишлайдиган машинада манфий ишга айланиб совиткичдан иситкичга иссиқлик миқдорини узатади:

$$Q_2 - Q_1 = -A \text{ ёки } Q_1 = A + Q_2$$

Юқоридаги ва пастдаги формулаларни ўзаро солиштириб, қуйидаги холосага келиш мумкин: тескари циклдаги ишчи жисмнинг табиати қандай бўлишидан қатъи назар, тўғри циклда иситкичдан қанча иссиқлик миқдори олинган бўлса, тескари циклда совиткичдан шунча иссиқлик миқдори иситкичга узатилади. Бинобарин, ҳар икки циклнинг фойдали иш коэффициенти бир-бирига тенг: $\eta_1 = \eta_2$. Холоса шуки, циклнинг фойдали иш коэффициенти, циклдаги ишчи жисм қандай газ бўлишидан қатъи назар, идеал қайтар цикл учун қуйидаги тенглик ўринлидир.

$$1 - \frac{Q_2}{Q_1} = 1 - \frac{T_2}{T_1} \quad (14.16)$$

Температурани даражалаш термодинамик усулиниң заминида мазкур тенглама ётади. Масалан, совиткич температураси T_2 сифатида музнинг эриш T_s , температураси олинди деб фарз қиласайлик. Юқоридаги (14.16) тенгламадан ҳосил бўлган $\frac{Q_1}{Q_2} = \frac{T_1}{T_s}$ тенгликка асосан (14.16) ни қўйидагича ўзартириб ёзамиз:

$$\frac{Q_1 - Q_2}{Q_2} = \frac{T_k - T_s}{T_s} \quad (14.17)$$

Сувнинг қайнаш ва музнинг эриш температуralари орасидаги шкала фарқи $T_k - T_s = 100\text{K}$ бўлганидан (14.17) тенгламани яна бундай тасвирлаш мумкин:

$$\frac{100}{T_s} = \frac{Q_1 - Q_2}{Q_2} \quad (14.18)$$

Идеал Карно циклига асосланган бу ифодадаги иситкичдан ажралган Q_1 ва совиткичга узатилган Q_2 иссиқлик миқдорларини ҳеч бир усул өиласлан аниқлаш мумкин эмас ва

бунга эҳтиёж ҳам йўқ. Чунки, Карно циклида ҳолати $pV = RT$ билан аниқланган бир моль идеал газ олинган ва унинг ўнг томони T температурага мос бўлган ишни ифодалайди. Термодинамиканинг биринчи қонунига асосан бу иш иссиқлик миқдорига эквивалент. Бинобарин, (14.18) тенгламада иштирок этган катталиклар Q_1 ва Q_2 ни $Q_1 = p_1 V_1$, $Q_2 = p_2 V_2$ орқали алмаштириш мумкин. Агар берилган модданинг ҳолати ўзгармас ҳажмда ($V = \text{const}$) ўзгартирилса, (14.18) тенглама қўйидаги содда кўринишни олади:

$$\frac{100}{T_3} = \frac{p_1 - p_2}{p_2} = \frac{p_1}{p_2} - 1, \quad (14.19)$$

Ўз буғи билан мувозанатда бўлган тоза сувнинг қайнаш температурасидаги босими p_1 ни, ўз буғи ва суюқлиги билан мувозанатда бўлган музнинг эриш температура- сидаги босими p_2 га бўлган нисбати тажрибада жуда катта аниқлик билан ўлчангандай ва ушбу нисбат $p_1/p_2 = 1,3661$ га тенг. У ҳолда (14.19) тенгламада абсолют шкалада ифодаланган сувнинг учлик нуқтасининг муз, сув ва уларнинг тўйинган буғи температураси

$$T_3 = \frac{100}{0,3661} = 273,16\text{K}$$

эканлигини топамиз. Юқорида тафсилоти берилган температурани аниқлаш методини Кельвин таклиф этган. Халқаро келишувга асосан сувнинг учлик нуқтасининг температураси *термодинамик абсолют шкаланинг таянч (reper) нуқтаси* деб қабул қилинган. Термодинамик шкаланинг ноли сифатида фойдали иш коэффициенти $\eta = 1$ га тенг бўлган идеал Карно машинасининг температураси қабул қилинган. Температуранинг бу қиймати ($T=0$) температуранинг абсолют ноли дейилади. Советкич машинасида советкичдан олинган Q_1 иссиқлик миқдорини даврий равишда иситкичга узатиш орқали советкичининг температурасини абсолют нолга яқинлаштириш мумкин. Екин абсолют ноль ($T=0$) температурани ҳосил қилиш мумкин эмас. Зотан, бу температурада Карно машинасининг фойдали иш коэффициенти $\eta = 1$ га тенг бўлиб, термодинамиканинг иккинчи қонунига зид бўлган натижага эга бўламиз.

14.9- §. Энтропия. Термодинамика нинг иккинчи бош қонунининг умумий таърифи

Тўғри ва тескари қайтар айланма процессларда ўринли бўлган (14.16) тенгламани қўйидагича ўзгартириб ёзамиз:

$$\frac{Q_2}{Q_1} = \frac{T_2}{T_1}$$


бундан

$$\frac{Q_1}{T_1} + \left(-\frac{Q_2}{T_2} \right) = 0 \quad (14.20)$$

шаклдаги тенгламани ҳосил қиласиз. Бунда Q_1 температураги T_1 бўлган иситкич билан контактда бўлган газнинг изотермик кенгайишида иситкичдан олинган иссиқлик миқдори. Q_2 эса температураси T_2 бўлган совиткичга газ изотермик сиқилгендаги узатилган иссиқлик миқдоридир. Гарчи бу икки иссиқлик миқдорлари ўзаро ($Q_1 \neq Q_2$) тенг бўлмаса ҳам уларнинг шу жаргёнлар амалга ошадиган температуralарга нисбатлари тенг ва фақат бир-биридан ишораси билан фарқ қиласи. Одатда, жараён амалга ошадиган температуранинг бирлик қийматига тўғри келган қўйидаги $\frac{Q}{T}$ иссиқлик миқдори, иссиқликнинг келтирилган миқдори дейлади. Юқоридаги (14.20) тенглама айланма жараённинг (14.7- расм) бошланғич 1 ва охирги 2 нуқталарида ўринли бўлиши билан бир қаторда, бу тенглик циклда олинган ихтиёрий A ва B нуқталарда ҳам ўринлидир. Зотан, қайтар жаргёнда системани мувозанатли ҳолатдан мувозанатсиз ҳолатга ўтиш йўли, мувозанатсиз ҳолатдан мувозанатли ҳолатга ўтишдаги йўлига айнан эквивалент. Шунинг учун (14.20) ифодани ҳамма нуқталарга нисбатан умумий кўринишда қўйидагича ёзиш мумкин:

$$\sum \frac{Q_i}{T_i} = 0 \quad (14.21)$$

Демак, икки адабатик ва икки изотермик жараёнлардан ташкил топган айланма жараён учун иссиқликларнинг кел-



14.7- расм.

тирилган миқдорларининг алгебраик йиғиндиси нолга тенг.

Термодинамиканинг I бош қонунiga асосан квазистатик жараённинг ҳар бирiga берилган иссиқлик миқдори dQ орқали аниқланишини эътиборга олсак ва кузатилган ҳар бир квазистатик жараён 2 адиабатик ва 2 изотермик жараённадан ташкил топган циклни ҳосил қиласа, айланма жараён 14.8-расмда келтирилган диаграмма орқали йиғиндиси учун юқоридаги олади:

$$\left(\oint \frac{dQ}{T} \right)_{\text{Кэп.ю}} = 0 \quad (14.22)$$

Клаузиус теоремасининг математик ифодаси бўлган мазкур тенглама қуйидаги мазмунга эга. *Квазистатик цикллардан ташкил топган айланма жараёнда иссиқликнинг келтирилган миқдоридан берк контур бўйлаб олинган интеграл нолга тенг.*

Реал иссиқликдвигателлари қайтмас Карно цикли асосида ишлайди. Бу цикл учун қуйидаги тенгсизлик $\frac{Q_1}{T_1} < \frac{Q_2}{T_2}$, ўринли.


Шу боисдан қайтмас Карно цикли учун юқоридаги Клаузиус теоремасининг математик ифодаси қуйидаги

$$\left(\oint \frac{dQ}{T} \right)_{\text{қайтмас}} < 0 \quad (14.23)$$

кўринишдаги Клаузиус тенгсизлигига ўтади.

Тенглама (14.22) даги интеграл остидаги ифода, айланма жараённинг ихтиёрий квазистатик циклида ўз шаклини сақлайди. Шунинг учун интеграл остидаги ифодани жараённинг ўтишига боғлиқ бўлмаган бирор функциянинг дифференциали орқали ифодалаймиз:

$$dS = \frac{dQ}{T} \quad (14.24)$$



14.8-расм.

тасвирланади. Ушбу цикллар йиғинди интеграл кўринишни олади:

$$\left(\oint \frac{dQ}{T} \right)_{\text{Кэп.ю}} = 0 \quad (14.22)$$

Клаузиус теоремасининг математик ифодаси бўлган мазкур

тенглама қуйидаги мазмунга эга. *Квазистатик цикллардан*

ташкил топган айланма жараёнда иссиқликнинг келти-

рилган миқдоридан берк контур бўйлаб олинган интег-

рал нолга тенг.

Реал иссиқликдвигателлари қайтмас Карно цикли асо-

сида ишлайди. Бу цикл учун қуйидаги тенгсизлик $\frac{Q_1}{T_1} < \frac{Q_2}{T_2}$,

ўринли.

Шу боисдан қайтмас Карно цикли учун юқоридаги Кла-

узиус теоремасининг математик ифодаси қуйидаги

$$\left(\oint \frac{dQ}{T} \right)_{\text{қайтмас}} < 0 \quad (14.23)$$

кўринишдаги Клаузиус тенгсизлигига ўтади.

Тенглама (14.22) даги интеграл остидаги ифода, ай-

ланма жараённинг ихтиёрий квазистатик циклида ўз

шаклини сақлайди. Шунинг учун интеграл остидаги

ифодани жараённинг ўтишига боғлиқ бўлмаган бирор

функциянинг дифференциали орқали ифодалаймиз:

Киритилган янги функция S — энтропия дейилади. Энтропия тушунчаси киритилиши муносабати билан шуни эътироф этиш керакки, dQ ни тўлиқ дифференциал шаклида ифодалаш мумкин эмас, чунки иссиқлик миқдори системанинг ҳолатига боғлиқ бўлмаган функциядир. Лекин dQ ни жараён амалга ошадиган температурага бўлган нисбати тўлиқ дифференциал dS орқали аниқланади. Зотан Q ва S функциялар орасидаги математик бу фарқ, улардан келиб чиқадиган ҳодисаларнинг физик маъносига таъсир кўрсатмайди. Шунинг учун физик катталикларнинг чексиз кичик қийматларини ҳар хил белгилашлардан воз кечиб, ягона дифференциал белгисини ишлатдик. Курсни ўқиш давомида иш, иссиқлик миқдори каби физик катталикларни ҳисоблашда улар жараённинг ўтиш йўлига боғлиқ эканлигини, потенциал энергия, ички энергия, энтропия каби физик катталикларни аниқлашда улар жараённинг ўтиш йўлига боғлиқ эмаслиги эътиборга олинса етарли бўлади. Энди энтропиянинг айрим хоссалари билан танишайлик. Хусусан, мувозанатли ҳолатдан мувозанатсиз ҳолатга ўтган қайтар айланма (14.7-расм) жараёnda система энтропиясининг ўзгариши бошланғич ва охирги ҳолатларнинг энтропияларига боғлиқ эмас. Ҳақиқатан ҳам (14.24) белгилашга асосан икки ўтишдаги энтропия ўзгариши:

$$\int_1^2 dS = S_2 - S_1. \quad (14.25)$$

Лекин Клаузиус теоремасига асосан қайтар айланма жараёnda энтропия ўзгариши нолга teng. Берк контур бўйлаб олинган (14.22) интегрални иккига ажратиб, иккинчи интегралнинг чегарасини ўзгартиrsак, яъни

$$\int_1^2 dS + \int_2^1 dS = 0 \text{ ёки } \int_1^2 dS = - \int_1^2 dS \quad (14.26)$$

еканлиги келиб чиқади. Келтирилган тенгликдан хулоса шуки, система мувозанатли ҳолатдан мувозанатсиз ёки мувозанатсиз ҳолатдан мувозанатлигига ўтадими, бундан қатъи назар, айланма қайтар жараёnda система энтропияси ўзгармайди:

$$S_2 - S_1 = 0 \text{ ёки } S_1 = S_2 \quad (14.27)$$

Демак, ёпиқ қайтар жараёнларда энтропия ўзгармас қолади. Бинобарин бу циклларда (14.24) га асосан, тер-

модинамиканинг I бош қонунининг математик ифодаси (13.14) қўйидаги кўринишни олади:

$$TdS = dU + pdV. \quad (14.28)$$

Ушбу ифода қайтар жараёнлар учун термодинамиканинг биринчи ва иккинчи бош қонунларини умумлашган ифодаси бўлиб, қайтар жараёнлар учун термодинамиканинг иккинчи қонунини ифодалайди.

Клаузиус тенгсизлиги (14.23) ўринли бўлган қайтмас жараёнларда энтропия ўзгариши қандай бўлишини ҳисоблаб чиқайлик. Температуралари T_1 ва T_2 бўлган икки система мувозанатли ҳолатларни эгалласа, уларнинг энтропиялари ўзгармас қолади. Агар бу икки системани контактга келтирсак, улар мувозанатсиз битта системани ҳосил қилиб, иссиқлик миқдори температураси юқори бўлган жисмдан температураси паст бўлган жисмга ўта бошлайди. Лекин ҳар иккаласи яна мувозанатли ҳолатни эгаллайди. Иссиқлик ўtkазувчанлик қайтмас жараён бўлганидан ҳар икки система бошланғич ҳолатига қайтмайди. Келтирилган мулоҳазага асосан, тажрибанинг биринчи фазаси қайтар, иккинчиси қайтмас деб, Клаузиус тенгсизлигини иккига ажратамиз:

$$\left[\left(\int_1^2 dS \right)_{\text{қайтар}} + \left(\int_2^1 dS \right)_{\text{қайтмас}} \right] < 0. \quad (14.29)$$

Ифодадаги биринчи интеграл қайтар ва унинг энтропия ўзгариши нолга тенг. У ҳолда (14.29) тенгсизлик

$$S_1 - S_2 < 0 \text{ бундан } S_2 - S_1 > 0 \text{ ёки } \Delta S > 0$$

кўринишга эга бўлади. Демак, қайтмас жараёнларда энтропия ўзгариши нолдан катта экан. У ҳолда қайтар ва қайтмас жараёнлар учун термодинамиканинг умумлашган бош қонуни қўйидаги

$$TdS \geq dU + pdV \quad (14.30)$$

кўринишни олади. Бунда тенгсизлик аломати қайтмас, тенглик аломати қайтар айланма жараёнларга тегишли.

Қайтмас жараёнларда энтропиянинг ошишини қўйидаги мисолларда кузатиш мумкин. Газ ўзгармас ҳажмда T_1 дан T_2 гача қиздирилса, бажарилган иш $dA = pdV = 0$ ва (13.26) тенгламани, (14.28)га асосан, қўйидагича ўзгартириб ёзамиз:

$$dS = \frac{dU}{T} = C_V \frac{dT}{T} \quad (14.31)$$

ва охирги ифодани берилган чегараларда интеграллаймиз:

$$\int\limits_{S_1}^{S_2} dS = C_V \int\limits_{T_1}^{T_2} \frac{dT}{T},$$

бундан

$$S_2 - S_1 = C_V \ln \frac{T_2}{T_1} \quad (14.32)$$

эканлигини топамиз. Равшанки, $T_2 > T_1$ бўлганидан $S_2 > S_1$ бўлади. Иккинчи бир мисолни қўриб чиқайлик. Бир моль газнинг ички энергиясини ўзгартирган ($dU = 0$) ҳолда унинг ҳажмини V_1 дан V_2 гача кенгайтирайлик. Термодинамиканинг биринчи бош қонунининг (14.28) шаклдаги тенгламасига ва бир моль газнинг $pV = RT$ ҳолат тенгламасига асосан энтропиянинг ўзариши $dS = \frac{P}{T} dV = R \frac{dV}{V}$ тенг бўлиб, уни интеграллаш орқали

$$S_2 - S_1 = R \ln \frac{V_2}{V_1}, \quad (14.33)$$

$S_2 > S_1$ эканлигини аниқлаймиз, чунки $V_2 > V_1$. Ишқаланиш ва қаршилик жараёнлари иссиқлик ўtkазувчаник жараённинг бир тури, бинобарин, ушбу ҳодисаларда ҳам система мувозанатли ҳолатга қайтганда унинг энтропияси ошади. Бу хулоса табиатда содир бўладиган ҳамма ёпиқ системалардаги қайтмас жараёнлар учун ўринлидир. Демак, табиатнинг асосий қонунларидан бири бўлган термодинамиканинг иккинчи бош қонуни умумий равишда қўйидагича таърифлаш мумкин: *ёпиқ системадаги қайтмас жараёнлар доимо энтропия ошиши билан кузатилади.* Кўпинча, бу қонун қайтмас жараёнлар учун энтропиянинг ортиш қонуни ҳам дейилади.

Шуни унутмаслик керакки, қайтмас жараёнларда энтропия ошиши чексиз давом этмайди. Система мувозанатли ҳолатни эгаллагандан энтропиянинг ортиши тўхтайди ва унинг ўртача қиймати системанинг ҳамма қисмларида бир хил ва системада макроскопик ҳолат ўзариши кузатилмайди.

14.10- §. Энтропиянинг физик ва статистик маъноси. Термодинамиканинг учинчи бош қонуни

Маълумки, ички энергия, потенциал энергия, энтропия системанинг ҳолатига боғлиқ бўлган функциялардир. Улар умумий битта хоссага эга, яъни бирор ҳолатга ман-

суб бўлган бу функциялар физик маънога эга эмас. Масалан, потенциал энергия ёки ички энергиянинг берилган қиймати орқали биз шу системада ҳолат ўзгариши содир бўлганлигини била олмаймиз. Аксинча, потенциал энергия ёки ички энергия ўзгаришлари аниқ бўлса, система бирор жараён содир бўлганини англаймиз. Хусусан, потенциал энергия ошса ($\Delta E_p > 0$), система потенциал энергияси кичик ҳолатдан катта томонга кўчганини, ички энергия камайса ($\Delta U < 0$) системанинг температураси пасайганлигини тушунамиз. Бинобарин, энтропия ўзгариши $\Delta S > 0$ катта бўлса, система бирор мувозанатсиз ҳолатдан мувозанатли қайтмас ҳолатни эгаллаган бўлади.

Ички энергия ва жумладан, потенциал энергия системанинг бирор ҳолатига мос бўлган энергетик характеристикалардир. Шу нуқтаи назардан, энтропия системанинг қандай ҳолатини белгилайди, деган табиий савол туғилади. Тажрибадан ва иссиқлик сифимининг квант назариясидан маълумки, газнинг температураси абсолют нолга яқинлашса, газнинг ўзгармас ҳажмдаги моляр иссиқлик сифими C_V ислга интилади. У ҳолда юқорида келтирилган $S_2 - S_1 = C_V \ln \frac{T_2}{T_1}$ ифодага биноан, абсолют нолга яқин температурада система учун $S_1 \approx S_2$ тенглик ўринлидир. Бу тенгликка ва паст температураларда кузатилган тажрибаларга асосан, 1906 йилда Нернст қўйидаги теоремани таърифлайди: *температуранинг абсолют нолида системадаги ҳар қандай жараён энтропия ўзгаришисиз ўтади*. Нернстнинг бу теоремаси баязан термодинамиканинг учинчи бош қонуни деб ҳам юритилади. Кейинги текширишлар шуни кўрсатди-ки, абсолют нолда ($T = 0$) системанинг энтропияси ҳам ($S = 0$) нолга тенг бўлар экан. Лекин бу хулоса Нернст теоремасига зид эмас. Шу боисдан Нернст теоремасини яна бундай таърифлаш мумкин. Ҳар қандай системанинг температураси абсолют нолга яқинлашганда унинг энтропияси ҳам нолга интилади.

$$\lim_{T \rightarrow 0} S = 0.$$

14.8- § да абсолют ноль температурани ҳосил қилиш мумкин эмаслигйини кўрсатган эдик. Демак, система энтропияси ноль бўлган ҳолатни юзага келтириб бўлмайди. Абсолют ноль температурада система таркиби-

даги атомларнинг ёки молекулаларнинг иссиқлик ҳаракати йўқолади. Улар тартиблашган ҳолда жойлашади. Бундан хулоса шуки, **энтропия — тартибсизлик ўлчовидир.**

Абсолют ноль температурада системанинг энтропияси нолга тенг. У ҳолда, (14.24) тенгламага биноан, температураси T бўлган модданинг энтропияси учун

$$S = \int_0^T \frac{dQ}{T}$$

ифодани ҳосил қиласиз. Ўзгармас босимдаги моляр иссиқлик сифим C_p нинг таърифи $\left(C_p = \frac{dQ}{dT}\right)$ га биноан юқоридаги тенгламани яна бундай шаклда ҳам ёзиш мумкин.

$$S = \int_0^T \frac{C_p(T)}{T} dT.$$

Демак, T температурадаги модданинг энтропиясини ҳисоблаш учун C_p , нинг температурага боғлиқ бўлган ифодасини билиш лозим экан. Лекин бундай ҳисоблашларни амалга оширмасдан шуни айтиш мумкинки, молекулаларнинг ёки атомларнинг иссиқлик ҳаракати жадал бўлган системанинг энтропияси катта бўлади. Зотан юқорида таъкидлаганимиздек, **энтропия системадаги тартибсизликнинг функциясидир.**

Температураси абсолют нолдан катта ($T > 0$) бўлган газ мувозанатсиз ҳолатга ўтса, унинг энтропияси камаяди. У ҳолда система энтропияси ёки эҳтимоллиги энг катта бўлган тартибсиз ҳаракат ҳолатига, яъни мувозанатли ҳолатни эгаллашга ҳаракат қиласи. Бу ўтишни эҳтимоллик назарияси асосида таҳлил этайлик.

Молекулалар сони Авогадро сони N_A га тенг бўлган бир моль газ V_1 ҳажмдан вакуум ҳосил қилинган V_2 ҳажмга кенгайсин. Кўп заррали бу ёпиқ системада ҳар бир молекула эркин ва ўзаро боғланган эмас. Газ кенгайганда молекулалар ҳажмнинг биринчи, иккинчи ва ҳоказо N_0 қисмларини тўлдириб V_2 ҳажмни бутунлай эгаллайди. Газ эҳтимоллиги ҳар хил бўлган мувозанатсиз ҳолатдан эҳтимоллиги энг катта бўлган мувозанатли V_2 ҳажмга ўтади. Системанинг энтропияси ошади ($S_2 - S_1 > 0$). Лекин биз $S_2 - S_1 < 0$ ўтиш содир бўлиш эҳтимоллигини ҳам четда қолдиришимиз керак эмас. Идишнинг ҳажмини эгаллаган газ

молекулалари, тартибсиз ҳаракат туфайли идишнинг $V'_2 = 0,99V_2; 0,98V_2; 0,97V_2$ ва ҳоказо қисмларини ҳам эгаллаш эҳтимоллиги мавжуд. V_2 ҳажмни эгаллаган газнинг V'_2 ҳажмли ҳолатга ўтиши учун лозим бўлган микро ўтишлар сони

$$W = \left(\frac{V'_2}{V_2} \right)^{N_A}$$

математик эҳтимоллик деб аталади ва бу катталик газ идиш ҳажмининг бир қисмини эгаллаш эҳтимоллиги идиш ҳажмини тўла эгаллаш эҳтимоллигидан неча марта кичик эканлигини кўрсатади. N_A — Авогадро сони. Статистик ҳисобларга кўра, газнинг V_2 ҳажмдан $V'_2 = 0,99 V_2$ ҳажмга ўтиш эҳтимоллиги:

$$W = \left(\frac{V'_2}{V_2} \right)^{N_A} = (0,99)^{10^{24}} \approx 10^{-44 \cdot 10^{20}}.$$

Бу катталика тескари бўлган катталик термодинамик эҳтимоллик дейилади ва ўтиш ҳолати амалга ошадиган усуслар сонини характерлайди. Шу кўрилаётган ҳол учун термодинамик эҳтимоллик

$$w = \frac{1}{W} = \left(\frac{V_2}{V'_2} \right)^{N_A} \approx 10^{44 \cdot 10^{20}} \quad (14.34)$$

га teng. Мазкур ифода газнинг V'_2 ҳажмини эгаллаш эҳтимоллиги V_2 ҳажмни эгаллаш эҳтимоллигидан неча марта кичик эканлигини кўрсатади.

Келтирилган сон нақадар улкан эканлигини кўз олдимизга келтириш мақсадида қуйидаги таққослашни берайлик. Бу сонни тартиб билан ёзиш учун керак бўлган қофознинг массаси Ер массасидан 10^{30} марта катта бўлар эди. Келтирилган ушбу мисолдан мувозанатли ҳолатдан мувозанатсиз ҳолатга ўтиш газ учун нақадар мушкул ҳодиса эканлиги кўриниб турибди.

Ифода (14.33) га асосан 1 моль газни V'_2 ҳажмдан V_2 ҳажмга ўтишдаги энтропиянинг ўзгариши:

$$S_2 - S'_2 = R \ln \frac{V_2}{V'_2}. \quad (14.35)$$

Энтропиянинг термодинамик эҳтимоллик билан боғлаш мақсадида (14.34) дан логарифм олиб, юқоридаги

(14.35) ифода билан алмаштирамиз, у ҳолда энтропия ўзгариши қўйидаги кўринишни олади:

$$S_2 - S'_2 = \frac{R}{N_A} \ln w = k \ln w.$$

Агар ҳолат ўзгаришининг қандайдир бир нуқтасида энтропия $S'_2 = 0$ деб олсак, Больцман қонуни ҳосил бўлади:

$$S = k \ln w \quad (14.36)$$

бунда k — Больцман доимийси.

Ташки муҳитдан адиабатик изоляцияланган ёпиқ системанинг энтропияси система ҳолатининг термодинамик эҳтимоллигининг логарифмига пропорционал. Больцман қонуни бир-биридан мустақил бўлган системаларнинг қўшилишидан ҳосил бўлган натижавий системанинг энтропиясини ҳисоблаш имконини беради. Масалан, биринчи системанинг термодинамик функцияси w_1 (N_1 молекулаларнинг комбинацияси); иккинчи системанинг термодинамик функцияси w_2 (N_2 молекулаларнинг комбинацияси) бўлсин. Бу икки система қўшилса, натижавий системадаги молекулаларнинг комбинацияси ёки унинг термодинамик функцияси қўйидагига teng:

$$w = w_1 \cdot w_2.$$

Ушбу ифодани логарифмлаб, икки томонини k га кўпайтириб,

$$k \ln w = k \ln w_1 + k \ln w_2$$

тенгламани ҳосил қиласиз. У ҳолда, (14.36) га асосан, системанинг натижавий энтропияси

$$S = S_1 + S_2 \quad (14.37)$$

га teng бўлади. Демак, икки ва ундан ортиқ мустақил системалар аралаштирилганда натижавий системанинг энтропияси оша бошлайди ва унинг энтропияси берилган системалар энтропияларининг йифиндисига teng бўлганда система мувозанатли ҳолатни эгаллайди.

14.11-§. Термодинамика иккинчи бош қонунининг қўлланилиш чегараси. Коинотнинг «иссиқлик ҳалокати» назариясининг асоссизлиги

Механик системадан бутунлай фарқ қилувчи термодинамик системада, унинг таркибига кирган эркин молекулаларнинг ҳаракати тартибсизdir. Заарларнинг

хаотик ҳаракати туфайли, системанинг ҳолатини аниқловчи босим, температура, энтропия каби макроскопик параметрларнинг ўртача қиймати вақти-вақти билан системанинг у ёки бу қисмида ўзгариб (флуктуацияланыб) туради. Агар бирлик ҳажмдаги зарралар сони жуда кам бўлса, статистик табиатга эга бўлган термодинамик катталиклар ўз физик маъносини йўқотади. Бинобарин, термодинамиканинг II бош қонуни хаотик флуктуацияланыб турувчи кўп заррали ёпиқ система учун ўринилдири.

XIX асрнинг ўрталарида кўзга кўринган физик олимлар Клаузиус, Томсон ва уларнинг фикрдошлари юқоридаги чегараланишни эътиборга олмаган ҳолда термодинамика II бош қонунининг асосий постулатларни кўр-кўрона равишда коннотга татбиқ этиб, тайри табиий холосага дуч келишиди. Коинотнинг «иссиқлик ҳалокати» деб аталувчи бу назария заминида Карно цикли ётади. Маълумки, ёруғлик, механик, химиявий, ядроий ва бошқа турдаги энергиялар циклга берилса, унинг бир қисми механик, иккинчи қисми иссиқлик энергиясига ўтади. Циклнинг ишлаши узлуксиз давом этса, юқорида санаб ўтилган энергияларнинг пировард натижаси иссиқлик энергияси бўлади. Ушбу мулоҳазани коинотдаги табиий ёруғлик манбалари бўлмиш Қуёш ва юлдузларга умумлаштирасак, улардан келаётган нурланиш энергиялари ҳам пировардида иссиқлик энергиясига ўтишини кузатиш мумкин. Клаузиус назариясига кўра, чекли вақтдан кейин табиатда мавжуд бўлган ҳамма турдаги энергиялар иссиқлик энергиясига айланиб, коинотнинг ҳамма қисмига бир текис тарқалади. Шундай ҳодиса юз берса, Қуёш ва юлдузларнинг энергетик ресурслари тугайди ва иссиқлик мувозанати содир бўлиб коннот ва Ердаги ҳаёт ҳалокатга учрайди. Идеалистик бу назариянинг тарафдорлари юқоридаги мулоҳазаларни яна қуйидагича асослашга уриниб кўришди. Коинотнинг «актив» ҳаёти энтропиянинг ошиши томонига йўналган бир томонлама процессларнинг йиғиндинисидан иборат. Ўзгаришларнинг энтропиялари максимал қийматга эришганда коннот мувозанатли ҳолатга ўтиб, унинг «актив» ҳаёти сўнади.

Статистик физика ва термодинамиканинг асосчиларидан бири Больцман ва унинг тарафдорларидан Смолуховский коинотнинг «иссиқлик ҳалокати» назарияси асоссиз эканлигини кўрсатиб беришди. Больцман наза-

риясиға күра, термодинамик мувозанат әхтимоллиги әнг катта бўлган ҳолатлардан биридир. Лекин флуктуация туфайли бу мувозанатли ҳолатдан катта четлашишлар содир бўлишини статистик физика инкор этмайди. Бу фикрнинг на боши ва на охири бўлган коинотга татбиқ этиб, Больцман коинот мувозанатли ҳолатда бўлиши мумкин, унда содир бўладиган турли ўзгаришлар флуктуациядан бошқа нарса эмас, деб таъкидлади.

Дарҳақиқат, энтропия—әхтимоллик функцияси. Агар коинотнинг қайси бир қисмида юлдузлар системасининг энтропияси катталашиб ўзининг максимал қийматига эришди, деб фараз қилайлик. Бу қисмдаги юлдузлар сўниб мувозанатли ҳолатни әгаллайди. Коинотнинг бошқа қисмида системанинг энтропияси камайиши мумкинлигини әхтимоллик назарияси инкор этмайди. Бинобарин, коинотнинг бу қисмида янги юлдузлар системаси туғилади.

Ҳозирги замон астрофизика ва космология фанларининг далилларига кўра, коинотнинг айрим нуқталарида сўнган юлдузлар бор бўлиши билан бир қаторда, галактиканинг бошқа қисмларида ёши галактиканинг ёшига нисбатан анча кичик бўлган, яъни кейин туғилган юлдузлар тўпламлари бор эканлиги аниқланди. Иккинчи томондан термодинамиканинг қонунлари ёпиқ система учун ўринли. Коинот эса очиқ система бўлиб, бу системага термодинамиканинг қонунларини бевосита татбиқ этиш мумкин эмас.

Шундай қилиб, бизни ўраб олган чексиз ва бепоён коинотнинг таркибий қисми бўлган материянинг у ёки бу қисмидаги миқдорий ва сифат ўзгаришлар коинотнинг тараққиёти ва ривожланишига таъсир этмайди ва бу тараққиёт абадийdir.

Шу ўринда қуйидаги мисолни келтирайлик. Бизга әнг яқин ва әнг кичик юлдузлар туркумига кирган Қуёшнинг массаси $2 \cdot 10^{30}$ кг ва унинг ярим массасини водород ташкил этади. Қуёш узлуксиз равишда содир бўладиган термоядрорий реакциянинг асосий ёқилғиси бўлган водороднинг ёнишидан, Қуёш ҳар томонга бир секундда $4 \cdot 10^6$ т нурланиш энергиясини тарқатади. Унинг бир йилда тарқатган энергиясиға эквивалент бўлган масса $12,6 \cdot 10^{14}$ т га тенг. Қуёш 10 миллиард йил давомида Ерни ҳозиргидай қиздириб турса, унинг ўқотган массаси $12,6 \cdot 10^{27}$ кг ни ташкил этади, холос. Бу масса Қуёш массасининг 0,63% га тенг.

XV бөб. РЕАЛ ГАЗЛАР

Паст босимдаги реал газнинг модули идеал газdir. Идеал газ тушунчаси газ билан боғлиқ бўлган жуда кўп ҳодисаларнинг физик моҳиятини тўғри акс эттириши олдинги темаларнинг мазмунидан муҳтарам ўқувчилаrimизга маълум. Зотан, газнинг босими ($1 \div 20$) 10^5 Па атрофида бўлганда молекулалар орасидаги эркин югуриш йўл узунлиги уларнинг диаметрига нисбатан бир неча ўн марта катта. Лекин юқори босимдаги паст температурали газларнинг табиатини ўрганиш ҳам катта амалий аҳамиятга молик. Газ молекулалари қанчалик кичик бўлмасин, уларнинг ҳаммаси суюқ ёки қаттиқ фазага конденсацияланади. Тажрибада кузатилган бу ажойиб ҳодиса газ молекулалари ўз ҳажмига эга ва улар орасида ўзаро таъсир қилувчи кучлар бор эканлигидан далолат беради. Бинобарин, бу фактларни эътиборга олмасдан туриб реал газнинг ҳақиқий тенгламасини ҳосил қилиш мумкин эмас.

15.1- §. Молекулалар орасидаги ўзаро таъсир кучлари

Суюлтирилган газ ҳажмини камайтиришда жуда катта кучланиш талаб этилиши тажрибадан маълум. Газни суюқ ёки қаттиқ фазага ўтиши молекулаларнинг тортишиш кучи таъсирида содир бўлади. Демак, бирор агрегат ҳолатдаги модда ҳажмини камайтиришнинг қийинлашиши молекулалараро итаришиш кучи таъсирининг натижасидир. Одатда, газ молекулалари орасидаги ўзаро таъсир кучлар, улар орасидаги масофа $r = 1d \div 2d$ молекула диаметрига тенг бўлганда намоён бўла бошлайди.

Молекуляр кучлар электромагнит табиатга эга. Ҳамма молекулалар атомлардан, атом эса мусбат зарядланган ядро ва унинг атрофида мураккаб траекториялар бўйлаб ҳаракатланувчи электронлардан тузилган. Оддий шароитда атомлар ва молекулалар электронейтрал. Улар бир-бирига яқин келиб қолганларида атомлардаги мусбат ва манфий зарядларнинг ўзаро таъсириланиш кучлари, тортишиш ва итаришиш кучлари сифатида намоён бўла бошлайди. Лекин бу кучларнинг қийматини китобхонга маълум бўлган Кулон қонуни орқали аниқлаш мумкин эмас. Зарядга эга бўлган

микрозарраларнинг ҳаракати ва таъсири биз асос қилиб олган программанинг таркибиغا кирмаган квант механикасининг қонунлари орқали аниқланади. Ҳисоблашлар шуни кўрсатадики, ҳамма ҳолда ҳам молекуляр тортишиш кучлари (Ван-дер-Ваальс кучлари) масофага жуда боғлиқ ва тахминан молекулалар орасидаги масофа (r) нинг еттинчи даражасига тескари пропорционал:

$$f_m \approx -\frac{A}{r^7}, \quad (15.1)$$

бунда $(-)$ ишораси куч, тортишиш кучи эканлигини кўрсатса, A — молекулаларнинг тузилиши ва улар орасидаги таъсирининг табиатига боғлиқ бўлган коэффициент.

Итаришиш кучлари ҳам молекулалар орасидаги масофага боғлиқ ва кўпинча унинг тўққизинчи даражасига тескари пропорционал бўлади:


$$f_u \approx \frac{B}{r^9}, \quad (15.2)$$

бунда B , A га ўхшашиб коэффициент. Бу кучларнинг йиғиндиси


$$f \approx -\frac{A}{r^7} + \frac{B}{r^9} \quad (15.3)$$

молекулалар орасидаги таъсири ифодалайди. Улардан қайси бири иккинчисидан устун эканлиги молекулалар орасидаги масофага боғлиқ. Жуда кичик масофада таъсири этувчи молекулалараро таъсири кучларнинг графиги 15.1-расмда келтирилган. Графикдан молекулалар орасидаги масофа молекуланинг эфектив диаметрига teng ($r=d$) бўлганда, яъни молекулалар бир-бирига тегиб турса, ўзаро таъсири $f=0$ га teng, $r < d$ бўлса — итаришиш, $r > d$ шарти бажарилганда — тортишиш кучлари намоён бўлади. Ҳисоблашлардан маълумки, молекулалар орасидаги масофа $r_0 = 1,134d$ бўлганда тортишиш кучи максимал қийматга эришади (15.1-расм), масофа $r=2d$ да тортишиш кучининг энг катта қиймати 16 марта, $r=3d$ да тортишиш кучининг энг катта қиймати 250 марта камайди. Равшанки, молекуляр кучлар қисқа масофада таъсири қилувчи кучлардир.

Ўзаро таъсири кучлари маълум бўлса, (3.20) га асосан, молекуляр кучлар потенциал энергияларининг ма-



15.1- расм.



15.2- расм.

софага боғлиқлигининг тахминий ифодасини топиш мүмкин:

$$E_n \approx \int f(r) dr \approx -\alpha \frac{A}{r^6} + \beta \frac{B}{r^8}, \quad (15.4)$$

бунда α ва β — қўши молекулаларнинг таъсирини ва интеграллашдан ҳосил бўлган ўзгармас сонларни ўзи чига олувчи константалар. Келтирилган ифодаларни солиширсак, потенциал энергиянинг масофага боғлиқлик графиги кучларнинг масофага боғлиқ графигига ўхшашиб бўлишини кўриш мумкин. Бу график 15.2-расмда келтирилган. Потенциал энергиянинг минимумига мос бўлган $r=d$ масофада молекуляр система турғун ҳолатни эгаллайди ва бу ҳолатда системанинг температураси ва босими нолга интилади.

Тартибсиз тўқнашаётган молекулалар орасидаги итаришиш кучининг таъсири, тортиниш кучининг таъсирига нисбатан анча катта. Масалан: ўзаро тўқнашаётган молекулалар деформацияланиб, улар орасидаги масофа $r=0,95d$ бўлиб қолса, молекулалар тортиниш кучининг максимал қийматига нисбатан 5 марта ортиқ куч билан итарилади. Шунинг учун молекулалар бир-бирига яқин келиши мумкин, лекин бир-бирига тегмасдан узоқлашиб кетадилар. Газнинг босими ва температурасининг қийматларига қараб молекулалар орасидаги

тортишиш ва итаришиш кучлари ҳар хил нисбатда бўлади. Бу эса фақат реал газларда кузатиладиган қўшимча эффектларни юзага келтиради.

15.2- §. Ван-дер-Ваальс тенгламаси. Реал газ изотермалари

Маълумки, бир моль идеал газнинг ҳолат тенгламаси (10.10) дан идеал газнинг босимини

$$p = \frac{RT}{V} \quad (15.5)$$

тенглама орқали аниқлаш мумкин. Ифодадаги V молекулаларнинг эркин ҳаракатланиш ҳажми бўлиб, у идеал газ эгаллаган идишнинг ҳажмига тенг. Молекулалараро таъсир кучларининг табиатидан маълум бўлдики, (15.5) шаклдаги тенгламани реал газга татбиқ этиш мумкин эмас. Зотан, (15.5) ифода молекулалар орасидаги на итаришиш, на тортишиш кучларини ўз ичига олади. Бинобарин, реал газнинг ҳолат тенгламасини ҳосил қилишда, (15.5) тенгламага молекулаларни хусусий ўлчамлигини, итаришиш ва тортишиш кучларини эътиборга оловчи тузатмаларни киритиш лозим.

Итаришиш кучининг табиатидан маълум бўладики, молекулалар бир-бирига яқинлашиши мумкин, аммо улар бир-бирини ичига кириши мумкин эмас. Реал газ ўта кучли босим таъсирида бўлса, молекулалар зичлашиб идишда шу молекулаларнинг табиатига мос бўлган қандайир « b » ҳажмни эгаллайди. Бу тузатма молекулаларнинг ўлчамини ва ўзаро итаришиш кучини эътиборга оловчи коэффициент бўлиб, у молекулаларнинг эффектив ҳажми деб аталади. Келтирилган мулоҳазадан равшанки, реал газ молекулаларининг эркин ҳаракатланиш ҳажми идеал газ молекулаларининг эркин ҳаракатланиш ҳажми V дан кичикроқ бўлиб, $V-b$ ни ташкил этади. У ҳолда реал газ молекулаларининг идиш деворига кўрсатган босими

$$p = \frac{RT}{V-b} \quad (15.6)$$

идеал газ молекулаларининг идиш деворига кўрсатган босими (15.5) дан каттароқ эканлигини аниқлаймиз. Демак, молекулалар орасидаги итаришиш кучи, реал газ молекулаларининг идиш деворига кўрсатган босимини


оширади. Лекин молекулаларнинг эффектив ҳажми, бевосита молекулаларнинг ўлчами билан боғлиқ.

Дарҳақиқат (15.6) тенгламадан равшанки, $V \rightarrow b$ да, реал газнинг босими ($\rho \rightarrow \infty$) чексизга интилади. Бундай ҳодиса содир бўлиши учун реал газ молекулаларини қаттиқ сфера деб олиш лозим. Демак, молекулаларнинг энг яқин келиш масофаси r молекула диаметри d га тенг. Бу шарт бажарилганда, иккни молекула бир-бирига тегиб туради (15.3-расм) ва радиуси d бўлган сфера ичига бошқа молекулаларнинг масса марказлари жойлаша олмайди. Энг яқин келган молекуланинг маркази, сфера чегарасида ётиши мумкин. Бинобарин, бошқа молекулалар кириши тақиқланган молекуланинг эффектив ҳажми, радиуси d бўлган сфера ҳажмига тенг. Ҳар икки молекуладан бири, иккинчисини шу ҳажмга киритмаганидан бир мольдаги молекулаларнинг эффектив ҳажми

$$b = \frac{N_A}{2} \cdot \frac{4}{3} \pi d^3 = 4 N_A V_0 \quad (15.7)$$

га тенг бўлади. Бунда $V_0 = \frac{4}{3} \pi r^3$ битта молекуланинг хусусий ҳажми. Демак, бир моль газдаги молекулаларнинг эффектив ҳажми молекулалар хусусий ҳажмларининг тўртланганига тенг. Шуни эътиборга олиш керакки, $V \rightarrow b$ га интилганда газ суюқлик фазасига ўта бошлайди. Зотан, суюқлик газдан фарқли равишда, ўз ҳажмига эга. Ушбу фазадаги модда ҳажмини ўзгартиришда жуда катта босим талаб этилади. Бинобарин « b » фақат молекулаларнинг ўз ўлчамини эмас, балки улар орасидаги итаришиш кучи туфайли эгаллайдиган эффектив ҳажмни кўрсатади.

Энди тортишиш кучи таъсирини аниқлаб чиқайлик. Биргина молекула идиш деворига яқинлашаётган бўлсин. Қўшни молекулалар ўзларидан узоқлашаётган бу молекулани идиш ичи томон йўналишда ўзларига тортади. Молекулалараро тортишиш кучи туфайли реал газ молекулаларининг идиш деворига кўрсатган босими,



15.3-расм.

эркин ҳолатдаги идеал газ молекулалари күрсатган босимга нисбатан кичикроқ бўлади. Идиш деворига яқинлашаётган ва у билан тўқнашаётган молекулалар сони n га пропорционал. Идиш девори билан тўқнашаётган молекулаларни идиш ичига тортаётган молекулалар сони ҳам n га пропорционал. Демак, молекулалар аро тортишиш кучининг таъсири туфайли реал газ босими p нинг камайган қисми $p_i \sim n^2$ пропорционал бўлади. Бирлик ҳажмдаги молекулалар сони $n \sim \frac{1}{V}$ эканлигини эътиборга олсак ($\text{эслатамиз } n = \frac{N}{V}$) ва пропорционалликни тенгликка айлантириш мақсадида коэффициент киритсак, тортишиш кучи туфайли юзага келган ички босим қуидагича аниқланади:

$$p_i = -\frac{a}{V^2}, \quad (15.8)$$

бунда (—) ишораси ички босим реал газ босими p га тескари йўналган эканлигини билдиради, « a » эса газ молекулаларининг табиатига боғлиқ бўлган Ван-дер-Ваальс тузатмаси.


Шундай қилиб, (15.6) ва (15.8) тенгламаларга асосан реал газнинг босими

$$p = \frac{RT}{V-b} - \frac{a}{V^2}$$

га teng бўлиб, бундан бир моль реал газнинг ҳолат тенгламасини


$$\left(p + \frac{a}{V^2}\right)(V-b) = RT \quad (15.9)$$

шаклида ёзиш мумкин. Бу тенглама 1873 йил Ван-дер-Ваальс томонидан кашф этилган ва унинг иоми билан аталади. Ван-дер-Ваальс тенгламаси ҳажмга нисбатан учинчи даражали алгебраик тенглама. Температуранинг турли ўзгармас қийматларида босим билан ҳажм орасидаги боғланишларни (pV) текислигига туширсак, 15.4-расмда келтирилган диаграммани ҳосил қиласиз. Юқори температуруларда (15.4-расмда T_4 ва T_5 лар учун) *Ван-дер-Ваальс изотермалари* шу температурадаги идеал газ изотермаларидан деярли фарқ қилмайди. К нуқтадан ўтган изотерма температурасидан пастроқда бўлган температуруларга мос бўлган Ван-дер-Ваальс



15.4-расм.

изотермалари, ўзига хос траекторияларга эга. Хусусан, T_1 га мос изотермада босимнинг бир қийматига ҳажмнинг учта қиймати мос келади. Температура T_1 дан юқорига кўтарилиган сари изотерманинг тўлқинсимон қисманинг узунлиги қисқариб, T_k температурага мос бўлган изотермада нуқтага айланади. Бу нуқта реал газнинг критик нуқтаси дейилади. Критик нуқтадан пастда ва пункттир чизиқ билан ажратилиган Ван-дер-Ваальс изотермаларининг тўлқинсимон қисмидагаз ҳажми қисқартирилганда, у конденсациялана бошлади. Газнинг мувозанатсиз ҳолатига мансуб бўлган газ-суюқлик фазаларида, босим билан ҳажм орасидаги боғланиш ўзгариб туради. Бинобарин, Ван-дер-Ваальс изотермаларининг шу қисмларини реал газ изотермалари (15.5-расм) билан солиштиrsак, реал газ конденсациялана бошлаганда газнинг босими ўзгармас қолганини кузатамиз. Газнинг мувозанатсиз ҳолати учун ўринли бўлган Ван-дер-Ваальс изотермаларининг тўлқинсимон қисмини, V ўқига параллел бўлган пункттир чизиқ билан алмаштиrsак, Ван-дер-Ваальс изотермалари реал газ табиатини тўғри акс эттиришини кўриш мумкин. Газ ҳажми $V=b$ га етганда, у тўлиқ суюқлик фазасига ўтади ва



15.5- расм.

унинг ҳажмини қисқартиришда жуда катта босим қўйилиши, расмдан китобхонга равшан бўлса керак.

Газнинг температураси K нуқтадан ўтган изотерма температурасидан юқори бўлса, у суюқликка конденсацияланмайди. Бинобарин, чегаравий критик нуқтага мос бўлган температура, ҳажм ва босим қийматлари *kritik температура* (T_k), *kritик ҳажм* V_k , *kritик босим* (p_k) деб аталади. Критик температурадан пастроқда [бўлган изотермаларнинг $V_1 K V_2$ соҳаларида газ икки газ-суюқлик фазасида, K -критик изотерманинг чап (15.5-расмда штрихланган) қисмida газ фақат суюқ фазада бўлади. Шундай қилиб, Ван-дер-Ваальс тенгламасининг амалий аҳамияти шундаки, газнинг параметрлари критик ҳолат параметрларидан пастроқ бўлса, бу газни сиқиш йўли билан суюқ фазага ўtkазиш мумкин эканлигини кўрсатиб беради. Масалан, азот газининг критик параметрлари $V_k = 9 \cdot 10^{-2}$ м³/кмоль; $p_k = 33,5 \cdot 10^5$ Па; $T = 126$ К ни ташкил этади. Нормал шароитда бир киломоль азот газининг параметрлари $V_o = 22,414$ м³/кмоль, $p_o = 10^5$ Па, $T_o = 273$ К эканлигини эътиборга олсак, азот газини суюқ фазага ўtkазиш учун уни аввал кучли совитиш кераклигини кўрамиз. Унинг критик ҳажми нормал шароитдаги ҳажмдан 250 марта кичик, критик босими нормал шароитдаги босимдан 33,5 марта

кatta. 126 К температурадаги газни қисиши давом эттире-
сак, азот конденсациялана бошлайди.

Ван-дер-Ваальс тенгламасидан критик параметрлар-
ни ҳисоблаб чиқиш масаласини китобхонга ҳавола қи-
ламиш ва уларнинг қийматларини исботсиз келтира-
миз:

$$V_k = 3b, \quad p_k = \frac{a}{27b^2}, \quad T_k = \frac{8a}{27bR}. \quad (15.10)$$

Критик ҳажм (V_k) ни тажрибадан аниқлаб, (15.7) га асо-
сан, молекуланинг диаметри (d) ни топиш мумкин. Шундай
ўлчашлар асосида молекула диаметри $(3 \div 2) \cdot 10^{-10}$ м атро-
фида эканлиги аниқланган.

Шуни эслатиб ўтиш керакки, Ван-дер-Ваальс тенг-
ламаси реал газнинг суюқ фазага ўтишини түғри акс
эттиради. Лекин мулоҳазалар асосида келтириб чиқа-
рилган бу тенгламани реал газнинг аниқ тенгламаси деб
кўриш мумкин эмас. Ҳақиқатан ҳам, критик ҳолат па-
раметрлари асосида аниқланган қуйидаги нисбат

$$K = \frac{RT}{p_k V_k}$$

критик коэффициент деб аталади. Идеал газлар учун бирга
тeng бўлган бу коэффициент, (15.10) тенгламаларга асосан
реал газлар учун $K = \frac{8}{3} = 2,67$ га teng бўлиб, «*a*» ва «*b*»
катталикларга боғлиқ эмас. Ван-дер-Ваальс тенгламаси реал
газнинг аниқ тенгламаси бўлгандан эди, ҳамма газларнинг
kritик коэффициентлари бир хил ва $K = 2,67$ бўлиши
керак эди. Тажрибада идеал бўлмаган газларнинг критик
коэффициентлари $3 \div 5$ оралиғида ётиши аниқланган. Бу
номутаносиблик бебосита молекулаларнинг тузилишига боғ-
лиқ. Чунки тортишиш ва итаришиш кучларининг макроско-
пик катталиклари бўлган «*a*» ва «*b*» Ван-дер-Ваальс тузат-
малари ҳар бир молекуланинг ўзига хос бўлган молекуляр
кучларга боғлиқ ва уларнинг тузилиши орқали аниқланади.

15.3- §. Реал газнинг ички энергияси. Жоуль — Томсон эффекти

Ўзаро таъсир кучи нолга teng бўлган идеал газнинг
ички энергияси газни ташкил этган молекулаларнинг
кинетик энергияларининг йиғиндисига teng. Ўзаро таъ-
сир кучига эга бўлган реал газнинг ички энергияси эса

молекулаларнинг кинетик ва потенциал энергияларининг йиғиндисига тенг бўлади, яъни

$$U = \sum_{i=1}^{N_A} E_{ki} + \sum_{i=1}^{N_A} E_{pi} = E_k + E_p \quad (15.11)$$

Бир моль газ молекулаларининг кинетик энергияси, (13.2) га асосан, қўйидагича аниқланган эди:

$$E_k = \sum_{i=1}^{N_A} E_{ki} = \frac{i}{2} RT = C_V \cdot T. \quad (15.12)$$

Молекулаларнинг потенциал энергиясини аниқлаш мақсадида газни V_1 ҳажмдан V_2 ҳажмгача кенгайтирамиз. Бунда газ молекулалар орасидаги тортишиш кучини енгишда иш бажариб, ўз потенциал энергиясини ўзгартиради ва бу иш қўйидагича аниқланади:

$$A = \int_{V_1}^{V_2} p_i dV = - \int_{V_1}^{V_2} \frac{a}{V^2} dV = \frac{a}{V_2} - \frac{a}{V_1}. \quad (15.13)$$

Иш энергия ўзгаришининг ўлчови. Бинобарин, (15.13) тенгламадаги биринчи ҳад V_2 ҳажмга эга бўлган бир моль реал газ молекулаларининг потенциал энергияси бўлса, иккинчи ҳад V_1 ҳажмга эга бўлган реал газ молекулаларининг потенциал энергиясидир. Бу энергия молекулалар орасидаги масофага, хусусан газ эгаллатан ҳажмга боғлиқ. $V_2 \rightarrow \infty$ да реал газ идеал газ ҳолатига ўтиши керак. Идеал газ молекулаларининг потенциал энергияси эса нолга тенг. Демак, (15.13) ифодадан, V ҳажмга эга бўлган реал газ молекулаларининг потенциал энергияси манфий бўлиб

$$E_p = \sum_{i=1}^{N_A} E_{pi} = -\frac{a}{V} \quad (15.14)$$

га тенг бўлади. Бу хулоса тўғри эканлигини 15.2-расмда келтирилган графикдан ҳам кўриш мумкин. Графикдан разшанки, тортишиш кучи таъсирида вужудга келган потенциал энергия нолдан кичик ($E_p < 0$). Демак, (15.14) тенгламадаги (—) ишораси реал газнинг потенциал энергияси молекулалараро тортишиш кучларининг таъсири натижасида юзага келишини эътиборга олади.

Шундай қилиб, (15.11) тенгламадаги молекулаларнинг кинетик ва потенциал энергияларини, уларнинг (15.12) ва (15.14) шаклдаги ифодалари билан алмаштирасак, бир моль реал газнинг ички энергияси учун

$$U = C_V \cdot T - \frac{a}{V} \quad (15.15)$$

ифода ўринли бўлади. Реал газнинг ички энергияси температура ва ҳажм функцияси, яъни $U(V, T)$. Бу боғланиш фақат реал газларга мансуб бўлган Жоуль — Томсон эффицити рўй беришига омил бўлади. V_1 ҳажмгача сиқилган бир моль реал газ V_2 ҳажмгача кенгайтирилсин. Юқоридаги (15.15) тенгламани газнинг шу икки ҳолати учун ёзамиш:

$$U_1 = C_V \cdot T_1 - \frac{a}{V_1}, \quad U_2 = C_V \cdot T_2 - \frac{a}{V_2}. \quad (15.16)$$


V_1 ҳажмга эга бўлган газнинг температуроси T_1 бўлса, реал газ V_2 ҳажмга кенгайганда унинг температуроси ҳам ўзгариб T_2 га тенг бўлиб қолади. Зотан, реал газнинг ички энергияси нафақат температурага, балки ҳажмга ҳам боғлиқ. (15.16) тенгламалардан реал газ V_1 ҳажмдан V_2 ҳажмга кенгайганда ички энергиянинг ўзгариши

$$U_2 - U_1 = C_V (T_2 - T_1) - \left(\frac{a}{V_2} - \frac{a}{V_1} \right) \quad (5.17)$$

га тенг бўлади. Агар газ юқори босимли V_1 ҳажмдан, паст босимли V_2 ҳажмга аднабатик кенгайтирилса, система ташқи куч устидан иш бажармайди ва ташқи муҳит билан иссиқлик алмашмайди. Бинобарин, система ички энергиясининг ўзгариши $U_2 - U_1 = 0$ бўлиб, (5.17) тенглама қўйидаги кўринишга ўтади:

$$T_2 - T_1 = \frac{a}{C_V} \left(\frac{1}{V_2} - \frac{1}{V_1} \right). \quad (5.18)$$

Реал газнинг бошланғич температуроси T_1 ва ҳажм V_1 нинг қийматларига кўра, газ ички энергиясини ўзгартирмаган ҳолда кенгайса, унинг температуроси ошиши ёки камайиши мумкин. Бу эффицитлардан қайси бири кузатилиши молекуляр кучларнинг ўзаро нисбатига боғлиқ. Хусусан, итаришиш кучи тортишиш кучига нисбатан устун бўлса, $E_p > 0$ (15.2-расм) ва газ кенгайганда энергиянинг сақланиш қонунига асосан мусбат потенциал



15.6- расм.

энергиянинг камайиши молекулаларнинг кинетик энергияларининг ошувини таъминлайди. Газнинг температураси ошиб ($\Delta T > 0$) манфий Жоуль — Томсон эффиқти деб аталувчи ҳодиса кузатилади. Аксинча, тортишиш кучи итаришиш кучидан устун бўлса ($E_p < 0$) (15.2-расм) ва бу газ кенгайтирилганда газ молекулаларининг потенциал

энергияси ошиб, кинетик энергияси камаяди. Натижада газнинг температураси пасайиб ($\Delta T < 0$) мусбат Жоуль — Томсон эффиқти деб аталувчи ҳодиса содир бўлади. Тортишиш ва итаришиш кучлари ўзаро тенг бўлса, газ кенгайганда унинг температураси ўзгармай қолади ва ноль Жоуль — Томсон эффиқти ҳосил бўлади. Манфий ва мусбат Жоуль — Томсон эффиқтларини ажратиб турувчи ноль Жоуль — Томсон эффиқтига мос бўлган нуқталарни бирлаштирувчи чизиқ инверсия чизиги дейилади (15.6-расм). Газнинг бошланғич параметрлари инверсия чизигида ётса, бу газ кенгайганда унинг температураси ўзгармай қолади. Модомики шундай экан, реал газ идеал газ табиатига ўхшаш ҳолатни эгаллади.

Демак, бирор газни суюлтиришда унинг бошланғич параметрларини инверсия чизигидан пастроқда олиш лозим. Бу параметрларга эга бўлган газ циклик равишда адиабатик кенгайтирилса, унинг температураси критик температурагача пасайиши мумкин ва бу температурадаги газ адиабатик сиқилса, у суюқликка конденсациялана бошлайди. Жоуль — Томсон эффиқти асосида газларни совитиб суюлтириш криоген (газларни суюлтириш) техникасида кенг қўлланилади.


15.4-§. Фазавий ўтишлар. Клапейрон — Клаузиус тенгламаси

Реал газ, Ван-дер-Ваальс изотермалардаги критик ва 14.8 параграфда келтирилган учланма нуқталарнинг физик моҳиятини бир оз тавсиф этайлик. Бу нуқталарга хос хусусият шуки, муайян температура ва босимда ай-

нан бир модда бир-биридан бўлиниш сиртлари билан ажралган икки ва уч хил ҳолатлар, яъни фазалар мажмусидан иборат бўлади. *Бир жинсли бўлмаган системанинг бўлиниш сирти билан ажралган муайян химиявий ва термодинамик хоссаларга эга бўлган бир жинсли қисми фаза дейилади.* Бошқача қилиб айтганда, бир жинсли бўлмаган системанинг бирор усул билан ажратиш мумкин бўлган бир жинсли қисмини фаза дейиш мумкин. Масалан, очиқ идишдаги 0°C ҳароратли сувнинг бир қисми музлаган бўлсин. Таркиби жиҳатидан бу система бир жинсли эмас. У суюқлик ва муз фазаларидан ташкил топган. Ҳар икки фаза бўлиниш чегарасига эга ва улардан бирини иккинчисидан ажратиш мумкин. Муайян температурали бу икки фазалардан бирининг массаси иккинчисининг ҳисобига берилган вақт давомида ошмаса ёки камаймаса, улар фазавий мувознатда бўлади. Аксинча, бир фазанинг массаси иккинчисининг массаси ҳисобига ўзгарса, системада *фазавий ўтиши* юз беради. Биз келтирган мисолда фазавий ўтиш содир бўлса, суюқликнинг массаси камайиши ҳисобига музнинг массаси ошади ёки аксинча, музнинг массаси камайганда сувнинг массаси кўпаяди.

1933 йилда П. Эренфест фазавий ўтишларга оид маълумотларни икки турга ажратишни таклиф этди. Биринчи тур фазавий ўтишларга қаттиқ жисмнинг суюқликка (эриш) ёхуд суюқликнинг қаттиқ жисмга ўтиши (қотиш), суюқликнинг буғга (буғланиш, қайнаш) ёки буғнинг суюқликка айланиш (конденсация) жараёнлари, бир таркибли кристаллнинг иккинчи таркибли кристалла га ўтиш ҳодисалари киради. Биринчи тур фазавий ўтишда иссиқлик ажралиши ёки ютилиши ҳамда ҳажмий ўзғаришлар кузатилади.

Иккинчи тур фазавий ўтиш модданинг электр, магнит хоссаларининг, шунингдек, иссиқлик сифими, иссиқликдан кенгайиш ва сиқилувчанлик ҳажмий коэффициентларининг ўзгариши билан содир бўлади. Масалан, температуранинг ўта ўтказувчанлик нуқтасида айрим металларнинг электр қаршилиги бутунлай йўқолса, температуранинг Кюри нуқтасида ферромагнетик моддалар парамагнетик хоссаларга эга бўлиб қолади. Қаттиқ жисмларнинг бу хусусиятларини биз курсимизнинг II жилдида батафсил таҳлил этамиз. Ҳозир эса биринчи тур фазавий ўтишларнинг хусусияти билан қисман танишайлик.



15.7- рәсм.

Бириңчи түр фазавий үтишда температура билан босим орасыда мұайян боғланиш мавжуд. Бу боғланиш Клапейрон — Клаузиус тенгламаси орқали ифодаланған. Мазкур тенглама қуйидаги мұлоҳаза асосида келтириб чиқарылади. Температураси критик температурадан пастда ($T < T_k$) бўлган реал газни суюқ ҳолатга ўтказиш мумкин эканлыгини олдинги параграфда кўрсатган эдик. Реал газнинг бир-биридан dT температурага фарқ қилувчи иккита изотермаси 15.7- расмда келтирилган. Изотерманинг M нүктасида газ тўлиқлигича суюқлик фазасига ўтади. Унинг горизонтал қисмида газ, суюқлик ва газ фазаларида бўлади. Шу ҳолатдаги моддани тўйинган буғга тақозо этиш мумкин. Зотан, тўйинган буғ изотермик кенгайтирилса ёки сиқилса, унинг босими ўзгармас ($P = \text{const}$) қолади. Энди бир моль сув олиб уни цилиндрга қуяйлик. Суюқлик поршень билан чегараланган бўлсин. Бу системага фикран тўртта квазистатик жараёнлардан ташкил топган Карно циклини татбиқ этамиз. Бунинг учун цилиндрни температураси T бўлган иситкич билан контактга келтирамиз. Суюқликнинг бу ҳолати изотерманинг M нүктасига мос келиб, шу нүктанинг параметрлари P ва T суюқликнинг ҳолатини белгилайди. V_1 эса суюқликнинг моляр ҳажоми. Суюқлик иситкичдан олган иссиқлик миқдори ҳисобига буғланиб, унинг таркибида фазавий үтиш жараёни содир бўла бошлайди. Буғланиш ҳисобига поршень ҳаракатга келади ва унинг остидаги тўйинган буғ ўз босимини ўзгартиргмаган ҳолда изотерманинг горизонтал қисми бўйлаб V_2 ҳажмгача кенгаяди. Фазавий үтиш N нүктага етганда бир моль сув бутунлай тўйинган буғга айланади ва биз яна бир жинсли, яъни бир фазали газ ҳолатга эга бўламиз. Бунда системанинг иситкичдан олган Q иссиқлик миқдори бир моль сувни буғга айлантириш учун лозим бўлган иссиқлик миқдорига айнан тенг. Бинобарин, моляр буғланиш иссиқлиги L га тенг бўлади, яъни $Q = L$.

Тўйинган буғни бошланғич ҳолатга қайтариш мақсадида уни иситкичдан ажратиб, адиябатик кенгайтирамиз. Адиабатик кенгайган газнинг босими dp га температураси dT га ка-

маяди. Тўйинган буғда кузатилган бу жараён 15.7-расмдаги pV текисликда NC чизиқ билан таовирланган. Карно циклига биноан шу ҳолатдаги газни совиткич билан контактга келтириш лозим. Аммо совиткичининг температураси T' иситкич температурасидан dT қадар кичик бўлиши керак, яъни $T' = T - dT$. Шу боисдан C ҳолатдаги тўйинган буғнинг параметрлари T' , $p - dp$, V_2 катталиклардан иборат. C ҳолатдаги газни изотермик сиққанимизда унинг ҳолат ўзгариши изотерманинг CD горизонтал қисми бўйлаб кузатилади. Ниҳоят, циклнинг тўртинчи босқичида буғ — суюқлик аралашмасини адабатик сиқиб, уни бир фазали суюқлик ҳолатига ўтказамиш. Аралашма CD ҳолат бўйлаб ўзгарганда иситкичдан олган иссиқлик миқдорининг Q' қисмини совиткичга узатади ва $MNCD$ тўртбурчак билан чегараланган юзга тенг бўлган элементар ишни бажаради:

$$dA = (V_2 - V_1) dp.$$

Термодинамиканинг иккинчи қонунига биноан циклнинг фойдали иш коэффициенти

$$\eta = \frac{dA}{Q} = \frac{V_2 - V_1}{L} dp$$

га тенг бўлади. Юқорида эслатганимиздек, ушбу цикл учун $Q = L$ тенглик ўринли. Айнан шу ФИКни яна бундай ҳисоблаш мумкин:

$$\eta = \frac{T - T'}{T} = \frac{T - (T - dT)}{T} = \frac{dT}{T}.$$

Ҳар икки самарадорликнинг тенглигидан Клапейрон — Клаузиус тенгламасини ҳосил қиласиз:

$$\frac{dp}{dT} = \frac{L}{T(V_2 - V_1)}.$$

Равшанки, $\frac{dp}{dT}$ нинг ишораси $(V_2 - V_1)$ ҳажм ўзгаришининг ишорасига боғлиқ. Агар ҳажм ўзгариш $(V_2 - V_1) > 0$ мусбат бўлса, $\frac{dp}{dT}$ нисбат ҳам нолдан $\left(\frac{dp}{dT} > 0\right)$ катта бўлади.


Бунинг маъноси шуки, dp ва dT катталиклар бир хил ишорага эгадирлар. Суюқлик буғ фазасига ўтганданда унинг ҳажми ошади. Бинобарин, тўйинган буғнинг температураси кўтарилса, унинг босими ошиши лозим. Назариянинг бу хулосасини тажриба тўлиқ тәсдиқлайди. Лекин әйрим кристалл моддалар (висмут, галлий, чўян ва муз бундан истисно)

Эриганда ҳам ҳажм ошиши кузатилади. Агар бир жинсли бўлмаган бу фазалар мажмуасининг босими ошса, эриш нуқтасининг температураси кўтарилади. Шу боисдан Клапейрон — Клаузиус тенгламаси биринчи тур фазавий ўтишлари га кирган ҳамма ҳолат ўзгаришлари учун ўринли. Юқоридаги тенгламадан яна бир муҳим холоса шуки, фазавий ўтиш ҳажм ошиши билан кузатилса, моляр буғ ҳосил қилиш иссиқлиги $L > 0$ бўлиши ва фазавий ўтишда иссиқлик ютилиши керак. Аксинча, ҳажмий кенгайиш манфий бўлган фазавий ўтишларда $L < 0$ бўлмоғи ва бу ўтишларда иссиқлик ажралмоғи лозим. Дарҳақиқат, тўйинган буғ суюқлик фазасига, суюқлик қаттиқ фазага ўтганда, иссиқлик ажралиши кузатилади. Масалан, қор ёғаётганда ҳарорэтниг совиб кетмаслиги бевозита суюқликнинг кристалланиши натижасида иссиқлик ажралиши билан боғлиқ.

15.5-§. Фазавий диаграммалар

Фазавий мувозанат ва фазавий ўтишлар одатда *фазавий диаграммалар* орқали тасвирланган. Мисол тариқасига 15.8-расмдаги pT текисликда сувнинг учлик нуқтаси ва фазавий сиртлар чегаралари кўрсатилган. 14.8- параграфда таъкидлаганимиздек, сувнинг учлик нуқтаси температуранинг термодинамик ноли сифатида олинади. Бу нуқта модданинг учта (суюқ, муз ва буғ) фазалари бир вақтда мувозанатда бўлишини аниқлайди. OA ва OC чизиқларнинг пастида сувнинг турғун буғ фазаси, OB ва OC чизиқларнинг юқорисида сувнинг турғун суюқлик фазаси ва OA ва OB чизиқларнинг оралиғида сувнинг турғун муз фазаси жойлашган.

Сув билан буғ фазаларини ажратиб турувчи OC фаза сиртида фазалардан бирининг турғулигини сақлабан ҳолда иккита параметрни, яъни босим билан температурани ўзгартириш мумкин. Масалан, температуранинг ΔT га ошиши, ўз навбатида, босимнинг Δp га ошишига олиб келади. Худди шундай мулоҳазалар OA фазавий сирт учун ҳам ўринли. Аммо ушбу таҳлил OB фазавий сирт учун ўринли эмас. Чунки бу соҳада




15.8-расм.

қаттиқ жисм (муз) суюқлик фазасига ўтганда ҳажм ўзгариши манфий бўлади. Клапейрон — Клаузиус тенгламасига биноан босим ошганда ($\Delta p > 0$) температура пасайиши ($\Delta T < 0$) лозим.

Демак, босим ошганда сувнинг музлаш температураси пасаяди (температура минус қиймати бўйича ошади). Сувнинг учлик нуқтасини акс эттирувчи фазавий диаграмма, Клапейрон — Клаузиус тенгламаси фазавий ўтишлар ҳодисасини тўғри акс эттиришини тўлиқ исботлайди.

Бир фазани бошқа фазадан ажратувчи бўлиниш сиртида фазаларнинг хоссалари одатда сакраш билан ўзгаради. Масалан, сув буфининг зичлиги сув зичлигидан анча кичик. Ёки муз кристалл тузилишга эга бўлса, суюқлик молекулалари фақат яқин масофалардагина тартибли жойлашади, буғда эса молекулаларнинг ҳаракати бутунлай тартибсиз. Аммо берк идишдаги сувнинг температурасини ошира борсак, сув билан буғнинг зичликлари бир-бирига яқинлаша бошлайди. 15.9-расмда суюқлик ва буғ фазаларининг графиклари келтирилган. Диаграммадан равшанки, ҳароратнинг маълум бир қийматида ва унга мос бўлган босимда бу икки фазанинг зичликлари тенглашади. Суюқлик ва тўйинган буғ орасидаги физик хоссаларнинг фарқи йўқоладиган температура критик температура, бу ҳолатга тегишли босим критик босим дейилади. Критик температурадан паст температуralарда сув суюқлик ва тўйинган буғ фазаларида мавжуд. Критик нуқтадан юқори температурада сув (модда) фақат битта буғ (газ) фазасида бўлади. Агар бу буғ эгаллаган ҳажм кичрайтирилса, босим ортгани ҳолда буғ суюқликка айланмайди. Демак, сув буғи ҳам бошқа газлар каби ўз критик нуқтасига эга экан. Бинобарин 15.5-расмда келтирилган газларнинг изотермалари сув буғи учун ҳам ўринли. Температураси критик нуқтадан юқорида ётган тўйинган буғни бирор усул билан суюқ фазага ўтказиш мумкин эмас.



15.9-расм.

ИЛОВА

Физик катталикларнинг ўлчов бирликлари ҳақида

Физика курсининг биринчи бўлимни изоҳлаш давомида муҳтарам ўқувчиларимизнинг ўрта мактабда олган билимлари юксак савияда деб, физик катталикларнинг халқаро система (СИ) даги бирликларини атайлаб келтирганимиз йўқ. Курсимизнинг якунидаги ушбу бирликлар жадвалини келтирамиз. Бундан мақсад, ёддан кўтарилган бирликларни яна бир эслатишдан иборат.

Ҳар бир физик катталик маълум маънога эга бўлиб, уларнинг кўпчилиги ўз ўлчов бирлиги билан ифодаланади. Лекин бу ўлчов катталикларини ҳосил қилишда асос бўлиб хизмат қиласиган абсолют ўлчов бирликларини халқаро келишувга асосан, олдиндан танлаб олиш лозим.

Халқаро келишувга асосан узунлик ўлчови сифатида метр (м) қабул қилинган. Бир метр криpton — 86 атомининг $2 p_{10}$ ва $5 d_5$ ҳолатлари орасидаги ўтишдан ҳосил бўлган нурланишнинг вакуумдаги тўлқин узунлигидан 1650763,73 марта катта бўлган узунликдир.

Вақт ўлчов бирлиги сифатида секунд (с) қабул қилинган. Бир секунд цезий-133 атомининг бир-бирига жуда яқин икки уйғотилган ҳолатлари орасидаги ўтишига мос бўлган нурланишнинг яшаш давридан 9192631770 марта катта бўлган вақтдир.

Масса ўлчов бирлиги сифатида килограмм (кг) олинган. Маълум геометрик шаклга эга бўлган ва 0°C температурада сақланувчи платина-иридий қотишмасидан тайёрланган халқаро прототипнинг массаси 1 кг деб қабул қилинган.

Температура ўлчови кельвин (K). Абсолют нолдан сувнинг учланма нуқтаси, яъни буғ, суюқ ва қаттиқ фазаларининг мувозанатли ҳолатидаги температурагача бўлган температура интервалининг $1/273,16$ улуси 1 кельвин деб олинган.

Модда миқдорининг ўлчови моль бўлиб, ундаги молекулалар сони углерод-12 нинг 0,012 кг миқдоридаги атомлар сонига тенг бўлади. Молекулалар сони ҳар қандай модданинг 1 моли учун $N_A = 6,02 \cdot 10^{23}$ га тенг.

Механика ва молекуляр физикада келтирилган ҳамма физик катталикларнинг халқаро бирликлар системасидаги ўлчовлари заминида юқорида келтирилган абсолют ўлчов бирликлари ётади. Шуни алоҳида қайд этиш керакки, халқаро системадаги бирликларнинг аксарияти физика фанини ривожлантиришда улкан ҳисса қўшган олимлар номи билан аталган. Бу номларнинг бош ҳарфи эса бирликларнинг белгиси сифатида қабул қилинган. Шунинг учун улар доимо катта ҳарф билан ёзилиши шарт. Масалан, кучнинг халқаро системасидаги ўлчов бирлиги Ньютон. Унинг белгиси Н ҳарфи билан кўрсатилса, энергия бирлиги Жоуль Ж ҳарфи билан белгиланади ва ҳоказо.

Халқаро системада узунликни L , массани M , вақтини T билан белгилаш қабул қилинган. Улар биргаликда LMT системани ҳосил қиласди. Бинобарин, ҳар бир физик катталиқ бирлигини халқаро ўлчов бирликлари m , кг ва с ёки уларнинг белгилари LMT орқали кўрсатиш мумкин. Масалан, қуйидаги жадвалнинг учинчи устунида физик катталикларнинг LMT системадаги ўлчамлари кичик қавс ичига олинган. Агар ўлчов бирлигига температура бирлиги К иштирок этган бўлса, LMT система бу бирликтининг белгиси Θ киритилади ва ўлчам $LMT\Theta$ шаклида ёзилади. Ўлчов бирлигига моль қатнашган бўлса, унинг белгиси N ва LMT система $LMTN$ шаклида ёзилади.

**Механикага ва термодинамикага оид физик катталикларнинг
Халқаро система (СИ) даги бирликлари**

Физик катталиклар га уларнинг белгилари	Үлчов бирлигига асос бўлган ифода	Физик катталикининг бирлиги ва ўлчамлиги	Бирликнинг физик маъноси
1	2	3	4
Узунлик [L]		1 м (L)	Изоҳи жадвалга берилган текстда келтирилган.
Юз [S]	$S = L^2$	1 м ² (L ²)	Томонлари L = 1 метрдан бўлган квадратнинг юзи.
Хажм [V]	$V = L^3$	1 м ³ (L ³)	Томонлари L = 1 метрдан бўлган кубнинг хажми.
Масса [M]		1 кг (M)	Изоҳи жадвалга берилган текстда келтирилган.
Зичлик [ρ]	$\rho = \frac{M}{V}$	1 кг/м ³ (ML ⁻³)	Томонлари L = 1 метрдан бўлган кубда бир текисда тақсимланган 1 кг массасининг зичлиги.
Тезлик [v]	$v = \frac{s}{t}$	1 м/с (LT ⁻¹)	Бир секундда 1 метр узуунлик ўтилади.
Тезланиш [a].	$a = \frac{\Delta v}{\Delta t}$	1 м/с ² (LT ⁻²)	Бир секундда тезлик 1 м/с га ўзгаради.
Куч [F]	$F = ma$	1 Н = 1 кг·м/с ² LMT ⁻²	1 Ньютон куч таъсирида массаси 1 кг бўлган жисм 1 м/с ² тезланиш олади.
Босим [p]	$p = \frac{F}{S}$	1 Па = 1 $\frac{Н}{м^2}$ (L ⁻¹ MT ⁻²)	1 м ² юзга нормал йўналган 1 Н кучдан ҳосил бўлган босим 1 паскаль деб олинган.
Иш [A]	$A = F \cdot s$	1 Ж = 1 Н·м (L ² MT ⁻²)	1 Н кучнинг 1 м масофада бажарган иши ҳисобига жисмнинг энергияси 1 Ж га ўзгаради.
Энергия [E]	$\Delta E = A$	1 Ж (L ² MT ⁻²)	1 Ж энергия ўзгариши ҳисобига 1 Ж иш бажарилади.
Импульс [P]	$P = mv$	1 кг·м/с (LMT ⁻¹)	1 м/с тезлик билан ҳаракатланётган 1 кг массасининг таъсири.
Куч моменти [M]	$M = F \cdot l$	1 Н·м (L ² MT ⁻²)	Елкаси 1 м бўлган 1 Н кучнинг таъсири.

Физик катталиктар ва уларнинг белгилари	Улчов бирлигига асос бўлган ифода	Физик катталиктининг бирлиги ва ўлчамлиги	Бирликнинг физик маъноси
1	2	3	4
Инерция моменти [I]	$I = mr^2$	$1 \text{ кг} \cdot \text{м}^2$ (L^2M)	Радиуси 1 м бўлган айланга бўйлаб ҳаракатланаётган 1 кг жисмнинг инерцияси.
Импульс моменти [L]	$L = mur$	$1 \text{ кг} \cdot \frac{\text{м}}{\text{с}} \cdot \text{м}$ (L^2MT^{-1})	Радиуси 1 м бўлган айланга бўйлаб 1 м/с чизиқли тезлик билан ҳаракатланаётган 1 кг массали жисмнинг таъсирчанилиги
Бурчак тезлик [ω]	$\omega = \frac{2\pi}{T}$	1 рад/с (T^{-1})	Моддий ишқа 1 секундда бир радиан бурчакка бурилади
Бурчак тезланиш [β]	$\beta = \frac{\Delta \omega}{\Delta t}$	1 рад/с^2 (T^{-2})	1 секундда бурчак тезлик бир рад/с га ўзгаради.
Ички ишқаланиш коэффициенти [η]	$\eta = \frac{f}{S \cdot \frac{dv}{dx}}$	$1 \frac{\text{Н} \cdot \text{с}}{\text{м}^2} = 1 \text{ Па} \cdot \text{с}$ ($\text{L}^{-1}\text{MT}^{-1}$)	Тезлик градиенти $\frac{dv}{dx} = 1 \text{ с}^{-1}$ га ўзгарганда бир-бира тегиб турган икки қатламнинг $S = 1 \text{ м}^2$ юзтада 1 Н ички ишқаланиш кучи пайдо бўлишини кўрсатади.
Диффузия коэффициенти [D]	$D = \frac{M}{\frac{d\rho}{dx} \cdot S \cdot t}$	$1 \text{ м}^2/\text{с}$ (L^2T^{-1})	Зичлик градиенти $\frac{d\rho}{dx} = 1 \frac{\text{кг} \cdot \text{м}^{-3}}{\text{м}}$ бир метр масофада 1 кг/м ³ ўзгарганда $S = 1 \text{ м}^2$ юздан 1 с вақт ичидаги ўтилган масса миқдори билан ўлчанадиган катталик.
Иссиқлик ўтказувчаник коэффициенти [x]	$\alpha = \frac{Q}{dT \cdot \frac{dx}{dx} \cdot t}$	$1 \text{ Вт}/\text{м} \cdot \text{К}$ ($\text{LMT}^{-3}\theta$)	Температура градиенти $\frac{dT}{dx} = 1 \frac{\text{К}}{\text{м}}$ бир метр масофада бир К ўзгарганда $S = 1 \text{ м}^2$ юздан 1 с вақт ичидаги ўтилган иссиқлик миқдори билан ўлчанадиган катталик.
Иссиқлик миқдори [Q]	$Q = \Delta U$	1 Ж (L^2MT^{-2})	1 Ж иссиқлик миқдори ҳисобига ички энергия 1 Ж га ўзгаради.

Физик катталиктар ва уларнинг белгилари	Ўлчов бирлигига бўлган ифода	Физик катталиктининг бирлиги ва ўлчамлиги	Бирликкнинг физик маъноси
1	2	3	4
Иссиқлик сифими [C]	$C = \frac{dQ}{dT}$	1 Ж/К ($L^2 MT^{-2} \theta^{-1}$)	m кг массали жисмнинг температурасини 1 К га ошириш учун зарур бўлган иссиқлик миқдорини кўрсатади.
Моляр иссиқлик сифими [C]	$C = \frac{dQ}{Td}$	1 Ж/К·молъ ($L^2 MT^{-2} \theta^{-1} N^{-1}$)	Бир моль газ массасининг температурасини 1 К га ошириш учун зарур бўлган иссиқлик миқдори.
Солиштирма иссиқлик сифими [c]	$c = \frac{C}{m}$	1 Ж/кг·К ($L^2 T^{-2} \theta^{-1}$)	1 кг массали модда нинг температурасини 1 К га ошириш учун зарур бўлган иссиқлик миқдори

МУНДАРИЖА

Сўз бўши	3
Кириш	5
МЕХАНИКА	
I боб. Кинематика	10
II боб. Динамика	22
III боб. Майдон—ўзаро таъсирларини узатувчи материя кўри- нишидир	36
IV боб. Энергия-материя ҳаракатининг универсал ўлчови	48
V боб. Қаттиқ жисм айланма ҳаракат механикаси	63
VI боб. Ноинерциал ва инерциал саноқ системалари	90
VII боб. Нисбийлик назарияси	104
VIII боб. Тебранма ҳаракат механикаси. Тўлқинлар	130
IX боб. Гидродинамика	164
МОЛЕКУЛЯР ФИЗИКА	
X боб. Идеал газ молекуляр-кинетик назариясининг асослари	173
XI боб. Тақсимот қонунлари	186
XII боб. Газларда кўчиш ҳодисаси	201
XIII боб. Иш ва иссиқлик. Термодинамиканинг биринчи бош қонуни	212
XIV боб. Термодинамиканинг иккинчи бош қонуни	231
XV боб. Реал газлар	257
Илова	274

На узбекском языке

**Үткур Кучкарович Назаров,
Ҳабиба Зуфаровна Икрамова,
Камилжан Ахмедович Турсунметов**

**ОБЩИЙ КУРС ФИЗИКИ
МЕХАНИКА И МОЛЕКУЛЯРНАЯ
ФИЗИКА**

*Учебное пособие для вечерних и заочных
отделений ВТУЗов*

Издательство «Ўзбекистон» 1992 — 700129, Ташкент, ул. Навои 36.

*Мұҳаррір М. Пұлатов
Расмлар мұҳарріри Н. Сүнкова
Тех. мұҳаррір Г. Грешникова, А. Бахтияров
Мусақхан M. Мажитхұҗаева*

Теришга берилди 28.01.92. Босишига рухсат этилди 8.06.92. Формати 60X90^{1/16}. №2 босма қозғынга «Литературная» гарнитурда юқори босма усулида босилди. Шартли бос. л. 14,49. Шартли кр. отт. 14,70. Нашр л. 14,23. Тиражи 3000. Буюртма № 389.

«Ўзбекистон» нашриёти, 700129, Тошкент, Навоий кўчаси, 30. Нашр № 8—92. Ўзбекистон Республикаси Матбуот давлат комитети Тошкент Матбаа комбинати нинг ижарадаги корхонасида босилди. 700129. Тошкент, Навоий кўчаси, 30.